



R. BIBL. NAZ.
Vitt. Emanuele III.

RACCOLTA
VILLAROSA

A

355

NAPOLI



Racc. Villaroja

A 355

4-1

König von Ungarn

Matthias

592048

EPISTOLÆ
MATTHIÆ
CORVINI
REGIS HUNGARIÆ
AD PONTIFICES, IMPERATORES,
REGES, PRINCIPES, ALIOSQUE VIROS
ILLUSTRES DATÆ

Quas in Episcopali Civitate Agriensi
DUM EX PRÆLECTIONIBUS
PUBLICIS
PERILLUSTRIS, GENEROSI, AC
CONSULTISSIMI DOMINI

STEPHANI HUSZTY

In Collegio Juris Foglariano prima-
rii Professoris publici Facultatis Juridicæ
DECANI Inclytorum Comitatum He-
vesiensis cum exteriori Szolnok uniti,
ac Ungváriensis Tabulæ Judiciaræ
ex primariis Assessori

CONCLUSIONES EX UNIVERSO
JURE HUNGARICO

Publicè propugnaret
NOBILIS, AC ERUDITUS
DOMINUS

STEPHANUS REDNIK

AA. LL. & Philosophiæ Magister, ac

Juris Patrii Auditor emeritus
OBTULIT, AC DEDICAVIT An. 1744.

CASSOVIAE, Typis Academicis Soc. JESU



REVERENDISSIMO
DOMINO
SIGISMUNDO
SZTOYKA

DE SZALA, ET KRICHFALVA
Venerabilis Capituli Ca-
thedralis Ecclesiæ Agriensis Cano-
nico, Præposito Sancti Petri de
Castro Agriensi, nec non Inclytorum
Gomitatum Ugocsa, & Máramaros
Archi-Diacono.

DOMINO PATRONO, AC
MECOENATI SUO
GRATIOSISSIMO.



REVERENDISSIME DOMINE,
DOMINE MECOENAS.

Quod auxiliante DEO studium meum juridicum optatum tandem attigerit lictus, hoc felicitatis argumentum TIBI in acceptis refero. Enim verò cui potius honor iste, ac veneratio debebatur, quàm illi, cujus profusis favoribus non modò ego liberaliter adjutus sum, sed & Antenati mei, ejus, atque Progenitorum suorum consiliò, auxiliòque fruebantur utiliter. TIBI inquam, in quo Generis TUI claritas sic emicat, ut si lucis antea nihil à Prædecessoribus tuis accepisset, in TE uno satis illustrata esse videretur; cujus virtutes tantæ sunt, ut earum magnitudinem omnes videre, sentireque magis ac ego verbis eloqui, declarareque possum; & licet possem, nè ausim, humili estimatione TUI, ac animi modestiâ probibeor. Prætereo igitur

A 2

1
tur immortalī posterorum memoriā dignam prateritæ ætatis TUÆ conversionem, cui ne quidem respectus, & amor in Parentes superstites quidquam officere potuerat: reclamabant ultrò admiserim. Asectæ dogmatum A catholicorum bonæ intentioni: pergebat impedire & affectus in Parentes à natura inditus; verum animus igne cœlesti inflammatus, nec bene cœpit resistere, jam gloriôsè triumphavit. Non afferam TUAM in Divinis obsequiis pietatem, quæ primo, ac summo ducis labori, cuius exempla tot procul dubiò manifesta experiri licet, quot dies ætatis agimus. Silebo de perfectione ingenii TUI, experientiâ selectissimarum Provinciæ, Gallia potissimum, & Germaniæ excultissimi; quarum TE membrum à scientiarum laude non obscure confitemur, dum TUO fruenter conspectu, eandem admiramur. Neque TUAS duntaxat, sed & quas Domus TUA sibi proprias fecerat virtutes, TIBI cum sanguine hereditarias habes. Habet siquidem Prosapia TUA Nobilitatis iuxta, ac vetustatis monumentum, quod primus posuit, an auxit STEPHANUS SZTOYKA regnante Divo quondam SIGISMUNDO
Re-

Rege, virtute militari clarus, atque Heros sub signis ejus contra Hæreticos Hussitas aded præclarus, ut ob merita Regi, ac Regno, & in defensionem Fidei Catholicæ utiliter præstita, aliquot possessionibus in Máramarosensi Provincia situatis muneratus ab eodem fuerit; quarum caput Possessio Krichfalva extitit nominatum; unde secundum, priori de Szála, Posteris ejus accessit Prædicatum. Et quemadmodum ille meritis de Regno, ac Ecclesia latè inclaruit, ità JOSEPHUS Religione sacratus Ecclesiæ Oppidi Técső Plebanus, fidem in Deum, ac fidelitatem in Ecclesiam ejus, sanguine testatus est, dum pro Fide Catholica, per Hussitas martyriū affici solatio duxit. GEORGIUS in Aula STEPHANI BATORII Regis Poloniae excimè educatus, atque eruditus, ob animi, ac corporis sui dotes, delictum ejus extitit; cui maturiorem ætatem attingenti, Præfecturam Arcis HUSZT, simul cum officio Vice-Comitis, Comitatus Máramarosensis, antea per duos conjunctim administrari consuetam, soli contulit; quod utrumq; cum plena fide, ac industria administravit. Quò munere posteriori, Filius quoque suus


æquè **GEORGIUS**, & **SIMON** fungi
meruit. Hic **SIMON** velut sapientiâ,
atq; rerum, quæ ad Rempublicam Tran-
sylvanicam pertinebant, gerendum
activitate pollens, ità & magnæ autori-
tatis Vir, **MICHAELE APAFT** se-
niore Principatum tenente, cōmuni Rē-
gnicolarum voto, Legatione ad Portam
Ottomanicam, temporibus ejusdem Re-
gni summè perniciosis, functus est. Hu-
jus Filium **SIGISMUNDUM** pro-
pter profundam Jurisperitiam, Tran-
sylvania in existimatione habuit. Pater
TUUS LADISLAUS, Filius modò di-
cti **SIGISMUNDI**, Provinciæ Mar-
maticæ in officio Vice-Comitis multis an-
nis præfuit. Et Tartaros suis tempori-
bus in viscera Regni Hungariæ inundan-
tes, partésq; Szathmarinenses igne, ac
ferrô vastantes, habito cum summis Do-
mûs Austriacæ belli Ducibus literariô
commerciô, ea animi sui fortitudine fu-
gavit, ac profligavit, & millia Christi-
anorum in captivitatem redacta liberavit,
ut à Divo Imperatore, ac Rege **CARO-**
LO SEXTO, quinq; Possessionibus sibi
collatis, se, ac Hæredes suos locupleta-
verit. Tanto isti natalium splendore in
plenum aded effulgebant meridiem! Pa-
tere

tere igitur Reverendissime Domine
Mecenas (& tantisper modestiæ TUÆ
indulge) has calci appositas conclusiones
meas TUIS inscribi honoribus ; quas eō
animi consiliō defendendas potissimum
suscepi , non ut mihi famam compara-
rem , sed ut hoc meum in TE gratitudi-
nis perpetuum foret monumentum. Sa-
tis enim mihi ad commendationem fue-
rit, si TE honorandi studium comproba-
vero. TIBI itaque in testimonium libe-
ralitatis TUÆ, de TUO munere acce-
ptum defero , dum TIBI Patrono , ac
Mecænati profusissimo consecra , dedicō-
que, ac unā Epistolas MATHIÆ quon-
dam Regis, ejus Fidem in DEUM, ve-
nerationem in Clerum, & fortem adver-
sus inimicos animum explicantes, in me-
ditum adfero. Prototypo TE Ectypo di-
gnum. Magnus cum sis , Superi TE
in terris diu superstitem esse velint , &
me , mihiq̃ue sanguine junctos TUIS
Favoribus solari non dedigneris.

REVERENDISSIMÆ DOMINATIONIS TUÆ

Cliens æternū devotus

STEPHANUS REDNIK,



THESES JURIDICÆ

E X

UNIVERSO JURE UNGARICO.

1. **J**ustitia dividitur in naturalem, & legalem. Naturalis est constans, & perpetua voluntas jus suum cuique tribuendi; Legalis verò est observantia legis.

2. Jus pro Lege scripta, & non scripta acceptum, dividitur in Jus naturale, & positivum: hoc in Jus Divinum, & humanum; humanum verò in Jus Gentium, Civile, & Canonicum.

3. Jus naturale est, quod instinctu naturæ per lumen rationis, & non constitutione habetur.

4. Jus naturale propriè sumptum brutis animantibus commune non est.

5. Jus naturale permissivum propriè mutabile non est.

6. Lex civilis Hungariæ, est publica regni constitutio ex unanimi tam populi constituentis, quàm legitimi Principis confirmantis consensu facta.

7. Consuetudo est Jus, specificè sumptum, moribus talis populi introductum, qui potestatis legislativæ particeps est.

3. Re.

8. Requiritur, ut sit bona fide præscripta, & rationabilis.

9. Ad habendam bonam fidem sufficit legalis consensus legislatoris.

10. Contradictione unius, aut paucorum, non interruptitur præscriptio consuetudinis.

11. Valet privilegium contra jus commune, sumptum pro lege scripta, & non scripta; non valet contra jus commune sumptum pro beneficio, aut favore à jure dependente.

12. Privilegium variè dividitur, & variis modis amittitur.

13. Objecta juris sunt tria: personæ, quibus; res, super quibus; & actiones, per quas jus dicitur.

14. Diversitas personarum ex sexu, dignitate, ordine, vitæ instituto, & aliis causis est varia.

15. Patria potestas ad matres non extenditur.

16. Omnes Domini Prælati, & Ecclesiarum Rectores, eadem nobilitatis prærogativâ gaudent, quâ cæteri regni nobiles.

17. Nullus prædicantius helveticæ, & augustanæ confessionis gaudet prærogativâ nobilitari, ratione officii sui pastoralis.

18. Personæ Ecclesiasticæ in certis dumtaxat casibus subjacent foro sæculari.

19. Nobiles regni creantur 5. modis: 1. collatione regia jûrium possessiona-

König von Ansbach

Matthias

592048

EPISTOLÆ
MATTHIÆ
CORVINI

REGIS HUNGARIÆ

AD PONTIFICES, IMPERATORES,
REGES, PRINCIPES, ALIOSQUE VIROS
ILLUSTRES DATÆ

Quas in Episcopali Civitate Agriensi

DUM EX PRÆLECTIONIBUS
PUBLICIS

PERILLUSTRIS, GENEROSI, AC
CONSULTISSIMI DOMINI

STEPHANI HUSZTY

In Collegio Juris Foglariano prima-
rii Professoris publici Facultatis Juridicæ
DECANI Inclytorum Comitatum He-
vesiensis cum exteriori Szolnok uniti,
ac Ungvariensis Tabulæ Judiciariæ
ex primariis Assessori

CONCLUSIONES EX UNIVERSO
JURE HUNGARICO

Publicè propugnaret

NOBILIS, AC ERUDITUS
DOMINUS

STEPHANUS REDNIK

AA. LL. & Philosophiæ Magister, ac
Juris Patrii Auditor emeritus

OBTULIT, AC DEDICAVIT An. 1744.

CASSOVIAE, Typis Academicis Soc. JESU.



REVERENDISSIMO

DOMINO

SIGISMUNDO

SZTOYKA

DE SZALA, ET KRICHFALVA

Venerabilis Capituli Cathedralis Ecclesiæ Agriensis Canonico, Præposito Sancti Petri de

Castro Agriensi, nec non Inclytorum

Gomitatum Ugocsa, & Máramaros

Archi-Diacono.

DOMINO PATRONO, AC

MÆCOENATI SUO

GRATIOSISSIMO.



REVERENDISSIME DOMINE,
DOMINE MECOENAS.

QUòd auxiliante DEO studium meum juridicum optatum tandem attigerit lictus, hoc felicitatis argumentum TIBI in acceptis refero. Enim verò cui potius honor iste, ac veneratio debebatur, quàm illi, cujus profusis favoribus non modò ego liberaliter adjutus sum, sed & Antenati mei, ejus, atque Progenitorum suorum consiliò, auxilioque fruebantur utiliter. TIBI inquam, in quo Generis TUI claritas sic emicat, ut si lucis antea nihil à Prædecessoribus tuis accepisset, in TE uno satìs illustrata esse videretur; cujus virtutes tantæ sunt, ut earum magnitudinem omnes videre, sentireque magis ac ego verbis eloqui, declarareque possum; & licet possem, nè ausim, humili existimatione TUI, ac animi modestiâ probibeor. Prætereo igitur

5
tur immortalī posterorum memoriā dignā prateritæ ætatis TUÆ conversionem, cui ne quidem respectus, & amor in Parentes superstites quidquam officere potuerat: reclamabant ultrò admiserim. Affectu dogmatum A catholicorum bonæ intentioni: pergebat impedire & affectus in Parentes à natura inditus; verum animus igne cœlesti inflammatus, nec bene cœpit resistere, jam gloriôsè triumphavit. Non asseram TUAM in Divinis obsequiis pietatem, quæ primo, ac summo ducis labori, cuius exempla tot procul dubiò manifesta experiri licet, quot dies ætatis agimus. Silebo de perfectione ingenii TUI, experientiâ selectissimarum Provinciâ, Gallia potissimum, & Germaniæ excultissimi; quarum TE membrum à scientiarum laude non obscurè confitemur, dum TUO fruenter conspectu, eandem admiramur. Neque TUAS duntaxat, sed & quas Domus TUA sibi proprias fecerat virtutes, TIBI cum sanguine hæreditarias habes. Habet siquidem Prosapia TUA Nobilitatis iuxta, ac vetustatis monumentum, quod primus posuit, an auxit STEPHANUS SZTOYKA regnante Divo quondā SIGISMUNDO

Re-

Rege, virtute militari clarus, atque Heros sub signis ejus contra Hæreticos Hussitas aded præclarus, ut ob merita Regi, ac Regno, & in defensionem Fidei Catholicæ utiliter præstita, aliquot possessionibus in Máramarosensi Provincia situatis muneratus ab eodem fuerit; quarum caput Possessio Krichfalva extitit nominatum; unde secundum, priori de Szála, Posteris ejus accessit Prædicatum. Et quemadmodum ille meritis de Regno, ac Ecclesia latè inclaruit, ità JOSEPHUS Religione sacratus Ecclesiæ Oppidi Técső Plebanus, fidem in Deum, ac fidelitatem in Ecclesiam ejus, sanguine testatus est, dum pro Fide Catholica, per Hussitas martyriū affici solatio duxit. GEORGIUS in Aula STEPHANI BATORII Regis Poloniae eximie educatus, atque eruditus, ob animi, ac corporis sui dotes, delictum ejus extitit; cui maturiorem ætatem attingenti, Præfecturam Arcis HUSZT, simul cum officio Vice-Comitis, Comitatus Máramarosensis, antea per duos conjunctim administrari consuetam, soli contulit; quod utrumq; cum plena fide, ac industria administravit. Quò munere posteriori, Filius quoque suus


æquè **GEORGIUS**, & **SIMON** fungi
meruit. Hic **SIMON** velut sapientiâ,
atq; rerum, quæ ad Rempublicam Tran-
sylvanicam pertinebant, gerendarum
activitate pollens, ità & magnæ authori-
tatis Vir, **MICHAËLE APAFY** se-
niore Principatum tenente, cōmuni Rē-
gnicolarum voto, Legatione ad Portam
Ottomanicam, temporibus ejusdem Re-
gni summè perniciosis, functus est. Hu-
jus Filium **SIGISMUNDUM** pro-
pter profundam Jurisperitiam, Tran-
sylvania in existimatione habuit. Pater
TUUS LADISLAUS, Filius modò di-
cti **SIGISMUNDI**, Provinciæ Mar-
maticæ in officio Vice-Comitis multis an-
nis præfuit. Et Tartaros suis tempori-
bus in viscera Regni Hungariæ inundan-
tes, partēsq; Szathmarinenses igne, ac
ferrō vastantes, habito cum summis Do-
mūs Austriacæ belli Ducibus literariō
commerciō, ea animi sui fortitudine fu-
gavit, ac profligavit, & millia Christia-
norum in captivitatem redacta liberavit,
ut à Divo Imperatore, ac Rege **CARO-
LO SEXTO**, quinq; Possessionibus sibi
collatis, se, ac Hæredes suos locupleta-
verit. Tanto isti natalium splendore in
plenum aded effulgebant meridiem! Pa-
tere

tere igitur Reverendissime Domine
Mecenas (& tantisper modestiæ TUÆ
indulge) has calci appositæ conclusiones
meas TUIS inscribi honoribus ; quas eô
animi consiliô defendendas potissimum
suscepi , non ut mibi famam compara-
rem , sed ut hoc meum in TE gratitudi-
nis perpetuum foret monumentum. Sa-
tis enim mibi ad commendationem fue-
rit, si TE honorandi studium comproba-
vero. TIBI itaque in testimonium libe-
ralitatis TUÆ, de TUO munere acce-
ptum defero , dum TIBI Patrono , ac
Mecænati profusissimo consecro , dedicô-
que, ac unâ Epistolas MATHIÆ quon-
dam Regis, ejus Fidem in DEUM, ve-
nerationem in Clerum, & fortem adver-
sus inimicos animum explicantes, in me-
dium adfero. Prototypo TE Ectypo di-
gnum. Magnus cum sis , Superi TE
in terris diu superstitem esse velint , &
me , mibi que sanguine junctos TUIS
Favoribus solari non dedigneris.

REVERENDISSIMÆ DOMINATIONIS TUÆ

Cliens æternum devotus

STEPHANUS REDNIK,



THESES JURIDICÆ

E X

UNIVERSO JURE UNGARICO.

1. **J**ustitia dividitur in naturalem, & legalem. Naturalis est constans, & perpetua voluntas jus suum cuique tribuendi; Legalis verò est observantia legis.

2. Jus pro Lege scripta, & non scripta acceptum, dividitur in Jus naturale, & positivum: hoc in Jus Divinum, & humanum: humanum verò in Jus Gentium, Civile, & Canonicum.

3. Jus naturale est, quod instinctu naturæ per lumen rationis, & non constitutione habetur.

4. Jus naturale propriè sumptum brutis animantibus commune non est.

5. Jus naturale permissivum propriè mutabile non est.

6. Lex civilis Hungariæ, est publica regni constitutio ex unanimi tam populi constituentis, quàm legitimi Principis confirmantis consensu facta.

7. Consuetudo est Jus, specificè sumptum, moribus talis populi introductum, qui potestatis legislative particeps est.

8. Re.

8. Requiritur, ut sit bona fide præscripta, & rationabilis.

9. Ad habendam bonam fidem sufficit legalis consensus legislatoris.

10. Contradictione unius, aut paucorum, non interruptitur præscriptio consuetudinis.

11. Valet privilegium contra jus commune, sumptum pro lege scripta, & non scripta; non valet contra jus commune sumptum pro beneficio, aut favore à jure dependente.

12. Privilegium variè dividitur, & variis modis amittitur.

13. Objecta juris sunt tria: personæ, quibus; res, super quibus; & actiones, per quas jus dicitur.

14. Diversitas personarum ex sexu, dignitate, ordine, vitæ instituto, & aliis causis est varia.

15. Patria potestas ad matres non extenditur.

16. Omnes Domini Prælati, & Ecclesiarum Rectores, eadem nobilitatis prærogativâ gaudent, quâ cæteri regni nobiles.

17. Nullus prædicantius helveticæ, & augustanæ confessionis gaudet prærogativâ nobilitari, ratione officii sui pastoralis.

18. Personæ Ecclesiasticæ in certis dumtaxat casibus subjacent foro sæculari.

19. Nobiles regni creantur 5. modis: 1. collatione regia jûrium possessiona-

riorum : 2dò per literas Armales : 3tiò
Præfectione : 4tiò Adoptione : 5tiò Indi-
genatu , legitimè perfectis.

20. Nobilem autem prædialem creare
potest solus , & omnis Archi-Episcopus
Strigonienſis ; & ſola juris poſſeſſionarii
collatione.

21. Omnis mas , & fæmella ex Nobi-
li patre legitimè descendens , eſt nobilis.

22. Ità etiam omnis mas , & fæmella
ex matre legitimè præfecta descendens ,
eſt nobilis.

23. Cognatio alia eſt carnalis , alia ſpi-
ritualis.

24. Carnalis in infinitum non durat.

25. Spiritualis naſcitur ex Baptiſmo ,
& Confirmatione.

26. Hanc contrahunt : *baptiſans , ba-
ptiſatus , baptiſatique parentes. Levans ,
levatus , levatique parentes.*

27. Cognationis carnalis linea dividi-
tur in rectam , & collateralem : illa in
aſcendentem , & descendantem : hæc in
æqualem , & inæqualem.

28. Linea eſt ordinata ſeries persona-
rum , ab uno ſtipite descendantium , per
varias generationes , varios continens
gradus.

29. Gradus eſt intervallum unius per-
sonæ ab altera , in linea conſanguinitatis.

30. Cognationem carnalem in quacun-
que linea coram foro ſæculari inveſtigand-
i regula eſt hæc : *tot ſunt gradus , quot*
gene-

generationes intercedunt, dempto stipite, communi.

31. Coram Foris autem spiritualibus, lineæ collateralis est diversa, una pro æquali hæc: *quot gradibus distat uterque à communi stipite, tot gradibus distant inter se.* Alia pro inæquali, hæc: *quot gradibus distat remotior à communi stipite, tot gradibus distant inter se.*

32. Regula affinitatis est: *quoto gradu quis conjunctus est marito in genere consanguinitatis, eodem gradu junctus est uxori in genere affinitatis; & totâ versâ.*

33. Matrimonium inter ascendentes, & descendentes prohibitum est in infinitum, tam in genere consanguinitatis, quàm affinitatis.

34. In linea verò collaterali, usque quartum gradum inclusivè.

35. Etiam inter affines, si affinitas ex copula licita provenit: secùs usque secundum gradum.

36. In causa æquè probabili Judicis officium est, partes ad accordam inducere; & hoc non succedente, rem inter partes æqualiter dividere.

37. Non potest Judex ad pœnam capitis, & mutilationem membrorum condemnare reum sufficientibus probis gravatum, quem privatâ scientiâ certò scit esse innocentem: potest autem, & tenetur ad alias pœnas.

38. Non

38. Non licet Judici ante litis decisionem munera à partibus accipere; exceptis esculentis, & poculentis parvi momenti.

39. Omni venditioni ex natura rei inest evictio, nisi eam conventio excludat.

40. Nullus Donator propriè talis tenetur evictione.

41. Omnis evictor sequitur forum rei.

42. Facultas sub privatis sigillis Procuratores pro se constituendi, non extenditur ad Plenipotentiarios taliter constituendo.

43. Negligentia Plenipotentiarii nocet Domino: non item dolus ejus.

44. Licetè assumit advocatus causam minùs probabilem: illicitè notoriè injustam.

45. Potest syndicus jure agere vi officii sui, sinè mandato.

46. Transactio habet vim rei judicatæ.

47. Ratione remittendæ hypothecæ validè fit evocatio personalitet æquè, ac de bonis.

48. Actiones personales judicio inclusæ transeunt ad hæredes, non modò ratione rei, sed & pœnæ civilis.

49. Citatio reddit causam judicio inclusam.

50. Subsistit actio alternativè concepta: etiam cum lata, modò aliunde non sit incompatibilitas.

51. Nulla fama, multominùs rumor, probat semiplenè.

52. Nec suspicio, & præsumptio hominis.

53. Tam præsumptio juris simpliciter talis, quam juris, & de jure plenè probat; & posterior nec probationem admittit in contrarium directè.

54. Testis debite requisitus, aliàs jurare obligatus, jurare tamen nolens, cogi potest, etiamsi jurasset contra alterum se nolle fateri.

55. Testis debet esse regulariter idoneus, habilis, & omni exceptione major; exceptis causis Reipublicæ valdè perniciosis.

56. Duo testes singulares singularitate obstativâ, nihil probant, singularitate diversificativa semiplenè: cumulativâ verò, quando actus est successivus, plenè probant, sicuti duo conspirantes: varians probabilius nihil probat: prout nec contrarius sibi: & etiam alteri, si paria fuerint.

57. Oculata revisio, judiciaria plenè, & fortissimè probat; probabiliter etiam extra judicialis, ex officio v.g. medici.

58. Confessio Judicialis ritè facta, directa, & spontanea plenè probat, etiamsi per fictè promissam impunitatem fuerit inductus ad confitendum: qualificata verò nonnisi quoad substantiam.

59. Extrajudicialis verò plenè comprobata, semiplenè.

60. Contra judicialiter confessum opus est sententiâ Judicis condemnatoriâ.

61. Literale instrumentum legitime confectum, non modò publicum, sed etiam privatum authenticum originale plenè probat.

62. Etiam transumptum, cujus originale existere recognoscit transumens; dum modò transumptio facta sit coram aliquo ordinario regni Judice, vel ejus vices gerente: aut in loco authentico: vel in Tabula suæ Majestatis Regiæ.

63. Pariter Archiva, & Prothocola ad asservanda publica Instrumenta erecta.

64. Scriptura privata pro scribente regulariter nihil probat, excepto libro mercantili: probat autem contra plenè.

65. Duo Instrumenta eodem die confecta, mutuò se conquassant; nisi alterum horum emanationis haberet expressam; hoc modò tale prævalet.

66. Falsum in parte, falsum in toto, si membrum falsum cum reliquis sit conexum, vel unum alterius sit accessorium: & non secùs.

67. Juramentum purgatorium locum habet in causis tantùm civilibus, iis, ac talibus, super quibus pacisci licet.

68. Potest recusare juramentum pars jurare debens, per oblationem probæ.

69. Obligatio juramenti ad hæredes jurantis secùs non transit, quàm cum re, vel ratione rei; transit autem ad hæredes ejus, cui juratum fuit.

70. Ad præscribendum necessaria est bona fides.

71. Acquiruntur rerum Dominia variis modis Jure Gentium, & Civili introductis.

72. Acquiritur, & amittitur possessio rerum animò simul, & corpore regulariter.

73. Obligatio alia est naturalis tantum, alia naturalis simul, & civilis; sola civilis non datur.

74. Omnis contractus initur vel re: vel verbis, seu literis: vel consensu.

75. Re initus dicitur, quando principalis causa efficiens est interventus rei; & sic de reliquis.

76. Ad mutuum constituendum requiruntur res fungibiles, numerò, pondere, aut mensurà constantes.

77. Non item ad debitum specificè sumptum.

78. Contractus mutui, quoad excessivum Interesse est ipso jure nullus.

79. Plurium creditorum prioritas juris à tempore intabulationis est metienda.

80. Debitor mutui etiam casum præstare tenetur: non item commodatarius.

81. Ratione Expensarum in rem depositam necessariò erogatarum, competit actio contraria depositario.

82. Non nisi excusso ad peram, & saccum principali debitore, datur actio contra fidejussores.

83. Et tunc stat in arbitrio Creditoris contra unum è pluribus, vel contra omnes agere.

84. Con-

84. Concambialis permutationis, in stricto legis sensu sumptæ, materia principalis sunt res tantum immobiles.

85. Omnis dolus malus antecedens reddit contractum ipso jure nullum, Incidens substantialis rescindibilem: accidentalis verò nihil officit contractui.

86. Omnis metus gravis injustè, & ab extrinseco illatus, reddit contractum ipso jure nullum; non item si ab intrinseco accadat.

87. Vis tamen absoluta, siue naturalis, quam conditionalis, seu civilis, irritat omnem actum, & contractum.

88. Contractus emptionis, venditionis solo consensu perficitur adeò, ut producat actionem implenti parti, adversus alteram ratione rei, aut pretii tradendi.

89. Si res in specie, perfectè, & absolutè sit vendita, damnum ex casu regulariter emptor ferre debet: si verò in genere, ergo venditor.

90. Tutela est vis, ac potestas in capite libero, ad tuendum eum, qui propter ætatem se, suæque defendere nequit, Jure civili data, & permissa.

91. Tutela primariò datur personæ, secundariò rebus; curatela verò rotà versà.

92. Testamentò Tutorem dare potest omnis, & solus ille, qui patriam habet potestatem; quare excluditur etiam mater.

93. Tu-

93. Tutor esse potest omnis mas, qui specialiter non prohibetur, & perfectam virilem ætatem haber.

94. Ætas in Tutrice naturali non attenditur.

95. Tutore testamentariò v. g. ab hostibus captò, vel aliter impeditò, tutela legitima (si non deficit) & non dativa locum habet.

96. Bona Immobilia, & mobilia orphani, quæ servando servabilia sunt, Tutor secus alienare non potest, quàm necessitate cogente, & pro utilitate pupilli.

97. Authoritas Tutoris est vis, ac potestas illa, quam Tutores in personis pupillorum, rebûsque eorum administrandis habent.

98. Pupilli sinè Tutorũ suorum auctoritate nihil, quod conditionem suam facit deteriorem, agere possunt.

99. Acta pupillorũ sinè Tutoris auctoritate interventa, quibus conditionem suam faciunt deteriorem, ipso jure sunt irrita.

100. Etiam acta Tutorum talia, quæ pupillo sunt præjudiciosa.

101. Quibus verò conditionem suam reddant meliorem, ipso jure valent.

102. Contractus per pupillum, sinè Tutoris auctoritate initus, ab utrinque obligatorius, alteram quidem pupillo obligat: hunc verò illi neque naturaliter.

103. Omnis Tutor, & Curator, singulô trienniô rationes dare tenetur, excepto Patre, & Matre; illô absolutè: hâc verò donec ad alia vota non transiverit.

104. Privilegium excusationis non modò Tutoribus competit, sed etiam Curatoribus.

105. Tutela, & Curatela legitima regulariter ad modum successionis procedit.

106. Multitudo filiarum æquè, ac filiorum inducit privilegium excusationis.

107. Non tamen mortuorum: in utero existentium: adoptivorum: neque naturalium tantum: neque nepotum regulariter.

108. Suspectos accusare potest omnis, excepto pupillô.

109. Omnis Tutor, Curator, dandis rationibus obnoxius, ex suspitione amotus, tenetur in duplo reddere, quidquid ex mala administratione orphano interierit.

110 Infidelis præterea, si Infidelitatem in personam orphani, aut ratione Jurium ejus possessionariorum exercuisse judicialiter constiterit, poenam infamiæ juris incurrit.

111. Diverso tamen processu.

112. Donationis Juris possessionarii species sunt quinque: per defectum seminis: per notam infidelitatis: titulô juris regii: titulô novæ Donationis: & per consensum regium.

113. Omnis, & sola Donatio juris possessionarii debet statutione firmari.

114. Hominem regium, aut Palatinalem validè agit ignobilis, & impositus, si fuerit Notarius Curiae Regiae, sub modò exmissus.

115. Inefficax est contradictio coram solo homine regio, aut solo Testimonio interposita.

116. Occasione restitutionis non est locus contradictioni.

117. Testamentum origine Juri Gentium, quoad formam verò Juri civili adscribitur.

118. Mutus, surdus, cæcus testari potest, modò aliud non obstat.

119. Licitè, & validè agit mulier testem Testamenti.

120. Testamentum insolenne nequidem naturaliter obligat.

121. Codicillus præsupponit testamentum; adeoque ruente testamento ruit codicillus.

122. Codicillo hæres institui, aut substitui non potest.

123. Non possunt plura testamenta ejusdem simul valere; possunt tamen codicilli.

124. Dolus in partem testamenti incidens, totum Testamentum inficit.

125. Legatum purè lucrum continet: hæreditas verò & lucrum, & onus.

126. Validè legatur res etiam hæredis propria, aut aliena scienter talis.

127. Res legata in specie. sinè facto hæredis periens, Legatario perit.

128. Liberi naturales simul, & legitimi succedunt Parentibus ab intestato, exclusis ascendentibus, & collateralibus.

129. Liberorum religionem bonorum possidendorum incapacem ingredientium successio nulla est.

130. Neque liberi mares, æquè ac fæmellæ religionem bonorum possidendorum capacem ingredientes succedunt ab intestato in æquitis.

131. Succedunt autem in aviticis hac modalitate : quòd quotiescunque condignus valor bonorum remansorū summam Florenorum *quingenta millium* non excefferit, ratæ portionis pretii decimalitatem capiant: si verò valor dictam summam excedat, semper summam *quinque millium* Florenorum consequantur.

132. Apprehensionem hujusmodi successionis, ratio nondum factæ professionis non impedit.

133. Si novitius mutata intentione è religione exiverit: aut nondum professus decesserit, dictam Decimalitatem religio restituere tenetur; non tenetur autem, si professus decesserit.

134. Quoad successionem ab intestato nil refert, an liberi sint sæculares, vel Ecclesiastici: pariter nil interest, sint nati, an posthumi.

135. Proximior non excludit remotiorem, si remotior gaudet Jure representationis.

136. Alii succedunt in stirpes: alii in capita.

137. In Bonis hominis notorii per gratiam restitutis, succedunt soli liberi post gratiam nati.

138. Filius notorii medio tempore captivitatis conceptus, & natus, nec in bonis per gratiam restitutis succedit, neque ex portione filiorum ante crimen natorum participat.

139. Liberi naturales per Principem legitimated, existentibus legitimis hæredibus, non succedunt.

140. Liberi verò per subsequens matrimonium legitimated, instar aliorum legitimorum simul, & naturalium succedunt.

141. Liberi legitimi tantum, tam patri adoptanti, quam naturali simul, & legitimo succedunt, modò verum sit adoptionem usque ad mortem adoptantis durasse.

142. Liberi naturales tantum, tam Patri, quam Matri, eorumque ascendentibus ab intestato non succedunt.

143. Deficientibus liberis, ad successionem defuncti ascendentes admittuntur.

144. In aquisitis defuncti conjuge non existente, soli ascendentes succedunt: in aviticis verò unà cum collateralibus defuncto, proximo gradu junctis.

145. Parentes naturales tantum, non succedunt liberis suis naturalibus tantum.

146. Deficientibus descendantibus, & non relictis ascendentibus, fratres, & sæpè etiam sorores legitimi simul, & naturales, vocantur ad successionem in infinitum, juxta gradus prærogativam.

147. In casu defectus prolium, mutuo succedunt conjuges in bonis pignoratiticiis, & rebus mobilibus, exclusis ascendentibus.

148. Fæmella cum consensu eorum, quos protunc proprietas Bonorum respicit, homini impositio nato nubens, quartalitium jure perpetuo obtinet.

149. Ex Bonis sexui tantum masculino cum conditione, ut illo deficiente fæmineus succedat: vel, ut illo deficiente fæmineus titulo pignoris succedat, collatis, quartalitium non competit.

150. Validè alienat rationabili de causa, & præmissa admonitione, unus fratrum indivisorum tantundem, quantum ratam suam portionem non excedit.

151. Omnis ædificii necessariò positi pretium solvere tenetur reluens actuali Domino, nisi contrariè sit conventum.

152. Nullius ædificii utilis pretium tenetur reluens solvere, si de eo conventum non est.

153. Nullum ædificium voluptuosum in bonis in hypothecatis erectum, est persolvendum, nisi de solvendo ejus pretio expressè sit conventum,

154. Omnis, & solus ille hypothecarius convincendus est in amissione summae, qui probabilem non levationis summae rationem non assignat.

155. Delictum aliud est privatum, aliud publicum: privatum aliud est reale, aliud verbale: hæc iterum variè dispecuntur.

156. Restitutio Bonorum violenter occupatorum non extingvit poenam.

157. Cessante officiolutu, non potest patrator violentiæ ex officiolutu evocari.

158. Quotiescunque officialis propter injurias reales ex officiolutu illatas, vincitur, toties executio de Bonis Domini sui peragenda est.

159. Dominus autem, si commissio ejus ad patrandum non accessit, ab officiali suo ejusmodi recompensam habere potest: idque processu litis regulariter, & non viâ facti.

160. Propter amissas in actione vocalas *in*, & *ad* causa condescendere nō debet.

161. Bona violenter occupata potest V. Comes cum sibi adjungendis intra annum auctoritate legis restituere, sinè processu litis.

162. Error in qualitate personæ, ut si quis manus injiciat in Nobilem, putans eum esse Ignobilem, poenam non minuit.

163. Injuriam verbalem inferentem à poena ebrietas excusat.

264. Non solum injurians, sed etiam mandans, & committens actione injuriarum tenetur.

165. In pœna violatæ sedis convictus, potest pœnam cum minori onere suô mândo compensare, non modò in anulo, sed etiam horologio, baculo, & alia re.

166. In detentione invagiatorum pecorum, dies non juxta horas computatas, sed ut in se sunt, considerari debent.

167. Oblata per Dominum pecorum damni refusione, nec triduò licet pecora detinere.

168. Decimæ quoad substantiam sunt Juris Divini: quoad formam verò Juris Civilis.

169. Debentur ex frugibus, in specie: tritico, siligine, hordeo, avena, & spelta: ex vinis item, agnellis, hædis, & apibus.

170. Decimas dare tenetur omnis, qui à jure specialiter exemptus non est.

171. Nullus Nobilis tenetur solvere Decimas ex propriis terris, exceptis Scapuliensibus.

172. E contra omnis Nobilis tenetur solvere ex terris alienis, jure colonicali possessis.

173. Jure colonicali autem possidetur omne id, à quo Domino terrestri census, datæ, aut labores rustici de jure debentur, licet de facto non exigantur.

174. Jus præarendationis non durat ultra festum S. Georgii militis, & Martyris.

175. Terminus colligendarum è frugibus decimarum inchoativè est festum S. Stephani Regis.

176. Omnis tenetur convehere Decimas ex frugibus suis obventas.

177. In Bonis sæcularium prius nona Dominorum est exigenda; deinde Decimæ: In Bonis verò Dominorum Prælatorum rotâ versâ.

178. Non tamen tenetur Decimator ultra prædictum S. Stephani Regis festum nonatorem expectare ratione frugum.

179. Neque ratione vinorum, usque festum Epiphaniæ Domini.

180. Contra denegatores Decimarum duplex surgit actio: alia expræhabito usu ad pœnam dupli coram V. Comite: alia ex fundamento Juris coram Curia Regia ad aquirendum usum.

181. Hæc posterior non requirit probationem usûs, sed sufficit ex jure deberi usum, & possessionem.

182. Nonam (idem est de octava, septima &c.) Domino terræ solvere negligens, amittit hæreditates subjectas; ordine tamen juris, non viâ facti.

183. Licitè denegatur vectigal teloniale, hebræo teloniatore.

184. Jurisdictio sanguinis, sive Jus gladii in genere est jus, & potestas in criminalibus, in corpus, & sanguinem reorum, sententiam pronuntiandi, & exequendi, & ad hæc necessariis utendi.

185. Omnis malefactor sæcularis, etiam privata cujusvis sæcularis autoritate, capi potest in flagranti.

186. Extra flagrans verò publica potestate, sæculares ignobiles extra statum militem constituti, ad nudam accusationem capi, & captivari possunt per quemcunque magistratum sæcularem politicum in proprio territorio, sive gremio provinciae suae: Nobiles verò praevia Inquisitione ipsos aggravante, per competentem magistratum legitime citari debent, præter casus speciali lege exceptos.

187. Personae militares crimen incurrentes per quemcunque sæcularem capi possunt in flagranti, sed intra triduum Magistratui suo militari resignari debent.

188. Marito jus gladii habenti, contra suam conjugem in sua sede judicialiter agere ratione nullius criminis licet.

189. Malefactor capitalis criminis reus erga fidejussione extradari non potest.

190. Si Adulter maritum se invadentem prætextu defensionis suae occiderit, poena homicidii voluntarii à legibus humanis statuta, tenetur.

191. Volens occidere Paulum, & casu tangens interim ensque Petrum, poenae mortis ordinariae subiacet.

192. Filium tamen errantem in persona, loco patris alterum occidentem, excusat à poena parricidii, licet non à poena homicidii.

193. In furto etiam primo, parvitas rei contrectatae non excusat à poena suspen-

pendii ordinaria, si circumstantiæ, & adjuncta aggravantia, nec non ratio consequentiæ adsint.

194. Furti poenam ordinariam Iudex variis ex causis mitigare potest.

195. Fur suspensus rupto laqueo, vivus decedens, denuo suspendi debet.

196. Furem nocturnum occidere licet si fiat in defensam sui ipsius, aut rerum suarum, si capi non possit.

197. Uxor contra maritum adulterum criminaliter agere non potest.

198. Atque ideo maritus adulter poenæ mortis non subiacet.

199. Tunc reus ignobilis torturæ subji-
ciendus est, dum ultra mediam probam
præsumptione gravatur.

200. Nobiles autem torturæ subji-
ci non possunt nisi in casibus exceptis.







I.

E P I S T O L A MATTHIAS REX AD IMPERATOREM ROMA- NORUM.

*Significat, sibi placuisse pacta conventa,
qua retulit Joannes Varadinensis.*



Erenissime Princeps!
R. in Christo P. D. Jo-
annes Episcopus Ec-
clesiæ Varadinensis, qui
de nonnullorum ex
Nobis consilio ad V.

M. accesserat, his diebus ad Nos
reversus habitos cū V. M. tractatus
Nobis, & aliis Fratribus Nostis nunc
hīc existentibus retulit, & explicavit.
Proinde plurimas S. V. gratias agi-
mus de tam benevolo responso, &
his temporibus planè accommodatis,
simo; quibus populus Christianus

**

A

con.

continuis paganorum vexationibus afflicatur. Dictorum autem tractatum Articuli Nobis quidem M. V. benevolentiam, & rerum, & temporum conditiones considerantibus satis placuerunt, sed ut etiam ab Universitate Regni acceptentur, in hac Congregatione Generali proximè futura dabimus operam, & rem deduci curabimus ad effectum pro honore V. S. ac nostra, & omnium Christianorum utilitate: prout ex his, Georgio Præposito Pofoniensi, & Stephano Plebano Budensi latiùs intelliget V. M. Datum &c. 1460.

II.

R E S P O N S I O

*Ad Proposita Legati Apostolici in Negotio tractatum de pace cum Imperatore in-
unda.*

Reverendissime Pater! Ea, quæ R. P. V. hesterno die proluxioribus verbis commemoravit, S. D. Rex Noster satis clarè intellexit. Explicavit siquidem inprimis ipsa R. P. V. sollicitudinem Sanctissimi D. N., quam adhibuit concordandis Principi-

pibus Christianis , ea nimirum de causa , ut quique domesticisurbationibus liberi adversum communes inimicos, & Fidei hostes unanimiter insurgerent. Tetigit defatigationes ipsius Sanctissimi D. N. (a) & habita propter hoc itinera , Concilia , & Diætas. Novissimè ob id ipsum, & V. R. P. ad partes Germaniæ , & Poloniæ ab Apostolica Sede transmissam , cui deinde in Bohemia existenti Bullam facultatis oblatam cum mandato transeundi ad Imperatoriam Majestatem , & hoc Regnum videlicet pro intelligendis utrinque differentiis , & concordia procuranda. Item demum labores, & tractatus unà cum Domino Variensi apud Cæsarem habitos , & rem ad certos Articulos deductam Regiæ M., jam ut dicitis, non ignotos , sed & per R. P. V. aliàs notificandos ; & quoniam hæc res esset non particularis, sed publica , debere Serenissimum D. R. N. & Regni Proceres circa eam nequaquam dor-

(a) Mantuz celebratus est Conventus Principum , cui ipse interfuit Pius II.

mitare , aut torpere , sed vigilare plurimùm , ac maturare , ne fortè periculum interveniret ex mora. Super quibus Serenissimus D. N. Rex habitata cum Consiliariis suis deliberatione , R. P. V. hunc in modum pro hac vice jubet breviter responderi: quantum studii , & industriæ ab ipso felici suæ vocationis exordio rebus Christianis semper impenderit Sanctissimus D. N. manifestum est ; satisfecit plenè Beatitudo Sua Officio Pastoralis , cùm nullum Christianitatis latus providentiæ suæ expers reliquit , nec quidquam ex parte sua prætermisit intentatum. Qua in re maximas Suæ Sanctitati gratias debent omnes , qui usquam Christiano nomine populi censentur , & præsertim hoc Regnum , quod potissimùm instante jam Illustri Dominio Venetorum Beatitudinis Suæ curam , & tam pias , ac studiosas visitationes frequentius experitur. Cæterùm omisso illo R. P. V. ab Urbe discessu , & itinere in Germaniam , ac Poloniam , & aliis rebus prudenter sanè , & magnificè gestis , quæ omnia

nunc

nunc à proposito nostro remotiora videntur, descendendum est ad rem ipsam. Optat, & ad hoc se missum dicit R. P. V. ut intelligat differentias, inter Imperatoriam, & Regiam Majestatem existentes. Quæ quidem differentiae mirum est, si soli P. V. R. nondum sunt notæ, cum & Sedi Apostolicæ non semel sint expositæ, & penè crebris auribus rōties inculcatæ, coronæ scilicet detentio, metarum occupatio, impedita Regni libertas, & alieni juris cum titulo nomen assumptum. (b) Unde adeò turbata sunt omnia, ut quæcunque damna postmodum per Turcos illata sunt huic Regno, & quidquid in Asiam usque perdidimus, inde causas habuerint, quia cum maximè habebamus animum resistendi Turcis, tum minimè dabatur omnium vicino, & inopinato antea æmulo terga infestante. Nec dum adeò fracti eramus, ut nostra armis recuperare, ac defendere vel

A 3 ani-

(a) Petrus de Réva scribit Fridericum Imperatorem non tantum Coronam retinuisse Hungariæ, sed privatim Neostadii etiam coronatum fuisse.

animus Nobis deesset, vel facultas, nisi quod interim contigit, ut illinc V.R. P. ex mandato Apostolico interveniret: hinc D. Varadinensis in Slavoniam duntaxat missus, ad Imperatorem Romanorum ultro diverteret, & ea tractaret, quæ in certos redacta sunt articulos Regiæ tum Majestati in specie nondum apertos. Non enim dictum Dominum Varadiensem Sua Serenitas ad hoc adstrinxit, ut eos sibi ostenderet, quia non ex suo mandato, sed ex quorundam Regni Principum Consilio his se tractatibus inseruit. Vestram autem R. P. cum eos Articulos opportunum duxerit declarare, S. D. N. Rex libenter videbit. Quos quidem R. P. V. maximi esse contendit ponderis, & momenti, nec ad particularia pertinere commoda, sed omnium in iis salutem contineri, & propterea quamprimum amplectendos esse vehementer exhortatur: ad quam partem respondet Regia Majestas pro præfatis Articulis singillatim cogitans, & quorum interest, accedente consilio, facile ad id Sua Majestas poterit persuaderi, quod

mod hujus Regni ipectat ad salu-
m , cùm omnes suæ cogitationes,
consilia ad id maximè dirigantur,
hoc Regnum suum , quod Chri-
anorum Propugnaculum dici po-
st , quietum reddat , conservet ,
amplificet , ac tandem adversùs
lei hostes præcipuè tueatur , quò
tam potentiaæ suæ summam con-
terere assiduè cogitat, & intendit.
unc autem Ser: S. prout R. P. V. inti-
atum est heri, & alia incumbunt ne-
otia, licèt his aliquantò leviora, di-
tionem tamen minùs admittentia,
everendissimus etiã Dominus Stri-
onienfis necessitatem habet saltem
uadriduo in Ecclesia sua permane-
re, quo mox reverso & his , qui
ocati sunt, advenientibus S. D. N.
lex cum R. P. V. rem hanc ampliùs
discutiet , & pertractabit,
Datum &c. 1460.



MATTHIAS REX

HIERONYMO ARCHI-EPISCO-

PO CRETENSIS.

De adventu ejus gratulatur, & negotiorum interventu præpeditus moram petit.

Reverendissime Pater! Adventum V. R. P. dudum ad aures nostras fama detulerat. Quam quidem R. P. V. cum Nobis, & huic Regno Nostro ingenti affectam benevolentia sensissemus, magnò propterea gaudiò perfundebamur. Nunc autem referente F. Nostro R. in Christo P. D. Joanne, Episcopo Varadiensi informati certius, & clarius omnia intelleximus, & multò magis de præsentia ipsius R. P. V. gratulamur cupientes eandem quàm primùm videre, & colloqui. Sed quia nunc in hoc Oppido Vacienfi cum hostibus Nostri partium Regni superiorum infestatoribus (a) valdè arduos, & quos omittere, vel

(a) Bohemos latrocinia exercentes in Hungaria ex Oppidis, & castris suis ejicere deliberabat.

differre consilia Nostrorum Nos
permittunt, habemus tractatus,
propter quos necessariò, & alia mul-
& magna R. D. Archi-Episco-
n Strigoniensem scilicet, & alios
nullos Regni Nostri tam Præ-
sides, quàm Barones potiores quam-
vis ad Nos in hunc ipsùm lo-
cum de proximo mandavimus con-
venire: P. V. R. plurimùm rogamus,
non habeat tædium paulisper
cessandi. Nam his, quàm bre-
vissimè fieri potest, expeditis, cum
ita V. R. P. constituemur de in-
venientibus negotiis cum eadem
que ulteriori dilatione pertracta-
ti, & finem breviter imposituri
oportunum. 1460.

IV.

MATTHIAS REX (a)
GERONIMO ARCHI-EPISCO-
PO CRETENSIS.

*negotia publica quadam feliciter peracta si-
gnificat.*

In Christo P. Ea, quæ post
discessum R. P. acta sunt, &
hujus Regni momentum affe-
rent, eidem aliqua ex parte, & ali-

A 5

as

às intimavimus, & nunc summatim duximus commemoranda. Inprimis itaque cum Vajvodâ partium Transalpinarum concordiam inivimus, qui etiam ad præsens contra Turcos agit feliciter, & fortiter, pro auxiliis quotidie sollicitat. Nam conditiones illæ induciarum cum Turco constanter repulsæ sunt, non quia hoc tempore Nobis damnosæ, sed quia ignominiosæ videbantur. Deinde cum Comitibus de Bozyn facta pax est. Porro cum Imperatore tractatum, prout scripsimus ex Berecz, super qua re, ut scilicet tractata cum eo pax confirmetur, nec non & pro aliis necessitatibus, nunc generalem habituri sumus congregationem, & speramus omnia ad effectum successura. In præsentiarum hîc Vacix constituti laboramus in factò Giskræ, quod & ipsum prospero jam finî propinquat. Hæc omnia ea potissimum intentione agitamur, ut tandem defensionî hujus Regni adversum infideles, & Christianorum propugnationi liberiùs vacemus. Ista, &
alia

credimus, quòd R. P. V. tam literis D. Petri Veneti specialius ellexit, quàm ex Oratore Relistic affuturo intelliget. Comdamus ex affectu tam publica, un etiam privata negotia R. P. V. am omnipotens diu, & feliciter serset incolumem ad vota. Va.
1460.

V.

MATTHIAS REX EPISCOPUM VARA- DINENSEM.

*em negotiorum urgentium causa ad se
cerfit.*

Everende in Christo Pater Fi-
delis nobis dilecte! Multa qui-
a undique non solum de die in
n, sed de hora in horam sæpi-
occurrunt, quorum ferè singu-
tanti momenti sunt, ut in eis
us Regni status pendeat, & ni-
uam celerrimè provideatur, pe-
alum in mora sit. Cum autem
s plenè cognitos non habeamus
tractatus, nescimus interim
alibus negotiis aliquam certam
ini-

inire deliberationem, tum propter alia, tum quia ignoranter tale aliquid disponere possemus, quod fortè illis tractatibus noceret, vel aliquam turbationem afferret, proinde F. V. diligentissimè requirimus, quatenus non habito respectu ad hos dies Sanctos, quàm citissimè ad Nos festinare debeatis, quia humana negotia temporum opportunitatibus plurimùm gubernantur, Divinis verò servitiis quodlibet tempus est aptum, & quidquid pro salute Patriæ agitur, sacrificii locò est. Nec Dominus Legatus imputare poterit vobis, si eo per bonum modum relicto, præsertim in tantis necessitatibus aliquantulùm præcurratis. Iterum rogamus F. V. in hoc aliud non faciat, ne & animus noster in ambiguo ultra hæreat, & rerum agendarum opportunitas interlapsa convertatur in importunitatem. Datum 1460.



ORATIO

OMINI EPISCOPI QUIN-
QUE-ECCLESIENSIS E MAN-
DATO REGIO AD LEGATUM
APOSTOLICUM.

*ratias agit nomine Regis, & Regni pro
cura, & studio pacis concilianda inter
eundem Regem, & Imperatorem.*

Reverendissime Pater ! Nomine,
& mandato Serenissimi Do-
mini Regis, ac Prælatorum, & Ba-
onum Regni, cum R. P. V. pauca
loquar. Causam adventûs V. P. R.
ac susceptos pro Rep. Christiana la-
bores Regia Serenitas, & priûs in-
tellexerat etiam ex relatione R. D.
Varadinensis, & postea commemo-
rante ipsa R. P. V. recognovit; mis-
sam scilicet eandem esse à Sede Apo-
stolica (a) inter alia pro differen-
tiis inter Imperatoriam, & Regiam
Majestatem componendis. Qua in
re

(a) Annò 1459. celebratus est conventus Mantuz, & eum
Oratores Hungari ibidem Imperatorem criminarentur,
quòd laborantibus sibi Turcorum bello molestias adderet
suis incurfionibus, & tumultibus, Pius Papa promittit,
se de concordia inter eos insunda laboraturum.

re tam Regia Serenitas, quàm Domini Prælati, & Barones, ac Regnum universum, quàm possunt maximas gratias agunt S. Domino Nostro, *quia visitavit, & fecit Redemptionem plebis suæ, & erexit cornu salutis nobis.* Nihil profectò potuit Sua S. hoc tempore cogitare, & agere officio suo pastorali convenientius, nihil rebus Christianis conducibilius, nihil denique DEO, & hominibus acceptius; & licèt Sacrosancta Sedes Apostolica semper habuerit hoc Regnum perpetuâ sibi obedientiâ morigerum, nunc tamen adeò sibi omnes devinxit, ut nihil sit, quod non ei pro tanta in Nos ostensa benevolentia debere fateamur. Florebit diu propter hæc Beatissimi Domini Pii Papæ II. clarum ubique Nomen, & nostri ejus meminerint minores. Cæterùm ad quales Articulos tandem deducti sint cum Imperatore Romanorum habiti tractatus, Regia Majestas intellexit, super quibus cum Consiliariis suis, & Universitate Regnicolarum meritò existimavit conferendum, & quamvis noverit, nihil

hil se unquam adversùs præfatum Imperatorem commisisse, quæ statum suum, & Regni hujus libertatem perturbare conari debuisset; tamen cùm inter illius, & suos quondam Prædecessores Amicitia, & confederationes semper viguerint, & id Christianorum negotiis etiam nunc maximum afferat momentum, acceptare se omnia profitetur, & omnibus suum præbet consensum, quæ ad hujus tam utilis, & necessariae pacis pertinent firmamentum, non attentis dictorum articulorum (b) difficultatibus, sed magis eorum, & temporum conditione pensata, acquievit in eo Sua Serenitas Prælatorum, ac Baronum suorum sanioribus Consiliis, & maluit in præsentiarum Christianorum vacare defensionì, quàm injuriarum suarum vindictæ quoquo modo insistere. Domini autem Prælati, & Barones, quorum in persona omnia illa tractata sunt, idem ferè pro sua parte respondent: communicaverunt ea
cum

(b) Literæ, & puncta concordia: extant in append. Bonfin.

cum Fratribus suis, & communitate Regni, quantum opus fuit, & non quidem Articulorum facilitate allekti, quorum sanè graves sunt quidam, sed aliis etiam multis, & rationabilibus causis inducti etiam onerosas concordiae partes amplectuntur, ac paratos se ad omnia fore dicunt, quibus ea, quæ conclusa sunt, ad summam optati perducantur effectus. Id esse ad præsens judicant optimum, & quantivis emendum, si dissensionibus sopitis, confinibus restauratis, coronâ redemptâ, pace undique parata liberiores, & expeditiores per hoc contra hostem fidei tam animis reddantur, quàm viribus; de cujus terribili adventu fama in dies gravior pulsat aures. Proinde R. P. V. rogant, quatenus, si id sibi per mandatum Apostolicum licet, ad Imperatorem celerius revertatur, eadem tam pronam, & proposito accommodatam omnium nostrum voluntatem referat, mentemque ejus in pristina intentione stabiliat, ut feliciter coepta felici consummatione terminentur. Postremò R. P. V.

tam

Serenissimus D. N. R., quàm Do-
ni Prælati, ac Barones, & cuncti
agricolæ, quantas animis suis con-
ere valent, grates specialiter re-
int pro tanta in se affectione, pro
ceptis tam studiosè laboribus, pro
ima in his rebus adhibita diligen-

Omniū quippe judiciō R. P.
non aliter pro hac Patria labora-
, quàm si oriunda esset ex eadem,
quidquam prætermisit, quod ad
iorem suum proprium, quod ad
us Regni tranquillitatem, quod
lique ad salutem totius populi
ristiani spectabat. Utinam ali-
d pro R. P. V. agendum quan-
que occurreret, experiretur certè,
m libenter vicem favoris repen-
ent, quàm memores Beneficio-
acceptorum forent. Nunc quod
sunt, R. P. V. meritis prosequun-
laudibus, & honorifica saltèm
e, animorum suorum debitam
titudinem contestantur; quam ta-
a mox etiam literis Sanctissimo
mino Nostro, & orbi terrarum
larare non omittent. Budæ
60.

DE ZAGRABIENSIS ECCLESIAE RESTAURATIONE.

BARONES AD PANYAN. (a)

*Significant voluntatem Regis de restau-
rando Episcopatu Zagrabienfi: hortan-
tur, ne quem obicem ponat, &c.*

Serenissimus Dominus Noster Rex
cùm animadvertisset Ecclesiam
Zagrabiensem unam ex notabilio-
ribus Regni hujus quondam Eccle-
siis fuisse, ac Magnum DEO cultum,
& ingentia Regno ipsi servitia priùs
inde solita exhiberi, nunc autem in-
ter contendendum dissidia triginta
ferè jam ab annis quotidie declina-
re in pejus, & tam in Divinis, quàm
temporalibus magis, ac magis defi-
cere, nec unquam per altercantium
litigia, quæ ulteriori potius Servi-
tuti, quàm tempestivæ liberatio-
ni ejus causas ministrant, diu expe-
ctatum negotio finem imponi pluri-
mùm Regali officio suo convenire
duxit, si inter alia his diebus utili-
ter

(a) Potens Dynasta fuerit in Regno Slavoniæ, vel Croa-
tiæ.

provisā etiam Ecclesiam illam de
diuturna oppressione, & hoc
serabili statu tandem relevaret.
igitur causis motus, ac per S.
N. Summum Pontificem sæpe
nitus, per Nos denique rogatus,
bitō superinde Nobiscum consiliō
turō pro restauratione præfatæ
clesiæ viam excogitavit certam,
unicam. Verū inprimis bona
multas nunc in partes distracta
ad manus undique recolligere
revit, ac tandem recollecta ido-
tradere personæ reformanda.
apropter vice sui Magnificum
toldū Elderbach Comitē de We-
cze (b) illuc transmisit, qui Ec-
iæ illius Castra, Castella, Villas,
Oppida, cum pertinentiis quibus-
t suo Regio interim nomine oc-
et, teneat, & defenset. Proin-
F. V. rogamus, & hortamur, ac
omnino consulimus, quatenus
li partium litigantium, nec ali-
, qui bona illius Ecclesiæ deti-
B 2 net,

te Monyorokérék alibi legitur. Unus ex Austriacis illis
bilibus fuerit, qui contra Fridericum Matthiæ adhe-
sit.

net, assistere velit: nec se in hoc facto quomodolibet opponere; sed sic agat: ut magis ei grates referri possint, quàm aliter provideri sit necesse. In hoc F. V. manifestè ostendet, si consilia nostra sequi intendit, prout semper consuevit contineri. Datum &c. 1460.

VIII.

DEMETRIO CHVVPOR (a)
CONCLUSIO PRÆCEDEN-
TIS.

PRoinde F. V. monemus, & hortamur, & ità omnino consulimus, ne huic Regiæ voluntati quoquo modo reluctetur, sed ea, quæ tenet, pacificè remittat, quia prout scimus, taliter eandem F. V. Sua Serenitas intendit reddere contentam, quod cum statu, & honore valebit permanere, in quo & Nos suo tempore libenter cooperabimur, si hoc

(a) Demetrius Chwpor inter Episcopos Zagrabienſes reperitur apud Szent-Ivany. Huic ſive unus è Dynaſtis, ſive Episcopus fuerit, qui cedere ſuo Episcopatu debuit, ut alibi dicetur, eadem, quæ ad Panyan ſcripta eſt Episto-
la, ſola conclusio eſt diverſa.

hoc consilium nostrum videbimus
non fuisse neglectum, alioquin V.
F. nulli, nisi sibi ipsi poterit impu-
tare, si per ignorantiam, quod ab-
sit, seu contumaciam aliqualem fa-
cti sui causam deterioraverit in futu-
rum. Datum &c. 1460.

IX.

REVERENDISSIMO
IN CHRISTO PATRI, & D. JA-
COBO TITULI S. CHRYSOGONI
Præsbytero, Cardinali Papien-
si, Domino mihi honorandis-
simo, Episcopus Varadinensis.

*Significat, à se nullam vim, nec injuriam
Thomæ Episcopo Zagrabiersi illatam, imò
potius causam ejus defendisse &c.*

Reverendissime in Christo Pater!
scribit mihi R. P. V. pro R. P. D.
Thoma (a) Episcopo amicissimo suo,
qui contra efficacia, & aperta jura
super Ecclesia Zagrabienfis, & vis
B 3 eti-

1) Thomas iste de Debrethe, vel Debrenthe, postea obtinuit
dignitatem Episcopatus Nitriensis, annò scilicet 1468. ut
habet Szent-Ivany. Hunc ipsum verò fuisse, colligitur ex
aliis Epistolis, in quibus Episcopatus Nitriensis eidem
oblatus significatur.

etiam illata sit , nec esse æquum: bonum . Patrem ab Ecclesia sua eliminatum vagari ferè ut mendicum, Cæterum me, si modò velim, efficere posse, ut causa hæc æquabiliter componatur. Ecquidem R. P. cæteri quid egerint, ipsi viderint : Ego pro Me ipso recta fronte respondeo, quòd per Me nec lis ulla, nec vis D. Thomæ, aut cuiquam illata est. Lis si illata fuisset , in Curia Romana, & in vestris auribus verti debuisset. De vi supervacaneum est loqui, cùm ipse D. Thomas non violenter ab Ecclesia sua eliminatus, intra cujus limina fortassis nunquam fuit, sed cùm manere domi honorificè posset, sua sponte præter honestatem ordinis magis mendicat : nec Ego cum eo quidquam unquam commercii habui, præterquam quòd causam ejus qualemcunque semper, ut arbitror , sustentavi potius, quàm perturbavi non tam acceptatione personæ ipsius , quàm gratiâ Ecclesiæ Zagrabienfis sinè alterius injuria liberandæ. Nunc quoque quid egerim , testis est R. Pater D. Marcus.

Epi-

Episcopus Tinniniensis, & pristini
 æpositi mei, & præsentium labo-
 rum conscius. Sanè omnia Me apud
 Regiam Majestatem posse invidio-
 rum dictu est, cùm Serenissimus D.
 Rex & per se sapiat fati, & Con-
 siliarios habeat complures momenti
 majoris, & Ego tam, nimium posse
 opto quidem. Quantulacunque
 meen potestas mea sit, abuti ea
 nolum. Vestra verò P. R. omni lau-
 dignissima est, cùm propter alia,
 et ob hoc præcipuè, quòd miseris
 compatitur, & pro amicis tam stu-
 dense laborat. Si enim D. Thomæ
 lem se exhibet Advocatum, & Pro-
 ctorem, palàm ostendit, si quis a-
 lis eo non inferior amicitiam V. R.
 meruisset, merebiturve, quid pro
 fuisset, sitve factura. Quam
 Omnipotens diu servet incolu-
 mem, ac felicem.

1460.



MATTHIAS REX AD POPULUM ECCLESIAE ZAGRABIENSIS.

*Sciam de restaurando Episcopatu Zagrabien-
si mentem aperit, & Elderbachio, cui
cura hac commissa est, obedientiam pra-
stari imperat.*

Matthias &c. Fidelibus Nostri-
s universis, & singulis, Judi-
cibus, Juratis, populis quoque in-
colis, & Jobagyonibus Oppidorum,
Villarum, & omnium possessionum.
Episcopatus Zagrabientis, salutem,
& gratiam! Cum animadvertisse-
mus Ecclesiam Zagrabientem unam
ex notabilioribus Regni hujus quon-
dam Ecclesiis fuisse, ac magnum Deo
cultum, & ingentia Regno Nostro
servitia prius inde solita exhiberi,
nunc autem inter contendendum
diffidia triginta jam ferè ab annis
quotidie declinare in pejus, & (a)
tam in Divinis, quàm in tempora-
libus magis, atque magis deficere,
nec

(a) Szent-Ivany hanc Ecclesiam 40. annis vacasse scribit.

nec unquam per altercantium litigia,
 quæ ulteriori potius Servituti, quàm
 tempestivæ liberationi ejus causas
 ministrant, diu expectatum negotio
 finem imponi plurimùm Regali Offi-
 cio Nostro convenire duximus, si in-
 ter alia his diebus utiliter provisâ
 etiam Ecclesiam illam de diuturna
 oppressione, & hoc miserabili statu
 tandem relevaremus. His igitur cau-
 sis moti, & per Sanctissimum Do-
 minum Nostrium Summum Pontifi-
 cem sæpè moniti, per Prælatos de-
 nique, & Barones nostros rogati ha-
 bitô cum eisdem superinde maturô
 Consiliô pro restauratione præfatæ
 Ecclesiæ viam excogitavimus certam,
 & unicam. Verùm imprimis bona
 ejus multas nunc in partes distracta
 nostras ad manus undique recollige-
 re decrevimus, ac tandem recoile-
 cta idoneæ tradere personæ refor-
 manda. Quapropter vice Nostri
 hunc Magnificum Bertoldum Elder-
 bach de Monyorokerék Comitem
 Nostrium de Werewcze vestri in me-
 dium transmisimus; qui Ecclesiæ il-
 lius Castra, Villas, & Oppida cum

pertinentiis quibuslibet Nostro inter-
 tum Nomine occupet, teneat, &
 defendet. Proinde FF. VV. distri-
 ctissimè præcipientes mandamus, a-
 liud omnino habere nolentes, qua-
 tenus visis præsentibus memorato
 Magnifico &c. vel hominibus suis
 non curando omnes alias personas
 in cunctis obedire, tanquam Nobis,
 & quidquid vobis agendum præce-
 perit, id sinè contradictione, dila-
 tione, & tergiversatione quapiam
 agere tamdiu debeatis, quousque à
 Nobis aliud habueritis in mandatis,
 secùs in præmissis, in quantū maximā
 contra Vos indignationem Nostrā, &
 vestra gravamina evitare vultis, nul-
 latenus facere ausuri; alioquin com-
 misimus annotato Comiti &c. ut
 Vos ad ea per modos competentes,
 & vias omnino compellat opportu-
 nas, præsentibus perlectis.

Datum &c. 1460.



ALIA SIMILIS AD EOSDEM
PRÆTER SUPRADICTA.

UNiversis, & singulis Vassallis,
seu Prædialibus Episcopatus
Zagrabiensis Salutem, & Gratiam!
Cum animadvertissemus &c. *in su-
pra.* Alioquin quicumque vestrum,
quod ablit, annotato Bertoldo se
opposuerint, aut eidem quoquo mo-
do non obtemperaverint eum inter
alia etiam prædio suo privari facie-
mus. Præsentem autem perlectas
reddite præsentanti. Datum &c.
1460.

XII.

VARADINENSIS EPISCOPUS
AD DOMINUM CARDINA-
LEM S. ANGELI.

*Curam, & administrationem Episcopatus
Zagrabiensis sibi nimis quàm onerosam
significat. Se, & Sua commendat.*

Reverendissime Pater! Ad eam
partem literarum Vestræ Reve-
rendissimæ Paternitatis, ubi erat
mentio Ecclesiæ Zagrabiensis specia-
liter respondere duximus necessa-
rium.

rium. Cùm autem R. P. V. & statum ipsius Ecclesiæ optimè noverit, & eliberationis ejus semper apparuerit studiosissima, nec informanda est amplius, nec exhortanda, sed tantùm de intentione Nostra reddenda certior, quam ex fiducia familiaritatis R. P. V. clariùs aperire statuimus. Testis est inprimis ipsa R. P. V. quoties jam ad hoc negotium fuimus impulsì & intromittere Nos recusavimus multis, & ùt Nobis videtur, rationabilibus de causis; nam quis est usquam hominum, cujus animo majora minoribus, impacata quietis, turbulenta tranquillis, quassa integris, dissipata solidis, periculosa tutis, litigiosa pacificis, & quodam modo incerta certis plùs placeant? & nunc non otiosæ quietis desiderio, nec alicujus temporalis commodi spe allecti, verùm rogati per Cæsarem, per Serenissimum D. N. Regem, & Prælatos, ac Barones propè coacti opus hoc pi-um quidem, sed laboriosum, & exhausturum Nos potiùs, quàm locupletaturum Divinis freti auxiliis tan-

tandem aggredimur. Mōnet Nos Ecclesia illa Mater Nostra, tot jam per annos inter Sæcularium detentiones, & infinitas contendendum altercationes quotidie vergens, mōnet Provincia illa propria nostra in servitute posita, & à corpore hujus Regni quasi penitus avulsa. Utinam reperta fuisset, sicut & reperiri fortassis poterat alia quævis persona, quæ recuperare amissa, unire dispersa, & regere valeret instaurata. Nihil opus esset hos jam fessos & ætate, & laboribus, & interdū valetudine humeros tanto oneri subicere, ac famā nostram hætenus quoquo modo illibatā ponere in dubium. Sed quoniam ita Dei, & hominum voluntas fert, & melius videtur ferè omnibus, præterquā Nobis, translationi aquiescere decrevimus, modò cum tali provisione transferamur, unde idonea habere interim possimus adjumenta, dum Ecclesiæ illius bona per tot manus distracta recolligimus, asserimus, reformamus. Non cupiditatem explere, sed à perficiendi facultate non deferri optamus. DEUS omnia, ut sunt,

sunt , novit : Mortalium sæpe varia , & sæpe falsa sunt judicia. Non notanda notant , ambitionis , avaritiæ , levitatis innoxios criminantur. Hinc prima nostræ mentis fluctuatio confurgit. Alter metus est , efficiendæ rei difficultas. Veremur , & non immeritò veremur , ne si rem temere , ac præsertim sinè firmioribus subsidiis fuerimus aggressi , statûs , & honoris Nostri grave detrimentum patiamur , Ecclesiæ verò illi nihilomagis proficiamus. Nam si Coelum sustinere ausus Atlas fatigata cervice ponderi cesserit , & non sit Vicarius Hercules , qui casuram subeat molem , ruent omnia , & obfuent inprimis illum , qui sustentare conabatur. Ecclesia illa , ut est notum , per se invalida est , nec potest brevi tempore , ac sinè magnis laboribus , & multis sumptibus reparari. Artes parùm proficient. Veniendum erit sæpius ad arma. Cùm jam omnia habebuntur in manibus , expectandum tamen erit , dum respirent gravatæ possessiones , dum resarciantur lacerata , repleantur de-

fo-

solata, reædificentur destructa. Custodia tantisper, & defensio non cessabunt. Nequaquam improbum videtur postulare, quibus hæc fiant auxiliis, & unde interim vivatur? Cæterum quæ sit hæc provisio, aut unde sit, Nos nihil nominamus, imò nec curamus, modò ea sit, quæ verisimiliter his rebus sufficiat. Mentem D. Regis, & Consiliariorum ejus ultra literas scripta informatio, & Nunciorum Regalium viva relatio declarabunt. Competitorum (a) verò meritis non est derogare Nostrum, viderit Summus Pontifex, viderit Rex, quibus, aut quantis debeant esse contenti, quorum alter festinavit ad Curiam, alter fermè jam quater huc vocatus non venit, & fortassis etiam hac contumacia causam suam fecit deteriore. Quod reliquum est, R. P. V. obsecramus, & obtestamur, quatenus aut tempestivè Nos commoneat, his non immisceri, aut taliter provideri curet, ut ignominiosè tandem incepto desistere non compellamur. Postremò

non

(a) Demetrium Chapor, & Thomam hic inquit.

non quidem necessitate, sed affectu
cogente iterum, & iterum comen-
damus singulariter Nos, & Ecclesi-
am illam, & honorem præcipuè in
hac parte Nostrum V. P. RR. quam
Omnipotens conservare dignetur
diu incolumem, ac felicem. Datum
1460.

XIII.

MATTHIAS REX AD PAPAM PIUM II.

*Significat Joannem Varadinensem tandem
à se persuasum, ut Ecclesiam Zagrabi-
ensem acceptaret: petit aliis æmulis si-
lentium imponi &c.*

Beatissime Pater Noster! Multis
jam temporibus complures No-
stri prædecesores frustra tentârunt
Ecclesiam Zagrabiensem in hoc op-
pressionis statu fluctuantem restitu-
ere tranquillitati, testis est R. D. Por-
tuenſis Sedis Apostolicæ Cardinalis,
qui etiam tempore Illustris quon-
dam Genitoris Noſtri curam super
hoc ejus licet inefficacè præſens vi-
dit. Nobis etiam ab initio hæc fuit
una præcipuè curarum, nec un-
quam

quam in hoc ulque tempus via competens Nostræ patuit voluntati. Nam personæ contendendum etiam alioquin parum idoneæ turbabant magis, quàm promovebant ipsius Ecclesiæ liberationem, ac propterea constabat aliâ magis idoneâ opus esse personâ: cujus industriâ ordinarentur confusa, & tandem gubernarentur restaurata. Nec quisquam alius huic rei satî aptus jam dudum occurrebat, nisi Episcopus Varadinensis Ecclesiæ Joannes, sed is, quoties ad hoc ipsum impellebatur, propter corporis valetudinem tum sanè vacillantem, multos & quidem justos, ac rationabiles in contrarium allegabat respectus, puta: illius Ecclesiæ intricatissimas condiciones, & bona plûs quàm in decem partes per diversas manus distracta, quæ recolligere ab occupatoribus, & reformare perquàm laboriosum esset, ac longum. Transendum erat de portu in pelagus, de copia ad inopiam; & super omnia, tametsi sciebat DEO placiturum, quod fecisset, reformidabat tamen illorum criminationes, ac calumni-

as, quibus id erat cessurum incom-
modo: aliorum etiam mortalium
judicia in talibus semper varia, &
frequentius perversa non immerito
verebatur. Verum his diebus, cum
multa, & magna negotia dispo-
nere ad meliorem deinceps Re-
gni Nostri statum pertinentia, ne il-
lius quidem Ecclesiæ sumus obli-
ti: sed vehementiore, quam alias in-
stantia usi tandem sub certa forma
induximus hominem, ut se patere-
tur transferri, ac tam pio desiderio
nostro ulterius non denegaret assen-
sum. Cæterum quia, ut est notis-
simum, dicta Ecclesia non potest
tam citò, ac sine magnis laboribus,
& impensis ex unguibus tot deten-
tatorum evelli, nec etiam, si pla-
nè jam esset evulsa, pro nunc æqui-
valet Varadinensi, imò nec æqui-
valebit forsitan impofterum: ideo
provisionem excogitavimus oppor-
tunam, unde hic novus instaurator
haberet interim adjumenta, donec
præfata Ecclesia pristinæ sufficien-
tiæ redderetur. De Competitori-
bus verò submovendis media quæ-
dam

dam tenere posse animadvertimus,
ac deliberavimus, ut aliis minori-
bus debeant esse contenti, prout eo-
rum merita requirunt; quem-
admodum hæc plenius Ladislao
Wesen Marefcallo Curiae, (a) & Ora-
tori Nostro prosequi commisimus,
hinc etiam Nicolao Custodi Eccle-
siae Vacienfis B. V. cubiculario, &
sollicitatori rerum Nostrarum in
Curia Romana informationem in-
scriptis dedimus evidentem ex No-
stra, & Prælatorum, ac Baronum
Nostorum sententia. Quæ quidem
nobis via omnino videtur obser-
vanda, per quam solam, & unicam
viæ hoc succedere procul dubi-
o test, quæ si nunc fuerit neglecta,
unquam fortassis eadem, vel simi-
lis occasio se offeret in futurum.
Quapropter S. V. humiliter, & quàm
humilissimè supplica-
us, ut misereatur tandem illius
Ecclesiae triginta ferè jam ab annis
cotidie labentis in pejus, & juxta
liberationem Nostram, quam ex

C 2

di-

dictorum Prælatorum, & Baronum,
ac omnium Regnicolarum Nostro-
rum consilio fecimus, & cui assi-
stere modis omnibus intendimus,
transferat personas, & jubeat æmu-
los illos olim cum damno Ecclesiæ
altercantes secundum præfatam in-
formationem Nostram aliis esse con-
tentos: perpetuum eisdem super
hoc de cætero silentium imponen-
do; eo super omnia proviso, ut one-
ris tanti susceptor laborem, quem
pro Ecclesia, & DEI honore subi-
turus est, valeat commodè, ac fe-
liciter consummare. Satisfaciet ni-
mirum in hoc officio suo Pastoralis;
& quanquam bonis omnibus rem-
faciet longè gratissimam, verifimi-
liter tamen DEO magis, quàm ho-
minibus B. V. complacebit. Quam
omnipotens diu, ac feliciter con-
servare dignetur incolumem,

Regimini Ecclesiæ suæ Sa-
cro-sanctæ. 1460.



PRÆLATI, ET BARONES AD
P A P A M.

Supplicante pro restaurando Episcopatu Zagrabienſi.

BEatissime Pater! post devotam
recommendationem ad pedum
oscula Beatorum, Statum miserabi-
lem Zagrabienſis Ecclesiæ multo à
tempore per diversas manus oppres-
sæ B.V. optimè novit. Nec etiam
illud ignorat, quoties jam sit de li-
beratione ejus frustra laboratum.
Nunc autem inter alia, quæ his die-
bus utiliter provisæ sunt, Serenissi-
mus Dominus Noster Rex unà No-
bilicum viam excogitavit ad id op-
portunam, per quam solam, & uni-
cam Ecclesia illa recuperari potest,
ac reformari, ut scilicet quibusdam
personis translatis idoneus eam re-
staurator suscipiat, aliunde tamen
interim sustentandus. Competito-
res verò pro merito sub competen-
ti statu jubeantur esse contenti, pro-
ut hæc omnia tam ex literis præſa-
ti D. Regis Nostri, quàm ex nuncio-

rum ejus viva relatione S. V. pleni-
 us, & specialius intelliget. Cui &
 Nos quàm humillimè, ac diligentis-
 simè supplicamus, quatenus in hoc
 voluntati ipsius D. R. ac Nostro de-
 siderio deesse non velit, sed habito
 tandem respectu ad Ecclesiam illam
 tot jam labentibus annis labentem
 juxta formam deliberationis Regiæ,
 ac Nostre procedere dignetur ad
 effectum. Eo super omnia provi-
 so, ut is, qui tantum onus subibit,
 statum aliquem valeat interim obti-
 nere, ne laborem, quem pro illa
 Ecclesia, & DEI honore susceptu-
 rus est, perficere non possit. Qua
 in re licet multum bonis omnibus,
 DEO tamen magis, quàm homini-
 bus R. V. complacebit. Quam omni-
 potens diu, ac feliciter servet
 incolumem Regimini Eccle-
 siæ suæ Sacro-sanctæ.

1460.



PRÆLATI, ET BARO- NES DOMINO PORTU- ENSI.

*Cui Ecclesia Zagrabienſis negotium com-
mendant.*

Reverendiſſime Pater ! Status mi-
ſerabilis Zagrabienſis Eccleſiæ
à tempore multo per diverſas manus
oppreſſæ R. P. V. notior eſt , quàm
ut debeat à Nobis declarari. Quo-
ties etiam ſit jam de liberatione e-
jus fruſtra laboratum , nemo locu-
pletior teſtis eſt , quàm eadem R. P.
V. quæ his rebus non modò inter-
fuit , verùm etiam præfuit frequen-
ter. (a) Nunc autem inter alia ,
quæ his diebus utiliter proviſa ſunt ,
etiam ad illius Eccleſiæ liberationem
via patuit dudum quæſita. Ea vide-
licet , quæ adhuc præſente R. P. V.
tentata ſæpiùs eſt. Sed R. P. D. Jo-
anne Epifcopo Varadienſi certis , &
quidem rationabilibus ex cauſis recu-
ſante transferri , fuit dilata. Qui

C 4

jam

(a) Tempore Joannis Huniadis Hungariæ Gubernatoris ,
quo agi ceptum eſt de reſtauratione hujus Epifcopatus.

jam dictæ translationi secundum certam formam, licet difficulter, tamen præbuit consensum. Proinde hæc est Serenissimi D. N. Regis, & omnium Nostrum deliberata, & unanimis sententia, ut Competitores illi pro merito suo competenti statu remaneant contenti, & dicto D. Varadiensi, qui aliter hoc onus suscipere nec potest, nec debet, usque ad recuperationem, & reformationem præfatæ Zagrabiensis Ecclesiæ de aliis beneficiis provideatur, unde possit interim adjuvari, prout per Oratores Regios, qui super his omnibus informationem in scriptis habent, poterit R. P. V. clariùs edoceri. Quæ cum sit hujus Regni Patrona singularis, sicut in aliis omnibus, ita & in hoc negotio ad eam Nobis duximus recurrendum. Et quidem eò magis, quòd restaurationem illius Ecclesiæ non minùs R. P. V. quàm Nobis cordi esse habemus exploratum. Rogamus igitur eandem quàm diligentissimè, ut partes suas apud Sanctissimum D. N. interponat, ne hanc unicam, & nunquam

quam fortè ulterius, si nunc negligatur, redituram tam sanctæ, ac piæ rei occasionem Sua Sanctitas præmittat, sed simul officio suo Pastoralis, & Regiæ voluntati, & Nostri, ac bonorum omnium votis quamprimum satisfaciatur, eo super omnia proviso, ut oneris tanti susceptor laborem, quem pro illa Ecclesia, & DEI honore subiturus est, commodè valeat consummare. Promotionem hujus rei ad effectum speciali confidentia à V. R. P. expectamus. Quam Omnipotens diu seruet incolumem, ac felicem. 1460.

XVI.

MATTHIAS REX

DOMINO DE URSINIS, DOMINO S. MARCI &c. CARDINALIBUS SINGILLATIM.

De eodem Negotio.

Reverendissime Pater ! Scripsimus, & nuntiavimus Sanctissimo D. N. supplicantes super facto Zagrabienſis Ecclesiæ, quam ex diuturna oppressione per viam tandem

liberare opportunam , præter quam nulla prorsus alia occurrebat , de Prælatorum , ac Baronum Nostorum statuimus consilio ; & unanimi voluntate. Quapropter R. P. V. non minore fiducia , quàm affectu rogamus , quatenus apud S. D. N. huic tam pio Nostre devotionis proposito suffragetur , & partes suas taliter interponat , ut simul illa Ecclesia liberationem , & Nos postulata nostra tempestivè consequamur. Placebit non minùs DEO , quàm bonis omnibus R. P. V. labor , & hujus tam sanctæ rei promotio salutaris. 1460.

—XVII.

MATTHIAS REX AD CARDINALEM S. ANGELI.

De eodem Negotio.

Reverendissime Pater ! cum his diebus unà cum Prælatiis , & Baronibus Nostriis multa , & magna disponderemus ad meliorandum Regni Nostri statum opportuna , inter alia convertimus oculos nostros ad Ecclesiam Zagrabiensem , olim , ut est

est notum, oppressam, & dissipatam,
 cui nunc magis, quàm unquam a-
 liàs compassi liberationem ejus fru-
 stra tentatam non potuimus ultra
 differre, ac tandem induximus Fide-
 lem nostrum R. in Christo P. D. Jo-
 annem Episcopum Ecclesiæ Varadi-
 ensis ad translationem acceptandam,
 ita tamen, ut usque ad recuperatio-
 nem, & debitam reformationem il-
 lius Ecclesiæ per tot manus divulsæ,
 aliis interim Beneficiis adjuvetur.
 Competitores verò illos, quorum
 contentiones factum istud hætenus
 retardârunt, pro merito suo com-
 petenti statu decrevimus esse conten-
 tandos, prout unicum hunc hujus rei
 modum, & propterea minimè ne-
 gligendum, ac viam per Nos delibe-
 ratam Oratores Nostri, qui super o-
 mnibus informationem in scriptis
 habent, R. P. V. specialius declara-
 bunt. Et licèt procul dubiò creda-
 mus hoc tam pium, & sanctum Ne-
 gotium non minùs cordi esse R. P.
 V. quàm Nobis, tamen ex supera-
 bundanti rogamus eandem non mi-
 nore fiducia, quàm affectu, quate-
 nus

nus apud S. D. N. partes suas interponat, ut in ea re Voluntati nostræ, ac bonorum omnium desiderio maturius satisfaciat, eo super omnia proviso, ut oneris tanti susceptor laborem, quem pro illa Ecclesia, & DEI honore subiturus est, valeat feliciter consummare. Omnipotens diu servet R. P. V. incolumem, ac felicem. Datum &c. 1460.

XVIII.

MEMORIALE SUPER ECCLESIA ZAGRABI- ENSI.

Datum Nuntiis, & Oratoribus, quos Matthias hoc, & prioribus annis Romam miserat.

Dominus Rex inter alia his diebus utiliter provisa statuit etiam providere Ecclesiæ Zagrabienſi dudum oppressæ. Et quia videt, quòd Dominus Varadiensis in pluribus bene laboravit, & quòd per nulum illa Ecclesia possit liberari, nisi per ipsum; deliberavit cum Prælatiſ, & Baronibus, ac toto Regno, libe-

liberationem præfatæ Ecclesiæ committere Domino Varadiensi, sicut & commisit defacto. Et vult, quòd interim, donec illa Ecclesia recuperetur, & reformetur, unam teneat cum titulo, in altera habeat administrationem cum utroque gladio: hoc intelligitur de Zagrabiensi, & de Varadiensi. Et quòd Præpositura quædam de Glogoncza (a) Ordinis Templariorum, qui Ordo jam ferè ubique, & præsertim in hoc Regno defecit, incorporetur Ecclesiæ Zagrabiensi, quæ Præpositura deductis expensis pro nunc vix facit florenos 60. & Panian tenet in ea quendam suum Castellatum: sed ipse regit pro sua voluntate, & percipit fructus.

Item vult Dominus Rex &c. quòd Thomas, qui est notabiliter notatus in multis, contentetur de illa una
Ab-

(a) Præposituram de Glogovicza B. Mariæ Virginis Canonico-
rum Regularium S. Augustini, vel quod verisimilins est,
S. Sepulchri Hierosolymitani refert Spent-Ivany catal. 50:
an eadem, quæ Glogoncza?

Abbatia videlicet S. Martini^(b) quæ æquivalet unum competentem, & bonum Episcopatum, & extendit se in proventibus prope ad septem millia florenorum, & imponatur ei perpetuum silentium in aliis. Deme- trius autem similiter sit contentus de Abbatia de Zeek, & de Abbatia de Bela : ^(c) quæ ambæ extendunt se in proventibus prope ad sex millia florenorum, & imponatur similiter silentium super Episcopatu Zagra- biensi. Consulatur Dominus Car- dinalis S. Angeli, si quomodo ho- nestè posset transferri D. Colocensis ad Ecclesiam Varadiensem, videli- cet cū pallio, & titulo Archi-Episco- pali, & Jurisdictione Provinciæ. Ad hoc tamen D. Colocensis pro nunc non vult adstringi, sed in sua volun-
tate,

(b) Thomas de Debrenthe simul Episcopus Jaurinensis, & Comendatarius Ecclesiæ S. Martini præsit huic Abbatiæ annis 20. ut refert Szent-Ivany ex Archivio ejusdem Proto- Monasterii, sed non video, qua ratione scribatur defuisse 1456. eum eo anno Matthias Rex, qui hanc ei Abbatiam per indultum Pontificis contulit, nondum regnaverit.

(c) Abbatia de Bela S. Margarethæ in Dioc. Strigon. alia iterum de Bela B. M. V. in Slavonia. Abbatia Zirsch, seu Circensis B. M. V. in Dioc. Vespri. Abbatia Zeer-Mone- stra (Diocesis non constat) adferuntur à Szent-Iv.

tate, & electione istud dimitti. Et si contigerit ipsum transire ad Ecclesiam Varadinensem, quòd eo casu Ecclesia Colocensis, prout se nunc habet, detur ad manus D. Varadinensis administrativè vice scilicet Ecclesiæ suæ prioris. 1460.

XIX.

EPISCOPUS VARADINENSIS
A D P A P A M.

Significat Ecclesiæ Zagrabienfis bona recuperata, & in unum collecta esse.

ADvenit tandem R. P. D. Marcus Episcopus Tinniniensis, qui & alia nonnulla nomine V. S. retulit. Inter alia provisionem ejusdem super certis Ecclesiis hujus Regni, quibus ex rebus, quòd ad R. P. D. Thomam Episcopum attinet, nihil aliud scimus, aut credimus, nisi quòd postquam rediverit, & Serenissimo D. Regi ea, quæ in talibus requiruntur, præstiterit, consequetur possessionem pacificam Ecclesiæ Nitriensis. Abbatia verò de Zeek hisce diebus ad manus suorum per eundem D. Regem est jam defacto
re-

remitti iussa. Cæterùm præsentem Zagrabienſis Eccleſiæ ſtatum, V. B. ſignificandum exiſtimavi; nam cùm in Sclavonia nuper eſſemus, Divina miſeratione primùm, deinde Sereniſſimi D. Regis favore, ac etiam Reverendiſſimi D. mei Colocenſis adjutorio factum eſt, ut bona illius Eccleſiæ poſt triceſimum tandem annum à manibus Laicorum penitus eximerentur, & quaſi in unum corpus quamvis ſatis vexata, & afflicta reſtituerentur; ità ut nunc tam unita ſint, quàm ante triginta annos fuerunt temporibus cujuſlibet legitimi poſſeſſoris. Nec quidquam reſtat ad integram omnium expeditionem præter certam pecuniæ ſummam exolvendam. Igitur cùm Principaliſ mea intentio ſemper fuerit circa liberationem Eccleſiæ, & nunc tam citò præter ſpem abunde ſatiſfactum voto meo ſit, ſupplico S. V. humiliter, ne me ultrà cogat in hac re grave aliquid ſubire. Nihilominus tamen memoratus D. Tinninienſis plenè per omnia informatus coram referet, quidquid in
hoc

hoc negotio amplius intelligere B.
V. desiderabit, quam Altissimus diu
servet felicem Regimini, & amplifi-
cationi Ecclesiæ suæ Sacro-sanctæ.
1460.

XX.

PIUS PAPA AD MATTHIAM.
CHARISSIMO IN CHRISTO FI-
LIO MATTHIÆ HUNGARIÆ RE-
GI ILLUSTRIS PIUS PAPA II.

*Cui suam de Ecclesia Zagrabiensi judicium
exponit &c.*

Charissime in Christo Fili salu-
tem, & Apostolicam Benedicti-
onem. Venit ad Nos venerabilis
Fr. Noster Thomas Zagrabiensis Epi-
scopus cum instantia petens, ut in
controversia, quæ sibi cum suis ad-
versariis super eadem Ecclesia fuit,
non gratiam facere, sed justitiam ad-
ministrare vellemus. Vidimus quo-
que quid Tua Serenitas per cedula
suam ad dandam illi Ecclesiæ pacem
postulârit à Nobis. Durum judica-
res eidem Thomæ Justitiam dene-
gare, cum illi, & omnibus simus ex
pastorali officio debitores. Com-
mi-

missimus hujusmodi causam dilecto
 Filio Nostro Nicolao Titulo S. Petri
 ad Vincula Præsbytero Cardinali,
 Viro fideli, & docto juridicè audi-
 endam, & referendam Nobis in Con-
 sistorio Nostro. Auditæ sunt par-
 tes ab eo, Jura, quæ habebantur,
 hinc inde producta, ventilata res
 in aliquot menses, ad relationem
 tum ventum est. Judicavimus Nos,
 judicaverunt & Fratres Nostri San-
 ctæ Romanæ Ecclesiæ Cardinales
 validum esse Jus Thomæ, adversa-
 riorum infirmum. Exigebat hic or-
 do Justitiæ, ut patefaceremus sibi,
 quæ Nobis erant comperta, & sup-
 plicantis votum non differremus in
 longum: verum diu jam cupientes
 laceratam hanc, & miserè vexatam
 Ecclesiam beneficiò sedis quiescere,
 ac per novum Pastorem in spiritua-
 libus, & temporalibus debitè repa-
 rari, celatâ eidem Thomæ Justitiâ
 ipsum hortatione Nostra induxi-
 mus, ut contentus Nitriensi Eccle-
 siæ præfici, item Monasteria B.M.V.
 Montis Pannoniæ, & alterius de
 Zeek, ex dispositione Apostolica
 ha-

habere, eidem Zagrabienſi, & Juri ſibi in illa competenti libere cederet. Conditionem hanc chariſſime Fili pro pace contendentium, & utilitate tam inſignis Eccleſiæ ſumus amplexi, nec diſponendum aliter duximus. Ipſum autem Monafterium de Zeek cū per Tuam Serenitatem contra Juris debitum eſſet illi perperam aſſignatum, & per eandem ſinè Authoritate, ac diſpoſitione Sedis receptum, non libenter ſibi relinqvimus, videntes ab utroque Veſtrū in hoc eſſe erratum. Sed ad majus incommodum evitandum ità tolerandum, & agendum putamus: expectabimus ad tres menſes, à die datarum præſentium ſuperre hac Serenitatis Tuæ reſponſum, ſi haberi dictorum Eccleſiæ, & Monafteriorum tuo favore poſſeſſio poterit, & amodo per hanc viam Thomas quieſcere, ordinationem Noſtram implebimus; ſi minus, exigente debito Noſtro pro eodem declarare, & annuntiare cogemur, quod Juſtitia Nobis imponit. Contentabimur autem, ſi præ-

dicta placuerint, transferre ad Zagrabiensem Ecclesiam venerabilem Fr. N. Joannem Episcopum Varadinensem, reservata illi pensione annua trium millium Ducatorum pro recuperandis, & manutenendis castris dictæ Ecclesiæ: ipsi verò Varadinensi præficere in Pastorem Venerabilem Fr. Demetrium in Controversia Zagrabienfi Thomæ prædicto collitigantem: Nam ut duas Cathedralles uni hominum concedamus, adduci honestè non possumus. Non fecimus hoc toto Nostri Pontificatus tempore, nec in posterum volente Domino sumus facturi. Hortamur Serenitatem Tuam in Domino, ut deliberationi Nostre conformare se velit, & adjumento suo efficere, ut aliquando & Nos liberari molestia hac diuturna possimus. Datum &c.

1460.



JOAN.

JOANNES EPISCOPUS QUIN-
QUE-ECCLESIENSIS CARDI-
NALI DIACONO S. EU-
STACHII.

*Cui se totum dedicat, & offert ad obse-
quia præstanda.*

R Everendissime Pater ! Accensus
famâ eminentissimarum Virtu-
tum R. P. V. quæ jam pridem pluri-
morum sermone longè, ac latè præ-
dicantur, accensus, inquam, hu-
jusmodi famâ, nec tam meis fretus
meritis, quàm benignissima huma-
nitate R. P. V. confisus præsumpsi
prior scribere eidem, ac offerre me
in famulum, & servitorem ad omnia
mandata pro viribus paratissimum.
Cujus quidem desiderii mei testis ac-
cedit R. P. D. Marcus Episcopus Tin-
ninienfis, qui & præsentium litera-
rum mearum brevitatem pariter, &
ruditatem facilè ampliùs, & locu-
pletiùs viva voce, & commendatio-
ne supplebit. Nec tamen tanto te-
ste contentus nisi pro V. R. P. per
eundem pignora quædam licèt exi-

lia, ab animo tamen deditissimo profecta, & quasi Primitias obsequiorum meorum, quæ pro nunc satis impetrabunt, si tantum admitti, & respici merebuntur. Si quid præterea est, quod post Fratrem meum D. Varadiensem exiguitas mea possit, cogitet R. P. V. habere se unum ex minimis suis in Hungaria, cui omnia suo arbitratu valeat imperare. Altissimus R. P. V. diu fervet incolumem, ac felicem, cui cupio esse quàm commendatissimus. 1460.

XXII.

JOANNES VARADINENSIS,
ET ALTER JOANNES QUIN-
QUE-ECCLESIENSIS EPI-
SCOPI GREGORIO CO-
MITI DE BLAGA.

*Cui Marcum, Episcopum Tinniniensem
commendant, & decimas eidem jure de-
bitas administrari petunt.*

Magnifice Frater Nobis hono-
rande. Quia tam Apostoli-
ca Sedes, quàm Regia Majestas Epi-
scopatum Tinniniensem R. in Chri-
sto P. D. Marco Episcopo Amico no-
stro

stro speciali contulerunt, cujus quidem Ecclesiæ Tinniniensis decimæ aliqua ex parte in Dominio M. F. V. constitutæ esse dignoscuntur: ideo M. F. V. rogamus diligenter, quatenus præfatum D. M. Episcopum in hujusmodi decimis sibi de jure debitis tueri, ac easdem manibus suis, vel suorum libere, & legitimè administrari facere dignemini. Non solum Nobis, sed etiam DEO in hac parte rem placitam facturi. 1460.

XXIII.

PRÆLATI, ET BARONES AD REGEM BOHEMIÆ.

Pactas Filii ejusdem cum Filia Nicolai Vajvoda nuptias diu dilatas tandem aliquando ritu Ecclesiæ Romanæ iniri postulant.

Serenissime Princeps D. Nobis honorande. Dudum scivimus, & nunc etiam clariùs intelleximus, qualis inter S. V. & Magnificum D. Nicolaum Vajvodam (a)

D 4

Fra-

(a) Nicolaum Ulak Vajvodam Transylvaniæ summæ Nobilitatis Virum fuisse constat. Hic Filiam suam uni ex Filiis Georgii Podiebradii Victorino, vel Henrico desponsaverit.

Fratrem nostrum super nuptiis liberorum conventio vicissim extiterit; quam quidem conventionem præfatus D. Vajvoda, ut debebat, observari intendens Filiam suam ad manus V. Majestatis, & tradidit, & Illustrem Filium ejusdem è converso honorificè apud se tenuit, & cum Vestræ placuit Serenitati, confidenter remisit: Filia sua nihilominus in hoc usque tempus ibidem remanente, ac sponsalibus, secundum quod fuerat conditum, ritu Sanctæ Romanæ Ecclesiæ mutuò juramentò necdum firmatis. Quapropter licet jam tempus hujusmodi pactionis elapsum esse dicatur, tamen Majestatem V. Nos etiam, ad quos res ista multis de causis rationabiliter pertinere dignoscitur, quàm diligentissimè rogamus, quatenus in hac parte honori suo, & promissioni sinè ulteriori dilatione satisfaciat, prout futurum & credimus, & meritò expectamus, aut saltèm ne effectus rei in dubio pendeat, deliberatæ tandem voluntatis suæ Nos faciat certiores, ut sciamus, quid ampliùs dicto

dicto Fratri nostro superinde consu-
lere debeamus. Datum Waciae, 1461.

XXIV.

MATTHIAS REX

AD COMITATUS SINGULOS.

*Quos ad Comititia Regni Buda celebranda
evocat.*

Licet urgente necessitate Regni
nostri ad metas partium inferiorum
personaliter descendere cogi-
tantes diebus proximis FF. VV. per
literas nostras commisimus, quate-
nus ad octavum diem Festi B. Geor-
gii Martyris modò præteriti more
exercituantium in Oppido Bach con-
stitui debeatis: tamen quia interim
fidelis noster R. in Christo P. D. Jo-
annes Episcopus Ecclesiæ Varadinen-
sis (a) ad Imperatorem Romanorum
divertens certos cum eodem habuit

D 5

tra-

(a) Joannes Vitézius Episcopus Varadinensis anno 1459.
de Corona redimenda egerat primum cum Imperatore
& iterum eundem adiit anno 1462. ut patet ex hac Epi-
stola, & 60. vel 70. millia aureorum pactus est incon-
sultis Regnicolis, & ideo reclamantibus. Postea tamen,
ut scribit Timon, Cibinii de eadem redimenda decre-
tum est, & Septem-Viri pro ea missi.

tractatus tam super facto Coronæ Regni, quàm etiam discordiarum ex longo jam tempore ab illinc vigen-
tium, ac omnibus istis cum DEI ad-
jutorio suâ industriâ prope ad bo-
num finem deductis rediit: conside-
rantes hanc rem super omnes alias,
quæ nunc contingere potuissent,
maximi esse ponderis, & momenti,
usque ad ejus debitam determinatio-
nem, ut speramus, in brevi futu-
ram, præfatum descensum nostrum
ad partes inferiores necessariò duxi-
mus aliquantisper prorogandum.
Cæterum cum dictum S. Coronæ
negotium, & tantarum turbarum
compositio univerforum Regnicola-
rum nostrorum libertatem, ac totius
Regni statum concernat, noluimus,
nec satis esse putavimus cum his dun-
taxat. Prælatis, & Baronibus, ac No-
bilibus, qui pro nunc apud Majesta-
tem Nostram constituti sunt, in ta-
libus respondere, seu definire: *quia*
ea, quæ ad publicam pertinent utilita-
tem, meritò communi omnium consilio
discutienda sunt, & decidenda. Cum
autem hoc factum nullam prorsus
reci-

recipiat dilationem, nec non etiam alia postmodum instent agenda : ideo FF. VV. requirimus eisdem nihilominus firmissimè committentes, quatenus nulla superinde habita conventionē, seu ulteriori consultatione ad quintum decimum diem datarum præsentium, singuli vestrum apud Nostram Majestatem in Civitate nostra Budensi modis omnibus constituentur. (b) Volumus tamen, & de speciali nostra benignitate statuimus, ut Nemo ex vobis per consveta aliàs gravamina ad veniendum compellatur; sed unusquisque vestrum prouti citius, & melius poterit, in hac generali Congregatione comparere ultro festinet, quatenus tam salutare negotium ad perpetuam deinceps hujus Regni tranquillitatem, & quietem cum unanimi omnium deliberatione, voluntate, & consensu finem tandem accipiat exoptatum. 1462.

MAT-

(a) Exstat in Corpore Juris Hungarici Decretum primum conditum à Matthia Rege anno 1462.

MATTHIAS REX AD RAGUSIENSES.

*Injurias à Turca illatas se vindicaturum
promittit, cum Imperatore, & Bohe-
mis dissidia composita significat &c.*

ANtequam Literæ Vestræ Nobis redderentur, jam audiveramus spoliationem, & captivitatem Concivium vestrorum. Qua in re secutus est Tyrannus ille ingenium, & mores suos crudelitate, & fraudulentia semper notabiles: qui nunquam tam solet esse terribilis in eos, quibuscum palam bellum gerit, quam perfidus in illos, quibus fallaces pacis blanditias prætendit. Proinde nulla esset adversum tales melior cautela, nec remedium efficacius, quam minimè unquam credere non habentibus fidem. Nunc quoniam ita casus tulit, quid aliud in præsentiarum possumus, nisi compati vestro incommodo, qui & domi hætenus non minoribus damnis abundavimus. Sed jam confidimus in
Divi-

Divina clementia, quòd citò vindicabit se de inimicis suis per servos suos, omnis siquidem Nostra cogitatio in hoc potissimùm versatur, ut hostibus fidei potenter occurramus. Nec alia magis de causa cum Imperatore Romanorum certæ compositiones tractatæ sunt; quas speramus in proxima generali omnium Regnicolarum Nostrorum Congregatione confirmari, & votivos tandem perducì ad effectus, prout per alias litteras Nostras fidelitati Vestræ significavimus; quam & nunc requirimus, & hortamur, ut in ea re officii, & fidei suæ memor appareat. Novissimè etiam cum Joanne Giscra (a) & complicibus suis, qui partes Regni Nostri superiores multis jam temporibus gravissimè infestabant, super restitutione eorum, quæ detinebant, & perpetua deinceps quiete prospere conclusimus, ac eundem Joannem

(a) Giscra, vel Iskra Bohemus impetratà à Rege venià montanas Civitates, quas possidebat, reddidit, & postea semper in fide permansit, antea latrociniiis suis Regno molestissimus inquilinus. Hunc, & alios Bohemos olim Elisabetha Ladislai Regis Mater induxit, & multis in Hungaria oppidis præfecit.

nem Giscram in sortem Regnicolarum Nostrorum adscripsimus: qui quidem promisit, & obligavit se Nobis, & Regno Nostro præsertim adversus Turcos perpetuo fideliter servitutum. Hæc omnia, ut diximus, ideò præcipuè agimus, ut pacato undique Regno nostro prædicto, & sopitis circumquaque discordiis, vicinorum perturbationibus exonerati defensionem, ac vindictæ Nostræ, & Christianorum propugnationi liberiori vacemus. Cæterum quod petebatis in calce literarum, ut vos Regi Boznæ, & Duci Stephano per eorum nuncios commendaremus, faciemus libenter, & præfatis Dominis, qui jam DEO volente ad Majestatis Nostræ obedientiam, ut tenentur, inclinant, diligenter commitemus, ne aliter agant vobiscum, quam debent Nostrum cum Nostris: & quidem de Nobis, ac Regno nostro optimè merentibus. Nec jam aliud facturos, confidimus: quippe quos & Nobis Turcos impugnare apparantibus speramus affuturos (quam unam rem parta jam ab aliis partibus

bus pace tota mente , ac totis viri-
bus molimur) ex qua etiam vestra
pendet defensio , ac vindicta. Da-
tum 1462.

XXVI.

MATTHIAS REX

AD PAPAM PIUM II.

*Cum quo expostulat ob Stephanum Regem
Boznæ summæ perfidia reum se inconsul-
to veniâ donatum , & beneficiis orna-
tum &c.*

BEatissime Pater ! post devotam
commendationem ad pedum
oscula Beatorum &c. Nunc pri-
mùm redditæ sunt Nobis literæ S. V.
12. Kal. Februarii datæ. Ex quibus
intelleximus , quemadmodum S. V.
non quidem immemor , quantorum
malorum Reges Boznæ Pater quon-
dam , & qui nunc superest , Filius
huic Regno Hungariæ , & universo
Nomini Christiano causa existerint.
Verùm certis , & idoneis mota ra-
tionibus eosdem respicientes Eccle-
siæ gremio admisisset. Propterea
Nos etiam quasi ad exemplum sui
monet , & hortatur , ut prælatum
Re-

Regem ad Nos humiliter revertentem suscipiemus, ne fortè habitâ repulsâ desperatione adductus cum majori Nostro, & omnium detrimento iterum se ad hostem fidei transferat, & sint novissima hominis pejora prioribus. Equidem Beatissime Pater Sacrosanctæ Apostolicæ Sedis monita, & cohortationes more Prædecessorum nostrorum meritò semper plurimè fecimus, & facere proponimus in futurum, cujus salutifera consilia non minus habent providentiæ, quàm auctoritatis, & ab optimæ mentis radice profecta nunquam nisi ad finem communis boni diriguntur. Accedit eò, quòd & Nobis ex ipso Regali officio incumbit non denegare supplicantibus veniam, & ad cor redeuntibus Clementiæ sinum aperire, atque ut acceptorum beneficiorum tenaciter meminisse, ità injuriarum facilè oblivisci. Verùm in rebus arduissimis nequaquam abutendum est misericordia, sed austeritate temperanda mansuetudo: ne nimis prompta levitas securitatem provocet delinquendi. Memoria quidem

dem hominum nemo tantum in Nos, & reliquos Christianos facinus admisit, quantum Rex Boznæ, qui cum esset subditus Regum Hungariæ, à quibus omne jus Regni habet, non ita magna necessitate compulsus, descivit ad Turcos, & inimicos Crucis tributi sui pensione reddidit fortiores; nec eo contentus, simulavit reconciliationem, & cum aliter non posset, foederibus sancitis, ac fide data Dominos, & Benefactores suos ita circumvenit, ut cum propria spondidisset auxilia, etiam id, quod à Nobis acceperat, tradidit adversariis. (a) Ex quo quantum terræ desolatum, quot fideles animæ in servitutē prophanae gentis abductæ sint, enarrari nec potest, quia est immensum, nec debet, quia notorium. Porro tantæ sibi perfidiæ conscius veniam ab his, quos offenderat, vel petere erubuit, vel impetrare desperavit. Sed pro voto

E

na-

(a) Rex Boznæ homo vaser obtinuit, ut Filio Stephano Senderovis adversus Turcos defendenda crederetur; quam tamen paucis post mensibus per summam perfidiam barbaris vendidit ingenti rei Christianæ incommoda-

nactus Apostolicam Sedem ad indulgendum naturaliter pronam, & utpote alieni vulneris dolores minùs sentientem, & propter loci distantiam ad receptionem facilem, insinuatis obliquè blanditiis ità delinivit |piè credulum Judicem, ut unde poenam merebatur, inde obtinuerit gratiam ignorantibus, vel fortè & invitis his, quorum maximè intererat. Nam ut ex literis V. S. planè deprehendimus, impensa est Regibus Boznæ, Patri priùs, nunc etiam Filio ab Apostolica Sede tanti criminis absolutio. Nihil dicimus, quin hoc fieri potuerit, quin sufficientibus ex causis, & rectissima intentione factum sit; id saltèm voluissimus, cùm in talibus poenitere non sit satis, & peccati remissio exigat aliquam ablati restitutionem, ut cum absolute in junc̃ta foret & satisfactio; cujus jam injungendæ minor opportunitas est. Cùm recenti facinore mordebatur æstuans conscientia, cùm sibi ex Nostrâ, & omnium Christianorum justissima indignatione perniciem imminere formidabat, cùm denique

nique Turcis prodicionem quidem
 suam gratam, se verò proditorem
 invisum esse sentiebat, & non mi-
 nùs diffidebat iis, quibus utiliter fa-
 verat sceleratus, quàm iis, quos læ-
 ferat, tunc receptus omnia impera-
 ta fecisset, ac totis viribus illatam
 injuriam compensare tentasset. Nunc
 cùm habet, tota quod mente peti-
 vit, & insuper favori sibi videt, fa-
 tis se Nobis præstare credit, si non
 rursus Turcus fiat. Absit, ut S. V.
 nisi cum summa ratione quidquam
 agat, & omnino aliter judicare ne-
 farium est: sed animadvertat, quæ-
 nus, nunquid ad bonum finem facta con-
 trarios fortè alibi parturiant effectus.
 Nos pridem supplicanti ideo durio-
 rem animum ostendimus, nec vo-
 luimus in parcendo esse præcipites,
 & laxandas in tempore clementiæ
 habenas paulisper suppressimus, ut
 illum inter alia etiam ad aliquam sa-
 tisfactionem rependendam impelle-
 remus. Et jam tractabiliorem se
 exhibebat, jam pro emendatione
 culpæ subsidia pollicebatur, jam
 Castella sua, & Arces præsertim Tur-

cis finitimas in nostras se manus dediturum offerebat, unde è proximo paria hostibus damna inferrentur. At ubi vidit interim non modò indultum sibi à Sede Apostolica, verùm etiam speciales ad se Legatos mitti, & se per eos non sinè gravi, & evidenti Regum Hungariæ præjudicio coronari, (b) & ità in Regno confirmari, ac novorum sibi Episcopatum Foundationes permitti, & terras suas Balistariorum Præfidiis muniri, factus est negligentior, & non solùm pollicita revocat, sed etiam postulata detrectat, ut apprime verendum sit, ne palam rebellandi spiritu assumpto, caput suum contumax membrum non recognoscat. Quæ ex re quid tandem sequi possit, non est occultum, discordiæ scilicet fomes, & Seminarium. Nam si pro viribus Nostris utendum erit Judice bello, arma tenenti, qui justa negat, fortassis omnia dabit. Rogamus igitur S. V. obnixè, ut indulgentiâ suâ con-

(b) Pontifex Ecclesias se erecturum promittit per Legatum, sed Coronam se posse mittere absque injuria Regis Hungariæ negavit.

confidentiam hominis non ampliùs
 alat, ac si quæ Legati Apostolici ex-
 tra mandatum sunt ausi, jubeat esse
 irrita, & generaliter in his, quæ juris
 Nostri esse videbuntur, remittat eum
 ad Nos, ne contra eos, à quibus expe-
 ctare omnia debet, cristas erigens pa-
 ratas aliò manus in sui vertat vindi-
 ctam. Cæterùm quoquo modo res istæ
 hætenus processerint, Nos tamen ni-
 hilominus S. V. monitis, & exhorta-
 tionibus acquievimus, ac Regnum
 ipsum per Oratores suos nunc præ-
 sentes deprecantem benignè suscepi-
 mus; ità tamen, ut deinceps debi-
 tum suum fidelius exequatur, & com-
 missa corrigat ulterius obsequendo.
 Quod si hætenus fecisset, fuisset tam
 Nobis, quàm sibi salubrius. Et nunc
 si in officio persistet, habebit Bene-
 volentiæ Nostre dignos favores. Ad
 hoc eum etiàm V. B. inducere digne-
 tur, quam Omnipotens diu, ac fe-
 liciter seruet incolumem Regimini
 Ecclesiæ suæ sanctæ. Datum Budæ.
 1462.

EPISCOPUS VARADINENSIS
AD PAPAM PIUM II.

*Significat Stephanum Regem Boznæ rebel-
lem in gratiam à Rege Matthiæ receptum.*

Beatissime Pater post devotam
commendationem ad pedum
oscula Beatorum! Modò accepimus
litteras S. V. medio adhuc Januario
datas, in quibus committit Nobis
S. V. laborare in facto Regis Boznæ,
ut videlicet Serenissimus Dominus
Noster Rex cum ad se humiliter re-
vertentem benignè suscipiat, Man-
data quidem Apostolica Beatissime
Pater, ut tenemur, pro facultate
Nostra semper implete studuimus
diligenter, alioquin etiam officium
Nostri Ordinis exigit reconciliatio-
nem inter abalienatos, & pacem in-
ter dissidentes procurare. Cæte-
rùm bono quodam auspicio tam li-
teræ Sanctitatis V. quàm Oratores
Regis præfati huc iterato missi, eo-
dem ferè tempore in unum concur-
rerunt, & deducta est res in bonos
terminos. Nec dubium est, quòd
si Rex ille debitum suum fidelius,
& con-

& constantius exequetur, permanebit in ea benevolentia, qua jam est receptus. Hæc omnia ex literis ipsius Domini Nostri Regis B. V. plenius intelliget, quam omnipotens diu, ac feliciter conservare dignetur incolumem Regimini Ecclesiæ suæ Sacro-sanctæ. Datū Budæ. 1462.

XXVIII.

MATTHIAS REX CARDINALI S. ANGELI.

Significat se intuitu Sedis Apostolica, & commendationis Reverendissimi Domini Cardinalis Stephanum Bozna Regem rebellem recepisse in gratiam.

Reverendissime Pater! Juxta literas Apostolicas accepimus & V. R. P. exhortationem super eo, ut Regem Boznæ ad Nostri obedientiam, & devotionem redeuntem susciperemus; Equidem licet Pater ejus quondam, & ipse Rex præfatus tantum in Nos, & universum nomen Christianum facinus admiserint, ut veniâ digni, vel nunquam omnino, vel certè non nisi magna satisfactione præmissa judicari me-

ritò possent, tamen intuitu S. Sedis
Apostolicæ, nec non etiam ex offi-
cio Regalis Clementiæ quid tandem
cum eo Rege fecerimus, R. P. V. ex
his literis, quas ad Sanctissimum
Dominum nostrum scripsimus, latè
cognoscet. Datum Budæ. 1462.

XXIX.

EPISCOPUS VARADINENSIS
AD CARDINALEM S. ANGELI.

*Petit auxilium contra Turcas à Sanctissi-
mo Domino exorari.*

Reverendissime Pater ! Quo in
statu sit factum Regis Boznæ,
pro quo juxta literas Apostolicas
etiam R. P. V. scripserat, literæ Re-
giæ præsertim SS. Domino Nostro
missæ declarabunt. Nova, quæ tunc
occurrerant, pridem significavi-
mus; alia in præsentiarum addere
ferè non possumus, nisi quòd cum
Giskra, & suis planè transactum est;
& pro auspiciore pacis exordio,
unum ex Castellis validioribus, jam
ad manus Nostras remissum, reliqua
brevi sequentur. Giskra ipse ad fi-
delia Regis assumptus servitia, præ-
sertim adversus Turcos operam
spo-

spondit militarem. Nunc sumus in Congregatione Generali, (a) & conclusa sunt, quæ ad firmandam cum Imperatore Romanorum concordiam pertinebant. Satis prospere omnia succedunt, nisi quod cum apparatu magno Turcus adest. (b) Rumor frequens, & certus affertur ipsum in itinere constitutum jam propinquare: Danubium scatere navigiis, initia exercitus numerosissimi fixisse in ripis tentoria. R. P. V. vires nostras bene novit, & potissimum quid repente possimus. Quæ propter arguat, obsecret, instet opportunè, importunè, ut piè susceptum totius Christianitatis, & imprimis hujus terræ, quæ R. P. V. adoptione patria est, patrociniū hoc maximè tempore non deserat. Plura de his, & nonnulla alia lator præ-

E 5

se-

(a) Congregatio hæc generalis, seu ita vocant Dieta celebrata est annò 1462. & cum jam tunc Stephanus Rex Boznæ Matthiæ reconciliatus fuerit, ut ex contextu epistolæ constat, illum ipsum Stephanum Regni gubernacula suscepisse ante annum 1463. oportet, contra quàm Timon opinetur.

(b) Boznæ tunc a propinquabat, quam etiam totam occupavit anno sequenti, non multò post è præcipuis locis iterum ejectus à Matthiæ.

sentium R. P. V. latius explicabit,
quam omnipotens diu servet inco-
lumem, ac felicem. Datum Budæ.
1462.

XXX.

MEMORIALE, SEU INFORMA-
TIO LEGATIONIS LADISLAI
DE VESEN^(a) AD DOMINUM DUCEM
VENETIARUM, ET SUMMUM
PONTIFICEM.

Primò ages gratias ex parte Re-
gis Domino Duci de Benevo-
lencia, & affectione sua, & de his,
quæ laborat in facto Fidei, & præ-
fertim ut huic Regno bellis pressò
succurratur: & è converso offeres
Dominum Regem ad beneplacita
Ducis.

Item consequenter dices: quòd
licèt Regia Majestas miserit pridem
Oratorem suum, & per eum non-
nulla, quæ tum occurrebant, inti-
maverit; tamen nunc propter re-
centem majorum necessitatum in-
stantiam iterum misit, & ex eo vi-
delicet, quòd intellexit sinè dubio
ali-

a) Ladislaus de Vesen aliàs de Kanisa 1464. legitur M.
Agazonura.

aliquot diversis viis, & mediis, quod
Turcus omnino hoc anno intendit
invadere hoc Regnum, & ob hoc
infinitos apparatus facit per terram,
& aquam, & jam exercitus ejus a-
propinquat metis Regni, volens ag-
gredi, & vindicare se de Vajvoda
Transalpino, & de damnis per eum
in ista hyeme illatis. Qui quidem
Vajvoda (a) quotidie hic sollicitat,
ut adjuvetur, quia solus tantos im-
petus sustinere non valet. Propter
hæc decrevit Regia Majestas novum
Oratorem ad Summum Pontificem
mittere (antequam ad communem,
& principalem Christianorum pacem
deveniatur) ad nuntiandum præ-
dicta, instandum, & procurandum
omni possibili efficacia, ut huic Re-
gno saltém de aliquo decenti favo-
re provideatur, & in tali tempore,
quo provisio rei proficiat. Nam
quales jacturas, qualiâque damna
per elapsam tempus Turcus intule-
rit

(b) Vajvodam Dracula dictum, qui consanguineam Matthie
duxerat, nescitur satis, cujus culpe reum Matthias capit,
& decennali carcere multat (postea iterum dignitati re-
stituit) Alterum verò à Turca Provincie Præfectum ap-
probet

rit huic Regno, non dubitat præfata Majestas omnes optimè intelligere. Quæ quidem Majestas Regia ex parte sua nihil de possibilibus penitus omittit, ut Turco præfato occurrere valeat, tum pro communi bono Christianorum prosequendo vestigia Serenissimorum Prædecessorum suorum, & etiam Illustris quondam Genitoris sui, tum etiam pro proprio interesse, nec ad aliud nunc dirigit cogitationes suas, nisi principaliter ad hanc rem, & quoscunque tractatus, seu dispositiones quotidie facit cum Imperatore (quod etiam cum aliis inimicis suis etiam cum damno suo facit) ut tandem liberiùs possit intendere, & vacare factò Fidei contra Turcos.

Item descendendo ad specialiora dices, quòd Regia Majestas ex relatione Petri Tomassii Secretarii Ducalis pro nunc hìc existentis proximis diebus intellexerat, quantum humanè Dominus Dux viderit Oratorem suum, & quàm confidenter, & amicè secum intuitu Regiæ Majestatis contulerit in negotio Fidei,

& præsertim circa commemoratio-
nem, & instantiam apud summum
Pontificem per præfatum Dominum
Ducem factam, ut videlicet dictæ
Regiæ Majestati, & huic Regno in-
terim, quousque communis, seu ge-
neralis expeditio fiat, subveniatur
saltèm de certo subsidio pecuniæ
mensuatim, cum quibus contra
communem hostem conducerentur
saltèm equites octies mille; ad quam
expensam sua Excellentia contribue-
re libenti animo se obtulerat, non
obstantibus aliis expensis, quas ha-
bet contra Turcos. Pro quibus qui-
dem rebus præfata Regia Majestas
dicto Domino Duci summè regrata-
tur, & quòd in veritate loquendo
à Sua Excellentia tanquam specialis-
simo Amico nulla melior, nec magis
ad propositum rei Christianorum ex-
pensa hoc tempore fieri posset. Nam
si suæ Serenitati providebitur de di-
ctis gentibus, quoniam ipse pecu-
nias tangere non intendit, sufficiens
animus erit præfata Regiæ Majesta-
ti cum dicto auxilio, & his, quæ
ipsamet facere intendit, ne dum de-
fende-

fendere hoc Regnum dudum à Turcis laceratum, interim dum universalis expeditio habeat locum tam adveniente Turco personaliter, quàm non adveniente, sed etiam magno, & forti animo illum invadere in Servia, seu Rascia, & aliis locis, ubi Sua Majestas magis ei nocere poterit. Itaque rogat præfatum Dominum Ducem, ut pro communi bono, & etiam pro sua singulari complacentia hanc rem prosequi velit, quia cedit ei ad honorem talis negotii promotio, & præsertim quòd sollicitè fiat, quia bene scit sua Excellentia, quantum & aliàs, & præsertim ad hanc rem importat tempus.

Item vel interrogatus, vel ex te ipso, cùm videris opportunitatem, poteris dicere, quòd Dominus Rex præoptaret, ut memorata pecunia staret in manibus hominis Domini Ducis, & per eundem hominem dispensaretur. Tum quia de tali homine hic magis confiditur, tum quia Dominium Venetorum magis mereatur hunc honorem: eò quòd moys prius,

prius, & nunc promovet hæc negotia ultra alios, vel potius solum, & per se.

Item quia præcedens Orator postulavit pecuniam illam saltèm usque ad sex menses; tu utrumque cavebis: quia nec pecuniam nominabis: sed petes subsidia, vel gentes; nec determinabis tempus, sed semper dices: quousque fiat Generalis expeditio, & hoc ubique observabis. (c)

Item dices, quòd Regia Majestas intellexit Petrum Tomasium Secretarium Ducalem sæpiùs petere licentiam abhinc repatriandi, & rogabis Dominum Ducem ex parte Regis, ut hunc hominem dimittat ulteriùs hìc; quia jam est notus, & quasi domesticus, & noscit homines, ac rerum, & locorum conditiones intelligit: Unde est magis utilis, & plus ei confiditur, & omnes faciliùs cum eo concordant.

Item

(c) Prudenter hoc monuit Matthias; nam si expeditio generalis Principum Christianorum in longum differretur, diutius menstruo illo subsidio frui poterat; si verò diu pendere difficile videretur, expeditionem adurgere cogeretur.

Item generaliter ubique loquendo observabis, ut dicas Regem Hungariæ ex causis satis manifestis pronunc esse per se satis invalidum ad resistendum Turco; non tamen esse adeò impotentem, quòd cum præfato succursu resistere, & se defendere non possit.

Item tanges aliquid de negotio Imperatoris, & præsertim regatiano de his, quæ sollicitaverat Dominus Dux apud Summum Pontificem, ut provideret de tollendo impedimento Imperatoris: in qua re non te detinebis, sed dices, quòd Regia Majestas est certa Dominum Ducem ex literis Petri cuncta intellexisse.

Item curabis, ne illinc recedas, nisi provisione facta, & cum firmo responso.

Item subjunges Domino Duci, quòd tibi sit mandatum à Regia Majestate, ut omnia loquaris, & agas juxta consilium Domini Ducis. Unde si videtur sibi, quòd magis unum, quàm aliud debeas dicere Summo Pontifici, es paratus.

Item

Item de intentione Vajvodæ Transalpini, & quantum incessanter sollicitet, ut succuratur sibi à Rege: poteris inter loquendum narrare particularia.

Item Papæ non facies mentionem de his, quæ communicaveris cum Dominio Venetorum, sed solum pete subsidium, ut Regnum istud valeat conservari, & non recipiat majora damna, quàm prius, & quasi omnia dices, prout continentur suprà in articulo secundo; imò loqueris aliquantò instantiùs, & magis ferventer.

Item cum Domino S. Angeli omnia confidentiùs communicabis, & uteris eo pro Patrono, & Promotore speciali.

Item ubique loquendo de expeditione generali non variabis ab informatione Petri, quæ data fuit ei super hoc per Dominum Varadiensem, & Dominum Joannem de Rozgon, secundùm quod audisti in Consilio &c. videlicet ad minus quadraginta milia ad sex menses.

Item si fiet mentio de Legato mittendo; ut apud Venetos, vel apud

Papam, loqueris, prout es informatus in Consilio &c.

Item Domino Ferariensi, & Florentinis loqueris, vel non loqueris, prout consuluerit Dominus Dux Venetiarum.

Item de Treuga Turcorum, in qua re tu ipse ambulasti &c.

Item de Regno Boznæ, quod pertinet semper, & pertinet ad Hungariam, facies improprium cum moderatione Summo Pontifici, qui fortè per inadvertentiam talia facit, quòd Regi Boznæ datur fiducia separandi se ab hoc Regno &c. (d)

XXXI.

ARCHI-EPISCOPUS STRIGONIENSIS (a) AD MATTHIAM REGEM,

Scribit se cum quibusdam Bohemis, quòd Patriam antea infestabant, concordiam tandem inivisse &c.

Serenissime Princeps, & Domine Noster Gloriosissime! Meminisse de-

(d) Anno 1462. hæc instructio data fuerit, ut ex puncto ultimo de Boznæ Regno satis constat.

(a) Dionysius de Zeech, sive Széch Cardinalis titulo S. Cyriaci in thermis.

debet M. V., quomodo aliàs Budæ mandavit Nobis, ut cum Petro de Comoro (b) conveniremus, & secum tractaremus de concordia aliqua, ne ab illis partibus fierent insultus, prout timebantur futuri. Sciat ergo S. S., quòd in festo S. Michaëlis proximè præterito, unà cum D. Palatino venimus ad Sarló, & ibidem convenimus cum eodem Petro, cum quo etiam venerat Barthus, & Korbel. (c) Sed dum cum ipso de pace, & concordia ageremus, proposuit Nobis multis verbis, & querelis, multa damna, multasque injurias sibi fuisse illatas à certis subditis S. V. asserens illas injurias magnam causam fuisse, quæ ipsum à servitio S. V. abduxissent. Quas dum per literas, & nuntios proposuisset coram S. V. auditus quidem, sed nunquam exauditus fuisset. Addidit etiam debita, quæ sæpenumero repetita nun-

F 2

quam

(b) Bonfinius scribit Komorozkium unum è Præfectis facinorosa multitudinis Bohemorum fuisse, qui cum socio Valgatha duo Castella in montibus temporario opere exercebant, quorum uni Galgoez, alteri Vadna nomen inditum. Ex his latrocinia exercebantur.

(c) Ejusdem societatis, & conditionis homines.

quam reddita forent. Quæ quidem debita partim certis testimoniis, partim verò literis M. V. ità clara erant, ut aliquomodo refelli non possent. Nos verò contrà cum D. Palatino proposuimus multa, quæ occurrebant pro re ipsa, & pro honore S. V. dicenda. Tandem post multos tractatus hinc inde habitos, effecimus certis viis, & modis, ut animus ejus flecteretur, & malignandi causas deponeret. Itaque quantum considerare potuimus, arbitramur illum rectè conversum esse: modò fervetur, quod Nos illi nomine M. V. promisimus. Itaque debita omnia reduximus ad duo millia, & viginti octo florenos, licèt multa proponebantur. Sed postea erat difficultas faciendi certitudinem pro hac summa persolvenda; nolebat enim credere aliquibus promissis; finaliter ergo necesse fuit, ut Nos illi promitteremus, quòd illa debita ex decimis Ecclesiæ nostræ in Comitatus Thuroz, & Arva, Lipthoviensi, & Zolienfi hoc anno Nobis provenire debentibus, solveremus, & expedi-

diremus. Nam aliter efficere non potuimus pacem ipsam, & concordiam, quæ tamen summa ex illis decimis nostris in Comitatibus prætatis non poterat expleri. Quare confidimus in M. V. quòd non patietur Nos in damno relinquere, nec in promissis nostris deficere, qui in tanta hujus Regni necessitate pro eorum utilitate Nos obligamus: præsertim cum ea, quæ habemus, & habituri sumus, semper sint ad arbitrium, & voluntatem S. V. Hoc unum etiam sciat S. V., quòd si in hujusmodi facto cum D. Palatino diligenter non laborassemus, hostes nostri adjuncti illis, qui ex Scepusio ad eos venerant, omnino partes istas superiores vastare, & spoliare intendebant. Tota autem dispositio, quam hac vice cum dicto Komorovszky fecimus, scripta est in literis quarum copiam præsentibus inclusam S. V. transmisimus. Cæterum Barthus quoque multa proposuit, & suis querelis accumulaverat curas nostras. Sed cum rationibus hinc inde contenderemus, ad ultimum flexit animum, & fassus est in-

vitum se fecisse, quod fecerat: nec culpâ ejus id factû fuisse, quod contra M. V. fuit attentatum; sed aliorum, qui ipsum talia attentare compulerint. Promisit demum ea, quæ agere habet, usque reditum S. V. differre velle. Oportuit tamen Nos illi aliquas pecunias dare, ut quietiùs M. V. expectare possit, Séque cum Socio, & suos sustentaret. Item etiam Korbel satîs multa petit, & ostendit literas debitorum; conqueritur etiam adversûs majorem, & minorem Podmeniczky, (d) quia, ut dicit, Castellanus ipsorum, de Bistricia, & aliunde spoliât rusticos, & Colonos suos, & deprædatur villas suas ad Bicka(e) pertinentes. Cum hoc etiam itâ dispositum est, licet tamen difficulter, ut omnia negotia sua usque ad reditum S. V. distulerit; solûm hoc petit, ut interim præfati major, & minor Podmeniczky scriberent Castellanis eorum, & M. V. man-

(d) Blasius Podmaniczky Nobilis Ungarus tempore Mattheæ Fraternali societati Bohemorum Latrocinantium se adjunxit unus è Centurionibus. Qui tamen maluit exanthorari, quàm in Patriam arma sumere. Bonf. lib. 1. Dec. 4.

(e) Bicska Oppidum in Comit. Trenchin.

mandaret iisdem, ne spoliarent Colonos suos, néve diriperent villas ejus: alioquin cogeretur suos defendere, & si quid non fieret, non sibi, sed illis imputaretur, qui illum provocant injuriis. Postremò sunt duo Poloni, qui se asserunt sub nomine M. V. militasse, & stipendium ad plenum nondum fuisse ipsis solutum, & ferunt secum literas hujusmodi debitorum: cum quibus etiam ità dispositum est, ut illa quoque in reditu M. V. proponerentur, & habita cum ipsis ratione id in eo negotio fieret, quod justum esse videretur. Omnia igitur hæc M. V. considerare oportet, ne quod magnis laboribus dispositum est, alioquin ex levi causa destruat. Quæ omnia non solum partibus superioribus, sed etiam toti Regno S. S. possent obesse. Reliquum est, ut Nos M. V. quantum possumus, commendemus, quam salvam, & incolumem esse, & cum omni felicitate ad Nos redire (f) optamus. Datum 1462. F 4 JO.

(f) Hoc anno Matthias in Transalpinos profectus est: in hac expeditione Draculam inaudite crudelitatis hominem cepit.

JOANNES EPISCOPUS VARA-
DINENSIS VENERABILI D.
THOMÆ PROTO-NOTARIO
APOSTOLICO.

*Ejdem negotia Episcopi Quinque-Ecclesi-
ensis commendat.*

Hic R. in Christo P. D. Marcus
Episcopus Tiñiniensis Orator
Regius habet inter alia ibi in Curia
Romana, & apud SS. D. N. move-
re certas causas pro parte D. Quin-
que-Ecclesiensis Fratris Nostri: Nos
verò freti benevolentia, & humani-
tate vestra causas ipsas eidem suô
patrociniô promovendas commen-
damus. Cœterum si quid est, quod
vobis gratum opera nostra efficere
possit, vicissim parati sumus. Altis-
simus &c. 1462.

EPISCOPUS QUINQUE-EC-
CLESiarum AD D. SENEN-
SEM.

Continet sui commendationem.

Dudum me R. P. V. totum de-
dicavi, sed ne inter negotia
Cu-

Curia mea tenuitas R. P. V. animo excidat, refricandam vel literis memoriam putavi. Et quoniam semel R. P. V. mei, & Ecclesiae meae patrociniū suscepit, supplico humiliter, quatenus & nunc in certis causis meis, quas istic R. in Christo P. D. Marcus Episcopus Tinniniensis moturus est, velit esse promotrix suae magis benignitate naturae, quam meritorum meorum contemplatione. Altissimus R. P. V. diu servet incolumem, ac felicem. 1462.

XXXIV.

EPISCOPUS QUINQUE - EC-
CLESiarum JOANNES AD
CARDINALEM S. ANGELI.

Se, & sua commendat.

Satisfactus eram debito meo erga R. P. V. literis longioribus, si non earum portitorem contigisset esse R. P. D. Marcum Episcopum Tinniniensem, quem satis scio & ornatius, & copiosius omnia relaturum, quae à me scribi possent. Unum tamen, quamvis & illi coram peragendum delegaverim, nihilo-

minus & epistolæ mandandum putavi, plurimam videlicet mei commendationem apud R. P. V. Quam Altissimus servet diu felicem. Budæ. 20. die April. 1462.

XXXV.

JOANNES EPISCOPUS QUINQUE-ECCLESIENSIS AD CARDINALEM PAPIENSEM.

Negotia sua commendat, & se ad obsequia offert.

Lætus intellexi R. P. V. novam benevolentiam, & humanitatem erga Fratrem meum D. Varadiensem, quem ut primùm sensi, ex his jam esse, quos R. P. V. pro suis habet, è vestigio concupivi & ipse huic numero aggregari: ut qui cognatione jungimur invicem, etiam V. R. P. obsequio pariter dicarēmur. Offero igitur mediocritatem meam R. P. V. supplicans eidem, quatenus & me perpetuis servitoribus suis annumerare dignetur. Ut autem quod verbis adstruo, rebus indicem, quasdam in præsentiarum meæ devotionis primi-

mitias licet exiguas R. P. V. mitto. In quibus peto mittentis magis animum pensari, quam munusculi utilitatem. Cœtera dicet R. in Christo P. D. Marcus Episcopus Tinniniensis, qui etiam apud SS. D. N. pro certis causis meis, & meorum intercessurus est. Quarum una, quæ ad quietiorem mei, & Ecclesiæ meæ statum pertinet, satis quidem ardua est, plurimum tamen iudiciô non inusitata, nec prorsus illicita; Nobis verò multis ex rationibus plurimum necessaria. Oro V. R. P. ut in ea re promovenda sui erga me favoris initium auspicetur. Nemo est, cui pro tanto in me collato beneficio malim obligari, quam R. P. V. quam Altissimus servet diu feliciter. 1462.

XXXVI.

JOANNES EPISCOPUS QUINQUE-ECCLESIENSIS AD CARDINALEM S. SUSANNÆ.

Merita sua extenuat, & se promptè ad omnia obsequia offert.

Reverende Pater! Nisi mihi jam dudum famæ præconiô cognita

ta esset illa R. P. V. humanitas singularis, miratus profecto fuisset, quod is, qui & virtute, & doctrina, & auctoritate inter Ecclesiæ DEI Principes Princeps habetur, ad me homunculum prior scripserit, ac per literas suas me ad amicitiam invitaverit, mihi que amicum suum commendaverit adjuvandum. Ego verò R. P. summi beneficii loco, & quodam modo felicitatis instar mihi duxerim, quod à tanto viro ignotus agnosci, & absens diligi, & prope inutilis aliquem in usum assumi promerui. Et certè, ut debebam, affectabamque requisivissem ego jam pridè, oravissemque, R. P. V. ut me inter suos annumerare dignaretur, nō me tenuitatis meæ conscientia reddidisset verecundior; neque enim ego is sum, qui eam opinionem implere possim, quam fortè de me R. P. V. pro sua benignitate concepit. Nam quidquid de me rumor personet, ut verum ingenuè fatear, nec animi virtutibus adeo unquam excellui: & si quid studiorum olim in Italia ha-

hauseram, ea mihi omnia oblivione, & longa desuetudine jam effluerunt. Quantulumcunque tamen vel naturâ, vel fortunâ valeo, sciat R. P. V. id totum obsequiis suis esse dedicatum, nec quidquam mihi futurum jucundius, quàm siquid mandaverit, in quo ego saltèm hanc animi mei sibi deditissimi affectionem possim declarare. Coëtera uberius referet R. P. D. Marcus Episcopus Tinniniensis, quem mihi per R. P. V. commendatum eidem unà mecum invicem commendo. Equidem siquid potuissem, libens pro eo fecissem, tum suis meritis, tum commendatione R. P. V. sed neque tum apud Regiam Majestatem affui, neque si interfuissem, multùm mea præsentia momenti habuisset: satisque mihi etiam est, quòd is, qui aliquid potest, (a) rem ejus prospere expedit. Omnipotens R. P. V. diu servet incolumem, ac felicem. Ex Quinque-Ecclesiis Die 28. Septembris. 1462.

MAT.

(a) Joannem hìc Váradinensem Antistitem designat, quem Regi charissimum fuisse constat.

MATTHIAS REX

AD QUENDAM SUBDITUM
S U U M. (a)

Petit sibi transmitti Vajvodam Molda:

AUdivimus Petrum (b) Vajvodam Moldaviensem apud vos esse. Unde cum Nos certis, ac rationabilibus de causis eundem in Curia Nostra libenter ad præsens habere velimus, F.V. requirimus, & hortamur, quatenus dictum Petrum Vajvodam ad Nos quamprimùm pro singulari Nostra complacentia transmittatis. Erit id apud Nos vobis in favorem, & ipsi Petro Vajvodæ ad promotionem. 1462.

(a) Fortè Vajvodam Transylvaniæ.

(b) Illum Vajvodam hoc loco peti existimo, quem hoc anno Provincia præfecit Turca, & Matthias contra omnium opinionem approbavit.



VARADINENSIS EPISCOPUS
CUIDAM AMICO SUO
TRANSYLVANO.

Cui suadet, ut cum reliquis pro sua facultate contribuat in Redemptionem sacrae Coronae.

EGregie Vir, Amice Noster dilecte! Scripseramus certis amicis, & Fratribus nostris illarum partium Transylvanarum super facto communem omnium nostrum libertatem concernente, pro quo scilicet iste D. Ladislaus de Busla Magister Curiae Reginalis illuc per D. N. Regem, & DD. Prælatos, Barones, ac universos Regni Hungariæ Proceres missus est; hortatique sumus omnes eos, quos novimus, & consulimus eis fideliter ex debito amicitiae, quam semper cum omnibus vobis tenuimus, & tenemus, ut ita agant pro hac vice in his factis pro recuperatione sacrae Coronæ, ut possint eis coram DEO, & hominibus grates reddi. Quapropter in speciali requirimus Vos, & consulimus vobis amica-

bi-

biliter, ut inter alios ità vos in his rebus benevolum, & diligentem ostendatis, ut omnibus appareat vos habere affectionem, & devotionem, ac voluntatem bonam ad sacram Coronam, & communem omnium libertatem recuperandam; & nullo modo dividatis vos ab aliis Dominis Regni Hungariæ, quorum quilibet pro sua facultate contributionem, & auxilium facere promisit pro sacra Coronâ, & expulsionem hostium externorum: ut tandem liberiùs, & unanimiter valeamus agere contra Turcos, quorum insultibus vos ibi, & Nos vicino sumus propinquiore. Aliter consiliô nostrô non faciatis, ut inter alios Fratres vestros habeatis etiam nomen bonum. Budæ 1462.

XXXIX.

MATTHIAS REX AD PAPAM.

De Joanne Capistrano in numerum Sanctorum referendo &c.

BEatissime Pater! post devotam commendationem pedum oscula Beatorum. Viget in præsenti-
rum

rum hoc in Regno error quidam animabus Fidelium fatiſ onerofus. Dum nonnulli præmatura ſuperſtitione ducti Fratrem Joannem Capiftrantum colunt ut Sanctum. B. igitur V. rogamus ſuppliciter, quatenus pro officio ſuo Paſtorali opportunè providere dignetur, ac rei veritate per idoneas Perſonas ritè inveſtigata, in utramlibet partem Auctoritate Apoſtolica decernere: ne aut pronioris ſemper ad omnem Religionem vulgi ſuperſtitioſa interim veneratio damnet ignaros, aut Vir ille, ſi verè in eo gratia DEI vacua non fuit, honore debito fraudetur. (a) Omnipotens S. V. diu, ac feliciter ſervet incolumem Regimini Eccleſiæ Sacroſanctæ. Datum Budæ 1462. (b)

✻

G

JOAN.

- (a) De Joanne Capiftrano in numerum Sanctòrum referendo ſæpius actum eſt, & à pluribus Pontificibus, & tandem ab Alexandro VIII. perfectum 1690.
- (b) Extat apud P. F. Herman in hiſtoria S. Capiftrani Epifto-
la Matthiæ Regis ad Principes Italiæ ſcripta 1460. de pro-
curanda apotheoſi ejusdem S. & cum in illa promiſerit ſe
ſcripturum Pontifici de hoc negotio; compoſitis Regni
diſturbiiſ, credibile eſt, hanc Epiftolam non niſi anno
1462. non verò 61. ſcriptam fuiſſe.

JOANNESQUINQUE-
ECCLESIENSIS EPISCOPUS
AD DUCEM VENETIARUM.

Epistola officiosa.

Serenissimo Principi D. Christo-
phoro Mauro Duci Venetiarum
&c. D. meo benignissimo Joannes
Episcopus Quinque - Ecclesiarum.
Quanti me, & imprimis Avunculum
meum Varadinensem Episcopum V.
faciat Serenitas, literis suis per Po-
lycarpum nostrum missis planè decla-
ravit, quas ego multis ex causis habui
gratissimas. Nam primùm hoc ipso
animadverti maximam erga Nos Ex-
cellentiae V. humanitatem, quòd
salutationi nostrae verbis duntaxat
nuntiatae respondere scriptis est di-
gnata: illud verò ne votis quidem
unquam expetere ausi fuisset, ut
Nos tantus Princeps non modò in-
ter charos, verùm etiam inter charis-
simos suos adscriberet, ac virtute, &
auctoritate in hoc Regno duceret es-
se primarios. Profectò etiam si omnia
in

in Nobis essent quàm amplissima,
 nunquam tamen tam magnifico Cel-
 situdinis V. de Nobis iudicio, & tam
 liberali erga Nos benevolentiae pa-
 tem referre gratiam sufficeremus, ne
 cum hac tenuitate nostra tam natu-
 rae, quàm fortunae. Fatebamur e-
 quidem & antea plurimum Nos de-
 bere Amplissimae Reipublicae V. à qua
 prae-ter meritum nostrum summos
 semper honores & accepimus, &
 expectavimus: nunc autem major
 pristino acervo nostrae obligationi
 cumulus accessit. Quapropter ita
 velim existimet V. Majestas Nos sibi
 esse quàm deditissimos, & ad quaeli-
 bet praestanda officia quàm paratissi-
 mos. Quod si quibus fortè in re-
 bus studiosissimae voluntati nostrae vi-
 res minùs suppetere, id animi pic-
 tas, & devotio compensabit. Quin-
 que-Ecclesiis die 5. Kalendarum
 Octobrium 1462.



JOANNES EPISCO-
PUS QUINQUE-ECCLESIEN-
SIS AD RAPHAELEM
TONENZONIUM.

Excusat tarditatem in rescribendo, hortatur ad porro scribendum, & suum affectum contestatur &c.

JOannes Episcopus Quinque-Ecclesiensis Raphaëli Tonenzonio salutem! Animadvertimus ex proximis literis tuis jam jam sæpius te ad Nos scripsisse. Næ tu vel hoc ipso facile intelligere potuisses nullas tuarum Nobis hætenus redditas, quòd responsum non habebas. Non sum equidem tam piger, aut inhumanus, ut Amicorum epistolis non rescribam, & præsertim talum Amicorum, qui me longè positum, & pene incognitum studiosissimè colunt, & observant. Sed nihil est, quod Nos à scribendo deterreat viarum asperitas, & distantia locorum, imò quantò minùs perferuntur, tantò Nos invicem scribamus frequentius, ut longinquitatis dispendium compenset affi-

affiduitas: vix fieri poterit, quin è pluribus unæ, aut alteræ perveniant. Cæterùm quòd scribis Polycarpum nostrum laudabilem isthic & fructuosum huic Regno egisse Legatum, & libenter audio, & facilè credo. Novi ego jam pridem virtutem hominis, & doctrinam. Vestra tamen testimonia hìc inter Nos plus habent ponderis, quàm si ille à me condiscipulo quondam suo prædicaretur. De me autem ipso parcius te loqui, & sentire velim. Non sum ego is, quem vel tu existimas, vel fama decantat. Si quid etiam olim de fonte Guarini nostri (a) quem tu meritò laudas, hauseram, id tam longa intermissione exaruit. Postremò quod petis te R. D. Avunculo meo (b) fieri commendatum, habes, quod optas: fovet ille Vir, & quidem sua sponte omnes Doctos, ac sui similes Viros, tu modò perge,

G 3

ut

(a) Guarinus Veronensis olim Præceptor Joannis Quinquæ-Ecclesiensis in Italia, laudatus ab eodem insigni panegyrico, qui extat in carminibus hujus celeberrimi Poëtæ Pannonii.

.(b) Joànni Vitèzio Episcopo Varadinensi.

ut cœpisti, & ambobus nobis te charum esse confidito. Vale, Quinque-Ecclesiis. 1462.

XLII.

VARADIENSIS EPISCOPUS
AD D. PALATINISSAM. (a)

Cui de injuria ab ejus hominibus saepe illata queritur, quam apud Regem celare non potuerit &c.

Scribit Nobis Maternitas V. quod non expectâisset, ut Nos tam ex abrupto D. N. Regi contra Vos inproperium porrexissemus. Nos autem dicimus, quod multò magis non expectâissemus ab hominibus M. V. tale dedecus, & hanc injuriam; quam quidem non hac vice solùm, sed pluries passi sumus, nec tantùm curâissemus, si solùm ad Nos ista res pertineret, non etiam ad verecundiam D. N. Regis ipsius, & totius Regni, videlicet propter Legatum Sedis Apostolicæ pro tunc Nobiscum existentem. Illud etiam noverit M.

V.

(a) Quznam hæc Palatinissa, an Ladislei Gara fors jam tunc defuncti, an Michaëlis Ország tum Palatini muneris fungentis conjux, constare nequit.

V. quòd Nos eam querelam imprimis
contra Vos non porreximus; sed ad-
huc ante adventum D. N. Rex cum
Baronibus rem hanc bene audierat,
& propterea Nos negare, seu celare
non potuimus, prout in aliis consue-
tudo nostra semper fuit honorem M.
V. custodire. Rogamus igitur ean-
dem M. V. seriusè, quatenus præter-
missis talibus imputationibus istud
tam enorme factum cogitet taliter
emendare, ut Serenissimo D. N. Re-
gi, & huic Regno, nec non etiam
Nobis pariter, & vobis cedat ulterius
ad honorem. Datum 1462.

XLIII.

V. **MATTHIAS REX**
AD FRIDERICUM, ET JOAN-
NEM LAMBERGER.

*Bona quadam contra Jus Regni per Vidu-
eram Ulrici Comitis olim Conjugem ab-
alienata recipi mandat.*

Matthias &c. Fidelibus Nostris
Egregiis Friderico, & Joanni
Lamberger (a) Castellanis, & Ca-

G 4

pi-

(a) Austriaci Equestris Ordinis, qui à Friderico ac Mat-
thiam defecerant.

pitaneis castrorum nostrorum Czák-thornya, & Strigo; salutem, & gratiam! Licèt quondam S. D. Ladislaus Rex piæ memoriæ Prædecessor noster medietatem proventuum castrorum nostrorum prædictorum Dominae relictæ olim Comitis Ciliæ (b) usque ad finem vitæ suæ inscripsisse dicatur, & hujus inscriptionis vigore præfata Domina medietatem proventuum Magnifico Michaëli Comiti Mayd-Burg vendiderit: tamen quia talis inscriptio purè Personalis fuisse dignoscitur, & etiam, quia memorata Domina Nobiscum, & cum Regno nostro satis infideliter se gessit in eo, quòd inter alia sine scitu, & voluntate nostra, & contra Regni Legem, ac consuetudinem externi, & Alienigenæ hominis manus in bona nostra illicitè intro-misit in tantum, quòd etiam si ipsa-met personaliter adesset, omnino jus suum pristinum meritò amisisse judicaretur; ipse etiam Comes Michaël hu-

(b) Comes Ciliæ Ulricus Corvinis semper infestus à Ladis-lao Mathiz Fratre interfectus est. Conjugem viduam reliquit Despotis Eiliam.

huiusmodi venditionis non fuit, nec est capax. (c) Ideo Nos de Consilio Prælatorum, Baronum, ac omnium Regnicolarum nostrorum in hac Congregatione decernimus, quòd annotata medietas proventuum à dictis castris nostris, imò à Nobis, & Regno nostro, sicuti non potuit, ità nec debeat quoquomodo alienari. Quapropter F. V. firmiter præcipientes mandamus, quatenus huiusmodi medietatem proventuum ad præfata castra nostra reoccupetis, & recolligatis, & nostro Nomine apud Vos conservetis, secùs facere nullatenus ausuri præsentibus tandem super tali occupatione pro vestri apud vos expeditione reservantes. 1462.

XLIV.

JOANNES VARADINENSIS
EPISCOPUS AD SIGISMUNDUM DE FRANGEPANIBUS.

Cui significat, gratas sibi fuisse oblationes ejus, & vicissim suam operam pollicetur.

Gratæ Nobis fuerunt oblationes M. D. V. quas Nobis R. P. D.
G 5 Mar-

(c) Exteri nisi in Hungaros Indigenas publica lege recipiantur, in Regno nostro bona de jure possidere non possunt.

Marcus Episcopus Tinniniensis unà cum aliis intimatis vestris retulit. In his autem, quæ M. D. V. desiderat, laborabimus pro facultate nostra temporibus opportunis, prout idem D. Episcopus clariùs dicet. 1462.

XLV.

JOANNES EPISCOPUS QUINQUE ECCLESIENSIS AD NICOLAUM CUSTODEM VACIENSEM.

Commendat sua, & Cognati sui Episcopi Varadinensis negotia.

REvertetur ad Curiam R. P. D. Marcus Episcopus Tinniniensis in suis rebus prosperè expeditus, in aliis plenè informatus. Prout ergo ipse dicet, & quemadmodum hactenus fecit tua F. negotia D. Varadinensis, & nostra fideliter, ac diligenter procuret habitura & Nos in promotione sui faventiores.

Datum 1462.



JOAN.

JOANNES EPISCOPUS QUINQUE-ECCLESIENSIS AD
GALEOTUM. (a)

*Quem peregrè proficiscentem salutaribus
monitis comitatur, hortatur ad scriben-
dum, & redeundum &c.*

EGO mi Compater excusationem
tuam facile accipio. Tu verò
illa, quæ per Plebanum scripsi, non
debebas tam altè intelligere. Scri-
psi, non quia omnino tibi diffide-
rem, sed partim joco, partim ut
te exstimularem, quò citiùs satis-
faceres desiderio D. N. qui ut scis,
propemodum avidior est laboris, quàm
vitæ. Cui cum narrâssem, quem-
admodum tibi scripserim de non
tangenda pecunia, indignatus di-
xit: tu illum bonum Virum facies

ca-

(a) Galeotus iste in Umbria natus quondam in Italia Joan-
nis Condiscipulus, Poëta excellens carminibus ejusdem
Joannis celebratus est, cujus intima semper amicitia ute-
batur. Venerat in Hungariam Grammaticam, vel Poësim
professus. Multos porro & alios literatos Viros Matthi-
as famâ nominis, & liberalitatis suæ excivit ex Italia.
Quamquam etiam Joannis Pannonii Quinque-Ecclesien-
sis Episcopi, & Poëtæ celebris divitiæ quosdam attraxerint:

Si Galeote meo te collaudavero versu,

Dix veniam nobis cætera turba precor.

Quippe licet multos habeam prædiles amicos,

Vineitur à meritis cætera turba tuis. &c.

cadere in aliquam desperationem; respondi: finite me cum Compatri meo joculari: Nos bene novimus alter alterum. Age igitur, ut melius nōsti: nihil opus habes comōnefactione nostra; quippe qui Virum hunc intūs, & in cute nōris. Illud scito, quòd quantum diligentius morem gesseris, tantò tibi erit utilius. De Magistro Bartholomæo, quamvis ego non sim bonus Astrologus, tamen ità judico, quòd ille homo nescit fortunâ uti. Nos hactenus Deo juvante sat̃s feliciter vivimus sinè Horoscopis, & Genethliacis; spero vivemus & in futurum. Medici tamen, & Tonforis adhuc volo memineris. Peregrinationem istam tuam Hispaniensem, seu Britannicam tunc magis laudabo, cū te salvum, & locupletem revertillē audiēro. Non timeo equidem tibi Scillam, & charybdim, Cyclopas, & Læstrygonas: cavē de solis mensa, & lotophagorum succis (b) nequid gustes. Vide ne qua te Circe, ne qua

(b) Herbz hæc dulcissimæ s̃ comedantur, Patrie oblivionem inducere dicuntur.

qua Chalipso detineat, & malè blandos Sirenum cantus ceratis auribus fac prætereas. Illud jam nunc tecum paciscor, ut reduci tibi post aliquantam domi morulam, Pannonia sit Corcyra, ego Alcinous. Eritne unquam ille dies, quo Nos omnes ab ore tuo pendeberimus, & mirabimur narrantem Oceani monstra, & juvenes vidisse marinos, ac longè calpe relictà, audisse Herculeo stridentem gurgite solem, & quantò Delphinis Balena Britannica major? tu loquêris, quidquid voles, Nos omnia credemus. Unum te rogamus, ut siquid Nobis dignum usquam inveneris, præstes copiam. Interim & Nos evademus ditiores, & poterimus aliquid tibi tribuere for assis non minùs, quàm isti tui Archi-Episcopi, & Comites, quos colis, & Musarum, & Apollinis æde relictà. Quantò autem longiùs, & diutiùs es abfuturus, tantò magis cura, ut quamprimùm habeamus ea, quæ tibi commisimus, schedulas puta nostras, & arma, & præsertim commentarios in Homerum.

Tho-

Thoracem autem sericeum, & siquæ
imparata, vel nondum missa relin-
ques: doce, ubi requiramus. Po-
stremò fac nos certiores quamdiu
adhuc mansurus in Italia sis, ne fru-
stra postmodum ad te scribamus,
aut inani labore nuntios fatigemus.
Vale. 1462.

XLVII.

MATTHIAS REX AD RAGUSINOS.

*Subsidium pecuniarum petit pro redimen-
da sacra Corona è manibus Friderici
Romanorum Imperatoris.*

OMnes cogitationes Nostræ, &
consilia semper ad id potissi-
mum diriguntur, ut hoc Regnum
Nostrum Hungariæ diuturnis un-
dique discordiarum fluctibus agita-
tum, tandem redeat ad quietem,
quatenus tam intestinis, quàm ex-
ternis turbationibus consopitis ad
resistendum comuni Christianorum
hosti totis Nostris viribus converti
possimus. Cum verò inter alia nu-
per F. N. R. in Christo P. D. Joannes
Epi-

Episcopus Varadinensis pro certis rebus disponendis per Nos in Sclavoniam missus fuisset, occasione oblata ad Imperatorem divertit, cum quo multis hinc inde habitis tractatibus, tam super facto Coronæ dicti Regni Nostri, quàm etiam discordiarum tantò jam tempore utrinque vigentium, spem bonam, & propè indubiam ad Nos retulit de restituenda Corona præfata, & earundem discordiarum fomite penitus extingvendo. Quas quidem res, cum ad Regni tranquillitatem, & publicam salutem maximè pertineant, omnibus conditionibus duximus amplectendas, accedente ad id Prælatorum, Baronum, ac Nobilium Nostrorum cohortatione, & consensu, adeò, quòd cum ex certis Articulorum conditionibus notabilis quædam summa pecuniæ quamprimum per Nos deponenda sit, & persolvenda, singuli pro sua facultate ad id ipsum subsidia contribuere liberaliter obtulerunt. Cum igitur præfatæ Sacro-sanctæ Coronæ recuperandæ, & componendarum dis-

cordiarum negotium non minùs,
quàm ad aliorum Fidelium nostro-
rum, vestræ etiam Reipublicæ spe-
ctet ad salutem, sicuti communi
commodo frui, ità commune onus
subire libenter & vos velle non du-
bitamus. Quapropter F. V. diligen-
tissimè rogamus, requirimus, & hor-
tamur, quatenus ad perpetuum & evi-
dentissimum semper ostentatæ No-
bis fidei V. indicium, prædictæ con-
tributioni pro vestra dignitate deesse
non velitis. Nunc enim manife-
stissimè videbitur, quam affectionem
libertati Regni, & quantam dictæ
sacrosanctæ Coronæ fidelitatem quis-
que exhibebit. Datum 1462.

XLVIII.

**MATTHIAS REX
AD ALBERTUM ARCHI-DU-
CEM AUSTRIÆ.**

*Cui significat Joannem Varad: tractasse de
pace cum Imperatore. Item Giskra, &
aliis Bohemis concordiam initam &c.*

Matthias &c. Illustri Principi Al-
berto Archi-Duci Austriæ (a)
&c.

(a) Albertus iste Frater erat FridERICI Imperatoris.

&c. Fratri charissimo salutem , & fraternam benevolentiam. Illustris Princeps Frater charissime ! Accipimus F. V. literas propter viarum discrimina duplicatas, quæ post reditum ad vos Eustachii Frodnacher missæ erant. Ex quibus intelleximus complura nova, ac postulata, nec non etiam consultationes V. F. quæ omnia, quia jam cum tempore ipso, prout Vos scitis, lapsa sunt. respon- sionem in scriptis non requirunt. Verùm quia promiseramus eidem F. V. tam per priores, quàm postea per alias literas nostras significare de his, in quibus F. N. D. Joannes Episco- pus Ecclesiæ Varadiensis laboravit, promissioni nostræ intendimus satis- facere per præsentis. Nam, ut an- tea scripsisse meminimus, dictus D. Joannes Episcopus in Sclavoniam per Nos pro certis nostris negotiis di- sponendis fuit transmissus, inde non quidem ex nostro mandato, ut ipse dicit, sed ex nonnullorum Prælato- rum, & Baronum Regni Consilio ad Imperatorem Romanorum divertens, non Nostro nomine, sed eorum ex

parte ibidem multa egit. Novissimè illinc reversus certos habitorum tractatum Articulos attulit, quibus respondere, & eos firmare, aut infirmare, prout ab eo percepimus, non est Nostrium, cùm non Personam nostram, ut dicunt, sed totius Regni Universitatem concernant: imò nec adhuc in specie ostensi sunt, aut publicati, sed in hac proxima Generali omnium Regnicolarum nostrorum Congregatione, ob hoc ipsum præcipuè advocata, sunt publicandi. Qua in re quidcunque tandem fuerit secutum, F. V. reddemus continuo certiore; nam ea, quæ inter F. V. & Nos sunt conclusa, modò per vos servata sint, parte Nostri salva erunt. Cæterum Nova F. V. hæc possumus intimare, quòd cum Joanne Giskra, & aliis complicibus suis, ac etiam his, qui Fratres vocantur, bonam dispositionem, & concordiam Deo juvante his diebus conclusimus: ità quòd Castra, Castella, & omnia, quæ adhuc tenent, ad manus nostras assignabunt, & restituent. Giskra manebit apud Nos, eò quòd pollicitus est

est Nobis, & præfato Regno Nostro,
præsertim adversùs Turcos se perpe-
tuò fideliter servitutum. Dat. 1462.

XLIX.

REX HUNGARIÆ AD DOMINUM APOSTOLI- CUM PIUM II.

*Præter alios Oratores Marcum Episcopum
se mittere significat, Zagrabienſis Ec-
clesia negotium commendat, Bullas in
confirmatione novi Collegii ad S. La-
dislai Sepulchrum erecti petit expediri,
&c.*

Multa, & magna fuere, quæ
Me proximis diebus temere
occupatum, quibus vel jam defini-
tis, vel interim sepositis curam hanc
præcipuam duxi, ut ad S. V. aliquos
Oratores transmitteremus, & licet
priùs alios deputâſſemus, postea ta-
men hunc R. P. D. Marcum Episco-
pum Tinniniensem sufficere duxi-
mus, qui tam ea, quæ de commu-
ni hoste nova habemus, quàm no-
stræ possibilitatis conatus, & pia vo-
ta explicabit. Sed inter alia nec Za-
grabiensis Ecclesiæ fuimus obliti,

eui semper optavimus, & nunc optamus de idoneo liberatore, & restauratore provideri. Qua in re ferè per omnia V. B. voluntati Noster respondet assensus, prout dictus Orator noster plenius, & planius docebit. Cæterùm Venerabili Thomæ Episcopo Abbatiam de Zeek ecce nunc remittimus, & ad manus suorum assignari facere parati sumus. Possessionem verò Ecclesiæ, & Castri Nitriensis tum dabimus, cùm personaliter prius de fidelitate servanda, ut tenetur, præstiterit Nos ritè securos. Præterea memini scripsisse Me olim S. V. pro Collegio novæ foundationis ad Sepulchrum S. Ladislai Regis in Ecclesia Varadiensi. Supplico iterum, ut ea res sub meliori forma Bullarum Apostolicæ Auctoritatis robore fulciatur. Hæc omnia, & alia complura memoratus Orator noster de mente nostra copiosè instructus Vestræ B. uberius referet. Quam Altissimus diu servet incolumem Regimini, & amplificationi Ecclesiæ suæ sacrosanctæ. Datum 1463.

MATTHIAS REX

AD PIUM II.

Cui suam in Sedem Apostolicam observantiam declarat.

Beatissime Pater &c. Ea, quæ Mihi R. P. Dominus Marcus Episcopus Tinniniensis verbô V. S. exposuit, humiliter intellexi. Cùm autem ad mandata B. V. pariter, ac vota, quidquid forsitan antea de Me in contrarium vel dictum fuerit, vel creditum, pro viribus meis extiterim semper promptus, nunc, & impofterum idem facere sincera mente propono, & interesse meo, & benevolentia V. S. & officio meo erga Sedem Apostolicam exigente. Si quid ultra hæc latiùs, ac evidentius super his, & aliis esset scribendum, ipse Dominus Marcus Episcopus, & devotionis meæ erga B. V. testis locuples, & rectæ animi intentionis satis conscius, & in quantolibet negotio relator fide dignissimus viva voce supplebit. Altissimus &c. Ex Varad
Die 28. Septemb. 1463.

MATTHIAS REX

AD EMUM.

*Commendat Oratorem suum directioni in
negotiiis pertractandis.*

Magnifice Nobis dilecte! Zelus negotii communis, & proxima post Patriam erga Nos fides, quæ utraque in te perspeximus, faciunt, ut tibi hunc V. Georgium Præpositum Oratorem nostrum, & demandata eidem quæcunque negotia nostra specialiter commendemus, à quo cum omnia latius coram intellexeris, solitâ tuâ prudentiâ simul, & diligentia, ubi opus fuerit, non deeris. Satisfacies in eo non modò nostræ de te expectationi, sed & pietati, ac officio in Patriam, cum qua omnis fortuna nostra, te auctore, & sequestro conjuncta est. Datum in Profesto B. Catharinæ V. & M. (a)

MAT-

(a) Anno circiter 1463. scripta fuerit, quo Georgius ad Venetos, & Pium II. Papam missus esse creditur.

MATTHIAS REX AD CARDINALEMS. ANGELI.

Commendat celerem Oratoris sui, & rerum expeditionem.

Reverendissime Pater! Misimus ad Sanctissimum D. N. pro publicis fidei Catholicæ, quàm etiam privatis quibusdam negotiis hunc V. Georgium Præpositum. Cùm autem jam Nobis perspectissima sit R. P. V. benevolentia in Nos singularis, & ferventissimus zelus Domûs DEI, præfatum Oratorem nostrum, & ejus celerem, ac votivam in omnibus expeditionem eidem R. P. V. specialissimè commendamus. Quòd si unquam antea, nunc opus est, ut R. S. Angeli Cardinalis suâ sapientiâ, & diligentia ostendat, quantus, qualisque & Hungarorum, & omnium Christianorum sit Patronus. Cætera ipse Orator noster explicabit, cui fidem adhibere dignetur R. P. V. quam Omnipotens diu fervet incolumem ad vota. Datum

1463.

H 4

MAT-

**MATTHIAS REX
AD CARDINALEM NN.**

Commendat magnopere per Oratorem suum intimanda.

INtimavimus nonnulla V. R. P. de qua specialiter confidimus, per hunc Venerabilem D. Georgium Præpositum Quinque-Ecclesiensem, Consiliarium, & Vice-Cancellarium nostrum. Proinde rogamus eandem quàm diligentissimè, ut zelum suum circa factum Fidei, & affectionem erga Nos, quæ utraque semper hactenus præsetulit, hoc potissimum tempore ostendat cum effectu. Cætera plenius coram enarrabit ipse Orator noster. 1463.

**MATTHIAS REX
AD CARDINALEM QUEN-
DAM.**

Commendat per Oratorem intimanda, efficaciter, & celeriter peragenda.

Multa fuere tam publica, quàm privata negotia, pro quibus
ne-

neceſſe fuit Nos hunc V. D. Georgium Præpoſitum Quinque-Eccleſienſem, Conſiliarium, & Vice-Cancellarium noſtrum iſthuc transmittere. Quæ licet in literis noſtris ad Summum Pontificem ſcriptis ex parte tacta ſint, ab ipſo tamen utpote abundantiffimè à Nobis informato coràm plenius referentur. Quapropter R. P. V. diligentiffimè rogamus, ut & Perſonam præfati Oratoris noſtri, & imprimis res ipſas velitis non ſolùm credere, ſed & habere comendatas; & ità commendatas, ut hoc potiffimùm tempore maturiffimè, & efficaciffimè rebus Chriſtianis conſulatur. Datum Budæ feria 3. ante Palmarum. 1463.

LV.

CREDENTIONALES,

Quibus Matthias Oratori ſuo fidem facit, & poteſtatem tribuit negotia nomine ſuo tractandi.

Quia Nos pro certis, & arduis negotiis cùm publicis, & ad deſenſionem, & rem fidei contra Turcos pertinentibus, tum noſtris privatis hunc V. Domi-

num Georgium Præpositum Quinquæ-Ecclesiensem, Confiliarium, & Vicecancellarium nostrum ad Illustrissimum Dominium Venetorum, & in Curiam Romanam transmisi-
mus Oratorem : ideo de fidelitate, & prudentia ipsius confisi, damus ipsi plenam, & omnimodam facultatem in Persona nostra circa omnia ea tractandi, & concludendi, & Nos obligandi; ratum, & firmum habere promittentes, quidquid per dictum D. Georgium Oratorem nostrum in præmissis actum, contractumve fuerit, seu quomodolibet definitum, præsentium literarum nostrarum testimonio, & vigore. Datum Budæ feria 3. ante Palmarum. 1463.

LVI.

MATTHIAS REX AD CARDINALEM ALIUM.

Oratorem, & eidem commissa negotia commendat.

Pro quibus rebus hoc tempore in Curiam Romanam remisi-
mus

mus hunc V. D. Georgium Præpositum &c. eas ipse coràm plenius referet. Et quia in R. P. V. non mediocrem fiduciam habemus, idcirco eidem cùm præfati Oratoris nostri Personam, tum præcipuè negotia sibi commissa, utpote publica potius, quàm privata, & nihil magis quàm fidei defensionem concernentia diligentissimè commendamus. 1463.

LVII,

MATTHIAS REX AD PRINCIPEM DE KIM- STADT.

Suam amicitiam ei contestatur, & apparatus adversus Turcam significat.

Matthias &c. Illustri Principi Domino Boghkoni de Kimstadt Domino in Podiebrad (a) salutem. Ob eam, quàm à longo tempo-

(a) Unum è Filiis Podiebradii Regis Bohemiæ fuisse ex ipso contextu colligitur, Victorinum porro, & Henricum Filios Principes fecit non tantum Paterna dignitas, sed & Friderici Imperatoris gratitudo, qui Viennæ ab Alberto Fratre obsessus 1462, à Georgio soluta obsidione liberatus, in remunerationem utriusque Filio liberatoris sui, Principum Imperii consulit.

pore Vobiscum habuimus amicitiam, & ob respectum Serenissimi Genitoris Vestri, dedimus operam, & effecimus, ut hic, pro quo intercessitis libertatem, & omnem bonum finem in rebus suis consequeretur; parati libenter, & in futurum etiam in maioribus vestræ complacere voluntati eò, quòd in Vobis Fraternam erga Nos intelligimus durare affectionem. Cæterùm ubi scribitis: desiderare Vos prospera ad partem nostram de Turcis habere nova; respondemus: quòd communis noster, & omnium Christianorum hostis cum magno (ut solet, & potest) apparatu, in tali loco positus consistit, ut dubium relinquat, quas tandem Christianorum partes sit invasurus. Nos ea suspicione ducti ità omnia paramus, & eo modo cum Regnicolis nostris concordavimus, ut, si opus sit, tanti inimici impetum fortiter excipiamus. Interim verò misimus ad inferiorem Regni nostri plagam copias pro defensione, & primo occurso sufficientes cum Capitaneo

neo Joanne Panigracz (b) Cognato nostro, quem & Nos, si necessitas postulabit, personaliter secuturi sumus cum spe bona fortunæ melioris. Quisquis tamen rerum exitus erit, talium divulgatrix fama F. V. latere non permittet. 1463.

LVIII.

MATTHIAS REX AD BOHEMIÆ REGEM.

Promittit suum apud Pontificem patrocinium.

BInas simul V. S. literas accepimus, in quarum unis scribit Nobis eadem de his, quæ Nos per Oratores Vestros renuntiaveramus, & de missione D. Arhi-Episcopi Strigonien-
sis. In alteris verò post longam excusationem innocentiae suæ super his, quæ in Curia Romana contra se acta essent, & agerentur. (a) Horta-
tur,

(b) In calce Decretorum anni 1464. legitur Joannes Panigracius de Dengelech Vajvoda Transylvaniæ. Re: erit etiam in Bonssinio Pancratium Liphthoviensem de S. Nicolao ex odio publico captum, quod Regionem, quam vagus præterfluit, assiduè infestam latrociniis teneret.

(a) Podiebradius Hussitarum fautor in Bohemia fulmen Pontificium, quod à Pio II. imminerebat, metuit, sed Matthias & Imperatoris sumptibus patrocinio impeditum.

tur, & rogat, quatenus & Nos inter
nonnullos alios Principes apud Sum-
mum Pontificem pro causa, & po-
stulatione V. S. saltē literis inter-
cederemus. Nos autem Serenissi-
me Princeps non ignoramus, quan-
ti res ista sit momenti, nec non quæ,
& quanta exinde ad utramque par-
tem sequi possent; quapropter cū
ob mutuam benevolentiam no-
stram, tum ob desiderium pacis,
& concordie universalis non mo-
dò scribere ad Sanctissimum D. N.
verū etiam nuntium mittere spe-
cialem parati sumus, prout & bre-
vī mittemus, nec quidquam in hoc
negligemus, quod modò piē, & ho-
nestē facere possimus. Ad alia li-
terarum suarum contenta S. V. tunc
respondebimus, cū mox DEO ju-
vante intra paucissimos dies Budæ
constituemur, & eandem de omni-
bus opportunis reddemus cer-
torem. 1463.



MATTHIAS REX AD PRÆLATUM QUEN- DAM.

*Suum responsum Regi Bohemia datum, &
iter Budam versus significat.*

Quid pro nunc responderimus
Regi Bohemiæ, ex inclusis
P. V. intelliget. De reliquis mox
cum eadem personaliter tractabi-
mus. Nam exercitum jam per Sa-
vum trajicimus, & die crastina isti
Domini, qui illuc ituri sunt, à No-
bis separabuntur; nec Nos diutius
præsertim causis deficientibus hic
morabimur, sed recto itinere, &
quantò celerius poterimus, Budam
ascendemus. 1463.

LX.

AD CARDINALEM QUEN- DAM.

Cui sua negotia commendat.

Misimus iterum in Curiam Ro-
manam hunc V. D. Georgi-
um &c. pro multis quidem & aliis
particularibus nunc occurrenti-
bus

bus, sed maximè pro rebus fidei, quas omnes ipse utpote à Nobis diligentissimè informatus coram latius enarrabit. Cùm igitur R. P. V. Personam dicti Oratoris nostri ob sua merita satis per se gratam esse arbitremur; res tamen sibi commissas pro earum magnitudine, & momento non accuratissimè commendare non possumus, rogantes eandem quàm studiosissimè tanquam Patrem, & Patronum nostrum specialem, ut ea, quæ semper præsetulit, cordi sibi esse nunc maximè occasione oblata, consiliò, & auxiliò suò ad effectum impellere, & pro officio sibi credito respiciat non modò Ungarorum, sed & omnium Christianorum salutem, nisi maturè, & sufficienter provideatur in anticipiti trutina vacillantem. 1463.

LXI.

MATTHIAS REX AD REGEM BOHEMIÆ.

Oratorem se missurum significat, pro quo saluum conductum petit.

A Nimadvertimus ità exigere communia utriusque Nostrum
ne-

negotia, ut de rebus occurrentibus saltèm per aliquem fidum nuntium cum V. S. quamprimum tractemus. Quapropter statuimus mittere ad eandem unum ex Consiliariis nostris Magnificum scilicet Curiae nostrae Magistrum. Sed quoniam & Personae conditio, & rerum status ità postulat, Majestatem V. rogamus, ut præfato NN. priusquam iter suum ingrediatur, de salvo conductu provideat opportuno.

1463.

LXII.

CONSILIARIUS MATTHIÆ
REGIS CUIDAM NOBILI
GALLO.

Respondet nomine Regis ad plura puncta pacis, & fæderis inter Principes Christianos incundi contra Turcam proposita. &c.

EGregie Miles! Ea, quæ tam viva voce proposuistis, quàm etiam in scriptis obtulistis, Serenissimus D. N. Rex unà cum suis Consiliariis, Prælatis, & Baronibus clarè intellexit, & breviter in hunc modum respondet.

Primum in eo, quod narrastis aliqua multùm bona nova Regiæ

**

I

Ma-

Majestati, & vias, ac modos ad ea consequenda tetigistis, illa omnia Sua Serenitas libenter audivit, ac quod inter cætera dixistis: Vos habita consideratione diligenti, ad quantam nunc respectu antiquorum temporum paucitatem simul, ac imbecillitatem redacta sit Christianitas, multis jam ab annis in hoc laborasse, ac diversa propter hoc perambulavisse loca, ut tandem universalis inter omnes Christianos concordia componeretur ad hunc videlicet finem, quo tandem melius, ac potentiùs contra Paganos fidei defensio posset procurari. In eo Regia Majestas laudat operam, ac studium vestrum, & multò magis laudaret, quando videret istos tam notabiles tractatus votivum perductos ad effectum. Commemorastis latissimè tanquam pro negotio principali, qualiter Serenissimus D. Rex Bohemiæ in sua, & quodammodo etiam D. N. Regis, velut Fratris, & Filii sui Personis Vos pro attentando hujusmodi negotio ad Christianissimum Regem Fran-

Francorum transmisisset. Et quòd præfatus Christianissimus Francorum Rex, si modò vos de pleno mandato docuissetis, statim ad omnia paratus exstitisset, & ligam generalem cum Principibus Christianis sinè dilatione iniisset. Cujus quidem ligæ etiam capitalia quædam puncta præsentâstis: in quibus inter alia continetur de Oratoribus Regum, & Principum cum amplissima facultate ad certum locum, & tempus destinandis, qui rerum omnium omnimodam potestatem habeant, & de occurrentibus quibilibet pro communi utilitate disponant. Ad hæc Regia Serenitas ità respondet: quòd nihil optabilius, nihil melius, nihil salutarius contingere posset populis Christianis, & fidei Catholicæ, quàm si Gentes Christianæ tantis inter se terrarum spatiis distantes, linguis insuper, & habitibus, nec non moribus, ac institutis, & studiis, ac voluntatibus tantopere differentes, imò etiam vetustissimis, & maximis odiis dissidentes, & majori ex parte de-

facto quotidianis invicem bellis implicite, nihilominus tamen his omnibus non obstantibus quasi in unum corpus redigi, & ad celerem, ac firmam concordiam deduci, & per consequens ad eadem studia, & easdem voluntates, & actus conformari, ac conglutinari pro sufficienti tempore valerent. Hæc enim esset excellentissima, & singularis via, per quam in commune bonum omnia dirigerentur, Ecclesia Christi, & Romanum Imperium ad dignissimam amplitudinem excreceret, Paganismus omnis destrueretur, & Orthodoxa fides plus, quam unquam dilataretur. Cæterum ista hujusmodi universalis concordie, & generalis ligæ mentio hic apud Majestatem Regiam fuit hætenus inaudita; & meritò expectasset sua S. à D. Rege Bohemiæ prius condignam superinde avisationem, quàm talia suo nomine fuissent mota, & incepta. Licet enim ille fuerit Pater, hic Filius, habet tamen & Filius suum Regnum, discretos fines, peculiare consilium in Curia sua, & pro-

proprius quosdam respectus. Et quia
 Confiliarios habet ad omnia suffici-
 entes, non indiget promotione alte-
 rius. Cum Christianissimo autem
 Francorum Rege S. D. N. Rex jam
 dudum optavit omnem amicitiam,
 & benevolentiam contrahere, & ob-
 servare, quam & nunc tempestivè
 oblatam libentissimè acceptat, gra-
 tiàsque agit tantæ humanitati Chri-
 stianissimi Regis Francorum, quem
 bene novit Sua Serenitas inter omnes
 Christianos Reges tam Nobilitate
 sanguinis, quàm amplitudine digni-
 tatis obtinere Principatum: maxi-
 méque ad ipsum pertinere cognoscit
 tam altos, & tam notabiles rerum
 tractatus. Meminit etiam Sua Ma-
 jestas Prædecessoribus suis Hungaris
 Regibus per multa retro sæcula cum
 Domo Franciæ semper aliquam, vel
 conjunctissimam amicitiam, vel ne-
 cessitudinem, seu affinitatem fuisse:
 (a) Regésque, & Reginas de illa
 I 3 Do-

(a) Carolus Robertus è Regum Galliz sanguine oriundus
 in Regem Hungariæ electus est anno 1310. Cujus posterì
 successère in Regno Ludovicus M. Maria, Carolus II. Non
 integris 90. annis regnavit hæc Familia in Hungaria.

Domo in hoc Regno sæpiùs exstitisse. Quæ omnia Regiam Serenitatem inducunt, ut cum Clarissimo, & Christianissimo Francorum Rege strictissimam Societatem, & confœderationem habere desideret: velítque jam ex nunc defacto initam firmiter observare: & quidquid tanti Regis Sapiencia, & Authoritas pro bono communi disposuerit, acceptare, & tenere. Sed quia, út prædictum est, apud Regiam Majestatem usque ad hoc tempus hæc fuerunt inaudita, ità quòd nec consulere potuit superinde, quos meritò debuisset; imò nec cum suis Consiliariis sufficienter adhuc deliberare; & licèt dignissimum videtur Serenitati Sux eos, cum quibus aliquam intelligentiam habet, ut Venetos, & præsertim Principalissima totius Christianitatis Capita, Sedem videlicet Apostolicam, & Imperatoriam Celsitudinem, priusquam ad specialiores conclusiones descensus fiat, super his aliquantulùm reddere certiores. Ità enim commune debitum, & publica honestas exigit. Ista tamen,

quæ

quæ ab aliis meritò requiruntur, Regia Majestas jam defacto observat, nec quempiam Christianum injuriâ laceffit, aut laceffere intendit; sed cum omnibus fidelibus vicinis pacem firmavit, & tenet, solósque Paganos pro hostibus habet. Ad hos submovendos, & conterendos omnis cura, & omnes tendunt apparatus, omnisque expensa proventuum non solùm trium dierum, sed etiam totius anni. Sit modò aliis Christianis Principibus idem studium, eadem intentio cum effectu, per Regiam Majestatem nunquam stabit, quò minùs Turci confringantur, & Christiana Religio protegatur, & amplificetur. Nec credant cæteri Christiani Hungaros tantummodò pro Patria, & suis duntaxat finibus decertare; possent, si vellent, & dudum potuissent tales tenere modos, & ea fœdera inire, quòd illæsis, & quietis permanentibus Hungaris alii periculosa Turcorum arma sensissent. Hoc igitur, quod petitur à Regia Majestate faciendū, quotidie sponte facit, & factura est in futurum. Et quia

continuis fatigatur infidelium bellis, inconueniens est dicere: quòd vel non indigeat auxiliis, vel oblata refutet; imò potius longo jam tempore negata efflagitat, & si porrigantur, libentissimè amplectitur. Rogentur ergò solemniter alii Reges, & Principes Christiani, ut pacem invicem teneant, ut fidei succurrant: à Nobis talia postulata de communi videlicet pace servanda, & fide tuenda jam defacto impetrata ubique intelligantur. Quamvis etiam absque ista tam manifesta Professione hæc omnia de Nobis præsumi possent, & deberent, cùm scriptum est: *Ex operibus eorum cognoscetis eos.* Non oportet ergo D. N. Regem moneri, cùm sit in procinctu: aliquid facere intendunt, faciant similiter; videlicet defacto, & sinè dilatione; cùm jam certum sit, quòd & Sanctissimus D. N. Personaliter, & Duces Burgundiæ, & Venetorum sint parati ad movendum se; (b) Ità, quòd nullus

(b) Decreta est hæc expeditio anno 1463. anno deinde sequenti Anconæ ingens armorum numerus confluit, sed in irrisum omnis conatus recidit, at alibi refertur.

nullus dicere potest, quòd non habeat, quos sequatur. Omissis ergo tractatibus eatur ad effectum.

Cæterum quoad ea, quæ secretiùs retulistis, Regia Serenitas ità respondet: primum erat de remissione injuriarum: quam petitionem similiter supervacaneam esse censet Regia Majestas; quippe qui adhuc tempore electionis suæ omnibus inimicis suis clementer indulserit, & multis etiam postmodum denuo culpabilibus veniam præstiterit ità, quòd à nullo ferè dici potest, quòd de aliquo inimicorum suorum vel in personis, vel in rebus qualemcunque sumpserit vindictam. Nec usquam in mundo Hungarorum aliquis exul, aut relegatus à Patria procul vagatur.

(c) Hoc idem & in proxima sua Co-

I 5

10.

(c) Bonfinius tamen scribit: *Id Matthia quandoque vitio datum: obrectatoribus, delatoribusque fuisse paululum obnoxium: & hinc in amicos plerumque sevitum.* Hujus peculiare indicium dedit in Szilagyio Avunculo suo, quem in vincula conjecit fortassis ex suspitione Regni affectati. Senferat iram Matthiæ etiam Joannes Vitèzius Archi-Episcopus Strig. qui etsi veniam conspirationis iacta impetravit, tamen postea Vilssegradum in custodiam missus est. Petrus denique Cancellarius Archi-Episcopus Colocensis præprimis acerbas injuriæ suæ poenas dedit, ut Petrus de Reva retulit cent. 5. & nos alibi annotavimus.

ronatione factura est Regia Majestas laudabili in eo Prædecessorum suorum consuetudine observata: quamvis & alioquin Regni hujus instituta, & Legales ritus ita tenent, quod contra quoslibet etiam Regiæ Majestati culpabiles non statim, & ex abrupto animadvertitur; sed secundum Juris vias, & legitimas proceditur sanctiones. Ergo etiam quoad hanc partem Christianissimi Regis Francorum consilia, & postulata dignissima prius per Regiam Majestatem adimpleta sunt, quam per vos proposita exstitissent; possuntque intelligi obtenta absque omni ulteriori instantia requirentis.

Secundum erat, quod Christianissimus Francorum Rex ex multis potissimum Alemannis de Serenissimo Domino Rege obloquentibus, dicentibusque non ad Regiam Majestatem, sed ad alios quosdam Regnum hoc pertinere; notabilesque infamias contra Suum, & Genitoris sui Nomen, aliosque suos inique diffundentibus aures nullo modo adhibuerit: præsertim eo, quod talia
non

non ad pacem publicam, cui studet, sed ad majorem Christianorum perturbationem spectare judicârit. Fecit in hoc Christianissimus Rex, ut in aliis omnibus optimè, & proposito suo convenientissimè: meritòque debuit tantus Princeps hujusmodi malignæ invidiæ figmenta non modo non credere, sed nec audire. Novit insuper Regia Majestas libertates Regni, & Jura clarissima, potestatemque plenissimam, deligendi pro arbitrio Principis virili Regum semine per defectum penitus intercepto; (d) scitque etiam Illustrum Genitorem suum potissimum ità vixisse, séque taliter gessisse, ut de eo nihil verè dici possit à quovam, nisi quod ad summam probitatis laudem pertinet, & magnanimæ virtutis gloriam sempiternam. Ea verò, quæ fortè de ipso malignitas ausa est cominisci, & alioquin minimè verisimilia, etiam ratione tem-

(d) Ex hoc colligi videtur, Regnum Hungariæ hæreditarium semper fuisse quoad Sexum Masculinum.

temporum impossibilia esse facile conjiciuntur. (e)

Tertium erat de Concilio præcipuè per Electores Imperii satè instanter postulato, & tamen per Christianissimum Regem rejecto: prudentissimè quidem hoc quoque, & utilissimè, Concilii enim congregatio singulariter ad Romanum spectat Pontificem; siquidem Ejus est Ecclesiam DEI reformare, qui vice ejusdem in terris regit illam. Nec satè apparet, quid hoc tempore boni Concilium posset afferre. Ex Conciliis enim sæpius schismata, & discordiæ, ac utilissimarum rerum perturbaciones, & impedimenta, seu retardaciones oriuntur. Quæ omnia maximè nunc essent periculosissima, & communi paci, fideique defensionì evidentissimè contraria.

Quar-

(e) Quantus fuerit Joannes Corvinus Pater Matthiæ, vel inde conice, quod eum vitâ functum Pontifex, totusque Senatus Cardinalitius publico, & solemni luctu persecuti sint. Qui eum à Sigismundo Imperatore, & Rege ex Valacha in Transylvania susceptum cominiscuntur, rationem temporum nullam habent: fuit enim Joannes ferè coævus Sigismundo, & jam 1479. inter Clientes Demetrii. Præterea Sigismundus Transylvaniam 1392. primò ingressus est.

Quartum ex Persona Vestra addidistis: videlicet de novo Matrimonio Regiæ Majestatis procurando: ad quam partem pronunc nihil Regia Serenitas aliud respondet, nisi quòd ex debito honestatis, & etiam bonæ consuetudinis satisfacere vult modestiæ; & quoniam ita Divinitati visum est, ut novæ viduitatis casum incurreret (f) tenere intendit aliquatenus moderationem omnimodam; postea, cum tandem tempus svaserit, atque honestas, deliberabit superinde, prout videbitur opportunum. 1463.

LXIII.

MATTHIAS REX AD ORATOREM SUUM R O M Æ.

Turca apparatus significat, & auxilia Italica adurgeri postulat.

Post diceßum vestrum multa, & notabilia emerferunt, quæ plenè notificavimus vobis per Nicolaum

(f) Catharina Podiebradii Regis Bohemiæ Filia post nuptias cum Matthia annò 1459. circiter celebratas obiit tertio, an quarto post anno. Annò demum 1476. Beatricem Ferdinandi Regis Neapolitani Filiam sibi sponsam accepit.

um (a) Doctorem Electum Tinniensem. Is intra octo dies arripit iter de omnibus penitus informatus. Interim de Turco (b) hæc habete: quod facit apparatus, quales, & quantos nunquam antea consona omnium vox est: ab uno mari ad alterum non alio eum tendere, quam in Nos. Molimur quidem & Nos contra pro finibus tuendis, quod possumus, sed penset unusquisque, si soli, & inadjuti tantæ gentis impetum sustinere possumus. Animus Nobis superesset, si suppeteret facultas. Cæterum quid hac æstate secuturum sit, id dubitamus, nisi ab Italia certissimè aliqua fiat provisio. Nam se-
ra auxilia veremur, ne parùm profint; provisio autem multò præteritis honestior, & fortassis utilior esset, si ab illa parte quamprimum hostis invaderetur; non tamen per viam maris, quæ nihil unquam boni operata est, sed per terram. Et
in-

(a) Errore fortassis scribentis Nico'aus pro Marco substitutus est; hunc enim Episcopum Tinniniensem & Romam etiam hoc annò missum fuisse constat.

(b) Jayezum recuperaturus magnis viribus appropinquabat.

invaderetur manu tam valida, ut necessariò causam haberet vel omnino tandem semel avertere se à Nobis, vel saltèm ex æquo dividere vires suas. Nos hìc brevì videbimus, quid vel opportunitas svadebit, vel coget necessitas. Vos ibi aut uno modo, aut alio, dummodo tempestivè agite, instate, efficite, prout de vobis confidimus, & prout imminentis periculi exigit magnitudo. Budæ in festo Marci. 1463.

LXIV.

MATTHIAS REX (a)

Hortatur ad Regni constitutiones observandas.

Intelligetis cùm ex Nuntiis vestris ad Vos redeuntibus, tum præcipuè ex Magnifico Joanne Groff(b) Vajvoda nostro in illis partibus constituto earum rerum ordinem, quæ modò in hac generali Prælatorum, Baronum, ac Nobilium nostrorum Congregatione dispositæ sunt, quæ qui-

(a) Ad Transylvanos scripta fuerit.

(b) Vajvodam hujus nominis non invenio in Catalogo Szent-Ivaniano, nisi quis dicat Joannem Comitem à S. Georgio, qui hoc tempore Præfecturam Transylvanicam tenebat, paterno nomine Groff appellatum fuisse.

quidem res quoniam non ad aliquā
diminutionem libertatis commu-
nis, sed potius ad conservationem
ejus tendunt: & pro meliori statu,
& defensione Regni providè, & sa-
lubriter excogitatæ sunt, Fidelita-
tes V. attentissimè requirimus, &
eisdem nihilominus firmissimo no-
stro Regio jubemus sub edicto, qua-
tenus & Vos præfatam dispositio-
nem libenter amplecti, & eidem
per omnia obtemperare nullatenus
recusetis. Nam cùm membrum
hujus Regni sitis, & legibus ejus
vivatis, conveniens est, ut quascun-
que Capitis vestri ordinationes,
præsertim tales, & ad tam bonum
finem factas obedienter acceptetis;
nec soli gravè reputetis id, quod
omnes cæteros subire non piguit.
Eò potissimùm, quòd defensio, ad
quam omnes istæ dispositiones spe-
ctant, Vobis etiam fortè multò ma-
gis necessaria est, quàm quibuscun-
que aliis partibus Regni Nostri. Se-
cùs igitur, prout benevolentiam
erga Vos nostram, & protectionem
vestram diligitis, & prout unum
Gor-

corpus cum hoc Regno nostro esse vultis, nunquam facere præsumatis. Cæterum referet pro parte F. F. vestris nonnulla memoratus Vajvoda Joannes, quem hoc tempore Nos maximè ob tuitionem vestram tam citò in medium vestri remisimus. Quapropter volumus dictis, utpote de mente nostra procedentibus Fidem omnimodam adhiberi: 1463.

LXV.

MATTHIAS REX AD DUCEM VENETIARUM.

Turcarum fraudes, & apparatus describit. Hortatur Ducem ad bellum Turcis terrâ inferendum &c.

CUM nuper octavo videlicet die mensis Aprilis è Strigonio certas literas ad V. F. dedissemus, non ità multis diebus post advenerunt tandem, & pene serò quædam Vestræ, in quibus scribitis tractatus illos pacis, sive induciarum cum Turco nullum esse sortitos effectum; imò inter cætera respondisse Turcum ipsum: Nos, si pacem
K cum

cum eo cuperemus, potuisse per proprios nuntios de ea re secum agere per viam terræ. Insolenter ille quidem; sed tamen verè. Nam licèt jam dudum variis modis per obliquum superinde sollicitaremur, nunquam tamen noster ad illum accessit nuntius, ne scilicet illius animus tali responsione magis intumesceret. Reliquum est, ut ad ea, quæ tam de suo, quàm contrà de vestro apparatu significatis, respondeamus. Illius quidem & apparatus, & mentem jam pridem satis intelleximus, & Amicitia V. proximis literis copiosè declaravimus. Quæ fama in dies apud Nos crebrescit, & augetur: tanta illum, & talia moli-ri, ut non facilè sustineri possit, quocunque impetum verterit. Versus est autem, ut percipimus, & ut simillimum veri est, non aliò, quàm in Nos, utpote quos ob diuturniores, & acriores inimicitias omnium mortalium habet invisissimos, & qui ab eo nec mari, nec montibus distingvimur, sed longissimis finibus ubique contigui, & quo-

quodammodo secum implexi sumus. Nobis verò superesset quidem animus excipere illum, sed ingenuè fatemur. solos Nos impares esse tantis inimici opibus, & copiis. Nimis profectò nimis lentè, ac tenuiter præsertim in hac æstate tam gravi nostro, imò communi periculo Apostolica providet Sedes, & reliqui Christiani. Utinam ne inflicto jam vulnere (quod absit) serum, & inane alligetur remedium: aut tale aliquid necessariò contingat, ut nullo Nobis remedio sit opus. Quapropter F. V. iterum monemus, ut semel tandem avertat à Nobis, vel saltèm ex æquo dividat hostem. Quod ità demum eveniet, si à latere vestro valida, & non contemptibili manu quamprimum ille appetatur, terrâ tamen magis, quàm mari. Nam quid hætenus vel illi nocuerit, vel Vobis profuerit tam ingens classium impensa, ipsi scitis. Nos etiam ex parte nostra his, quæ agenda erunt, & agi poterunt, non derimus, nec rei nostræ obliviscebimur, maximè si aliorum opportu-

na affuerint adjumenta. Hæc in præsentiarum Nobis vel consulenda in commune, vel admonenda occurrunt. Vos pro vestra sapientia si quid insuper majus, & melius adjicere potestis, tempus est. Cæterum intrâ paucissimos dies missuri istuc sumus alterum Oratorem nostrum, per quẽ, si qua interim emerferint, nota faciemus, potissimum verò evidentiùs aperiemus mentem nostram super illo vestrarum literarum articulo, qui meminit de pace tentata cum Turco, quam ab illo non alia magis de causa repudiatam credimus, quàm quòd se leviter urgeri sentiebat; pulsetur modò fortiter, quod nunc renuit, postmodum fortassis ultro offeret, & illi parti citiùs, ac libentiùs offeret, quàm sibi viderit infestius imminere. Ità amplior belli apparatus si minùs proficiet ad victoriam, conferre poterit ad bellum commodiùs componendum. Budæ

27. April. 1463.

MAT.

MATTHIAS REX AD ORATOREM SUUM RO- MÆ GEORGIUM.

Quem redire jubet periculi prius admonito Pontifice.

Reverfus ad Nos Nicolaus Custos Orator noster, retulit Summi Pontificis animum quidem erga Nos optimè affectum, sed literas excusationem prætendentes, quòd scilicet propter bella Italiæ rebus Christianis ad præsens subvenire non possit. Volumus igitur ne ampliùs Sanctitati Suæ fastidio illic sitis, sed post expedita alia negotia quamprimum redeatis. Unum illud semper, & potissimùm in recessu vestro diligenter imprimatis. periculosissimã hoc tempore esse hanc Christianorum omnium circa facta fidei negligentiam, & ità imprimatis, ut tam Pontifex, quàm cæteri omnes clarè intelligant, quid exinde sequi possit; & si quid sinistri (quod absit) sequatur, nihil unquam in ea re Hungariæ Regi im-

putari debere, per quem utique non stetit, quin non solum Christianitas salva esset: verum & Mahometi superstitio interiret. Nos deinceps necessario id agemus, quod statui nostro minus noxium videbitur futurum. 1463.

LXVII.

MATTHIAS REX AD PAPAM.

Cui significat se jam providisse Ragusio de præsidio militari. Insinuat etiam indigentiam subsidii.

SCio notissimum esse S. V., his superioribus diebus in Alemannia & quæ egerit, & quorsum ea omnia egerit Turcus. (a) Nemini quippe dubium est: non Epiroticos illum montes affectare, sed per ista quasi pontem sibi parare ad reliquam Christianitatem opprimendam. Ego verò sentiens proximum exinde Civitati meæ Ragusinae imminere periculum, & id mox (quod absit) gradum fore periculi communis, ea potissimum de causa misi præsidio illarum partium quantum ad præsens ipse potui, copia-

(a) In Stryiam, Carnioliam, vicinasque Regiones irruptionem fecerit Turca.

piarum. Magis ut proposito, ac officio meo faciam satis, & animum declarem meum, quàm quòd sperem, solus sufficere posse ad tantos impetus sustinendos. Cùm igitur luce magis clareat B. V. inimicus fidei Catholicæ quid struat, his coeptis pro sua sapientia, & debito Pastoralis de remedio cogitet opportuno, & ità cogitet, ut tam letifero vulnere non ferum, & leve, sed tempestivum, & validum adhibeatur medicamen; nam si ultra jam tardabitur, vereor equidem, ne talia interim sequantur, quæ etiam cunctis annitentibus non modò valde difficile, sed & impossibile sit emendare. Altissimus &c. 1463.

LXVIII.

JOANNES EPISCOPUS QUIN-
QUE-ECCLESIENSIS AD D.
CARDINALEM S. SU-
SANNÆ.

Marcum Episcopum Tinniniensem, uti & negotium fidei promovenda sibi cura esse significat.

R Everendissime Pater! Comen-
dat mihi per literas R. P. V.
K 4 Reve-

Reverendum D. M. Episcopum Tin-
 ninienſem. Commendat etiam Ca-
 tholicæ Fidei deſenſionem. Ipſius
 quidem D. Marci negotium votivam
 habuit expeditionem benignitate Se-
 reniſſimi D. N. Regis, & Domino-
 rum, qui tum aderant, promotio-
 ne; inter quos & ego, quantum fa-
 cultas Mea tulit, laboravi cum me-
 ritô Perſonæ præfati D. Marci quo-
 vis ſtatu digniſſimæ, tum commen-
 datione R. P. V. cui quàm ſim jam pri-
 dem, & eſſe velim ſemper ad omnia
 obſequia exhibenda deditus, ex effe-
 ctibus mallet intelligeret, quàm
 ex verbis. Si tamen teſtimonio eſt
 opus, nec locupletioſiorem, nec cer-
 tiorem teſtem adducere quemquam
 poſſum, quàm D. M. Episcopum ſu-
 præ dictum. Qui etiam clariùs re-
 ferre poterit quemadmodum hæc de-
 ſenſio nominis Chriſtiani procedat.
 Cui vim meam omnem, quantula-
 cunque eſt, libens impendo, & ob
 hanc maximè cauſam lateri Regio
 diutiùs adhæreo. Si quid præterea
 eſt, quod exiguitas mea R. P. V. gra-
 tum efficere poſſit, totis, ut teneor,
 viri-

viribus experiar. Quam diu felicem valere, ac me commendatissimum habere vehementer desidero. Datum 1463.

LXIX.
PRÆLATI, ET BARONES
AD IMPERATOREM.

Conditiones concordia ineunda, & Corona restituenda etsi difficiles, ratas tamen se habere significant.

Serenissime Princeps! Pridē nonnulli Nostrū ex Vacia S.V. scripserunt in negotio tractatum per R.D. Varadinensem habitōrū, quorū Articulos in hac Generali Congregatione constituti cum fratribus Nostris, & universitate Regni, quantum opus fuit, communicavimus. Nunc unanimi deliberatione visis, & intellectis his, quæ tractata sunt, dicimus, & respondemus Nos ea, quæ S. V. pro communi pace facere dignata est, cum ea, qua possumus majori gratitudine suscipere. Licet autem Articuli ipsi visi sint majori ex parte difficiles, & hoc tempore, quo status noster ab in-

fidelium insultibus assiduò perturbatur, satis onerosi; nihilominus tamen, quia ità rerum, & temporum conditio fert, & id rebus Christianis ad præsens magis conducit, pacem, & concordiam, quam Majores Nostri cum Prædecessoribus S. V. olim habuerunt, etiam cum onere Nostro maluimus amplecti: modumque instituimus, quò tractatus illi, & mutue dispositiones ad votivum continuè exitum perducantur, quove & differentiae ipsæ componerentur, quæ inter partes hætenus viguerunt, licèt culpâ nostrâ minimè acciderint. Hodie itaque super his Oratori Apostolico (a) in publico conventu publicè facta relatio est, & electi jam sunt certi ex Prælati, & Baronibus, certi verò ex Regni Nobilibus, (b) qui brevè istuc
ad

(a) In literis concordiz ponitur Legatus à latere Episcopus Torcellaneus Dominicus, & Rudolphus Redeshain Propos: Frising: &c. S. Domini nostri Papæ Referendarius, & Apostolicus Orator.

(b) Septem-Viri nominati sunt, qui Coronam redimerent: Stephanus Vardajus Coloc: & Bacsen: Archi-Episcopus, Joannes Episcopus Varadinensis, Nicolaus de Ujlak Vajvoda Transylvanus, ac Machoviensis, & Slav: Banus, Comes Ladis. Palocs Judex Curiz, Emericus Deak de Zapol: summus Quæstor, Lamberger, & Benedictus Turoezius cum tribus millibus Equitum.

ad rem consummandam proficiscantur, & ea, quæ in facto consistunt, rebus adimpleant: super his verò, quæ mandari literis debent, instrumentorum monumenta porrigant: è contrâque à S. V. recipiant. Hæc volumus interim V. M. notificare ut debitæ, ac firmæ intentionis nostræ consilia, ut meminerit paratam se tenere ad illa, quæ Nos ab eadem vicissim expectamus. Datum Budæ. 1463.

LXX.

MATTHIAS REX AD PAPAM.

Petit Vidua cujusdam negotium ad Curiam Romanam Cives, Judicem, & Episcopum evocantis in Hungaria tractari &c.

QUædam Muliercula relicta videlicet quondam Martini Parvi, (a) aliàs in Civitate Quinque-Ecclesiensi commorans jam Judices, & cæteros Cives dictæ Civitatis in Curiam V.S. evocavit: cum autem maximè in præsentiarum nec ipsi Cives,

(a) Patrie idiomate Kifs-Márton.

ves, nec Dominus eorum, scilicet
ejus loci Episcopus litibus præfertim
tam longinquis vacare possint; sed
omnes in negotiis fidei, & belli ap-
paratibus plurimum occupentur, B.
V. precamur, quatenus dignetur me-
moratam causam ad partes transmit-
tere cognoscendam, ita & vexatio
inutilis præcidetur, & justitia nihi-
lominus locum habebit. Altissimus
&c. 1464.

LXXI.

MATTHIAS REX AD PIUM PAPAM.

*Petit, ut & Archi-Episcopus Colocensis,
& Baachiensis ad Cardinalitiam digni-
tatem efferatur, Stephanus nempe de
Varda, seu Vardains.*

QUoniam satis agnoscimus S.
V. piam, & nomini suo re-
spondentem in omnes clementiam,
in Nos verò pluribus jam argumen-
tis perspeximus gratiosum, & su-
pra merita nostra munificum ejus-
dem Paternæ Charitatis affectum:
Pro-

Propterea fiducia Nobis incessit, ardua quidem, non tamen prorsus irrationabilia postulandi. Nam licet dudum habebat Patria hæc nostra beneficio Sedis Apostolicæ unicum de Prælatiis suis Cardinalem Reverendissimum in Christo Patrem Nostrum Dominum Strigoniensem (a) Virum sanè omni virtute consummatum, sed aliquantò Ecclesiasticis rebus, quàm publicis negotiis aptiorem; non tamen id decori hujus Regni nostri sufficere videtur, quod inter alia Christianorum Regna talem prærogativam longè copiosius habentia dignitate, & amplitudine fortassis non infimum, meritis certè nulli secundum obtinet locum. Quapropter B. V. quanta maxima possumus devotione obsecramus, quatenus & alterum dicti Regni nostri Metropolitanum Sacrosancto Collegio adscribere dignetur Reverendissimum scilicet Dominum Archi-Episcopum Colocensem, qui ultra Pontifi-

(a) Dionysium de Zeech, sive Szécs Comitem, qui & Dux de Limpach dictus est. 1440. 8. Jan. Cardinalis jussu titulo S. Cyriaci in Thermis vita excessit 1465. Kal. Febr.

tificalis vitæ honestatem etiam temporalium tractandorum usu, ac prudentiâ, & quasi quadam dexteritate præpollet, ac tantò magis pollebit, quantò plus ei Auctoritatis addiderit cumulus honoris. Nec cedit hoc in dispendium aliquod Apostolicæ Sedis, imò potius obedientia generalis eidem Sedi debita, quam semper hoc Regnum exhibuit, multò erit talium Personarum ductu, & pluralitate propensior, ac Status Ecclesiarum DEI solidior. His rationibus adducti S. V. iterum, & iterum humiliter supplicamus, ut nostras hac in parte preces solita, & innata benignitate sua exaudiat, ac multis, & magnis ornamentis ultro in Nos jam pridem collatis unum hoc expetitum adjiciat incrementum. Mereatur id meain B. V. & Sanctam Romanam Ecclesiam pia devotio, ac suscepti pro fide Catholica labores: mereatur Regnum hoc Apostolicæ Sedis imprimis reverentissimum, & Christiani nominis non minùs diuturnum, quàm forte propugnaculum, cujus vulnera tum quasi remediis

diis quibusdam allevabuntur, cum se fenserit honorifica, & gloriosa meritorum suorum remuneratione demulceri. Altissimus &c. In Feste &c. 1464.

LXXII.

MATTHIAS REX AD PAPAM PIUM II.

*Queritur de illatis injuriis, & Sopronien-
si Suburbio exusto ab Augustissimi Friderici hominibus. Excusat se, si invitus arma ab Infidelibus contra hos vertere cogatur.*

PRout & rerum conditio, & nostra promissa exigunt; ecce in procinctu ipso adversus inimicos fidei Catholicæ constituti cogimur præter id, quod vellemus, & expediret, non suscepti belli successum, sed suscipiendi fortè Seminarium S. V. nunciare. His siquidem diebus, & præsertim jam Nobis iter agentibus Serenissimus Dominus Fridericus Romanorum Imperator plura in confinibus per suos homines egit magis ad discordiam, quàm ad concordiam spectantia, nullà neque nostrâ,
ne-

neque Nostrorum culpâ laceffitus. Novissimè quidam ex suis, quos nunc nominare non est necesse, oppidum nostrum Soproniense hostiliter aggressi, Suburbium, seu Burgum ejusdem magno incendio devastârunt, quibusdam Nostratium partim captis, partim contra fidem publicam confauciatis. B. V. significanda esse duximus, cùm ut intelligeret nulla Nobis ad rem Christianam à vicinis Principibus subsidia præberi, ab iis præsertim, ad quorum id officium maximè pertineret, imò potiùs impedimenta inferri: tum verò ut cognoscat, si quid pro illatis injuriis actum senserit, Non à Nobis, & Nostris, sed à præfato Imperatore, ac suis causam, & initium rei processisse. Nam quantum Nobis placeat cum eo, & cæteris fidelibus dissidere, satis etiam illo tempore declarâsse videmur, cùm in terris, & prope in oculis memorati Cæsari, tunc Æmuli nostri, victorem exercitum habentes, eundem ad unam commendationem Legati Apostolici revo-

revocavimus; (a) prout ex ipso Reverendissimo Domino S. Angeli B. V. potest lucidiùs sciscitari. Nunc etiam, si quid aut interim, aut postea pro Regni nostri defensione necessario tentabimus, id certè inviti, & læsi faciemus ipsam S. V. præsentibus literis tempestivè contestati. Quam &c. 1464. (b)

LXXIII.

MATTHIAS REX AD PIUM II.

Suam adversùs Turcam expeditionem in Bozna, & felices progressus describit: queritur contra irruptiones Bohemorum &c.

BEatissime Pater &c. Seriùs forsitan, ac ratio debiti postulabat, accessit tandem Mihi copia temporis, facultásque scribendi ad S. V. de rebus apud Me gestis, quibus Divina Clementia dexteram suam hoc tempore Nobiscum magnificare dignata
 ** L est.

(a) 1459. Sigismundus de S. Georgio, & Simon Nagy Imperatoris Exercitum profligârunt, ulterius fortassis progressuri, nisi pacem Legati Apostolici suâsu prælegisset Matthias.

(b) Alia similis Epistola ad Venetum scripta ad hunc potius annum revocanda est, quàm ad sequentem.

est. Par erat, ut ante priores primus ante prodisset nuntius index officii mei, notum facturus ordinem rerum actarum, per quas vota, & spes V. S. quæ princeps rerum est, ad Dei laudem, ac propensiores publicæ salutis curam, reficerentur. Sed cum notitia horum, quæ gesta sunt, quò serà, eò magis plena futura sit, volui vel tardiùs exequi, quod negligere non debui. Juvabit puto audire plenius, & nota rectius agnoscere. Igitur dum circiter Kal. Majas opportunè congregato exercitu Castra metatus essem ad rippas Danubii, eam partem versùs, quam frequentior incursum hostium vexare, vastarèque pene jam consueverat; non longè aberat etiam Turcus magnus cum exercitu magno, & cum manu pro suo more valida. Res imprimis fatìs contexta erat, quorsum acies flectere disponderet, nam locus, quem Castris occupaverat, plures partes respiciebat, eratque pervius ex concursu viarum, quascunque petere vellet. Exploratores nostri varium sæpe nuntium afferebant, aliis ad

ad Castrum Nando-Albenſe vallò circumdandum, quibusdam ad prælium Nobiscum ineundum, aliis aliò eum tendere aſſerentibus. At paulò poſt ambiguitas hæc ſublata fuit, palàmque factum eſt, invitatum eum à quibusdam proditoribus Boznam verſus declinare. Eò dum feſtinus acceſſiſſet, ſuſcepta proditione, quam antè paraverat, priùs fortè, quàm eduxiſſet gladium, vicit: proditoribus æquè, ut proditione potitus. Vinxit dein Regem, arte, & dolo, non armis ſuperatum, (a) demùmque excruciatum necat: Arces omnes, & munitiones Regni in deditionem accepit, cuſtodibus earum manus ultro porrigentibus. Verùm antequam Boznã ingreſſus eſſet, dimiſerat Præfectum Serviæ Alibeg nominatum cum haud parva exercitûs parte è regione apud vada fluminis Zavi, ut Nos ab ejus tranſitu vel prohiberet interim, vel averteret. Is enim Zavus

(a) Mahometem Stephano Regi Boznæ tanto exprobrâſſe ignaviam, quòd cum argento, & auro, cujus immenſum vim habuit, perire, quàm ad deſenſionem ſui eo uti maluerit, referunt Hiſtorici, ſed injuriâ, cum Matthias ſcribat, non armis, ſed proditione ſuperatum, & victum.

vus unus ex vulgatissimis Pannoniæ
 fluminibus inter corpus Hungariæ, &
 Regnum Boznæ medius interfluit.
 Cum hoc igitur hoste tunc Mihi pri-
 mùm res gerenda fuit, pòst feliciter
 acta est. Nam cum idem obsisteret
 nostris, & prohibere tentâsset passus,
 ac insuper eas partes, quæ Castris
 meis vicinæ erant, laceßere cœpif-
 set; ibi demum iusta acie, & aertò
 præliò una primùm, & paulò pòst
 altera vice fractus, victus, & fuga-
 tus est: multi ex hostibus gladiò, mul-
 ti ad flumen adacti obruentes se invi-
 cem, & obruti à se se, naufragiò, rui-
 náque periêrunt. Dux ipse cum par-
 va sociorum manu in phaselis, & lem-
 bis subvecti, salutem asservavêre. Ego
 verò posteaquam hujusmodi victoria
 à DEO donatus sum, rei bonæ spem
 meliorem sequi statui, & illico leva-
 vi tota Castra à loco priori; trajeci
 Danubium, continuatòque gressu
 accessi ad vada Zavi ab hostibus jam
 ante occupata: quibus facilè recu-
 peratis depuli ab inde reliquias ho-
 stium priùs fugatorum, & ad perse-
 quendum eos iter in Serviam direxi.

Nam

Nam tempore intermedio Turcus confectis rebus Boznæ fines ejus retrocedens exceſſerat, regreſſusque jam fuerat in Macedoniam. Itaque Caſtra Serviæ inferenda erant. Eam ego longè, latèque pervagari, cæterum igni, gladiô, prædâ vaſtare juſſi. Multi in ea ex hoſtibus turmatim palantes deprehenſi in occiſionem, & captivitatem devenerunt: animarum circiter millia quindecim de ſervitute in libertatem priſtinam cum armentis, & rebus feliciter reducta ſunt. Et hæc quidem apud Serviam acta. Ex qua demum regreſſus opus habui eam partem exercitûs, quæ laboribus feſſa erat, paululum remittere, ut ampliori poſt uſui quiete reſecta ſervaretur; cum parte autem reliqua, quæ vegetior videbatur, & item novis ſubſidiis coëmptis, intendi animum ad recuperationem Boznæ recenti caſu amiſſæ: ut cui opeſſe ferre, ne periret, præventus dolis non potui, ei vel perditæ, ope DEI, qui fraudis, dolique vindex eſt, opportunè conſulerem. Recogitanti quippe Mihi, & diligentius conſide-

ranti, quantum, & quale vulnus
 Christiana Respublica in eo casu ac-
 ceperat, non sinebat necessitas curæ
 differe remedium. Sed mox, ac simul
 & parare provisionem, & facere,
 quæ si vel menstruo tempore negle-
 cta fuisset, nunquam similem oppor-
 tunitatem redituram post expertus
 adstruere ausim. Accingor igitur,
 & ad prosequendum opportunita-
 tem hanc coëgi prius Meipsum, quàm
 rectè dispôsuerim; præmissi, qui ex-
 pedirent impedimenta: secutus ipse
 accessi, & Arcem, sive ut communi-
 ter loquimur, Castrum, & Oppidum
 Jajcza nominatū obsidione circum-
 dedi: quod quidem caput Regni il-
 lius est, & locus tam naturâ ipsâ,
 quàm arte, & ope inter omnia mu-
 nitiior. Quem cum oppugnare cœ-
 pissem, primo ferè impetu, & primo
 aggressu incolas Oppidi in deditio-
 nem accepi, factâque irruptione in
 oppidum cum hostibus Turcis armis
 pugnatum est. Hi quoque die eodem,
 qui quartus erat positæ obsidionis, à
 Nostris superati, necantur alii, qui-
 dam verò in Arcem profugere com-
 pel-

pelluntur Restabat jam Arx ipsa expugnanda, in cujus oppugnatione trimestri ferè spatio magna sollicitudine laborando multa ex Cœli intemperie, multa ex asperitate hyemis, præterea ex incommoditate varia pluri-um rerum plusquam hostilia passus, constantiâ tandem, & perseverantiâ vicimus: ubi complures ex hostibus conclusis per opportunitatem oppressi fuere: reliqui de vita duntaxat pacti, ad dedendum Arcem, & se se compulsi sunt. Ex quibus prope quadringentos in vita servatos, bellatores quidem robustos, & armis asuetos Mecum eduxi, habiturus eos pro servis ad usum opportunum. Hoc itaque modo, & ordine redditis, & acceptis Castro, & Oppido Jajcza, mox multorum aliorum Castrorum deditio secuta est. Jam circiter triginta manibus meis reddita sunt, & totidem, vel paulò plura in obedientiam, & deditionē accepi: habebámque spem indubiam de cæteris, quòd ad hoc usque tempus, vel nulla, vel pauca apud manus hostium contineri potuissent, si tempestas hyberna

majoribus intensa frigoribus ampliores Mihi labores non interdixisset. Quam ob rem consultius visum est reducere exercitum, & ad ea, quæ uberiùs agenda supersunt, intendere. Rediit ergo ex Bozna spe priori felix, re præsentì multò felicior, sed ad illam opportunitate quadam, & diligentia gerendarum rerum incitatus eram, hanc verò Divina propitiatione consecutus sum. Ad utramque autem augendam talis ordo, taliaque principia parata sunt, ut ex eis vulnere huic, quod Christiano corpori ex ruina Boznæ inflictum erat, facilius, quàm ante, salubriùsque remedium parari poterit; quandoquidem sanè vulnus non jam angulos Europæ, non latera sola, sed præcordia ipsa attigerit: potuissètque ad omnes ejus partes infesta corruptione dilatari. Qua in re animus quidem Mihi ad impendendam ampliore curam promptus est, sed ut ministerium quoque opportunum indeficiens sit, opus est auctrice, & adjutrice S. V., quam penes virtus omnis, & Principatus rerum, Ducatusque

túsque confistit. Sed hætenus de rebus Boznæ. Nunc de impedimentis, quæ hanc curam meam, ac simul intentionem interturbant, conqueri paucis non prætermittendum putavi. Et quidem B. P. non credo latere S. V. quot, quantósque labores sustulerim ab eo tempore, (b) quo ad hujus Regni gubernacula vocatus, susceptúsque sum in his, quæ ad ipsius Regni restorationem requirebantur, & quàm lacerum Regnum, quàmque turbatum, attritum, & in omnibus pene membris dissolutum susceperim. Laboravi impigra sollicitudine ad consolidanda vulnera ejus, ruinasque corrigendas, quibus iam ex dissensione interna, quàm ab externis hostibus non modò affectum, sed pene collapsum erat. Placuit DEO nostro favorem adhibere curis meis, secutúmque est post multos tandem labores, sudorésque pro-

L 5

fu-

(b) Initio statim gubernii Matthiam cum duobus Imperatoribus, Romano, & Turcico, præterea cum Iskra Bohemo multorum præsidiorum in Hungaria Domino decertare oportuit. Habuit etiam Hungaros Magnates sibi adversantes non paucos: sed omnes superavit. Virtus Corviniana.

fufos, ut primùm intestina bella confopirentur, deinde ab omnibus quodque advenis h' stibus Regnum ipsum purgaretur: ità, ut compositis, & internis, & circumvicinis differentiis ad eam solam curam redactus fui, quæ Mihi adversus Christianæ fidei hostes, & hæreditaria fuit, & perpetua futura est. Hanc igitur jam jam liber ab aliis prosequer: huic nimirum vacare, huic denique omne studium, omnémque operam accommodare Me coepisse, testimonio sunt ea, quæ his diebus superioribus à Me gesta sunt: quibus dum occupatus intenderem, & Christianorum inimicos à Christianis propulsarem, ecce ex parte altera infidi Christiani in superiores hujus Regni fines irruptione facta, occuparunt (c) complures sedes, & latibula ad usum latrocinii: ex eisque ibidem in hac mea utili absentia plurima damna, & nocumenta intulerunt, inferreque, & cumulare non cessant: ità, ut pro quorum Ego fide, & statu communi adversus infideles depugno, ab his infideliter im-

(c) Latrocinia Bohemorum indicat.

impugnor, perturborq;. Qua in re cre-
dat S. V. nihil Mihi magis molestū oc-
currere, quàm retrahi à prosecutione
curæ susceptæ, & ab usu victoriæ par-
tæ, nunc maximè opportuno. Jam
sanè operæ pretium foret prosequi
iter, quod feliciori ferro apertum est,
quàm reclusum erat: ea quoq; quæ be-
ne quæsitæ sunt, & tueri diligentius,
& promovere. Quocirca mittere hæc
scripta decrevi S. V. gratis rebus etiam
ingratis imiscens, ut utrarumq; con-
ditione servata sit, unde Filiorum pro-
fectibus congratularetur: sit etiam,
unde sollicitudinem capiat, ad con-
sulendum defectibus. Hæ etenim duæ
res præsentem hoc tempore animum,
& curam S. V. exigunt, ut & profectus
ipsi promoveri possint, & defectus, im-
pedimentaque tolli. Meam intentio-
nem certò sciat S. V. eo inclinatam
esse, ut fidei Catholicæ, & Fidelium
defensionem omni opera, & cura omni
mea serviatur, præsertim si facultas
Mihi, libertasque adsit, & impedi-
menta non obsint. Quorum alterum
si defuerit, alterum verò si obstiterit,
cogar vel invitatus hanc curam meam
aliò

aliò destinata aliò convertere. Quin
imò protestor ex hac die apud S. V. ut
in casu, quo Mihi injuriis laceffito ne-
cessitas obvenerit arma hæc contra
infideles sumpta, adversùs infidos fi-
deles retrahere, & offensores Regni
mei è contra offendere, id à Me ju-
sto dolore pulsato fieri nec succen-
sere Mihi S. V. aut imputare dignum
ducat, si adesse non potero obse-
quió statûs publici, quod pro redi-
mendis privatis Patriæ periculis co-
arctor abesse. Potest tamen inter hæc
nihilominus S. V. Auctoritas inter-
venire, quæ sufficiens erit Mihi, &
facultatem reddere, ut prosequar,
quæ cœpi, & impedimenta expedi-
re, ne eò retrahar, quò nolim. Quod
ut B. V. curare dignetur, tam mea de-
votio, quàm fidei debitum expostu-
lat. Conservet Dominus &c. Da-
tum in Oppido Dombno Regni Scla-
vonæ Die 27. Januarii. Annò
Domini 1464.

MAT-

MATTHIAS REX

AD PIUM II.

Queritur graviter, nec promissa auxilia missa, nec bellum terræ, vel mari Turcæ illatum. Hortatur demum ad eadem præstanda, quæ Sanctissimus promiserat, si gravissimis periculis velit Hungariam, & Christianitatem eximere, in quæ promissis illectus Matthias se induit.

BEatissime Pater &c. Magnô & manifestô Christianorum visô periculô, S.V. crebris Me, & vehementibus tam per nuntios, quàm per literas adhortationibus impulit, grave bellum moliri pollicens, non de futura Nobis sua subsidia, & insuper promittens Principum, & populorum copiis ad Non. Junias è portu Anconitano navigaturam, (a) & adeò valida manu ipsa Turcorum viscera invasuram, ut hostis noster necessariò diversas in partes distractus ad Me opprimendum
nec

(a) Pius II. Turcam invasurus perrexit Anconam, ad quem innumerabilis Christianorum multitudo confluit, sed quæ annonæ defectu venditis armis, & equis acceptâ prius peccatorum indulgentiâ defluxit, & sic expeditio tota absque fructu evanuit.

nec vires habiturus esset, nec otium. Memini & illud per V. B. Mihi præmandatum, ne nimis tempestivè Castra moverem, sed expectarem priùs S. V. profectiorem; quatenus eodem animo, & tempore cuncti pariter insurgamus. Quibus Ego pollicitationibus meritò fretus, & præceptis obstrictus apparatus feci, quàm potui amplissimum, & dum B. V. progressum operior, nunc demùm collectis undique viribus in campo constituor. At verò nec sperati quidquam suffragii adhuc video; & dum à tergo nequaquam ita, uti dictum, & constitutum erat, infestatur inimicus, prævenit ecce cunctantes, & totos in Me unum convertit impetus: utpote liber, & ferè ab omni alia parte indistractus. Quod si me spes illæ multiplices in hos casus non induxissent, potuissem equidem per unam, aut aliam viam rebus meis maturè, & commodè providere. Nunc autem hostis opibus potens, & naturâ ferox, fortasse prudenter conjiciens istius tanti Christianorum motûs majorem

rem fore ostentationem, quàm effectum, prior plagam intulit, & ad ipsa propè vitalia penetravit. Boznam quippe totius Christianitatis (ut ità dicam) clavem, & portum, & unde quaquaversum in occidentem, & septentrionem aditus patet, gravi meo labore nuper recuperatum, quasi pensitans quid amiserit, rursus invasit, & omnia illic Castra, apud manus nostras habita semel obsedit: quæ licèt munita sint, quantum repente muniri potuerunt: tali tamen vi, ac tantæ multitudini resistere diu non possunt; nisi aut eiiciatur inde inimicus, aut retrahatur. Ad hoc autem Ego solus minimè sufficio, sicut & sæpe professus sum, & notius est, quàm ut asseveratione indigeat. Cæterum pro rei magnitudine dissimulare non valeo, quin iterum dicam: hæc nunquam eventura fuisse, si vel Ego pollicitis fultus subsidiis campum occupare potuissem, vel hostis copiarum abundantissimus, aliunde satis impedimenti habuisset. Nam quis eum credit ultrò Jajzam fuisse-

fuisse obsessurum, si retrò Constantinopolim obsideri, aut sensisset, aut saltem timuisset. Cùm igitur tanto in discrimine pendeat non meus duntaxat, sed omnium fidelium status, necessitate extrema coactus publica imploro auxilia, ac potissimum S. V. fidem invoco, promissa efflagito. Si quid usquam suffragii est, si quid classis maritimæ, si quid terrestrium copiarum, si quid usquam, nunc appareat; & ità appareat, ut negligentiam promptitudo, tarditatem celeritas compenset. Hinc Nos totis viribus rectè eò pergimus, ubicunque magis proficere posse videbimur: fidei simul, & Patriæ in omnem eventum pro nostra facultate non defuturi. 1464.

LXXV.

MATTHIAS REX AD IMPERATOREM ROMANORUM.

Quos Imperator ad pœnas deposcebat prædones, se Matthias detenturum significat, & cum eorum Castro, si expugnare potuerit, facturum quod utriusque subditis sit commodius. Altera parte epistola se

*contra Turcas movere ad solvendam Faj-
za obsidionem indicat.*

Serenissime Princeps Pater cha-
rissime! Petit à Nobis S. V. ut
captivi illi, quos fidelis noster Am-
brosius Tórók, Comes, & Capita-
neus Soproniensis tenet in vinculis,
nequaquam liberi emittantur; imò
potius manibus V.S. digna facino-
rum suorum subituri supplicia præ-
sententur; præterea, ut præfatus
Ambrosius Tórók operam adhibe-
at diligentem, quatenus Castrum
.. vocatum de manibus ipsorū Præ-
donum eripiatur, & gratiâ ulterio-
ris illarum partium securitatis fun-
ditus destruat. Noverit V. S.
quòd captivitas hæc hominum illo-
rum, quam præfatus Comes noster
fecit, descitu, & voluntate nostra
non processit, verum quoquo mo-
do tales homines capti sint, mini-
mè volumus, ut improvidè, ac te-
merè dimittantur. Ad habendum
illud Castrum placet Nobis omnem
curam impendi, quod ubi Deo ju-
vante obtentum fuerit, Nos pro
parte nostra id facere curabimus,
M quod

quod utriusque Nostrum subditis,
& Regnis magis videbitur profu-
turum.

Cætera nova hæc. in præsentia-
rum V.S. possumus significare, quòd
Imperator Turcorum per triginta
dies obsedit, & vehementissimè op-
pugnavit in Regno Boznæ Castrum
Jajcza, pariter omnia Castra in no-
stris manibus habita; nam bombar-
das inauditas ibidem fundi fecit,
quibus jam per viginti dies Caltri
pariter, & Oppidi murum frangit.
Cuniculis etiam subterraneis mœ-
nia demoliri, & irrumpere violenti-
ssimè conatur. Nos qui ferè soli
scimus, quanti momenti locus ille
sit toti nomini Christiano, pergi-
mus ecce cum his, quas habemus
copiis ad repellendum ab obsidione
infestissimum hostem, & licèt om-
nium mortalium destituti simus au-
xiliis; freti tamen ope Divinæ cle-
mentiae, non tam privatam, quàm
publicam defensionem constanter
aggredimur, si saltem negotia, & fa-
cta illa Castrorum salva, & integra
reperire poterimus, 1464.

MATTHIAS REX AD COLLEGIUM CARDI- NALIUM.

*Oratores suos, & negotium belli Turcis in-
ferendi commendat.*

COgnitô Sanctissimi D. N. altis-
simô, & salutiferô Christianæ
Reip. propositô, præsentēs Orato-
res nostros ad suam Sanctitatem ea
potissimùm de causa existimavimus
transmittendos. Quos RR. PP. VV.
magna cum diligentia, nec minori
fiducia commendamus, ac easdem
quàm studiosissimè rogamus, & hor-
tamur, quatenus hoc præsertim
tempore omni cura, & consilio in-
stare velint negotiis communibus
promovendis. Nam quamquam
minimè dubitamus piissimi Pasto-
ris sapientiam omnibus ritè dispo-
nendis sufficere, nec errorem inter-
venire posse, ubi planè Spiritus S.
aspirat; tamen veluti membra de
capite si non necessariam, piam ta-
men sollicitudinem gerimus, quòd
utriusque fortunæ momenta maxi-

mè ad nos pertinere sentimus. Quapropter PP. VV. RR. iterum moneamus, & petimus, quò accuratiùs laborare, & partes suas magis, ac magis interponere dignentur apud eund. S.D.N. ut tali apparatu, via, & modo potentissimum, & audacissimum fidei hostem tam mari aggrediatur, quàm terra, quatenus post DEUM provisioni plus liceat, quàm casui. Qua in re nihil fortè prius animadvertendum, & pensandum foret, quàm hostium mores, & ingenia, quos palam est semper magis terrestribus præliis & exerceri, & vincere consuetos. (a) Unde meritò ea parte fortiùs impetendi essent, qua tam lædere, quàm lædi efficacius possunt. Hæc Nos suggerere non diffidentia, sed pietas compellit. Cæterùm quisquis belli eventus erit, fructus, aut quod absit, periculum in omnes, nomen facti præcipuè in Caput redundabit. Nos verò, ut nunquam antea defuimus rebus Christianis, ita & nunc

(a) Expeditio terra, marique parabatur ad Anconam, cujus Auctores Pontifex, Philippus Burgundus, Maurus Dux Venetorum, sed nullo operis pretio.

nunc vel consuetudinem, vel officium nostrum totis viribus exequemur. Reliqua præfati Oratores nostri latius explicabunt. 1464.

LXXVII.

MATTHIAS REX AD DUCEM VENETUM.

Indicat sibi parum spei nunc superesse in auxilio Pontificis, mittere tamen Legatum, quem dirigi, & consilio adjuvari postulat.

CUM omnis cura nostra, & cogitatio in hoc potissimum ver-
setur, quemadmodum communem
fidei hostem comprimere, aut etiam
opprimere possimus, visum No-
bis fuerat pro his rebus ad Sedem
usque Apostolicam solennes nostros
transmittere Oratores. Superven-
nere interim literæ Pont. Max. qui-
bus sua S. palam declarabat, in quan-
tis sumptibus constituta esset, quan-
tùmve, & unde expectandum sub-
sidium Nobis deputasset: nec quid-
quam amplius se facere posse testa-
batur. Id ubi cognovimus, satis
fore duximus, si hunc R. in Christo

Patrem D. Marcum Episcopum Tin-
 ninientem istuc mitteremus admo-
 nendi magis gratiâ, quàm impor-
 tuniùs instandi. Nos tamen nihilo-
 minus omnia, quæ possumus age-
 re, ac parare non desistimus. Si-
 militer & V. Fraternitatem horta-
 mur, quatenus communium nego-
 tiorum profectui viis, & modis op-
 portunis, prout facit, providere non
 cesset. Sanctissimus quippe D. N.
 zelo duntaxat religionis, & Pasto-
 rali officio suo motus nititur sanè
 quantum potest, atque Nobis utris-
 que ad bonam voluntatem etiam ne-
 cessitas accedit, nec ullus magis
 Christianorum Principum, quàm
 Nos, utrumlibet hujus belli even-
 tum est planè sensurus. Cætera
 memoratus Orator noster abundè
 per Nos instructus referet, cui man-
 davimus, ut in omnibus secundùm
 V. F. consilium procedat, sive sub-
 sistendum, sive ulterius ei progre-
 diendum esse censuerit. Quod si
 progrediendum censuerit, informa-
 tionem etiam ultra eas, quas Nos
 dedi-

dedimus, dare non postponat. Datum &c. (a)

LXXVIII.

MATTHIAS REX
AD CARDINALEM
S. ANGELI.

*Auxilia promissa dari postulat, & ne Presbyter Ecclesia Zagrabiensis à Canonica-
tu judicio Colocensis dejectus, iterum res-
tituatur, intercedit.*

Quanto in periculo sit non so-
lùm meus, sed omnium Chri-
stianorum status, R. P. V. tam fa-
mâ referente, quàm suapte pruden-
tia facilè metiri potest. Nec est
nunc opus commemorare aut ho-
stiliùm viriùm magnitudinem, aut
ex Provincia Bozna opportunissi-
mum in omnes fidelium Regiones
aditum, quæ nequaquam hodie in
tam gravi discrimine versarentur,
nec tota in præsentiarum in Nos
belli moles incumberet, si pollicita
Nobis subsidia non defuissent, si
etiam, ut jactitabatur, communi

M 4

ho.

(a) Annus hic adscribendus 1464. vel 1463. utrique co-
nim epistola congruit.

hosti satis à tergo negotiū præstitum
fuiſſet. Sed publica planè illi ſocor-
dia & occasionem hanc, & auda-
ciam præbuit. At Nos Sanctissi-
mi D. N. adhortationibus ſimul, &
pollicitationibus inducti, quibus R.
P. V. perſuaſiones, & quaſi affecu-
rationes accedebant, agimus ecce
ſolū quantum poſſumus, & totis
animis, ac viribus grave certamen
inimus. Quapropter extrema ne-
ceſſitate compulſi inter alios V. R. P.
invocamus: aſte, date operam,
opem aſerte, promiſſa exolvite!
annuat Deus, ne omnes pariter tan-
to iſto conatu magis provocâſſe,
quàm oppreſſiſſe inimicum videa-
mur. Cæterū Sanctiſſimus D. N.
ſcripſit Nobis, & commiſit D. Stri-
gonienſi (a) reſtituere quendam
Presbyterum, qui de Canonatu
Eccleſiæ Zagrabiënſis per R. D. Ar-
chi-Epiſcopum Colocenſem (b) ex-
ſtitit ammotus. Cum autem ſcia-
mus præſatum D. Colocenſem nihil
in ea re, niſi quod juris fuerit, egiſſe,
ideò-

(a) Dionyſio Széchio.

(b) Stephanum de Varda.

ideóque in præsentia Doctorum,
graviúmque personarum; miramur,
quòd sua Sanctitas simplicem que-
relam unius vagi Sacerdotis in con-
trarium tam facilè admisit, plurisq;
fecit, quàm illius Viri sententiam,
qui qualis, quantúsque apud nos
& sit, & habeatur, R. P. V. abundè
novit. Nec etiam videtur Nobis
utile fore, si diversæ duorum Archi-
Episcoporum jurisdictiones con-
fundantur; possent enim ex ea re in
hoc Regno nostro notabiles pertur-
bationes suscitari. V. igitur R. P. ro-
gamus, quatenus talibus sua solita
providentia obviet, procurétque ne
Sanctissimus D. N. levibus, & va-
gis hominibus tantùm credat, si-
múlque illius Viri dignitatem tue-
atur, & scandala ipsa, quæ exinde
oriri possent, intercipiat, &
præcidat. Datum &c. (c)



M s

MAT-

(c) Videtur hæc epistola scripta annó 1464. quando Turca
Bozna appropinquabat eandem recuperaturus.

MATTHIAS REX CUIDAM CARDINALI.

*Queritur de Regis Neapolitani Oratore ,
quòd is Populum Boznensem variis ma-
chinationibus abalienare , & perturbare
studeat.*

EA quæ Nobis scripsit ex Dalma-
tia quidam Orator D. R. Fer-
dinandi , & quæ Nos eidem Ora-
tori ad præsens rescribenda puta-
vimus , inclusa literarum exempla-
ria R. P. V. satis declarabunt. Uti-
nam Princeps ille ea omnia facere,
si potest, velit, vel si vult, ut pos-
sit. Nos quidem nihil invidere-
mus, sed magis de tantorum labo-
rum nostrorum consorte lætare-
mur. Cæterum quidquid Orator
iste suus ad Nos scripserit, longè
tamen diversa illic tractavit: nam
veniens ad filios quondam Ducis
Stephani præsentem ibidem & nostro
quodam Nuntio, inter cætera no-
mine Domini sui dixit: Turcum af-
finitatem inire velle cum Rege Fer-
dinando, & Boznam ei dotalem pol-
lice-

liceri. Sed quia Rex Ferdinandus nihil habet trans mare, unde Boznam occupet, & regat, petere ob hoc à Filiis Ducis Castrum novum, (a) Ducalem videlicet ipsorum sedem sub hypotheca quatuor suorum Castrorum in Regno Neapolitano sitorum, & sub spe restitutionis, cum Regnum Boznæ possidebit. Hæc Egregius ille Orator non clam, sed palam, non privatim, sed publicè prædicavit. Quæ ideo volumus significare, ut R.P.V. dijudicet, quantum verba hujus Oratoris cum oblationibus Domini sui conveniant; & utrum talia rebus Christianis noceant, vel profint. Nobis certè sive illa ostentatoria, sive seria sint, non mediocriter obesse videntur: quoniam Gentis illius suapte natura in fide animos à Nobis alienant, & avertunt; ac labores, & sumptus nostros, quos plurimos, & maximos pro Re-

(a) Castrum novum est Urbs ad sinum Cattarensem, cui arx petre incumbens dominatur. Annò 1538. à Cesareo, & Veneto Milite subacta, anno sequenti Pyratæ Turcico Barbarossa sessit: tandem Veneti 1687. eam sibi vindicârunt.

Regionibus illis, quæ omni jure ad Nos pertinent, vel recuperandis, vel defendendis & antea sustinui-
mus, & nunc sustinemus, obliqua
Iudificatione frustrantur, & per-
turbant. 1464.

LXXX.

**MATTHIAS REX
AD BENEDICTUM
DE CORCULLIS.**

*Hortatur, ut Ferdinando Regi bellum in
Turcas paranti calcar adjiciat.*

Matthias DEI Gratiâ Rex Un-
garorum &c. Benedicto de
Corcullis (a) Militi, Consiliario,
& Oratori Serenissimi Regis Ferdi-
nandi salutem! Sæpiùs te Nobis scri-
psisse significas; sed ex hoc ipso col-
ligere potes nullas antehac tuas ad
Nos pervenisse, quòd responsum
non habuisti. Nam si pervenis-
sent, non fuisset benignitatis no-
stræ tibi non rescribere. Nunc au-
tem ea, quæ tam de magnanimo
proposito, quàm de amplissimis
facul-

(a) Orator iste fuerit apud Stephani Ducis Filios in Dal-
matia, ut priori epistola habetur.

facultatibus Inclyti Regis tui prædicas, valde Nobis placent, ac multò magis placebunt, si quem ad effectum perducentur. Est ille quidem, ut accepimus, ætate integer, animo sublimis, rei militaris peritus, Regno potens, hosti publico propinquus; quæ omnia spem de eo non medio-crem pollicentur. Nos verò vehemen-ter lætamur, quòd, qui hætenus ferè soli sustinuimus impetus ferocissimi, & potentissimi inimici, talem jam bel-
li socium habituri sumus, qui, si mo-
dò ea fecerit, quæ tu affirmas, non
modò adjuvabit Nos diuturnis jam
laboribus fatigatos, verùm etiam to-
to onere facilè relevabit. Quapro-
pter te hortamur, ut pro tua pru-
dentia Majestati suæ consulas, qua-
tenus tam præclaram, & gloriosam
intentionem maturè in actum dedu-
cat. Quia & Nostrò, & omnium
judiciò periculossima Christianæ
Reipub. vulnera tempestivam flagi-
tant medicinam. 1464.

MAT.

MATTHIAS REX

AD QUENDAM FIDelem SUUM.

*Mandat districte omnia adversus Turcas
sollicitè interim apparari, dum exerci-
tus adfit.*

Fidelitatem Vestram requirimus,
ac eidem mandamus, ut ad exe-
cutionem eorum, quæ nuper Vobis
per alium Oratorem Vestrum inti-
mavimus, suo ordine procedatis.
De quibus, & aliis nonnullis am-
plius informatum remittimus ecce
ad Vos, & hunc latorem præsen-
tium similiter Oratorem Vestrum,
vobis itidem, & districtiùs comit-
tentes, ut omnia ea solita fide, &
prudencia vestra peragere studeatis:
maximè interim, donec illuc perve-
nerint cum gentibus nostris Magni-
fici Fideles Nostri Joannes de Roz-
gon Tavernicorum, & alter Joan-
nes Tuz Curia nostræ Magistri, qui
vos Nomine nostro de rebus dein-
ceps

ceps agendis, & de omni voluntate nostra uberius edocebunt. (a)

LXXXII.

FRAGMENTUM EPISTOLÆ
CUJUSDAM ARCIS PRÆFECTI
IN FINIBUS BOZNÆ,
Ad Oratorem Hungarum Romæ de-
gentem.

*Excusat intermissionem belli Turcici defe-
ctu subsidii &c.*

QUòd bella intermissa sunt, nul-
la alia de causa credatis esse,
nisi ex defectu pecuniæ. Quia ut
scitis, jam præteriit annus, post-
quam bellum continuum gessit suis
propriis sumptibus in favorem, &
obsequium Sedis Apostolicæ. In quo
multa millia exposuit, prout unus-
quisque sibi persuadere potest; sub-
sidium autem usque modò penitus
nullum habuit; nec de decimis à Le-
gato, nec pecuniam illam, de qua
scribebatis. Præterea Turcus ingen-
tes apparatus fecit ad hanc æstatem,
qui

(a) Anno 1464. scripta fuerit Arcis cujusdam Præfecto, vel
copiarum Ductori, cum expeditionem in Boznam pararet
Matthias.

qui non aliò, nisi ad lædendam Ungariam intendit. Nobis propterea accuratissimè vigilandum est ad Regnum Boznæ: & D. Rex aliis rebus implicitus parcè providet Nobis pro defensione illius Regni. Hoc tamen arbitrio vestro relinquimus, siquid superinde agendum sit apud Sanctissimum D. N. 1464. (a)

LXXXIII.

MATTHIAS REX AD DUCEM VENETIARUM.

Commendat directioni Oratorem suum missum ad Pontificem.

Miseramus pridem Oratorem nostrum ad Amicitiam D. V. pro hujus Regni nostri, & omnium Christianorum necessitatibus declarandis; nunc quoniam recentiora postmodum, & graviora emerferunt nova, imminentis periculi magnitudinem simul, & propinquitatem per hunc alterum Oratorem nostrum ab integro duximus intimandam tam Frater-

(a) Hæc Epistola contrà quàm manuscriptum habeat, commodius ad finem anni prioris referri posset, quo Rex negotiis coronæ redimendæ distinebatur.

ternitati V. quàm etiam Sanctissimo
D. N. Summo Pontifici. Cum au-
tem in A. V. fiduciam habeamus spe-
cialem, mandavimus Oratori nostro
præfato, ut in omnibus vestro uta-
tur consilio, & quemadmodum A.
V. sapientiâ ulteriùs fuerit directus,
& informatus, ità procedat, & in-
stet. Cæterùm Illustris D. V. Fra-
ternitatem quàm diligentissimè ro-
gamus, ut susceptum Christianita-
tis negotium sicut cœpit, sollicitet,
& promoveat ad effectum. 1464.

LXXXIV.

JOANNES EPISCOPUS QUIN-
QUE-ECCLESIENSIS AD GA-
LEOTUM MARTIUM.

Invitat ad Bellum Turcicum.

Joannes (a) Electus, Confirmatus
Quinque-Ecclesiensis &c. Galeo-
to suo salutem. Et nuntius instat, &
sumus occupati: malumus tamen vel

**

N

bre-

(a) Joannes hic Pannonius appellatus Joannis Vitézii Ar-
chi-Episcopi Strigoniensis Nepos, literis latinis æquè, ac
græcis excultus epistolas, & carmina posteris reliquit,
quæ amantiam ingenii ejus testantur. Præceptor ejus-
dem Guarinus Veronensis dicebat, se nullum ex Italis
Discipulis habuisse, qui ingenio, & docilitate cum Jo-
anne conferri posset.

qui non aliò, nisi ad lædendam Ungariam intendit. Nobis propterea accuratissimè vigilandum est ad Regnum Boznæ: & D. Rex aliis rebus implicitus parcè providet Nobis pro defensione illius Regni. Hoc tamen arbitrio vestro relinquimus, siquid superinde agendum sit apud Sanctissimum D. N. 1464. (a)

LXXXIII.

MATTHIAS REX AD DUCEM VENETIARUM.

Commendat directioni Oratorem suum missum ad Pontificem.

Miseramus pridem Oratorem nostrum ad Amicitiam D. V. pro hujus Regni nostri, & omnium Christianorum necessitatibus declarandis; nunc quoniam recentiora postmodum, & graviora emerferunt nova, imminentis periculi magnitudinem simul, & propinquitatem per hunc alterum Oratorem nostrum ab integro duximus intimandam tam Frater-

(a) Hæc Epistola contra quàm manuscriptum habeat, commodius ad finem anni prioris referri posset, quo Rex negotiis coronæ redimendæ distinebatur.

ternitati V. quàm etiam Sanctissimo
D. N. Summo Pontifici. Cùm au-
tem in A. V. fiduciam habeamus spe-
cialem, mandavimus Oratori nostro
præfato, ut in omnibus vestro uta-
tur consilio, & quemadmodum A.
V. sapientiâ ulteriùs fuerit directus,
& informatus, ità procedat, & in-
stet. Cæterùm Illustris D. V. Fra-
ternitatem quàm diligentissimè ro-
gamus, ut susceptum Christianita-
tis negotium sicut cœpit, sollicitet,
& promoveat ad effectum. 1464.

LXXXIV.

JOANNES EPISCOPUS QUIN-
QUE-ECCLESIENSIS AD GA-
LEOTUM MARTIUM.

Invitat ad Bellum Turcicum.

Joannes (a) Electus, Confirmatus
Quinque-Ecclesiensis &c. Galeo-
to suo salutem. Et nuntius instat, &
sumus occupati: malumus tamen vel

**

N

bre-

(a) Joannes hic Pannonius appellatus Joannis Vitæzii Ar-
chi-Episcopi Strigoniensis Nepos, literis latinis æquè, ac
græcis excultus epistolas, & carmina posteris reliquit,
quæ amantiam ingenii ejus testantur. Præceptor ejus-
dem Guarinus Veronensis dicebat, se nullum ex Italis
Discipulis habuisse, qui ingenio, & docilitate cum Jo-
anne conferri posset.

breves ad te literas dare, quàm nullas. Si Dominus Vicoxime vel recessit jam, vel recessurus est, cave aliud feceris, quàm ad Nos venias. Memineris te ad hoc jurejurando adstrictum: memineris item votum tuum adversus Turcos, quos jactatam illam fortitudinem tuam aliquando experturos prædicabas. (b) Si veneris, præbebimus tibi rerum tantam, & tam frequentem copiam, ut nunquam queri possis: non habere te, quicum pugnes. Vale. 1464.

LXXXV.

MATTHIAS REX FERRARIENSIBUS, ET FLO- RENTINIS.

Commendat Oratorem suum ad Papam missum, & eidem fidem facit &c.

Missimus hunc Oratorem nostrum
ad S. Sedem Apostolicam pro
necessi-

(b) Joannes Pannon: hæc de eo canit:

Donasti viridem castris tamen inde Juventam.

Es satis hac etiam parte peritus eras.

Nec te militia miror tentasse laborem.

Herculeo dignum corpore robur habes.

Præcipue fortensis exercere laborem,

Et Superas cunctos strenuitate Viros. &c.

necessitatibus Christianorum declarandis, cui etiam nonnulla commissimus V. A. referenda, quam rogamus diligenter, ut Oratori præfato super his, quæ pro parte Nostri dixerit, dignetur fidem adhibere. 1464.

LXXXVI.

MATTHIAS REX

AD PAPAMPIMUM II.

CREDENTIONALES.

Beatissime Pater &c. Miseramus superioribus diebus Oratorem nostrum ad S. V. pro hujus Regni nostri, & omnium Christianorum necessitatibus declarandis. Nunc quoniam recentiora postmodum, & graviora emerferunt nova, imminentis periculi magnitudinem simul, & propinquitatem per hunc alterum Oratorem nostrum eidem S. V. ab integro duximus intimandam: supplicamus humiliter, quatenus eundem benignè audire, & exaudire, ac pro officio suo Pastoralis de remediis quamprimum providere opportunis dignetur V. B. quam Omnipotens diu, & feliciter &c. 1464.

MATTHIAS REX AD CARDINALEM PORTU- ENSEM.

CREDENTIONALES.

*Quibus Oratori fidem facit, & specialiter
commendat subsidium procurandum.*

Reverendissime Pater ! Destina-
veramus nuper Oratorem no-
strum ad S. Sedem Apostolicam pro
hujus Regni nostri, & omnium Chri-
stianorum necessitatibus declarandis;
nunc quoniam recentiora postmo-
dum, & graviora emerferunt nova,
imminentis periculi magnitudinem
simul, & propinquitatem per hunc
Oratorem nostrum eidem ab integro
duximus intimandam. Cum autem
in R. P. V. tanquam in Advocato
singulari fiduciam geramus specialis-
simam, mandavimus Oratori no-
stro præfato, ut in omnibus R. P.
V. utatur consilio, & quemadmo-
dum per eandem fuerit directus, ita
procedat. Cæterum licet experien-
tiâ credamus, ut dicta R. P. V. olim
suice-

susceptum hujus Regni, vel potius totius Christianitatis patrocinium minimè deseret, ex desiderio rogamus eandem quàm diligentissimè, ut provisiones tanta re opportunas sollicitet, & jam tandem promoveat ad effectum, ac partes suas taliter interponat, ut spe, & expectatione nostra, quem in R. P. V. habemus, hoc potissimum tempore non frustremur.

1464.

LXXXVIII.

MATTHIAS REX AD COLLEGIUM CARDINALIUM CREDENTIONALES.

*Quibus fidem facit, & eosdem orat, ut
SS. D. permoveant ad præstandum
subsidium.*

Reverendissimi PP. Licèt per Oratorem nostrum ad S. Sedem Apostolicam paulò ante missum, hujus Regni nostri, & omnium Christianorum necessitates satis, ut credimus, fuerint declaratæ; nunc tamen quoniam recentiora postmodum, & graviora emerferunt nova, imminentis periculi magnitudinem

simul, & propinquitatem per hunc alterum Oratorem nostrum eisdem ab integro duximus intimandam. Quapropter RR. PP. VV. plurimum rogamus, quatenus apud SS. D. N. partes suas ita interponere velint, ut provisiones in tanta re opportunaë tempestivam expeditionem fortiantur. 1464.

LXXXIX.

PRIVILEGIUM,

Quo Matthias Joanni Pannonio, & ejus in Episcopatu Quinque-Ecclesiensi Successoribus potestatem facit fodinas quaecumque metallorum aperiendi, colendi, & in proprium, dictaque Ecclesia usum convertendi.

Matthias DEI Gratiâ &c. Ad futuram rei memoriam. Præclara virtus est in Principibus, si dignos Viros præmiis honorant, si Ecclesiarum DEI curam gerunt, & ubi possunt, utilibus eas dotare curant privilegiis. Quorum altero suos ad obsequia faciunt promptiores, altero verò DEUM ipsum sibi conciliant propitium. Proinde Nos atten-

tendentes Virtutes, merita simul, & servitia Fidelis N. dilecti R. in Christo P. D. Joannis Episcopi Quinque-Ecclesiensis, qui sicuti altæ peritiae est, ita virtutibus præditus, Curiae Nostræ decus, & splendorem addere semper studuit, studetque opportunè Nobis obsequendo; ipse enim non parcens personæ, sumptibus suis, nunquam neglexit, quæ vel honori nostro, vel Patriæ debebat exhibere: habentes etiam specialem devotionem ad S. Petrum Principem Apostolorum, in cujus Nomine dicta Ecclesia Quinque-Ecclesiensis per S. Regem Stephanum fundata est, cujus precibus tam in Cœlesti, quàm terrena felicitate adjuvari speramus: eidem D. Joanni Episcopo, & dictæ Ecclesiæ suæ Quinque-Ecclesiensi, ac suis Successoribus Episcopis universis id de gratia speciali, & de plenitudine Nostræ Regiæ Potestatis, ex certa nostra scientia duximus annuendum, & concedendum, ut ubicunque in terris, & montibus, aut quibuscūq; locis dictæ

Ecclesiæ Quinque Ecclesiensis mineræ Auri, & Argenti, ac aliorum qualiumcunque Metallorum, quocunque tempore reperiri, & inveniri poterunt, eas ipse D. Joannes Episcopus, & directi Successores sui aperiri, coli, & laborari facere, proventus quoque earundem universos, & Urburas pro eorundem, & dictæ ipsorum Ecclesiæ utilitate percipere, ac eisdem mineris præcisè sub hisdem libertatibus, quas in talibus Ecclesia Varadinensis habet, perpetuis semper successivis temporibus universis uti, & frui valeant. Imò annuimus, & concedimus harum literarum Nostrarum, quibus secretum Sigillum Nostrum, quo utimur, est appressum vigore, & testimonio mediante.

Datum Budæ Anno

&c. 1464.



MAT.

MATTHIAS REX

AD ARCHIEPISCOPUM STRIGONIENSEM DIONYSIUM.

Quem serio admonet, ne subditos cum ingenti eorum molestia, & detrimento è longinquo evocet in causis maxime, ad forum Ecclesiasticum non spectantibus.

Manifestior res est, quàm ut ignota Vobis esse possit, quanti clamores, tam publicè in Congregationibus generalibus, quàm quotidie privatim Nos fatigant Nobilium subditorum Nostrorum, quòd per Vicarium Sedis Vestræ indignas, & illegitimas vexationes patiuntur: dum vel in profanis Causis ad forum Ecclesiasticum trahuntur, vel pro rebus levissimis, puta uno, vel sesqui altero aureo à remotissimis partibus brevi termino Strigonii comparere coguntur, omnium Ordinariorum suorum, & propinquorum Judicum Jurisdictione prætermissa, & neglecta. Su-

per quibus rebus satis sæpè (a) Vos
& coram, & scriptis monuimus.
Sed ut videmus, nihil reprehensio-
nes Nostræ, nihil Decreta Regni
jam aliquoties in talibus disposita
proficiunt; quin quotidie aures
Nostras pulsant querelæ oppresso-
rum; ex quibus est hic lator præ-
sentium, qui sub hac temporum dif-
ficultate à Domo sua ultra Savum
habita, & ab ipsa Turcorum vicinia
citatus in Causa minimè Spirituali
coactus est per tot milliaria graves
labores, & expensas tolerare. Con-
sideret P.V. quòd talia licèt aliquid
lucri quibusdam fortè Personis ap-
portent, Jurisdictionem Vestram
non ampliant; honori verò Sedis
Vestრæ, & vestro derogant vehe-
menter. Quapropter F.V.horta-
mur, & nihilominus eidem seriò
committimus, quatenus saltèm de-
inceps à talibus enormitatibus, &
exorbitantiis Sedes Vestra præfata
penitus abstineat, & nos pariter,
& vos ab inquietatione tot queri-
mo-

(a) In alia quadam Epistola scribit Matthias, ad Pontifi-
cem Dionysium Széchiū bonum quidem esse Ecclesiasti-
cū, sed rerum Politicarum non satis peritū.

moniarū exoneremur; alioquin de remedio cogitabimus opportuno.
1464.

XCI.

MATTHIAS REX AD DUCEM VENETIARUM.

*Petit commendari Stephanum Vardajum
pro Cardinalitia dignitate.*

Illustrissime Princeps Frater Charissime! Quia multis, & magnis de causis vehementer desideramus Rē in Christo P.D. Stephanū Archiepiscopum Colocensem Cancellarium Nostrum, prout Virtutum ejus merita exigunt, Sacro Cardinalium Collegio adoptari, propterea petiveramus A.V. quatenus apud Summum Pontificem, & Cardinales sui studiosos literis, aut nuntiis superinde adlaborare dignaretur. Quod usqueadeo à V.F. factum esse intelligimus, ut parata fuerit ipsa personaliter coram Romano Antistite super ea re verba facere, nisi colloquium Vestrum media illius mors intervertisset. Proinde Frater Charissime Illustrissimæ
D.V.

D. V. ingentes meritò gratias agimus, quam in rebus nobis placitis, ac Nostrum, & Regni nostri honorem spectantibus, tam diligentem experimur: ac nihilominus rogamus, ut etiam apud futurum Vobis fortè jam creatum, (a) sed Nobis nondum famâ cognitum Pontificem, quem Illustrissimæ D. V. non dubitamus fore benevolum, ejusdem rei velit esse adjutor, qua vix quidquam hoc tempore gratius Nobis posset præstari. Nos operam Nostram vicissim ad F. V. decus, & commodum sincero pollicemur effectu. Cæterum præsentem certam de causa secretò Sigillò nostrò annulari volumus consignari.

Datum 1464.



MAT-

(a) Mortuus est Pius II. Papa 1464. XIX. Kal. Sept. Cui successit eodem anno V. Kal. Sept. Paulus II.

MATTHIAS REX AD DUCEM VENETIARUM.

*Ejus Oratorum presentiam Coronationis
sue solemnitati magnū splendorem addi-
disse significat; pro quo gratias agit &c.*

Interfuit felicitis Coronationis no-
stræ mysticis solemnibus (a) unā
cum alio collega suo Magnificus D.
Franciscus Justinianus Illustriss: D.
Vestræ Orator specialis. Qui qui-
dem pro sua singulari prudentia,
& virtute nihil prætermiserunt,
quod ad summum decoris nostri
cumulum pertinebat. Et illam af-
fectionis erga Nos V. sinceritatem
tametsi jam pridem Nobis pluribus
experimentis satis cognitam, dictis
pariter, ac factis per omnes nume-
ros plenissimè, & efficacissimè re-
præsentârunt. Quapropter A. V.
meritò gratias agimus, quòd in di-
es magis, ac magis perspicimus o-
mnia, quæ ad honorem, & com-
mo-

(a) Coronatio Albæ-Regalis peracta est in celeberrimo Re-
gni Conventu. De Viis Illustribus, qui huic celebri-
tati interfuerunt, nihil ab Historicis proditum. His au-
tem literis constat Legatos Venetorum non parum decoris
addidisse.

modum nostrum spectant, tam diligenter Vobis cordi esse: gratias, inquam, agimus quàm maximas, & idem de Nobis F. V. pollicemur; cujus gloriæ, & amplitudini sicut toto mentis desiderio favemus, ita nunquam studiô, & operâ defuturi sumus. Datum 1464.

XCIII.

JOANNES QUINQUE-ECCLE-
SIENSIS EPISCOPUS AD
D. STRIGONIENSEM.

Bona Nicolai Trewthl impetrari non potuisse significat utpote alteri prius à Rege collata.

AD scripta R. P. V. super procuranda impetratione quarundam possessionum quondam Nicolai Trewthl eidem V. R. P. duximus respondendum; ne fortè putaremur officium Nostrum erga R. P. V. igravia magis quàm alia ex causa neglexisse. Sciat igitur R. P. V. quòd & pristinam auctoritatem Nostram apud Serenissimum D. N. Regem adeo etiam nunc retinere credimus, & benevolentiam ipsius D. Regis er-

ga R. P. V. ità perseverare animadvertimus, ut meritò arbitremur rem hanc Nobis impetrabilem fuisse futuram, si modò prævenire licuisset. Verùm sex ferè diebus antequam literæ V. advenissent, jam id negotium transierat in rem judicatam, ad partem videlicet Dominorum Herczeg de Zekchew, qui inita, & communicata societate cum Georgio de Parlag, & Paulo de Kalo Regium superinde chi-rographum maturè extorserant. Quod cum Nobis esset oblatum, mirati equidem fuimus vehementer de tam inopinata, & quodammodo incredibili morte Adolescentis: nec quidquam in ea re aliud agere vel scivimus, vel debuimus, quàm Regalibus obtemperare mandatis. Hanc rei gestæ seriem volumus R. V. P. esse notam, ne fortè, ut antè diximus, nostræ id quoquo modo culpæ magis adscriberetur, quàm fortunæ. 1464.



VARADINENSIS EPISCOPUS
AD CARDINALEM PAPI-
ENSEM.

Cui multa obsequia pollicetur.

INtelligimus ex relatione R. P. D.
Marci Episcopi Tinniniensis R.
P. V. erga Nos benignitatem & ob-
ligationes humanissimas. Quapro-
pter eidem gratias agimus quàm ma-
ximas, quòd merita Nostra suò be-
neficiò prævenire dignata sit; & nec
opinanti tam præclarũ, & nec minùs
efficax patrocinium suum polliceri.
Equidem R. P. utrumque horum,
ut debuit, Nobis gratissimum fuit,
& quamvis magna Nos obligatione
obstrictos sentiamus, tamen me
tanti creditoris liberalitas consolatur,
quem officiò certare priorem
non pœnitet, & qui cumulare ma-
gis gratiam, quàm repetere dele-
tatur. Proinde siquid est, quod
Nostra mediocritas possit, id totum
deinceps R. P. V. obsequiis dedica-
mus, fera Devotionis Nostræ initia
studio, & alacritate compensa-
turi. Altissimus &c. 1464.

VARADINENSIS EPISCOPI AD CARDINALEM PALI- ENSEM,

*Comendat eidem negotium Episcopi Quin-
que-Ecclesiensis,*

Humanitas R. P. V. Nobis nec merentibus, nec expectantibus re ostensa id effecit, ut cujus spontaneam benignitatem erga Nos experti sumus, precariam vel magis obtinere confidamus. Postulat certis, & rationabilibus causis D. Quinque-Ecclesiensis Frater noster pro quietiori suo, & Ecclesiae suae statu à SS. D. N. rem satis arduam, non tamen novam, nec injustam. (a) Quare R. P. V. summò studiò rogamus, uti negotium hoc promovendum suâ illâ solitâ diligentia suscipere dignetur, & auctoritate, qua plurimum pollet, faciendū procuret. Ità uno beneficio utrumque nostrum R. P. V. faciet obligatiore. Quam Altissimus &c. 1464.

**

FINIS.

(a) Jus pallii à quibusdam Canonistis attribuitur Episcopo Quinque-Ecclesiensi. Quid si Joannes Pannonius illud impetravit? & de hoc ipso negotio hae, & aliis epistolis tractatum sit?

五、

1. The first step is to identify the problem or question that needs to be answered. This involves understanding the context and the specific requirements of the task.

2000

— 12 —

11. 11. 11.

EPISTOLÆ
MATTHIÆ
CORVINI REGIS
UNGARIÆ.
PARS II.

THE
LIBRARY OF THE
MUSEUM OF NATURAL HISTORY

NEW YORK

1880

1298



I.

EPISTOLA

MATTHIÆ REGIS AD ORA-
TOREM SUUM APUD VE-
NETOS DEGENTEM.

*Significat apparatus Turcicum, & de re-
bus cum Duce Venetiarum confectis cer-
tior fieri cupit, quidve ab eo auxilii sit
sperandum contra hostes.*



Everende Pater, &
Magnifice fidelis dile-
cte! Posteaquam pro-
tecti estis, multos, &
varios nuncios habui-
mus, conatûs, & ap-
paratum hostilium relatores varios
quidem in exprimenda minarum, &
rerum magnitudine, sed in decla-
randa intentione hostis per omnia
concordes. Piget dicere, quot co-
pias parare ex propriis terris, quot
coëmere ex alienis fertur, quàm du-

ra moliatur , quàmque aspera mine-
tur , ne fortè difficilia dictu, fide non
digna existimentur : verùm ut his o-
mnibus Nos credulitatem promptam
adhibeamus, experta sæpe hostis illius
moles , & sæpe inflicta pericula facilè
perpulerunt. Inter hæc tamen duo i-
sta significamus Vobis , de quibus ma-
gìs in particulari certiores facti sumus,
& quæ magis non fieri, quàm non
credi optaremus. Provocatus ho-
stis ipse tertii , & proximè præteriti
(a) annorum vulneribus , & oppro-
briis , & spretus in oblatione insidio-
sa induciarum belli , non solùm irâ,
& odiô consuetô , sed pene furore
quodam in ultionem agitur. Præmi-
sit jam certos Belliduces, quorum no-
mina quoque ad Nos perlata sunt
cum magna manu , & magna condu-
cti exercitûs parte , qui mandato ta-
li

(a) Scilicet annò 1463. Mahometes universam Boznam subegit Rege Stephano capto , & necato ; sed eandem urbem cum septem & viginti circum oppidis Boznæ , & Rasciæ recepit Matthias cum ingenti Mahometis dolore. Item annò 1464. Jajczæ iterum exercitum admo-
vit Mahometes , sed audito Hungarorum adventu proje-
ctis in aquam tormentis obsidionem solvit. Geminam
igitur brevi tempore de Turcis lauream meritis Mat-
thias hoc anno Albæ Regalibus insignibus decoratus
est.

li instructi sunt, ut quoad poterunt, amplius partes inferiores Ungariæ vastent, & in reditu Castrum (b) Nandor Albenſe obſidione cingant. Hi jam nuper in Servia, prope (c) Zenderov caſtra metati ſunt: Sequi eos velle dicitur propediem Turcus in perſona propria, & Filius major unâ cum omnium robore, & mole potentiæ ſuæ, ea intentione, ut Nandor albam hac æſtate expugnet: (d) Serviam totam occupet, & Caſtrum Jajcza Boznâmque recuperet. *Tædet, inquiunt, vita ſua, niſi duobus bis locis Nandor Alba, & Jajcza è veſtigio potiatur*, quorum primum ad Ungariam, Poloniam, Bohemiam: alterum ad Dalmatiam, Iſtariam, Italiam, & Almanniam tibi januam futuram putat. Nos pro noſtra parte quò profundius, ferventiùs, ut poſſumus cogitare, non deſiſtimus, ut vel vitemus, vel propulſemus hæc geminata pericula. Verùm de

A 2

ſuffi-

(b) Belgradum vel Taurinm, ſcñ Alba Græca Urbs Servie Princeps.

(c) Semendria ejusdem Provinciæ oppidum nobile veteris Singeduni veſtigium.

(d) Hoc anno nihil peculiare tentatum à Turca memorant Hiſtorici.


sufficiētia nostra, & quantum huic hosti pares sumus, quæ æstimanda sunt, Vos non latent. In hoc uno fidelitatem vestram opportunè commonendam duximus, ut maturare hæc, & suscepta mandata celerius prosequi curare, & imprimis de omnibus, quæ cum Illustrissimo Dominio Venetorum confeceritis, deinde circa negotium adhibendæ defensionis quid isthinc in re, quid in spe tenendum sit, per præsentem nuncium Nos certiores reddere non negligatis. Hostis noster non expectabit aristas, quin imò & culmos ipsos, antequam rectè proficiant, præventurus esse dicitur, quò magis Nobis verendum est, ne Nos sub spe concepta pendentes, imparatos inveniatur. Ad Nandor Albam missæ sunt proximis diebus plurimæ lignorum strues pro nova munitione loci illius. Ad Boznam propter occupationem Magnifici Emerici (e) Gubernatoris, in partibus superioribus alios

Capi-

(e) Fuit is Emericus Deákus de Zapolya 1464. Gubernator Boznæ, Dalmatiæ, Croatiæ, & Slavoniæ Banus creatus ex summo Quæstore Regio; demum 1485. Palatinus Regni.

Capitaneos disponimus, & eos cum gentibus armigeris illuc propediem missuri sumus. Nihil omittimus, quod Nobis possibile est, illam præcipuè sollicitudinem habentes, ne quid curæ hac in re prætermisissè, aut aliquid negligentiae commisissè videamur. Causa etiam egressûs nostri de Buda, & adventûs ad has partes huc tendit, ut confinia Regni nostri ab insultibus latronum de Bohemia, & Polonia, quantum brevitâs temporis patietur, tuta relinquamus, & ut congregemus gentes armatas equitum, & peditum, quò magis sollicitudini nostræ, & promissæ curæ satisfacere possimus. A Vobis itidem expectaturi, ut in rebus Vobis commissis nulli negligentiae, aut tarditati locum detis. Datum in Novozolio die penultima Martii, 1465.





II.

MATTHIAS REX

PAPÆ PAULO II.

Petit Varadinensi Ecclesie in locum Reverendissimi Domini Joannis Episcopi ad Strigoniensem Ecclesiam promoti, subrogari Joannem Quinque-Ecclesiensem Præpositum.

Beatissime Pater, & Domine &c.
 Vacatura est Ecclesia Varadinensis per translationem Domini Joannis (a) Episcopi ipsius Ecclesiæ, ad Ecclesiam Strigoniensem, pro qua nuper Sanctitati Vestræ scripsimus, Nos cupere ipsi vacaturæ Ecclesiæ de successore secundum cor nostrum idoneo provideri. Habita deliberatione cum Prælati, & Baronibus nostris Venerabilem Joannem Præpositum Ecclesiæ Quinque-Ecclesiarum in ordine Clericorum Subdiacorum, ad ipsam Ecclesiam Varadinensem delegimus, & nominavimus. Hunc credimus ad DEI honorem, & ad publicum Regni nostri statum prom-
 mo-

(a) Dionysio Széch Cardinali Archi Episc. Strigon. successit Joannes Vihesius; huic verò in sede Varadinensi Joannes Alemannus, quem antea Præpositum Quinque-Ecclesiensem fuisse ex hac Epistola constat.

movendum dictæ Ecclesiæ præesse posse, quippe qui ab ipsa ferè puerili ætate, apud Primores, Prælatos, & Magnates hujus Regni inter directrices eorum manus enutritus, & ad hæc usque tempora conversatus, fide, moribus, aliisque virtutibus suis, facilè nostrum amorem, & aliorum favorem promeruit. Quem his, & talibus exigentibus meritis à Sanctitate Vestra confirmandum putamus, supplicantes humiliter, ut quoprimum antefatum Joannem Episcopum Varadinensem, ad Ecclesiam Strigoniensem Beatitudo Vestra transtulerit, mox ipsum Joannem Præpositum illi, in hac Varadinensi surrogare, eidemque in Episcopum, & Pastorem præficere dignetur, provitura in hoc Sanctitas Vestra & meritis personæ, & Ecclesiæ illius profectui, & utilitati. Conservet Dominus Sanctitatem Vestram feliciter Regimini Ecclesiæ suæ sanctæ. Datum Budæ 7. Martii, 1467. (b)

A 4

MAT.

(b) In manuscripto annus hic apponitur indubiè, sed pro septimo quintum poni debere constat inde, quòd Joannes Alemannus jam annò 1466. Episcopus Varadinensis legatur.



III.

MATTHIAS REX DUCI VENETIARUM CHRISTOPHORO MAURO.

*Turcas captivos offert pro redimendo Agamemnone ad Calamatam à Turcis capto,
& firmitatem fœderis suadet, ac promittit &c.*

MATTHIAS &c. Illustrissimo Principi Christophoro Mauro eâdem gratiâ Duci Venetiarum &c. Fratri, & amico nostro salutem, & prosperos successus. Triplices simul literas Fraternalitatis Vestræ, & has longo demum circuitu ad Nos perlatas accepimus, quarum primæ die 7. aliæ tredecima, & tertiæ die decima quarta Mensis Martii proximè præteriti datæ fuerant. Ad eas Nos è vestigio libenter respondissemus, si Nobis opportunè, & debito tempore redditæ fuissent. Nihilominus visum Nobis est, vel seriùs expectationi vestræ satisfacere, ne videamur omnino negligere, quod debemus. Igitur in primis litteris significat Fr. Vestra captum esse ab infidelibus Turcis unum è Campiductoribus

ribus Vestris Agamemnonem nomine, dum prope Calamatam (a) fortiter pugnaret contra hostes, eumque postea Adrianopolim transductum, ibi victum detineri; pro cuius deliberatione faciliori optat Fr. Vestra, ad complacendum Illustri Duci Mutinæ, qui pro hac re intercedit, ut si fortè apud Nos Turcus aliquis captivus esset, cum quo permutatio mutua captivi pro captivo fieri posset, dignaremur illum in huiusmodi permutationem condonare. Qua in re dicimus Fr. V. esse sine dubio nonnullos Turcos captivos apud Capitaneos partium inferiorum Regni nostri, de quorum conditione, ac pretio, certam adhuc notitiam non habemus, ità ut apertè nesciamus, si quis ex eis aptus sit, & sufficiens huiusmodi permutationi faciendæ. Verùm ne per longiorem inquisitionem, vel inquisitionis tarditatem Fr. V. frustretur voto suo, disponat opportunè cum præfato Domino Duce, ut eligatur vir unus ad suscipiendam liberationem

supradicti captivi idoneus, & mittatur celerius ad videndum, & cognoscendum tam personas, quam conditiones Turcorum captivorum, qui apud Nos, vel nostros reperiri poterunt. Quos cum viderit, & cognoverit, contenti sumus, ut juxta voluntatem suam unum ex eis, aut duos, tres, decem, vel plures, quot quot ei ad commutandum Agamemnonem vestrum sufficere videbuntur, accipiat liberè, & abducatur. Et utinam tales reperiri possent, qui & Vestro, & Nostro voto, sed & illius Christiani Belligeri liberationi satisfacerent. Certa sit Fr. V. vix unam, vel alteram rem hoc tempore occurrere posse, quæ Nos ita delectaret, quam si Fr. V. id ipsum optanti, & illi Duci intercedenti possemus in re præsentis juxta vota complacere. Alteræ litteræ pro rebus Magnifici Jacobi Barbarico scriptæ erant, ad quas non est opus multis respondere Commisimus enim hoc negotium Oratoribus Nostreis, quos nuper ad Vos, & dehinc ad Romanam Curiam misimus, eisque plenum mandatum dedi-

dimus cum ipso Jacobo, prout conveniens videbitur, concordandi. Tertiæ literæ erant responsales super his, quæ diebus superioribus significaveramus Nos sentire de pace per Turcum hinc & inde quæsitâ, & de dolis, & fallaciis ejus, in qua parte etiam Fr. V. eadem, & illis similia sentire, & intelligere se rescribit, & præcipuè, quod meliùs judicat perseverare Nos utriusque in amicitia, & foedere inito, quàm permittere dolis hostilibus à sese divelli. Idipsum Nobis quoque placet, & constanter in hoc proposito, & in hac intentione cor nostrum stabilire dispositi sumus, prout hoc etiam ex præactis Oratoribus nostris, ac etiam ex Magnifico Joanne Emo nuper apud Nos Oratore Vestro clariùs, & integriùs Fr. V. intelligere potuit. Itaque Nos assiduè cogitamus ad ea, quæ ad nocendum communi hosti opportunè facere poterimus, expectamusque, ut & Fr. V. è regione, quæ partis vestræ sunt, & quæ ad nostrum adjutorium spectant, facere,

re, & expedire non differat. Datum
Budæ 27. Apr. 1465.

IV.

MATTHIAS REX
PRÆLATIS, ET BARONIBUS
POLONIÆ.

*Quibus pacem, & amicitiam offert. Consi-
liarios pro ea redintegranda se misisse si-
gnificat.*

MATTHIAS &c. Reverendis in
Christo Patribus Joanni Cra-
coviensi, & Jacobo Wladislaviensi
Episcopis. Item Magnificis Viris Jo-
anni de Fanczni Bano Cracoviensi,
Derslao de Rithwani Palatino, &
Capitano Sandomiriensi, Joanni
de eadem Rithwani Regni Poloniæ
Mareschallo, Jacobo de Dombno
ejusdem Regni Thesaurario, & Ca-
pitaneo Cracoviensi, Pauló Jasien-
ski Capitano Chelinenfi, cæterisque
Prælati, & Baronibus, qui fuerant
in Conventione Cracoviæ habita
congregati, Nobis dilectis salutem,
& benevolentiae affectum. Acce-
pimus literas Vestras paciferæ men-
tis,

tis, & intentionis vestræ indices, quæ
paris benevolentiae responsum à No-
bis extra mereri videbantur. Igitur
ubi Amicitia Vestra significat sese in-
ter tot hinc inde concitatos turbines
pacem malle, dissensionesque omnes,
quæ inter hæc duo Regna olim, &
semper amica subortæ sunt, (a) so-
pitem ire, estote certi apud Nos eti-
am eam mentem, eumque ani-
mum esse, cui quæta magis con-
silia, quàm turbulenta sequi deside-
rio est: Neminem injuriis lacessere,
nullius jura, vel quietem turbare
placet. Sæpe turbati, sæpe patien-
ter sustulimus, inviti ad arma exur-
gimus, & non nisi pulsati pro-
ulsamus injurias. Quem quidem mo-
rem secuti nuper dum Magnus
Jacobus Thesaurarius Regni illius
super hujusmodi exortis dissensionibus
ad Nos scripsisset, mox patefecimus
ei, quæ animo nostro insidebant,
ex quibus omnes palam intelligere
po-

(a) Poloni quidam Magnates, potissimum Jacobus Domb-
no Thesaurarius latrocinia in finibus Hungariæ exercita
fovere dicebantur. Contra agrum Scepusiensem 13. Op-
pidorum ditionis Polonicæ instabant Hungari, & Va-
lachiam, quam Cromerus in fide Poloni tunc stetit as-
serit, à Matthia vexatam querebatur Casimirus.

potuistis facile Nos ad pacem incli-
nari, quam non modò reformari o-
ptamus, verùm etiam perpetuè ob-
servari: pro qua re tractanda, uti
prioribus literis significaveramus, mi-
simus duos ex majoribus Consiliariis
nostris, eisque data ad plenum infor-
matione de novo mandavimus, ut se-
se ad locum deputatum conferant,
tractent cum Vestris deputatis, refor-
ment hinc inde errata, prout opus e-
rit, concludantque tractata, ac pro-
missionibus opportunis firment. In
hoc tamen rogamus Amicitiam Ve-
stram, ut si ipsi Consilarii Nostri ad
diem statutam in loco prædicto com-
parere non potuerint, patientiam ha-
bere, & expectare placeat per aliquot
dies, credimus enim eos propediè istuc
affuturos. Datum Budæ 26. Feb. 1465.

V.

MATTHIAS REX PAULO II.

*Gratias agit pro benevolo affectu. Suum in
Ecclesiam studium commendat, & Lega-
tos se misisse Romam significat.*

BEatissime Pater, & Domine post
devotam Nostri commendatio-
nem

nem ad pedum oscula beatorum &c. Magnæ alioquin expectationi Nostræ in rebus fidei promovendis major nunc in id ipsum novo quodam illapsu accessit spes, dum in reditu Reverendi Patris Domini Marci Episcopi Tinniniensis (a) tam ex literis Sanctitatis Vestræ, quàm ex relatione ipsius intelleximus, quantum animum, & quàm sedulam mentem, ac dispositionem habeat Beatitudo Vestra ad proseguendam tutelam ipsius fidei, gregisque fidelium sibi commissi, & item quantum intendat pro posse, & viribus suis conservationi hujus Regni, quod Christianorum antemurale, & appellat, & esse putat. Ego inprimis ago gratias Domino DEO nostro, qui in tanto rerum turbine, in tanta calamitate fidei, & necessitate nostra primo omnium Christianorum periculis gravissimis laborantium talem, & tantum Ecclesiæ suæ Rectorem præfe-

(a) Tinninium est urbs Dalmatiæ olim Arduba dicta, nunc Klin à à Dalmatis nuncupatur; quamvis alii Tiniam Civitatem Bosniæ in confiniis Dalmatiæ positam dicant. Episcopatus porro hujus loci, & nominis Arehi-Episcopatus Spalatensi subjectus est, & tituli collatio etiamnum ad Regem Hungariæ pertinet.

fecerit, qui & possit, & cupiat ipsam
 varis agitatam, & pene obvolutam
 fluctibus in spem salutis restituere.
 Habemus etiam gratias ingentes Bea-
 titudini Vestrae quo casus, & labores
 nostros considerat, & oculos suae di-
 cretionis in Regnum istud speciali-
 ter iniecit ostendens cum cura susce-
 pta fervorem quoque sibi succre-
 re, ut totum impendat, quod totum
 debet, & potest. Hæc fuit expecta-
 tio mea, hæc denique fiducia cum
 primum Personam Sanctitatis Vestrae
 ad culmen maximum Pontificatus
 subvectam accepi: hac spe fretus de-
 legi nuper Oratores ex primariis capi-
 tibus Regni, (b) & Consilii mei ad
 Sanctitatem Vestram jam missos, qui
 ante alia præstare habuerunt obedi-
 entiam nomine meo non solum Apo-
 stolicis pedibus debitam, sed illis
 singulariter pedibus præstare sponte
 paratam. Secundo loco curam, sol-
 litudinemque, & omnes labores
 meos

(b) In conventu Szegidinenfi Joannem Vitézium Quinque-
 Ecclesiensem Aristitem dictum alias Pannonium, & Jo-
 annem Rozgonium, qui in calce decretorum anni 1444.
 Tavernicorum Magister ponitur, missos fuisse constat, qui-
 bus tertius Joannes Emus Venetus adjectus est.

meos tam pro viribus actos, quàm super vires susceptos, præterea expectationem ferendi opitulationem patrefacturi erant. Quos jam putamus hucusque his rebus officio suo perfunctos esse. Superest ut spei bonæ rem parem ad Nos quoque referant. Quòd autem hortatur me Beatitudo Vestra literis suis, ut susceptum animum adversus communem hostem, & fortiter retineam, & fortiolem efficiam, in hac ipsa re certiolem facio Sanctitatem Vestram, quòd in prosecutione hujus negotii, & propositi jam suscepti velle, & animus meus à nullo superabitur, placeat modò Deo nostro, ut posse non superetur. Quò magis curandum est Sanctitati Vestræ, ut possibilitas agendi Mihi subsit, (c) voluntas laborandi nunquam aberit. Habuerunt Oratores mei inter alia specialem informationem, ut Sanctitati Vestræ de intentione mea quærenti opportunis verbis fusiùs, & documentis super hac mente mea, prout opus erit, fi-

*

B

dem

(c) Spondanus refert à Paulo II. Matthiæ Regi centena auri millia suppeditare.

dem faciant. Remissi autem & hunc
 Dominum Tinniniensem novum O-
 ratorem ad pedes Sanctitatis Vestrae,
 & ad superiores Oratores meos, qui
 ad literas Beatitudinis Vestrae mei lo-
 cò latiùs respondebit, ac simul refe-
 ret, quæ recentius occurrerunt, &
 quæ apud Nos, & parantur ad rem,
 & aguntur. Conservet Dominus
 Sanctitatem vestram feliciter regi-
 mini, & consolationi Ecclesiæ suæ
 sanctæ, cui Nos, & res nostras ite-
 rum, atque iterum commendamus.
 Datum Budæ die penultima Apr-
 1465.

VI.

MATTHIAS REX
REGI GALLIARUM LUDOVICO XI.

*Hortatur, ut Christianorum Principum ar-
 ma in Turcos concitet, queritur se solum
 hostibus fidei objici, laudat denique pro-
 positum Christianissimi Regis de bello in-
 fidelibus inferendo.*

Serenissimo Principi Ludovico Dei
 gratiâ Francorum Regi Christia-
 nissimo Matthias eadem gratia &c.
 salu-

salutem , & prosperos ad vota successus. Serenissime Princeps Frater Noster charissime. Cùm accepissemus diebus superioribus ex literis Excellentiae Vestrae bonum statum ejusdem , ac simul animum Christianissimo Rege dignum , lætati sumus pro hoc tempore , in quo tam fideles Christiani , quàm ipsa fides à turbatione perfidorum plurima viderunt mala ; putamus enim tanti Auctoris exemplo emerfuram spem , in qua meliùs sentire licebit de opportuna fidei Christianae defensione , quam si capeßere placet , opus est , ut quantum negligentiae vacatum est , tantum vel multò amplius diligentiae assumatur , quatenus curam Christianae Reipublicae , quæ hucusque in solo conatu desit , ipsa Excellentiae conditione meliorem faciamus. Qua in re scripseramus priùs ante decem circiter menses per egregium Antonium Marini Consiliarium Serenitatis Vestrae , qui Serenissimi Regis Poloniae apud Nos Orator fuerat , ubi non quidem per literas , quas vulgò Credentias appellant , sed aper-

to ordine significamus Serenitati Vestræ de animo, viribus, & ferocia ipsius hostis Nobis verè vicini, & item quanti Nobis stet, quòd soli pene inter Christianos Principes graviores hostilis arietis impulsus perferimus: optamus apud Serenitatem Vestram persuasum iri, ut curaret cum aliis Principibus Catholicis vel ferò tandem hostibus ipsis communibus, & humanas prope vires excedentibus parem delectum opponere; ne fortè dum Nos ad tam feroces, & assiduos insultus sustinendos cum solis nostris viribus deferimur, in desertores ipsos animata hæc pestis amplius diffundatur. Sed cum jam ex literis præactis ad hæc paratum (a) Serenitatis Vestræ animum intellexerimus, non visum est Nobis amplioribus verbis Serenitatem Vestram ultro volentem incitare, sed sufficere putamus paucis eandem admonere, ut pro debito Sanctæ Religionis Christianæ, & pro honore Chri-

(a) Ludovicum XI. nihil contra Barbaros tentasse constat ex Annalibus hujus temporis, nisi quòd Zemem Fratrem Bajazetis in suam tutelam receperit.

Christiani Nominis sui curet rem hanc diligenter, & pergat deducere ad effectum ea, quæ se scribit proposuisse. Nos interim pro viribus nostris stabimus in acie, quoad poterimus, & inter resistendum, ac sustinendum fatiùs ducemus iram hostis pati potiùs, quàm contemptum. Valere optamus bene Serenitatem Vestram. Datum 1465.

VII.

MATTHIAS REX
JOANNI CARDINALI S. ANGELI.

Suam in salutando novo Pontifice tarditatem excusat, & negotia sua commendat.

Matthias DEI gratiâ &c. Reverendissimo in Christo Patri Domino Joanni Sacrosanctæ Romanæ Ecclesiæ Cardinali Sancti Angeli Patri Nostro, & Amico salutem. Cùm rediisset ad Nos de Curia Apostolica Reverendus Pater Dominus Marcus Episcopus Tinniniensis Orator Noster cum literis Apostolicis, attulit simul & literas Reverendæ Pa-

ternitatis Vestrae, in quarum exordio excusat tarditatem morae, & reditus sui, postremis verò accusat Nos negligentiae, quòd post assumptionem Sanctissimi Domini Nostri plusculum debito distulerimus Sanctitatem suam (a) vel per literas, vel per nuntium visitare. Quantum ad Dominum Marcum attinet, non causamur nunc tarditatem ejus, quamvis ignorantibus causam morae, gravis Nobis ejus longa expectatio fuit; nec reputamus eum serum, qui bonum nuntium retulit. De negligentia autem Nobis objecta credimus, quòd Paternitas Vestra Reverenda habuit jam Nos hucusque excusatos, quoniam si quid neglectum fuit in tempore, illud est in affectu supplementum, omnemque tarditatis culpam dignitas Oratorum (b) in satisfactione superavit. Restat unum, ut curet, necesse est, Reverenda Paternitas Vestra, quatenus rebus nostris pari affectu respondeatur. Nemo est, à quo

(a) Paulus II. successor datus Pio II. annò 1464. 5. Kal. Sept. quem non nisi sequenti anno Matthias per Legatos suos salutavit.

(b) In notis prioris epistolae nominati habentur.

quo ità expectamus, ut accedat votis nostris, quemadmodum à Vestra Reverenda Paternitate, quem ante hoc semper rebus nostris favorabilem experti sumus. Plura ex parte nostra in particulari referet Dominus Tinniniensis, quem audiri, & exaudiri summè optamus. Datum Budæ die penultima Apr. An. 1465.

VIII.

MATTHIAS REX
PAULO II. PONTIFICI ROMANO.

Rogat Archi-Episcopum Colocensem in numerum sacri Collegii Cardinalium adscribi, & id ipsum multis suadet.

Beatissime Pater, & Domine &c.
Accepimus inter alia, in speciali unum Breve Sanctitatis Vestræ in negotio, quod pro parte Reverendissimi Patris Domini Archi-Episcopi Colocensis(a) summi Cancellarii nostri nuper movimus, & apud Sanctita-

B 4

(a) Fuit is Stephanus Várdajus Regi percharus, 1491. pro sacra Regni Corona redimenda missus ad Augustissimum Romanorum Imperatorem. Primum Præpositus Agriensis, mox Archi-Episcopus Colocensis creatus 1464.

Sanctitatem Vestram promotione dignum putavimus. In eo Breviscribit Nobis Beatitudo Vestra, se intellexisse ex Oratore, & litteris nostris, quanto, & quàm magno desiderio cupiamus ipsum Dominum Colocensem assumi in sacrum Collegium Reverendissimorum Dominorum Cardinalium, & eidem adscribi: sed cùm tanti muneris expostulatio gravis quædam res videatur, egeâtque majori consultatione, distulit certum superinde Nobis dare responsum; verumtamen significat optimum se habere animum, ut votis, & desiderio nostro opportunè demum satisfiat. Et quidem quantopere cupiamus Beatissime Pater hujus rei compotes fieri, non dubitamus rectè, ac plenissimè Sanctitatem Vestram cognovisse, quo contra Nos quoque intelligimus rem ipsam, pro qua instamus, gravem esse ipso pondere, & reverentia dignitatis sacrae, quæ in Ecclesia DEI summo loco instituta est, & habita. Verùm si Beatitudo Vestra ornamento Coronæ nostræ, statûs publici firmamentis,

tis, si denique communi utilitati propitia esse volet; præterea si de Vir-
ro docto, integro, rerum divinarum,
humanarumque perito, & nulli apud
Nos virtute secundo ratio aliqua ha-
beri debet, non erit ad conceden-
dum grave, quod recto judicio peti-
tur, imò quod debito jure postula-
tur. Credimus, quòd inter alios no-
stri ordinis Principes Catholicos rari-
us à Regibus Hungarorum in re si-
mili Apostolicæ aures pullatæ sint;
cognovimus etiam Prælatos Regni
hujus hunc gradum rariùs cæteris
appetivisse; (b) quippe dum con-
tenti simplicitate temporis, & suf-
ficienti honore statûs sui non enite-
bantur in fastigium, quo pro neces-
sitate rerum non egebant, honorati
tamen nonnunquam hac dignitate
plures fuere ex Apostolica providen-
tia, ne putarentur hujusce culmi-
nis incapaces esse, cujus aliorum

B 5

Prin-

(b) Non nisi 6. in Hungaria Cardinales ante hunc fuisse le-
guntur: scilicet Joannes de Struma Abbas Sirmiensis.
Stephanus de Vancsa Episcopus Vacienfis, & Archi Epi-
scopus Strigon Berthrandus Præposit. Varad. Demetrius
Archi Episcopus Strigon. Valentinus Episcopus Quinque-
Eccles. Dionysius de Széch Archi-Episcopus Strigon. vi-
de Purpuram Pannonicam.

Principatum Prælati consortes videbantur. At verò his temporibus multò major est causa postulationis nostræ, quàm ipsa postulatio. Prælati Regni hujus in rebus spiritualibus Præsides, ac Directores Religionis sunt, in temporalibus verò maxima pars roboris, & firmamenti publici; quò magis attendendum est, ut si amplior in eis cumulatur dignitas, major eis auctoritas succrescet, & majori Nobis usui futuri sunt. Si autem in aliquo locorum orbis terræ auctoritas, & magnitudo hominum hoc tempore necessaria est, hic certè pernecessaria, & peropportuna. Non agitur in re ista causa privata illius Viri suaptè virtute benemeriti, & omnem dignitatem sibi accedentem adornaturi: nostrum potius, ac Religionis, & statûs nostri negotium est, in quo & reverentiæ Apostolicæ columna quædam fortior constituetur, & Coronæ nostræ singulare præstabitur ornamentum. Quas ob res supplicamus iteratò, & postulamus cum magna fiducia, ut non differat Sanctitas Vestra in re ista

com-

complacere imprimis DEO faventi
rectis votis , ac deindè sibi ipsi in
hoc voto , postremò & Nobis. Uni
viro singulariter hæc dignitas adjicietur , sed multi , ut credimus , dignitatis ipsius pretio , atque usu publicè perfruentur. Quare omnibus favoribus , & omnibus beneficiis , quæ Nobis Sanctitatis Vestræ benevolentia exhibitura est , ve exhibuit , hoc unum condimentum expectamus ; quamvis si Oratores nostri gratiam exauditionis commeruerunt , satisfactum hucusque credamus voto nostro. Ipsi enim in mandatis acceperunt à Nobis , ut hoc desiderium nostrum simul , & causas ipsius desiderii , & voti nostri plenissimè Sanctitati Vestræ exponant. Quæ etiam Dominus Tinniniensis harum exhibitor , si opus fuerit , iteratò poterit explicare. Conservet Dominus Sanctitatem Vestram feliciter Regimini S. Ecclesiæ suæ , cui Nos humiliter commendamus. Datum Budæ ultima Apr. 1465.

MATTHIAS REX

PAULO II. PONTIFICI ROMANO.

Significat suam curam in Episcopatu Zagrabienſi reſtaurando.

Beatiffime Pater, & Domine noſter &c. Poſt comendationem Noſtri ad pedum oſcula beatorum &c. Jam pridem nota fecimus Sanctitati Veſtræ, quæ acta ſunt apud Nos pro pace Eccleſiæ Zagrabienſis, & pro bono Regimine, ac gubernatione Caſtrorum, & bonorum ejusdem. Illa etiam ſimul, quæ pro ſtatu Reverendi Patris Domini Demetrii Episcopi diſpoſuimus : compatiētes quippe diuturnis laboribus ejus à juvene ipſo ad ſenium uſque producti. Is nunc miſſurus eſt pro parte ſua ad pedes Sanctitatis Veſtræ, ut diſpoſitioni noſtræ robur, & Eccleſiæ unà nobiſcum proviſionem humiliter petat. Nos igitur uti ſuperioribus literis, ita & his ſupplīcamus Sanctitati Veſtræ, quatenus digne-

dignetur dispositionem ipsam pro bono Ecclesiæ, & pro statu dicti Domini Demetrii factam, ratam habere, provideréque tam ipsi Ecclesiæ, quam personæ, illius scilicet paci, hujus quieti. Satisfactura in hoc Beatitude Vestra, quæ pacem ipsi Ecclesiæ reddi cupit, & suo desiderio, & nostro voto. Conservet Dominus Sanctitatem Vestram feliciter regimini suæ S. Ecclesiæ, cui Nos devotè commendamus. Dat. Budæ 8. Maji. 1465.

X.

MATTHIAS REX PRINCIPI FRANCISCO SFORCIA.

Excusat dilationem negotii per Oratorem propositi, & temporum difficultati tribuit, quòd in eo certi nihil potuerit concludi.

Matthias DEI Gratiâ Rex Ungariæ &c. Illustri Principi Francisco Sforcia Duci Mediolanensi (a) Fratri Nostro salutem. Fuit apud
Nos

(a) Inter Ducem hunc, & Venetos discordias intercessisse constat. Quid si igitur Sforcia Mathiam in Venetos concitare voluit?

Nos egregius Ambrosius Doctor Medicinæ Orator Vester, qui ex parte Fraternitatis Vestræ tractavit apud Nos rem quandam, & ut fateamur, dum illam Nobis proposuit noviquidam videbatur, & quia non parvi erat momenti, distuleraimus illam usque Prælatorum, & Procerum Nostrorum conventum, quem hîc Budæ mandato nostro tunc in proximo erant habituri. Quo habito ubi res ipsa per hos, qui ejus ante conscii fuerant, in medium proposita fuisset, facta deliberatione visum est, hac tempestate propter occupationes, quas in rebus fidei habemus maximas, & alias nonnullas causas negotium illud tractari non oportere. Hæc Fraternitati Vestræ rescribere volumus, ut promissum fuit, quam non volumus molestè ferre, si in hoc fervore rerum urgentium res ipsa ad finem usque tractari non potuit. Nos tamen cupimus in dies magis, ac strictius amoris Fraternitatis Vestræ obligari, quàm valere quoque optamus. Datum Budæ 21. Junii. 1465.

MATTHIAS REX

DUCI VENETIARUM.

Liberam navigationem quam sub Prædecessoribus Regibus Ragusa habebat in advehendo commeatu, reddi eidem petit.

Matthias &c. Illustrissimo Principi Domino Christophoro Mauro Duci Venetiarum Fratri Nostro Salutem, & amicitiae incrementum! Raguseorum Civitas summa Nos observantia colens, de Nobis est multum benemerita. Accedit, cum hoc Regnum nostrum in multas fortunæ, & temporum varietates incidisset, & ipsa Civitas procul esset omni auxilio destituta, nunquam vel in periculis à fide, & constantia recessit; fuit enim Prædecessoribus Nostri Regibus perpetuo non fida solum, sed etiam officiosa; siquidem illis nec in honoribus unquam, nec in laboribus defuit. Hanc unam ex Nostri ultimis Civitatibus caram habemus, & quanto cariores, tanto majori studio, diligentiaque tuendam, servan-

vandamque arbitramur. Cæterum si Nobis cum Fraternitate Vestra nulla causa intercederet nisi fœdus initum, tamen illam hortaremur, ut huic Nostræ Civitati consulere. Quorsum hæc? animadvertat velimus Fraternitas Vestra. Relatum est Nobis, quod Civitas ipsa navibus, & galeis Vestris in sinu Adriatico multis gravaminibus afficiatur, adeoque constricta sit, ut pene obsessa videatur; & cui prius in Apuliam, & alias Provincias frumenti advehendi causâ cursus patebat maritimus, nunc inhibitus est. Quâ re ipsa Civitas Nostra rei frumentariæ tantam patitur penuriam, ut facile ad manus hostium possit devenire. Quod si aliquô infortuniô accideret, non minus Fraternitati Vestræ grave, & periculosum esset, quàm Nobis. Nos verò non imputamus hoc tempore, si non navigent per loca tempore Nostrorum prædecessorum vetita, sed optarem, ut sinè molestia, & novitate concederetur eis navigatio necessaria, quo Civitas illa frumen-
ti

ti copia, rebúsque necessariis fulta,
hostili impetui commodius resiste-
re possit, Nobísque servire. Hæc
petimus, ut admittat Fraternitas
Vestra, per quod maximè inter alia
debito amicitiae satisfaciet. Sin ali-
ter eveniat, quàm speramus, vere-
mur, quòd illam Civitatem in an-
gustia rerum positam, commodis-
que omnibus destitutam, si hostis
acceserit, amissuri simus faciliùs,
quàm habituri. Provideat igitur
Fraternitas Vestra, & faveat, ut Nos
potiùs, quàm hostes, illam Civita-
tem habeamus. Misimus autem
cum præsentibus Egregium Petrum
de Kemet unum ex Secretariis no-
stris, quem Fraternitas Vestra ami-
cè suscipere, & audire velit. Da-
tum Budæ die 4. Julii 1465.

XII.

MATTHIAS REX PAULO II. ROMANO PONTIFICI.

*Exponit curam suam in Ecclesiam Zagra-
biensem, quàm Oswaldo putatitio hæte-
nus Episcopo Zagrabienfi conferri petit,*

* *

C.

Domini

Dominum autem Demetrium Episcopum Zagrabiensem, Jaurinensi Ecclesia in locum defuncti Augustini Episcopi praeficiendum praesentat. Demum de reate Oswaldi sanctissimum Dominum informat.

Beatissime Pater post humilem commendationem ad pedum oscula beatorum. Variis modis, & plurimâ curâ conatus sum Ecclesiae Zagrabienfi consulere, (a) quo diuturna calamitas ejus, ac simul viduitatis infelicitas congruè tandem remediò solaretur. Cujus statum superioribus praedecessorum meorum temporibus, nulla res magis confuderat, quàm indiscreta ambitio (b) quorundam dimissis animorum affectibus vel incitata, vel adjuta, quæ videlicet non sinebat rectè, ut opus erat, dispicere, quid Ecclesiae commodum, quidve ex adverso hominum insolentia exigebat. Mihi verò ab hoc aditu longè aliena intentio fuit, dum non in personarum solùm acceptatione

(a) Szentivany refert hoc loco Zagrabiensem Ecclesiam 40. annis vacasse.

(b) Arces, & praedia Episcopatus à prophanis hominibus iniquè occupata, & possessa fuerint.

instantiâ meâ non abuti volui, sed Ecclesiæ ipsius libertati, & pariter tranquillitati Regni mei provideri consultius postulavi. Plures jam vias, & modos apud Sanctitatem Vestram interposui, plurimâ quæ ope am addidi, ut in re hujusmodi secundum postulationem meam non personæ cuipiam, sed Ecclesiæ faveretur. Sed cum interea cognovissem repulsam fuisse instantiam meam, & Domini Demetrii potius, quàm Ecclesiæ causam promotam esse, cessi protinus Apostolicæ Autoritati, & cum Domino Demetrio in concordiam redi, ita ut & ego, quemadmodum necesse erat, manerem in sententia & ipse Dominus Demetrius decenti, & congruo sibi statu non careret. Quæ omnia, ac simul causæ, ac modi eorum, quæ acta sunt, ex literis, & Oratore Nostro Beatitudini Vestræ jam patefacta, & declarata esse non dubito. Novissimè autem Me iteratò audire contigit, quòd post hujusmodi concordiam rectè, ac rationabiliter habitam nonullo-

rum mercenaria lingua novā quā-
 dam difficultatem inierit, contra
 que est tam Ecclesiæ illius expecta-
 re pacem, quàm Nostro hono-
 trahere. Qua in re dignū
 nevolentia Sanctitatis Vestræ, ut
 meliora de Nobis æstimet, ac cer-
 tissimè credat rectius me egisse in
 ipsius Ecclesiæ causa, quàm illos
 ex adverso locutos fuisse. Nihil
 enim perperam, nihil Ecclesiæ
 versum gessi, nulli denique rei ma-
 gis studui, quàm ut ita providea-
 tur Ecclesiis, quòd meæ simul se-
 curitatis, ac subditorum meorum
 quietis ratio habeatur. Puto au-
 tem, quòd & Deus ipse bonæ, &
 rectæ intentioni meæ faverit, dum
 inter tot difficultates novam op-
 portunitatem, novumque modum
 obtulit, quo & Ecclesia ipsa liber-
 tatis suæ, & ego voti mei compo-
 tes efficiamur. Equidem vacavit
 his diebus superioribus Ecclesia Jau-
 rinensis per obitum Domini Augu-
 stini Episcopi insignis viri. Ego mox
 cupiens benevolentia Sanctitatis
 Vestræ, qua Domino Deo
 affi-

Scitur, morem gerere, ac insuper
 Ecclesiam Zagrabiensem plenariæ
 erati, imò, & utriusque tam De-
 metrii, quàm Ecclesiæ paci, quieti-
 bus ex deliberatione Præ-
 latorum, & Primorum consilii mei
 ipsum Dominum Demetrium ad
 dictam Ecclesiam Jaurinensem in
 Episcopum delegi, & nominavi,
 Arcesque, & Castella, Oppida, Præ-
 dia, minores possessiones omnes
 quibus suorum Officialium ejus
 nomine tenenda dari, & assignari
 jussi. Non dubitamus quin in hac
 Ecclesia ipse Dominus Demetrius
 plus quietis, & honoris, ego verò
 minus suspensionis de eo habituri si-
 mus. Cum igitur nihil superesse
 videatur, quod circa permilliones
 dictarum Ecclesiarum ampliorem
 difficultatem vel pariat, vel nutri-
 at, supplico Sanctitati Vestræ humi-
 liter, & cum omni diligentia, ut
 secundum priora scripta mea utris-
 que tam Ecclesiis, quàm personis
 finè dilatione provideat. Domi-
 num Demetrium Jaurinensem, Do-
 minum verò Osvaldum prius puta-

tum Zagrabiensem Ecclesiis in Pastores, & Episcopos præficiendo. Postremò illud volo non lateat Sanctitatem Vestram, quòd cum cognovissem ipsi Osvaldo Electo defectum ætatis legitimæ posse objectum iri, mandaveram advocari complures ex Fratribus, & Consanguineis ejus, qui & mensem, & annum nativitatibus ipsius scire sese, ac meminisse referrebant. His unanimi consensu referentibus ità accepi, quòd idem Dominus Electus post kal. Julias proximè affuturas completis duo de triginta annis, mox vigesimum nonum ætatis suæ annum agere incipiet. Cum itaq; & hæc objectio absoluta sit, ipse verò Electus nobilitate, & moribus inter primos, prudentiâ verò, & peritiâ paucis sibi cœvis secundus sit, & in omnibus alioquin regimini illius Ecclesiæ idoneus, non video quid ritè obesse possit votis meis, quo minus eorum compos effici merear. Supplico tamen iteratò Beatitudini Vestræ, ut benevolentiam erga
Me,

ensis, nec invenisse viam, ut studia,
& Consilia nostra pro ea variè ha-
ctenus adducta, irrita non essent, li-
cèt etiam proposuerimus parumper
subsistere, & largiori consultatione
intendere, ut ipsam Ecclesiam à ne-
xibus, quibus implicata fuit effica-
citer explicemus, quia tamen novis-
simis literis Sanctitatis Vestræ admo-
nemur, ut iteratò sine dilatione quæ-
ramus modum, quo Ecclesia ipsa
pro qua adhuc pene sub iudice lis
esse videtur, tranquillæ gubernatio-
ni restitui possit. Nos tametsi ante
hoc malignitati temporis tribueri-
mus, ut crebrò consilia nostra mu-
taremus, nunc tamen anxietate po-
tius rerum cogimur, ut firma tan-
dem deliberatione ipsius Ecclesiæ pa-
ci, celerè consulamus. Igitur cum
Dominus Varadiensis, qui ad ean-
dem Ecclesiam vocabatur, aliò desti-
natus sit, Thomas etiam de Debren-
the, (a) qui ipsius Ecclesiæ Zagra-
bientis titulum jure obtinuerat de
Ecclesia Nitriensi, & de provisione

(a) Thomas iste in Catalogo Episcoporum Zagrabienſium
& Szentivanyo contextus non reperitur.

secundum dispositionem quondam
 Domini Pii prædecessoris Sanctitatis
 Vestrae jam facta contentus maneat,
 restabat tertia persona Dominus De-
 metrius Episcopus Thomæ in causa
 adversarius. Hunc diebus proximè
 elapsis ad Nos accersiri fecimus, ha-
 bitisque pluribus tractatibus, & con-
 sultationibus, sicut dudum ante co-
 gnitum erat, ita nunc nostro, & o-
 mnium Consiliariorum nostrorum ju-
 dicio compertum est ipsum Deme-
 trium ad Gubernationem Castrorum,
 & bonorum dictæ Ecclesiæ aptum,
 & sufficientem non esse, tum quia
 Castra ipsa insultibus Turcorum vi-
 cina sunt, tum verò quòd multis
 adhuc turbationibus manet obno-
 xia, ita quod nullo modo consultum
 fuit, ut ipsa Castra, seu Arces Ec-
 clesiæ manibus, & gubernationi Do-
 mini Demetrii crederentur. Et ob
 hoc cupiebamus, ut ab ipsa Eccle-
 sia Zagradiensi averteret animum,
 & titulum Ecclesiæ Boznensis susci-
 peret. Ad provisionem autem, cum
 qua honestum statum inter Prælatos
 Regni nostri habere posset, consen-

tire volebamus, ut haberet Abbatiam Péchwaradiensem, quâ hoc tempore quietior, & fructuosior in hoc Regno non existit. (b) Ipso autem hujusmodi titulum, & promissionem suscipere recusante demum inter velle nostrum, & suum nolle medium quoddam reperimus, & ad talem dispositionem devenimus cum eodem, primò: ut habeat titulum, & jurisdictionem spirituales Ecclesiæ Zagrabiensis, & totius Diocesis; deinde, ut possideat pacificè unum ex Castris Ecclesiæ Zagrabiensis cum suis solitis pertinentiis, ac Curiam Episcopalem Zagrabiensem, præterea ut quotannis pro annua pensione administrentur eidem floreni aurei mille. Quibus dispositis, & Demetrio contento remanente mox de consilio Prælatorum, & Baronum nostrorum Honorabilem Oswaldum de Szent Lazló(c) Clericum Wesprimien-

(b) Abbatia hæc opibus, clientelis famulatio, prope æquabat Collegium Strigoniense totius Regni primum. Cum quo diuturnam controversiam de quibusdam decimis habuit, quæ non nisi annò 1474. finem sortita est sub Matthia Rege, & Oswaldo Episcopo Zagrabiensi.

(c) Immemor is hujus beneficii 1474. contra Regem, & Regnum Polonicum fautor vinciri à Matthia est iussus.

mienſis Diœceſis, genere, & Paren-
tibus egregiis Nobilem, ſufficienter
pro ſua conditione literis eruditum,
formâ, moribus, & converſatione
præſtantem, de cujus fidelitate, pru-
dentia, & circumſpectione ad ple-
num confidimus ad gubernanda alia
Caſtra, & bona dictæ Eccleſiæ Za-
grabienſis eligimus, eumque admi-
niſtratore in temporalibus Eccle-
ſiæ Zagrabienſis nominamus, ut au-
tem hujusmodi gubernationem, &
adminiſtrationem, ac etiam prote-
ctionem ipſorum bonorum, & Præ-
diorum Eccleſiæ facere, & exercere
valeat, neceſſariò viſum eſt, ut Ab-
batia Péch-Waradienſis, quam Do-
minus Demetrius ſuſcipere recuſavit,
ipſi Oswaldo commendetur, cujus
poſſeſſionem eidem conſeſtim dare
jubebimus: prout ſuper his omnibus,
& pluribus in particulari Reveren-
dus Pater Dominus Marcus Epico-
pus Tinninienſis noviffimus Orator
Noſter claram informationem in
ſchedula memoriali añulo noſtro ſi-
gnata ad Sanctitatem Veſtram de-
fe-

feret. Quare supplicamus humili-
ter Beatitudini Vestrae, ut disposi-
tionem supra notatam suscipiat be-
nignè pro firma, & efficaci volun-
tate, & deliberatione nostra, & se-
cundùm eam non differat tam Ec-
clesiæ, & Monasterio, quàm Per-
sonis providere: Demetrium præ-
ficere in Pastorem spirituales, Os-
waldum in Administratorem in tem-
poralibus cum commendatione Ab-
bat^{is}, & Monasterii supratacti; hoc
eiusmòdo, & non alio pacem, &
libertatem Ecclesiæ Zagrabiensi co-
gruum est redi posse. Conservet
Deus inus feliciter Sanctitatem Ve-
stram, cui Nos ipsos, & negotium
prius humiliter commendamus. Da-
tum Bucæ, die sexta Mensis
Maji, 1465. (d)



(d) Hæ Epistolæ de Episcopatu Zagrabiensi potius ad Pium
Papam scriptæ videntur, hinc ad priores annos referendæ.

MAT.

MATTHIAS REX ADDUCEM VENETIARUM.

Petit Emum Oratorem ejus suis ad Pontificem Nuntiis adjungi &c.

MATTHIAS &c. Illustri Principi Christophoro Mauro Duci Venetorum Amico Nostro salutem. Posteaquam fidei, & statûs nostri causam adversus communem hostem armis tueri cœpimus, pro voto fuit Nobis semper penes Nos habere aliquem ex Vestris non solum rerum gerendarum testem sed etiam amicum, & voluntati nostræ quasi quemdam spectatorem, qui & ea, quæ gesta forent, & quæ mentem nostram in rebus occurrentibus sollicitarent, Vobis literis pariter, & nunciis patefaceret, tanquam ei, quocum Nobis fidei, & statûs negotium commune est, paribus armis, animis, & laboribus defendimur. Habuimus igitur quod ex animo cupere videbamus. Siquidem post alios misit Nobis A. V. Magnificum Joannem Emo
vi-

virum, cum ob egregias virtutes, quas in eo perspeximus, tum verò ex eo præcipuè benevolentia nostra dignum, quòd eligi meruit ad hoc officium ab illo Magnifico Senatu, quem non fefellit electio; hinc non solum domi, sed militiæ quoque atque dum his animis (a) hostiles penetraremus fines, dum hostium Castella, & Arces obsedimus, affuit assiduè consiliorum, & laborum nostrorū, & ut ità dicamus, periculorum particeps, ac socius. Sed cum novissimè hyemis asperitate discedere, & trajecto amne Savo ad Regnum redire cogeremur, Bachia Nos adiit, licentiàmque istuc redendi petiit asserens Amicitiae V. literas sibi esse allatas, quibus reditus illi in Patriam indulgeretur. Et quia proximis futuris diebus Conventum Prælati, & Baronibus Regni nostri (b) Szegedini indixeramus, placuit ut ipse quoque illi conventui interesset, in quo potissimum de rebus fidei, & Statu com-

mu-

(a) An non his annis?

(b) Celebratus est hic conventus 1465.

munis tractandum erat. In eo igitur Conventu id præcipuè nostri consilii fuit, ut ad Pontificem R. solemnes mitterentur Oratores; & cum id munus Legationis Fidelibus nostris R. P. D. Quinque-Ecclesiensi, & Magnifico Joanni de Rozgon obvenisset, visum fuit Nobis multis de causis, & toti Consilio Prælatorum, & Baronum, ut à memorato Joanne Emo jam à Nobis alioquin discedente hoc expostularem, quòd cum præfatis Oratoribus nostris unà ad Provinciam priùs Amicitia V. ac deinde, quantum id Illustrissima D. V. indulgeret, Romam pergeret. Nam quia Nobiscum his annis ferè duobus domi, militiæque perstitit, & quod alii audiverunt, ipse vidit oculis, existimamus illum idoneum fore testem, ac Personam non inutilem, quæ & V. A. omnia referre, & Romano P. de rebus gestis testimonium afferre possit. Vidit enim situm plurium terrarum hostilium: vidit jugis Arces impositas, opere, & naturâ munitas:

vi-

vidit Regionem minantibus in Cœ-
 lum scopulis asperam: vidit & gra-
 ves nostros, militumque nostrorum
 labores. Novit studium, novit
 mentem, novit impensas nostras
 his præsertim novissimis tempori-
 bus pro communi causa, & statu
 ne dicamus factas, sed effusas, qui-
 bus omnibus ipso referente, & te-
 stificante moveri pietate P. Roma-
 num putavimus: & pro honore
 DEI ardentius rebus consulturum
 afflicto. Cùm autem hanc illi pro
 bono publico provinciam impone-
 remus, ecce denuo literas sibi alla-
 tas esse dicebat, quibus mutato pri-
 ori consilio hic illi commorandum
 esse præcipiebatur, donec de succes-
 sore provideretur. Qua in re ta-
 met si Nobis ejus præsentia admo-
 dum grata est, & illum Nobiscum
 esse magis, quàm abesse optaremus,
 vel propter ejus modestiam, vel pro-
 pter fæderis, & mutuæ benevolen-
 tiæ cum A. V. conjunctionem, ta-
 men considerantes commune com-
 modum, & etiam ea, quæ ab illo
 Pontifice R. coram proponi pos-
 sent,

sent, tanquam ab eo, qui omnibus rebus non affuit tantum, sed etiam interfuit: non potuimus mutare consilium Prælatorum, & Baronum: nec potuimus illum non hortari, ut cum nostris Oratoribus, sicut præmisimus, se se ad Vos, & inde Romam conferret; omnem culpam, si qua hujus consilii nostri causâ illi objecta foret, in Nos transferentes. Speramus enim Fr. V. de ejus transitu pro hac re tam utili, & necessaria fore contentam. Nam peracta Legatione, si placebit Fr. V., redire, & ut antea Legationis officio fungi, Nobiscumque commorari spondit. Nec dubitamus, quin menti, & voluntati nostræ, facile V. Fr. respondebit consensus.

16. Januarii. 1465.

XV.

MATTHIAS REX AD DUCEM VENETIARUM.

Gratias agit pro honore singulari, & affectu Oratoribus suis exhibito, quos ad sanctissimum Dominum ablegaverat.

Matthias &c. Illustrissimo Principi Christophoro Duci Venetia-

tiarum, Amico Nostro salutem, & prosperos successus. Ex literis, & intimatione Oratorum Nostrorum, ac etiam ex relatione Reverendissimi Domini Archi-Episcopi Cretensis, Apostolicæ Sedis Legati intelleximus, quanto, & quàm magnifico honore ipsi Oratores Nostri in locis quibuslibet Ditioni Vestræ subjectis suscepti, habiti, & culti fuerint. Qua in re tametsi priusquam non latuit Nos singularis affectio Amicitiae Vestræ in Nos, & Nostros, ac Regnum nostrum, id tamen quod audimus nunc ostendisse, propensionis animi, & clarissimæ Fraternitatis declaratio facit. Ob quod confiteri æquum est eò plus Amicitiae Vestræ Nos debere, quo crebrioribus in dies, & frequentioribus amoris, & charitatis officiis non provocamur modò, sed vincimur. Sed de hoc ampliùs verbis agere visum non est. Cæterùm opus erit, ut re, & opere tantæ benevolentiae respondeatur. Cognovimus præterea, quid cum Oratoribus Nostris Amicitia Vestra hac vice egerit, & quo modo,

&

& ordine eos ad summum Pontificem remiserit, in hoc quoque non dubitamus, quin ex parte Amicitiae Vestrae rectè, & sincerè processum sit, ut communi rei, & commodo æquiùs consulatur. Præstolamur modò nova bona de his, quæ finaliter acta, & conclusa sunt. In erim Nos curamus assiduè submovere impedimenta, quæ forsitan proposito nostro officere possint, & parare festinamus pro viribus, quæ rei agendæ opportuna videntur, prout super his ipse Dominus Legatus, & item de mente, & animo nostro Amicitiae Vestrae latiùs scribere poterit. Ex Buda die 14. Maji 1465.

XVI.

MATTHIAS REX. AD CARDINALEM REATINUM.

Gratam sibi fuisse rescribit oblationē officii, & obsequii Domini Cardinalis, offertq; se vicissim ad amicitia, quæ olim inter Germanum Cardinalis Reatini, & Joannem Genitorem suum floruerit, colendam.

Matthias &c. Reverendissimo in Christo Patri Domino Tit:

Sanctæ Crucis in Jerusalem Cardinali Reatino Sanctæ Sedis Apostolicæ Legato Bononiensi Patri, & Amico Nostro. Acceptis literis Reverendissimæ Paternitatis Vestræ placuit intellexisse non immemorem esse, neque fore Reverendissimam Paternitatem Vestram obsequii, quod quondam Genitor noster pleno affectu exhibebat, dum viveret Reverendissimo Domino Cardinali Firmiano, ac simul benevolentiam, qua sese mutuò complectebantur; verum illud longè magis complacuit Nobis, ubi se scribit Reverendissima Paternitas Vestra cum esse, qui velit Majorum suorum, & præcipuè ipsius Domini Cardinalis quondam Germani sui vestigia imitari, continuareque more suo erga Nos benevolentiam, & affectum olim inter illos radicatum, ità ut quod Germanus fecit in Parente, hoc Frater in Filio perficiat. Plena sunt hæc humanitatis, integritatis, virtutis, plena constantiæ, & perfectionis. Nihil prætermittit, quod se dignum est, nihil quod aliis ex virtute debetur.

Nobis

Nobis verò quid magis à Reverendissima Paternitate Vestra expetendum erat, quàm id, quod sponte obtulit? quid optandum, quàm talem, & tantum rebus nostris reperire Patronum? Jam nunc experimur, qualis Viri Genitor Noster amicitia fretus fuit, quæ vi morborum extincta non est, sed post fata manet, pululátque ex radice. Veneramur igitur tantam virtutem, & gratò animò suscipimus significatam erga Nos affectionem, oblatamque benevolentiam, curaturi procul dubiò, ut quidquid in Nobis animi, & facultatis est, id totum in amicitia, mutua gratitudinis officia profundatur. Plura super his uberius nostro nomine referet Reverendus Pater Dominus Marcus Episcopus Tinninien- sis Orator Noster, quem è contra ad Curiam Apostolicam novissimè remisimus. Valeat Reverendissima Paternitas Vestra feliciter Nostri invicem memor. Datum Budæ ultimâ Aprilis 1465.

MATTHIAS REX

AD PAULUM II. PONTIFI-
CEM ROMANUM.

Commendat multis, & dilaudat Stephanum Archi-Episcopum Colocensem, ut quantocyus in sacrum Cardinalium Collegium referatur.

Beatissime Pater, & Domine post oscula pedum &c. Inter curas, & sollicitudines meas, quibus hoc tempore in diversum agor, illam ex primis jam pridem confessus sum mihi cordi esse, quæ ad promotionem Reverendissimi Domini Colocensis spectat. Aliæ curæ meæ aliò intendunt, hæc sola est, quæ frequentiores literas ad Sanctitatem Vestram dare, & eandem crebris pulsare sermonibus cogit. Nec tamen velim, hoc idcirco Me facere putet Sanctitas Vestra, quòd diffidam promotionem ipsius Domini Colocensis eidem Sanctitati Vestræ, & in animo, & in beneplacito esse; quandoquidem sub hoc ex relatione Oratorum meorum certior factus sum; sed

sed considerans , quid rebus publicis, quidve privato statui Regni mei, & quid demum causæ comuni proficiat , omnem moram ; quæ vota nostra protrahit, totis viribus redimendam , & corrigendam censeo. Accepit puto Sanctitas Vestra , & clarè intellexit ex prioribus literis, & succedentibus Oratoribus meis, quid causæ supersit, & quid hac tempestate me induxerit, ut huic rei consequendæ curam maximè adhiberem. Hoc unum tamen repetere dignum duxi, quòd cùm Prælati Regni nostri in spiritualibus negotiis Judices, & Patroni sint, in temporalibus verò ex magna parte Directores, & columnæ , tum maximè statum nostrum, & communis defensionis expeditionem rectè procedere sentimus , cùm Prælati ipsi plurima pollent auctoritate: quod si unquam fuit, nunc potissimùm, ut fiat, opus esse, credendum est. Accedit huc, quòd in præsentì rerum statu peropportunum fuit inter alios ipsum Dominum Colocensem in partem curæ, & sollicitudinis meæ advocare ad eas

præcipuè partes, quæ Nandor-Albam versùs sunt, per quas scilicet Turci communes Christianorum hostes in Regnum hoc crebrò irrumperere conantur, hunc in absentia mea curæ, & tuitioni illarum partium præncere congruum putavi, (a) qui omnia ex sententia nostra facturum ex antea actis optimam de se spem, ac fiduciam præbet, eoque maximè id facere, & operari idoneus erit, si ultra hoc, quòd apud Nos magnus est, etiam à Sanctitate Vestra pluris haberi, & ampliori dignitate adornari videbitur. Non gravetur ergo Beatitudo Vestra, nec indignum ei videatur his tam justissimis votis nostris, sed & illius Viri meritis se præstare benevolum. Mihi credat non minùs hanc rem Apostolicæ Sedis in hac Persona, quàm personam ipsam in hac dignitate promoveri. Habuerunt priores summi Pontifices eam affectionem erga hoc Regnum, ut absque magna prædecessorum meo-

(a) Bonfi: etiam ad annum 1464. testatur Stephanum de Varda fines Hungariæ ab excursionibus Turcarum tutum esse.

meorum instantia promotiones Prælatorum ipsius Regni sponte sua curæ haberent, & ultro hanc Cardinalatus dignitatem sacram ad plerisque ex eis detulerunt, animadvertentes Regnum hoc non pejorem conditionem mereri, quàm cætera Regna, quæ ut plurimum suis Cardinalibus adornantur. Quapropter ut paucis, quæ Me sollicitant, concludam, si Sanctitas Vestra Virum vitâ, & moribus integrum, multarum rerum, & disciplinarum cognitione ornatum, (b) in Spiritualibus religiosum, in temporalibus providum, Parentum nobilitate clarum, (c) rebûsque gestis non obscurum, in pretio habet: si denique statûs nostri incrementum, & rerum nostrarum firmum præsidium, ut non dudubitamus, amat, non patiaturs differrepetitam à Me, & à Sanctitate Vestra promissam hujus Viri promotionem: efficiâtque, ut quem in hoc procinctu vicariæ rerum publicarum

D 5

cu-

(b) Doctor Legum creatus fuisse legitur.

(c) Inde refelluntur Historici, qui illum obscuro loco in Hungaria exortum scribunt.

curæ Archi-Episcopum relinquo, in
reditu meo, ad vota, beneficiô San-
ctitatis Vestræ Cardinalem reperiam.
Q uod si citiùs collatum fuerit, (d)
& ipsius Viri usus, & publicæ causæ
commodum Mihi duplicabitur. Con-
servet Dominus Sanctitatem Vestram
feliciter regimini Ecclesiæ suæ san-
ctæ; cuius pedibus Me humiliter
commendo. Datam in Castris exer-
citûs Nostri prope Oppidum Saxárd,
(e) Die decima octava Septembris,
Annô Domini Millesimô quadrin-
gentesimô sexagesimô quintô, Regni
nostri Annô octavô, Corona-
tionis verò primô.



MAT.

(d) Presbyter Cardinalis SS. Nerei, & Achillei à Paulo II. 1468. 18. Septembris renunciatus est ad instantem petitionem Matthiæ Regis. Hinc mirum est, quòd exteri scribant eum suffragante Ludovico XI. Galliarum Rege sacro Collegio adscriptum fuisse.

(e) Ex hoc loco nuncupatur Abbatia Sexárd S. Salvatoris olim Benedictinorum in Diocesi Quinque-Ecclesiensi, Comitatu Tolnensi. Ejusdem filialis habetur Abbatia Garab.

MATTHIAS REX

AD DUCEM VENETIARUM.

*Queritur de injuriis ab Imperatore illatis,
& novissimè de succenso Soproniensi sub-
urbio. Insinuat se ultionem parare,
quam non sibi, sed Imperatori adscriben-
dam vult.*

MATTHIAS &c. Illustri Duci
Venetiarum &c. Mutuæ ami-
citæ nostræ, & sinceritas, & fir-
mitas ità postulat, ut qualiacun-
que, & quantacunque sint, quæ No-
bis in dies eveniunt, ea Vobiscum
imprimis communicemus. Signi-
ficamus igitur Fraternitati Vestræ,
quòd Serenissimus Romanorum
Imperator contra officium suum,
& meritum nostrum multa in con-
finibus Regni quotidie agit hostilia.
Novissimè Nobis jam in procinctu
existentibus nonnulli ex suis quibus-
dam nostratium partim captis, par-
tim perfidè consauciatis, oppidum

nostrum Soproniense (a) aggressi Suburbium ejusdem, seu Burgum fœdô incendiô devastârunt; nullâ nostrâ, neque nostrorum culpâ lacerassiti. Equidem Deum, & homines testamur, minimè placere Nobis cum fidelibus vicinis, & præsertim cum præfato Imperatore armiscôntendere, argumento est, quòd cum olim in terris, imò sub oculo ipsius Cæsaris tunc æmuli nostri exercitum habebamus, (b) cum mox ad unam jussionem Legati Apostolici ab inde deduximus, sed & postea quascunque Nobis pacis conditiones tempus magis, quàm jus obtulit, easdem pro utilitate publica libenter amplexi sumus, sed ut liberius, & fortius rei Christianæ vacaremus, nunc quoque toto animo, & universis facultatibus nihil aliud agimus, prætermisissique omnibus aliis negotiis, personaliter in
iis

(a) Sopronium juris Cæsarei fuit utpotè ab Elisabetha Regina impigneratum, ut scribit Timon ad annum 1463. sed à Matthia hoc, vel priori anno recuperatum fuisse constat ex hac epistola, contra quàm opinetur citatus Historicus ad annum 1465.

(b) Annò 1459. bellum cum Imperatore gessit Matthias, ejusque copias ex Hungaria propulsavit.

lis occupamur, quæ Sedi Apostolicae, & Vestræ Fraternitati grata esse, ac omnibus utilia fore speramus. Non poterimus tamen fortassis, vel interim, vel postea nostrorum damna, & injurias silentiô perpeti. Si quid ergo adversus præfatum Imperatorem fuerit tentatum, ne Nos existimet Fraternitas Vestra novô aliquô bello implicari velle, sed judicet id esse non voluntariam offensionem, sed necessariam detrimentorum recuperationem, culpâque in eum refundat, qui causam, ac initium prior introduxit. (c)

XIX.

MATTHIAS REX

AD PAULUM II.

Purgat se apud eundem falsò de negligentia accusatus: promptum in Turcas animum significat, subsidia petit. &c.

MOdò tandem rediit ad Me Reverendus Pater Dominus Marcus Episcopus Tinniniensis cum li-
te

teris Vestræ Sanctitatis, quarum prima pars de facto fidei, secunda de Ecclesiasticis juribus loquebatur; utraque tamen acrem Mei castigationem continebat, quam Ego nihilominus ut à Clementissimo Patre profectam cum filiali reverentia accepi. Verùm ad secundam paulò post vivæ vocis mediò respondere satius duxi: ad primam verò, quæ nunc magis in actu est, statim rescribendum existimavi. Scribit B. V. *hostem Christi primo vere orbē debellare egressum usque in Regnum Boznæ, & ad Illiricos fines irrupisse obvia quæque devastantem. Me verò Propugnatorem Christianorum nondum in aciem processisse, sed adhuc domi quiescere. His addidit coram præfatus Dominus Marcus Episcopus: Sanctitatem V. vebementer mirari, quòd Ego à Turcorum incursionibus fines Christianorum tueri non possum, hortarique me, ut aliquando metas, & Regnum Boznæ egredi audeam, ac viriliter in terras, & ipsa viscera hostium penetrem, & saltèm nuper missa utiliter expendam. Ità demum B. V. amplissima quadam subsidia*

*dia Nobis collaturam; alioquin Deum, & homines testaturam: non jam se, sed Memetipsum Mibi defuisse. Audiat Me solita sua mansuetudine V. S. ad hæc aliquantulum respondentem: equidem nescio unde ista fama Romæ increbuerit: Turcum primo vere Boznam, & Illiricos fines ingressum. Ego qui vicinior hosti sum, & quem frequentia exploratorum nec quotidianæ ejus actiones ignorare sinit, propemodum affirmare ausim: Turcum ipsum hoc anno in hunc usque diem ne alterum quidem pedem Constantino-
poli protulisse, sed nec justum aliquem illius Exercitum fines Christianos invasisse: in Bozna verò non alios Turcos fuisse, quàm qui ferè continuè, & ab antiquo esse solent, præter quosdam indigenas eisdem adhærentes, & in alterutrum servientes: in Illirico autem ne unum quidem nisi fortè captivum. Quapropter B. P. si quis de novis harum partium informari cupit, certiora forsitan, & veriora ab hinc poterit intelligere, quàm ex Dalma-*
ma-

matia, vel Epyro, ubi timidorum,
aut otiosorum garrulitas inanes ple-
rumque fecit rumusculos. De mea
verò negligentia quid dicam? nisi
quod res habet: opinentur alii,
quidquid volunt. Mihi rectè ipse
videor hætenus acquisivisse plura,
quàm amisisse. Illud si negligen-
tia est, fateor Me omnino efficere,
& cavere non posse, ut in metis sæ-
pe incursus mediocres, & rapi-
næ non fiant; neque enim ubi-
que montibus, & fluviis disjungi-
mur. Italiã ab Affrica latum pelagus
separat, non tamen arbitror à py-
ratis Saracenis semper tuta esse Au-
soniæ littora. Sed profectò itidem
nec Turci evitare possunt, quin no-
stri pares, aut ampliores prædas ex
eorum finibus continuè agitent.
Quòd si Epirotarum more victori-
olas quasdam jactare vellemus, (a)
&

(a) Ingentes Epirotarum victorias, & laudes Scanderbegi
legere est apud Scriptores quosdam obscurioris notæ, qua-
rum plures ab illustrioribus illius ævi Historicis vix attinguntur.
Brietius ad annum 1465. hæc habet: *Scanderbegus vir ad miraculum fortis, cujus tamori existimatione Scriptores quidam abusi videntur, ut de illo magna confingerent, quia sine mendacii suspitione illustrissima quaque facinora huic Heroi Christiano prorsus imputari,*

& quasi in Matricula describere, quot hostium Vicos nostri homines incenderint, quantum pecorum, hominúmve abduxerint, videremur fortasse nec præsentí anno penitus cessâsse, manúsque nostras etiam tunc inter hostes non fuisse quietas, cùm Nos Budæ quiescebamus: Neque enim puto decet Me ipsum personaliter ad omnia prorumpere; ne apud hostes auctoritas mea vilescat. Præterea non dubito, quin & illud cogitet V.S. Regnum meum pluribus à partibus habere inimicos: nunc ab Alemannia prædonum haud contemnenda vis ingruit; providendum nempe est, ne interim invalescant hac æstate. Cùm adhuc Oratores mei nondum rediissent, adversus latrones Bohemos processeram, quorum recentem contumaciam pro magna parte celeriter compressi, postea verò quàm Legati mei rediêrunt, belli apparatus acceleravi, & præmissas ante

*

E

Me

Me copias en ipse subsequor. (b) Facultatibus meis nec nunc, nec aliàs unquam peperci, sed longè plùs de meo pro communi utilitate insumpsi, quàm ab aliis accepi. Subsidia verò Sedis Apostolicæ, judiciò meò nec priùs pro Me inaniter consumpta sunt, quippe quæ non domi, sed in Castris, & inter hostes exposita fuère, & nunc scio Me tam oculos, quàm manus à transmissa nuper pecunia satìs puras habere. Qua in re sufficit Mihi Legati, & Dispensatoris Apostolici locuples testimonium. Utinam tam accurata ab aliis ratio deposceretur! invenirentur fortè aliqui in terris, qui prope centuplum inutiliùs expenderunt. Inter hæc suplico B.V. ne mediocribus suffragiis, & viribus semper nimis grandia peragi exigat, néve id à Nobis efflagitet, ut quantocun-
que

(b) Expeditio hæc ad annum 1465. referenda est, in qua Zoynichum infelicitè obsedit Matthias. Timon eam narrat anno 1464 contigisse; sed cum Bohemorum atrocinita priùs compressa his literis scribantur, quòd in annum 65. incidit, expeditio hæc necessariò posterior ponenda est: & alioquin sequens epistola ex eodem loco eadem die scripta, & annus in ea clarè expressus omne dubium tollit.

que stipendio trans Hæmum, Rhodopénque montes, & in Euxini litoribus præliemur. Non minùs fortitan salutare esset S. V. Nos, si majora viribus audere vellemus, cōmōnefacere, modúmque præscribere audaciæ juvenili: si quid enim finistri (quod absit) mea quædam temeritas non solùm Mihi ipsi, sed universæ Reipublicæ Christianæ afferret, tunc verò non tam turpe, quàm & periculosum esset dicere: non putaveram. Si tamen pulchrum videtur ardua experiri, Ego ille primus sum, Ego, inquam, qui semper necessarium esse dixi, ut omissis particularibus expeditionibus valida, & sufficienti manu hostem nostrum aliquando in suo nido quæramus, & collatis signis extrema tentemus, semélque hac quotidiana molestia liberemur. Hoc est, quod maximè aliis consulo, quod plurimùm ipse opto, ad hoc meas, mecrúmque fortunas, & Regium Caput devoveo. Præsentī quidem anno cæptum prosequar, & quidquid amplius, & melius potero, agam: & quantum in

Mè erit, ita agam, ut nemo Mihi quidquam imputare meritò possit. Exitum nunc DEUS novit, postmodum res ipsa ostendet. Año sequente Deo añuente Mahometum ipsum, ubicunque circa Helespontum reperiri poterit, vestigabo, (c) illa modò B.V. aliorum Christianorum tantæ rei convenientia auxilia non defint: (d) alioquin, & *Ego Cælum, terrâsque testabor; non per Me, sed per alios stetisse, quin pulsus ex Europa, & deletis funditus Turcis, populi Fidelium æterna in pace benedicerent DEUM Redemptorem*, qui Sanctitatem Vestram regimini Ecclesiæ suæ sanctæ diu servet incolumem, ac felicem. Datum in Castris exercitûs nostri in vado Drawe secundo die Mensis Octobr. Anno Domini 1465.

MAT.

(c) Postquam Zoynichum infelicitè obsedit Matthias metu scilicet adventantis hostis ad agrum Sirmiensem redire coactus nihil hoc, & sequenti anno contra Turcas tentatum amplius, maximè quòd inter Imperatorem, Hungarum, Polonum querelæ ultro, citroque intercederent, quæ mutua inter illos bella portendebant. Præterea etiam Transylvaniâ, quæ à Regis fide defecerat, electo sibi novo Rege Joanne Vaivoda, pacanda fuit.

(d) Hoc, an priori anno coram Pontifice Veneti promiserunt Ungaris annus 50. millia aureorum. Decretum præterea, ut quisque ex Dynastiis Italæ pecuniam certam tribueret, quæ Regi Hungariæ traderetur, *soli ad convertendos hostes idem. Spandanus.*

MATTHIAS REX AD DUCEM VENETIARUM.

Monet. ferio, ut in Bozna ab injuriis desistat, & fœdera colat, neve privatum lucrum pactis præferat.

R Elatum est Nobis, quomodo se Fraternitas Vestra de quibusdam terris, seu locis in Regno nostro Boznæ constitutis intromittere vellet, vel jam defacto intromisisset. Quam rem non sinè magna admiratione accepimus, quoniam scimus, quòd id esset evidenter contra mutuas conventiones nostras, & fœdera. (a) Quapropter eandem Fr. V. monemus, ne se in jura Regni nostri implicet, si, prout confidimus, officio suo satisfacere, & communibus commodis inservire constanter intendit, alioquin sinè omni culpa nostra, & præsentis spei nostræ frustratio, & non levis rerum omnium perturbatio sequi posset. Nam profecto Nos ea, quæ semel pepigimus,

E 3

quam-

(a) Anno 1464. fœdus inist Matthias cum Venetis contra communem Christianitatis hostem.

quamdiu licuerit, sincerè observare in animo habemus, nec ulla conditione, aut occasione induci possumus, ut honestati utilitatem, & privatum lucrum publicæ saluti anteponamus. Datum in Castris exercitûs nostri in vado fluvii Drawe secundo die Octobris Annô Domini nostri 1465.

XXI.

MATTHIAS REX

PAULO II. PONTIFICI ROMANO.

In Bohemos incitatus promptum se offert.

MAndat Mihi per literas suas Sanctitas Vestra, ut processibus Apostolicis contra assertum Bohemiæ Regem Georgium faveam, & assistam, ^(a) ac eos in Dominiis meis exequi, & servari faciam. Semel Ego me B. P. Sanctæ Romanæ Ecclesiæ, & V. B. unâ cum Regno meo totum

(a) Pontifex exauhorato Georgio Bohemiæ Rege in poenam hæresis illud primum Casimiro Polono desert, sed eo recusante Matthias sollicitatus Regni illius, & Religionis curam suscepit. Hæc ad annum 1466. refert Timon, sed ex hac Epistola apparet jam 65. sententiam Apostolicam latam, & pronunciatam fuisse.

totum dedicavi, nihil Mihi tam arduum, nihil adeò periculofum Dei in terris Vicarius, imò Deus ipfe jubere poteft, quod fufcipere non pium, & falutare exiftimem: quod non intrepidus aggrediar, præfertim ubi de folidanda fide Catholica, & de conterenda perfidia impiorum agitur, nec quidquam Me movent priſtina fœdera temporum neceſſitate conflata, (b) quæ omnia ſcio facilè auctoritate Apoſtolica poſſe diſſolvi. Minimè etiam terret cujuſquam potentia. Longè gravioribus Ego Me hoſtibus, quàm Bohemi ſunt, ad S. V. & Prædeceſſorum ejus exhortationes oppoſui. Sive ergo in Bohemos, ſive in Turcos opus eſt, ecce *Matthias ſimul, & Hungaria*, quantumcunque meæ, ac Regni mei vires ſe extendunt, ſupra omnes Apoſtolicæ Sedi, & V. B. devotæ manent, æternúmque manebunt. Datum in Caſtris in vado fluvii Drawe Die 2. Octob. 1465.

E 4

MAT.

(b) Matthias contr. & Affinitate cum Georgio ex nuptiis cum Filia ejus Catharina fœdus etiã inſit cum eodem initió Regiminis ſui.

MATTHIAS REX AD EUNDEM.

Oswaldum Ecclesie Zagrabiensis Episcopum nominat, & Demetrio sponte juribus suis decedenti certam pensionem cum Abbatia de Bela attribuit, quod à Papa ratum haberi desiderat.

Beatissime Pater &c. Cùm pri-
dem per Reverendum Domi-
num Marcum Episcopum Tinnini-
ensem desiderium meum circa Eccle-
siam Zagrabiensem Sanctitati Vestræ
intimâssem, & id displicuisse intel-
lexissem non videlicet in eo, quod
perfecto rationabilibus de causis, &
ad bonum finem tentaveram, persti-
ti, sed Apostolicæ Auctoritati, per-
inde, ac obediens Filius continuo ces-
si, & rectè nec tunc vetustis, & le-
gitimis Regni mei juribus tam teme-
rariè abutebar, ut illud, qualecun-
que esset, omnino locum habere vel-
lem; sed ità demum, si à B. V. foret
comprobatum. Grave tamen, & pe-
riculosum existimabam, si Dominus
Demetrius homo fortassis probus,
sed

sed minùs sufficiens, & Mihi ob multa meritò suspectus, valida illa posita Castra tenere deberet. Cùm igitur nec tota illi Ecclesia tutò hìc committi posse videretur, nec istic scindi permetteretur tunica incon-
futilis, & omnes iniquum ducerent Episcopum condecienti statu carere; de medio cogitavi opportuno, quo & V. S. voluntati, & meæ securitati satisfaceret, & Ecclesiis simul, & personis rectè consuleretur. Venit ad Me præfatus Dominus Demetrius, qui præcognoscens & iurium, & virium suarum ad memoratam Ecclesiam obtinendam, ac regendam imbecillitatem, pro sua pariter, & illius quiete publicè, & coram V. B. Legato libere, & sponte renunciavit, contentus certa refusione expensarum, & Ecclesia Boznensi,^(a) ac Abbazia de Bela,^(b) bona, & patri

E 5

(a) Hunc porro Demetrium in Catalogo Episcoporum Boznensium non reperio, qui in dissertatione Paralipomena P. Szentivany habetur.

(b) Abbazia Bela fontis in Diocesi Wesprimiensi. Item Abbazia Beël trium fontium B. V. Assumptæ in Diocesi Agriensi, utraque Ordinis Cisterciensis. Est iterum Abbazia Bela S. Margarethæ in Diocesi Strigoniensi: & hæc Demetrio collata fuerit.

trimonio suo propinqua, & insuper mille aureorum annua pensione tunc demum cessatura, cùm mox ad pinguis, & sibi congruum beneficium fuerit promotus. Nunc ergo cùm Ecclesia Zagrabienfis jam liberiùs vacet, quid restat, nisi ut ei de idoneo tandem Pastore provideatur. Quapropter Ego non ut contumax Ecclesiarum inuasor, quas semper magis amplificare, quàm opprimere studui, sed ut legitimus Patronus nomino, & præsento B. V. ad præfatam Ecclesiam promovendum Venerabilem Oswaldum de Szent-László Clericum Vesprimiensis Dioecesis, Virum DEO, & hominibus gratum, ac Mihi fidelem, & per omnia idoneum, excepto forsitan defectu ætatis, & eo non magno, quem tamen in illo morum maturitas, & senilis prudentia facilè compensat. Nihil est, quod jam repulsam merear. Dominum Demetrium contentum competenter reddidi, Ecclesiam univi, & prophanorum manibus eripui. Ritè vacantem conferri postulo, non duobus, sed uni, non Laico, sed sacris

sacris initiato , non cuilibet infimo,
 sed quo melius de Me meritum, &
 sufficientiorem non invenio, nisi si-
 quem fortè de alia Ecclesia huc trans-
 ferri poscerem. Et alioquin brevè
 apparebit Me non levibus de causis
 hoc ità fieri affectasse. Quod si Ego
 S. V. voluntati meam in pluribus
 subieci, saltem in hoc voti compos
 efficiar. Nec B. V. ullius violentia
 vincat, cui ob suam clementiam
 puto non ingratum esse, si in Eccle-
 siarum provisione etiam Regnorum
 tranquillitas attenditur. Non debet
 Apostolica Sedes id sibi injuriæ du-
 cere, si Reges salvis sacris Canonibus
 Personas melius meritas minus
 bene meritis præferunt, & inter Ec-
 clestasticas dispositiones suæ simul
 securitatis, & subditorum quietis
 cupiunt haberi rationem. Multi
 Pontifices sæcularium Principum
 mentes allexerunt etiam durioribus
 eorum postulatis benigna dispensa-
 tione indulgendo. / Ego devotio-
 nem meam non vendo, sed etiam
 cum modestiora impetravero, gratio-
 sè mecum esse actum reputabo. Pro-
 inde

inde S. V. quàm studiosissimè supplico, ut attentis meis, & meorum tam præteritis, quàm futuris pro fide Catholica laboribus præsentem meam petitionem novissimam omnium ex parte admittere dignetur, factura in eo Mihi quidem gratiam singularem, sed quod longè amplius est, rem Deo acceptissimam, & tandem tam Ecclesiis percommode provitura, quàm Personis. Quam Altissimus &c.
1465.

XXIII.

MATTHIAS REX AD PAULUM II. PAPAM.

Decretorium Turco bellum illaturus Oratorem suum benigne audiri, congrua subsidia præberi, & in tempore remitti Nuncios petit.

BEatissime Pater, & Domine &c, post oscula pedum S. V. &c. Id semper & utilius fore duxi, & tota mente intendi, ut ommissis particularibus expeditionibus, quæ magis Nos, quàm hostem fatigant, aliquando tandem collectis sufficientibus copiis ipsa communis inimici

vi-

viscera DEO juvante invadam , & cunctis semel viribus congressus tam Meipsum , quàm cæteros Christianos ab hac quotidiana molestia liberem , pro qua re cùm & antea sæpiùs , & pridem per Oratores meos instarem , ad proximum Nativitatis Dominicæ diem legitimis ex causis à S. V. certior ejus rei dilata responsio est. Igitur cùm ego , & nunc in eadem magis , quàm unquam sententia sim , misi ad V. B. pro his potissimum rebus , & aliis nonnullis hunc Venerabilem Georgium Præpositum Ecclesiæ Quinque-Ecclesiensis (a) Artium , & Decretorum Doctorem per Me de omnibus opportunis plenè informatum , & convenienti facultate suffultum , supplicans V. S. quàm devotissimè , ut præfatum Oratorem meum benignè exauditum tempestivè , quantum res patitur , remittere dignetur , & ità huic tali , & tantæ rei providere , quemadmodum ipsa negotiorum magnitudo requirit , quoniam quidquid hac vi-

(a) Pluribus vicibus Georgium Romam mitti oportebat , ut patet ex aliis Epistolis.

ce Sanctitas V. fecerit, in eo & Apostolicæ auctoritatis gloria, & Catholicæ fidei status, & omnium pene fidelium salus pendeat. Altissimus S. V. &c. 1465.

XXIV.

MATTHIAS REX AD EUNDEM PAPAM.

Petitionem suam de Archi-Episcopo Colocensi in numerum Cardinalium referendo, in memoriam revocat, & rursus idem orat.

BEatissime Pater &c. Sæpe jam aures Vestræ Sanctitatis precibus meis pulsavi ob promotionem Reverendissimi Domini Archi-Episcopi Colocensis; cùm igitur præteritas instantias apud Clementiam Vestram sufficere arbitrer, nunc tantùm admoneo, ne importunior interpellatio diffidentiam præseferre videatur. Unum repetere non prætermittam, quòd quantò cumulatiùs S. V. votis meis annuerit, tantò Me, & Meos Sedi Apostolicæ reddet obligatiores, & devotionem nostram,
quàm

quàm communi jure ultro exhibemus, privatis adiuncti beneficiis augere nitemur. Altissimus &c. 1465.

XXV.

MATTHIAS REX AD PAPAM.


Impensè commendat Dominum Hieronymum Archi-Episcopum Cretensem, bina Legatione in Ungaria ad omnem laudem obitâ, reducem.

BEatissime Pater &c. Cùm Reverendissimus in Christo Pater Dominus Hieronymus Archi-Episcopus Cretensis (a) V. S. apud Nos Legatus redire ad ejusdem conspectum multis, & rationabilibus de causis ultro statuisset, Ego pro mea parte huic proposito suo libenter annui, quia vehementer ad rem pertinere putabam, ut hoc tempore B. V. rerum, hominum, & locorum conditiones, quæ modò hîc sunt ab homine fide digno, & potissimum ad hoc misso quàm plenissimè, & ve-

(a) Hic ille Cretensis Episcopus esse videtur, quem Joannes Pannonius Episcopus Quinque-Ecclesiarum sibi insensum acriter in quadam Epistola perstrinxit.

verissimè cognosceret, ac eisdem cognitis quid facto opus esset uberius, & maturius provideret. Suscipiat igitur S. V. præfatum Archi-Episcopum solita sua benignitate, quem profecto non tam rogatus, quàm ex spontaneo officio meo B. V. genibus studiosissimè commendo, quoniam talem se apud Nos tam in publicis, quàm in privatis negotiis exhibuit, ut omnium sententia suo, & Apostolicæ Sedis honori cumulatissimè fecerit satis, ac ut omittamus plurimos, & maximos ejus labores aliàs pro Ecclesia DEI susceptos, vel duæ ipsius Legationes in hoc Regno prudentissimè, & fructuosissimè administratæ nimirum quavis eum dignitate dignissimum esse declarant. Hæc S. V. scribo, non tam ut suos sibi commendem, quàm ut attester veritati. Nec dubito, B. V. pro sua justitia ullius merita sinè remuneratione, nec labores sinè mercede dimittere solere. Quòd si & in Cretensi suo in præsentiarum observaverit, non modò illius spei, & meo desiderio indulgebit, sed & omnium bonorum animis ad bene

me-



merendum de Sacrosancta Sede Apostolica, & B. V. tali exemplo stimulum, & calcar subjiciet, quam Omnipotens regimini Ecclesiæ Catholicæ diu servet incolumem, & felicem &c.

1465.

XXVI.

MATTHIAS REX AD PAPAM.

Rescribit adhortanti, ne pacem cum Turco ineat, se, licet expensis pressum, in gratiam nihilominus Sedis Apostolicæ, & Salutis Christianorum bellum paci præferre; nec insciò Sanctissimo Dominò sædus initurum, nisi prius deferatur.

BEatissime Pater &c. Expeditò jam ferè Nunciò nostrò supervenerunt literæ S. V. dehortantes Me, & inhibentes, ne cum Turcis pacem ferirem meam. Fateor equidem non semel Me, nec ab una tantum parte sollicitatum fuisse, uti ad eam rem animum inclinarem, sed profecto nulla oblatarum conditionum vel honestate, vel utilitate in hunc usque diem adduci potui, ut quamvis magnis, & diuturnis laboribus, ac impensis
F pressus

pressus bello, concordiam anteferrem: non quia id privatim Mihi, & Meis conducere haudquaquam arbitrarer, sed quia Reipublicæ Christianæ periculosum fore videbam. Quòd si etiam Me ad pacem amplectendam aliqua vel ratio, vel necessitas impulisset, non tam immemor officii mei sum, ut rem tantam inconsulta, aut saltem inscia Sede Apostolica transigerem. Sed certè quis in ea re animus Mihi semper fuerit, non tam verbis prædicavi, quàm rebus ostendi: nec debuit suspicioni locus esse in eum, quem abunde quotidiana sua opera excusant. Et nunc si sententia mea exquiritur, palàm profiteor: bellum malle, quàm pacem. Multa Me in hoc proposito continent, sed potissimum in V.S. collocata spes, quam cùm Mihi, quod absit, deficere intelligam, tunc demum de induciis, & foederibus cogitabo. (a) Itaque habet Me S. V. cum capite, & fortunis meis assiduum reliquæ

(a) Miris semper artibus usus est Matthias ad eliciendam à Pontificibus pecuniam, qua tamen semper in commodum Ecclesiæ utebatur.

liquæ Christianitatis Propugnatorem, nisi ab aliis destituar, & solus sub intolerabili onere derelinquar: habet Me perpetuum Turci hostem, si tam viribus meis, quæ certè illius potentiae impares sunt, adjecerit paritatem: habet Me primum inter omnes Catholicos Principes huic mandato suo parere cupientem: dummodo per ipsam non stet, quin parere valeam: ad impossibile autem nemo tenetur, nemo cum manifesta sua perniciæ cuiquam morem gerere obstrictus est. In summa: si S. V. omnino ita vult, ne pacem cum fidei hostibus habeam, provideat, ut bellum sustinere possim. Datum &c. (b)

XXVII.

MATTHIAS REX AD PAPAM.
CREDENTIALIALES.

BEatissime Pater &c. Accedet ad S. V. hic Venerabilis &c. (a) pro certis suis negotiis, quem ut Virum probum, & de Me bene meritum B. V. cum affectu commendo omnem ei

F 2

ed.

(b) Vix conicere licet, quo anno, & an ad Pium, an Paulum II. scripta sit Epistola.

(a) Georgius credo Praepositus Quinque-Ecclesiens.

adhibitam gratiam in me collatam
reputaturus. Altissimus &c. 1465.

XXVIII.

MATTHIAS REX
AD DUCEM VENETIARUM.

*Decretorium Turco bellum illaturus per O-
ratorem suum in Societatem belli invi-
tat Ducem.*

Illustrissime Princeps &c. Id sem-
per & utilius fore duxi, & tota
mente intendi, ut omissis quo-
tidianis, & particularibus expedi-
tionibus, quæ non minùs Nos ipsos,
quàm hostem fatigant, aliquando
tandem collectis competentibus co-
piis extremam bello manum impo-
namus. Quod quia propriis tantum
viribus efficere non sufficimus, me-
minimus, & sæpe aliàs, & pridem
per Oratores nostros super eo tam
apud Sedem Apostolicam, quàm a-
pud F. V. instituisse. Sed ab utroque
legitimis ex causis ad proximum Na-
tivitatis Dominicæ Diem dilata hæc
determinatio est. Nunc igitur cum
Nos hodièq; in eadem magis, quàm
un-

unquam sententia simus, misimus ad S. D. N. & prius ad Amicitiam V. in qua præcipuè communis negotii potissimùm ab initio fundamentum stetit, tam pro his rebus, quàm aliis nonnullis hunc Venerabilem Dominum Præpositum &c. per Nos de omnibus opportunis plenè informatum, & sufficienti facultate suffultum. Hortamur itaque F. V. quatenus jam ità cogitet, ità de sequentis anni expeditione tempestivè provideat, ut semel uterque Nostrium assiduis istis laboribus, & impensis, ac reliqui Christiani continuo metu, & molestia tandem liberentur. (a)

XXIX.

MATTHIAS REX PAPÆ.

Locò Blasii Antonium in Pastorem Ecclesiæ à Frangepane erecta suffici petit.

Beatissime Pater &c. Quia Fidelis Noster Magnus Sigismundus de Frangepanibus Segniæ Comes Ecclesiam quandam Cathedralē

F 3

lem

(a) Si Epistola hæc loquitur de Pio Papa, scripta est anno 1463. si de Paulo II. scripta fuerit anno 1465.

lem nomine. t. (a) in terris suis erexit, desiderat eidem de idoneo Pastore provideri, quamvis antea postulaverit quendam Fratrem Ordinis Prædicatorum Blasium præfatæ Ecclesiæ præfici, prout fuerat præfectus. Tamen quoniam is Blasius, quod cum reverentia dictum velle-
mus, infamem vitam ducendo, & varias in illis locis proditorias machinationes struendo ipse se inhabilem, & tam sanctæ dignitatis incapacem reddidit, & alia nonnulla scandala perpetrando, quæ usque ad aures nostras pervenerunt; ideo memoratus Comes Sigismundus bene, & sapienter in melius commutavit consilium cupiens nunc locò illius ad dictam Ecclesiam promoveri Fratrem Antonium Ordinis Minorum sinceræ fidei, & probitatis expertum. Quapropter & Nos quantum

(a) Plures in Dalmatia Episcopatus reperio, quorum Authores, & Conditores fuisse potuerint Frangepanes: utpote Vegliensem, Modrusiensem &c.; hujus enim nominis Urbes ipsi possidebant. Sed quia in manuscripto sola litera t. apponitur, posset fortassis non incommodè Tribuniensis intelligi, maximè cum Tinniniensem, Modrusiensem, Macarlensem jam ante Matthias tempora erectos fuisse constet.

tum licet, & possumus, S. V. supplicamus, quatenus in hac parte id facere dignetur, quod pro illa Ecclesia melius videbitur. Altissimus B. V. &c. (b)

XXX.

MATTHIAS REX

AD PAPAM.

Gratias agit pro Ense sibi uni è Principibus Christianis misso, & usurum se eo recipit, ad incrementum Sedis Apostolicae.

Beatissime Pater, & Domine, post humilem commendationem Mei ad pedum oscula Reatorum &c. Sæpe collatam in Me Apostolicæ munificentiae gratiam, sæpe conatus sum gratitudine consequi, atque ita excolere officiis, ut quod ultro delatum prius accepi, post promereri viderer. Ad hæc dum omnem curam, omnéque studium præpararem, accessit novissimè gratia omnem priorem exsuperans, in do-

F 4

no

(b) De anno nihil certi constat.

no Sacri ensis, (a) ad quod suscipiendum Me ex Principibus de Religione Christiana bene meritis B. V. deligere dignata est, ac simul Paternali affectu admonere, ut ense ipso mysticè accinctus eò pergerem, quò Me ejus doni significatio advocaret. Qua in re licèt multa sint, & magna, quæ Mihi Clementia S. V. tam dono ipso, quàm sermone tribuit, tamen æstimando puto dignationem illam, ac benevolentiam singularem, qua defectus officii Me supplere voluit, & imparia adhuc merita mea cum excellenti ipso munere cœquare. Suscepi igitur ensẽ ipsum non modò cùm reverentia ingenti, & devotione debita, verùm etiam cum admiratione tantæ dignationis, gratias agens, quas possum, imprimis DEO Nostro, qui per Christum suum respexit humilitatem meam: deinde Clementiæ S. V. cujus præclarissimi muneris tam re, quàm

(a) Spondanus centena auri millia suppeditata scribit, sed de ense submisso tacet, quod tamen non parùm facit ad Matthiæ gloriam, quem hoc munere Pontifex unicũ, vel certè primarium Ecclesiæ Defensorem declaravit.

quàm significatione confortatus sum, ad prosequendam curam, & sollicitudinem de propaganda fide, & propulsandis infidelibus; cui Me pridem sponte devoveram: nunc verò piis S. V. calcaribus stimulatus, magnô animô, toto corde, & ore devoveo. Quòd si placuerit Domino DEO Nostro propitiationem suam adhibere votis meis, curabo, & enitar pro viribus spei S. V. de Me conceptæ propensius satisfactum ire, prout super hoc, brevè ex Oratoribus nostris (b) B. V. mentem nostram clariùs intelliget, quàm Dominus conservare dignetur feliciter regimini suæ sanctæ Ecclesiæ. Datum 1465.



F 5

MAT.

(b) Cùm de Oratoribus loquatur, conijcere licet solennem legationem inditari, quam ad Paulum II. misit. Quamquam non incommode dici possit Pio II. missam hanc Epistolam, & ensẽ ab eodem dono datum. Sed tunc annus 1463. vel 64. apponi debet.

MATTHIAS REX AD PAPAM.

Ereptam Comiti Martino Abbatiam conferri petit Viro Religioso Fratri Eustachio Ord. Prædic.

Beatissime Pater &c. Est quædam Abbatia in Diœcesi Zagrabien- si nomine Topozka (a) jam diu per manus Laicorum possessa, & vexata, prout & nunc à Martino de Frangepanibus Comite Segniæ occupata detentatur, quam & ipsam ex officio nostro vehementer cupimus aliquando tandem refici, & reformari. Cogitantibus autem Nobis Personam ad hoc idoneam, occurrit Religiosus Vir Frater Eustachius Ordinis Prædicarorum morum honestate, & vitæ probitate spectatus. Proinde S. V. supplicamus humiliter quatenus huic tali Viro de præfata Abbatia, imò potius de tali Viro præfatæ Abbatiae providere dignetur. Nam procul dubiò speramus provisionem hanc magis Ec- cle-

(a) Abbatia Topolcza, alias Toplicza Ordinis Cisterciensis fundata anno 1135.

clesiæ illi futuram, quàm Personæ.
Altissimus &c. 1465.

XXXII.

MATTHIÆ REGIS AD PAPAM PAULUM II.

*Petit Prioratum Aurana vacantem Emeri-
co de Zapolya per octo, vel decem annos
conferri, ut is Boznam, cujus Guberna-
tor erat, facilius ab infidelibus defen-
dere possit.*

VAcavit jam pridem Prioratus
Auranæ Ordinis Cruciferorum
Rhodiensium (a) dignitas in hoc
Regno nostro haud quaquam con-
temnenda. Cùm verò nuper Re-
gnum Boznæ à Turcis occupa-
tum, magnis nostris laboribus, &
impensis, Deo propitiô maxima ex
parte recuperâssemus, facile intel-
ligimus, non minore illud difficul-
tate Nobis retinendum esse, quàm
est

(a) Ordo Cruciferorum S. Joannis Jerosolymitani, qui olim
Hospitalarii, nunc Melitenses Equites nuncupantur, duos
insignes sub Corona Hungariz habuere Prioratus. Nempe
Priorem per Hungariam, & Sclavoniam Comitem Du-
bicæ, & Priorem Castri Auranz in Dalmatia. Conveni-
verò permultos numerârunt, quos ipsi Perceptoratus no-
minabant. Vide Szentivany memorabilia Hungariz.

est acquisitum. Quapropter constituimus Fidelem Nostrum Magnificum Emericum de Zapolya nuper Thesaurarium nostrum partium illarum Governatorem. Verum cum nulla esset alia conservandæ illius Provinciæ spes, modus, ac via, superaddimus ei omnes Officiolatus nostros illic vicinos, unâ cum Prioratu memorato, quem Virum confidimus omnia sapienter, & utiliter acturum, ac etiam præfato Prioratui de homine interim idoneo provisorum. Proinde S. V. rogamus humiliter, quatenus super Administratione dicti Prioratûs saltem usque ad octo, vel decem annos, cum ipso Emerico Governatore Autoritate Apostolica gratiosè dispensare dignetur. Factura in eo rem Nobis quidem pergratam, non tamen privatim magis, quàm publicè fructuosam; imò planè necessariam: quia in præsentium rerum statu, nullo modo conterminis prænominati Prioratûs Castris carere potest Boznæ defensio. Atissimus &c. 1465.

MATTHIAS REX AD PAPAM PAULUM II.

Ecclesia Zagrabiensi Abbatiam Péch-Waradiensem conjungi petit, cum illa recens unita, & jam prius per Laicos Possessores desolata, neque Regni, nec suis oneribus supportandis par sit.

BEatissime Pater, ea, quæ opportuna erant, super Ecclesia Zagrabiensi pridem scripsi, quæ licet jam tota unita, & liberata sit, adhuc tamen infirma, & debilis est, nec viribus propriis, sese restaurare, ac dignitatem suam tueri, onerave supportare potest, imò nec poterit longo post tempore: sicut post magnam tempestatem etiam cessante vento non statim tranquillatur: & diuturno morbo afflictus æger, etiam cum surrexit, baculò indiget. Quapropter S. V. devotissimè supplico, ut adminiculo præfatæ Ecclesiæ Zagrabiensi diu, & multum vexatæ, Abbatiam Péch-waradiensem adjicere dignetur. Nam si Ecclesia illa sola relinquitur, ne dum ad servitia Regni, sed

sed ne ad reformationem quidem sui
sufficit, faciet in hoc B. V. Cle-
mentia rem non modò Mihi gra-
tissimam, verùm etiam huic Re-
gno, & per consequens rebus fidei
perutilem, memoratæ verò Eccle-
siæ Zagrabiensi plurimùm necessari-
am. Altissimus S. V. &c. In Thol-
na in Festo Pauli Hèremitæ. 1465.
vel 66.

XXXIV.

MATTHIAS REX
AD PAPAM PAULUM II.

*Metropolitana Strigoniensi Ecclesia præsi-
ciendum præsentat Joannem Varadinen-
sem Episcopum.*

VAcavit his diebus Strigoniensis
Ecclesia morte Reverendissimi
Patris Domini Dionysii (a) Cardi-
nalis Archi-Episcopi ejusdem, ad
quam Nos habita superinde cum
Prælati, & Baronibus nostris de-
liberatione congrua Reverendum
Pa-

(a) Dionysius Insulam Strigoniensem ab Elisabetha Regina
Alberti Cæsaris, ac Regis Hungariæ Conjuge obtinuit 1439.
sub annum verò 1440. Cardinalis creatus, cujus commen-
datione non constat. Kalend. Febr. 1465. obiit in Ecclesia
maxima Strigoniensi tumulo illatus eidem 8. aureorum
millia legavit.

Patrem Joannem Episcopum Varadiensem (b) propter notiores ejus Viri, quàm uti in præsentiarum commemoratione indigeant, virtutes, & mèrita, ultro duximus nominandum. Pro quo etiam Castra, Oppida, Villas, & quælibet bona dictæ vacantis Ecclesiæ, tanquam Patronus, & Dominus Feudi mandavimus interim conservari. Quapropter S. V. humili supplicatione postulamus, quatenus præfatum Dominum Joannem Episcopum per Nos modò præmissò præsentatum de memorata Wárad transferre, ac ipsi Metropolitanæ Strigoniensi Ecclesiæ in Archi-Episcopum præficere gratiosè dignetur; factura in eo rem primùm quidem Divinæ clementiæ (ut verisimiliter credimus) acceptissimam, deinde

(b) Joannes iste Matthiæ Regis in pueritia instructor apud eundem plurimùm gratiâ valebat: sed quia conjurationis contra Regem initæ reus fuit, ob evocatum Casimirum ad solium Hungaricum, carceris sententiâ subiit, & licet postea liberatus, mærore tamen consumptus non multò post vivere desit. Vanitati Astronomicæ deditus futura aliis prædixit, etiam 4. secutorum post Matthiam Regum imagines exhibuit, casus tamen suos prævidere non potuit.

de etiam Nobis , & Regno nostro
universo pergratam, & utilem, di-
ctæ verò Ecclesiæ procul dubio lon-
gè ampliùs provifuram , quàm Per-
sonæ. Altissimus &c. 1465.

XXXV.

MATTHIAS REX

AD PAPAM PAULUM II.

CREDENTIONALES,

*Quibus fidem facit Oratoribus suis , & ne-
gotium ab iis proponendum commendat.
Additur his Joann. Emo vel Emus Vene-
torum apud Matthiam Orator.*

Postquam S. V. vocationem læ-
tus cognovi, officii mei esse vi-
sum est in conspectum ejus Orato-
res meos mittere, cùm ad ea præstan-
da , quæ novis Pontificibus Chri-
stiani Principes exhibere & debent,
& solent ; tum etiam pro his , quæ
ad negotium fidei pertinere noscun-
tur. Id igitur muneris injunxi Viris
inter capita consilii mei primariis,
Joanni Episcopo Quinque-Ecclesia-
rum, & alteri Joanni de Rozgony,
quos quoniam magnitudini rerum

tra-

tractandarum idoneos existimavi, etiam de omnibus edoctos plena facultate instruxi. Quapropter S. V. humili devotione supplico, quatenus præfatis Oratoribus, & solitam fidem, & benignam audientiam præbere, ac tandem clementer exauditos quamprimum remittere dignetur. Præterea cùm Magnificus Joannes Emo Miles Illustrissimi Domini Venetorum pridem apud Nos Orator omnibus, quæ hîc acta sunt, jam ferè biennio interfuit, & hominum, locorum, rerum, ac laborum nostrorum conditiones pro sua prudentia solidè perspexerit, optavimus & ipsum coram S. V. constitui, ut esset, à quo sinè affectionis suspitione de omnibus quàm amplissimè V. S. posset sciscitari. Quam &c. 1465.

XXXVI.

MATTHIAS REX

AD REGEM GALLIARUM.

*Laudat promptum in Turcos pro defensione
fidei animum, quem ex Georgio intellexit,*

xit, & gratiosam sui memoriam, mutua benevolentiae contestatione compensare studet.

Serenissimo Principi D. Ludovico
 DEI gratiâ Francorum Regi Chri-
 stianissimo Matthias DEI gratiâ Rex
 Hungariæ &c. Salutem, & mutuae
 dilectionis affectum. Serenissime
 Princeps Frater Noster charissime.
 Cum strenuus, atque egregius Geor-
 gius Eques (a) plurimas terras, &
 nonnullorum Principum Curias tan-
 dem ad Curiam Nostram devenisset,
 libenter eum vidimus, & in præsen-
 tiam nostram admisimus, qui inter
 alia verba sua retulit Nobis non par-
 vum Serenitatis V. benevolentiae, at-
 que amoris affectum erga Nos, & ad
 rem defensionis fidei contra Turcos.
 Quem quidē affectum non minùs li-
 benter audivimus, quàm à Serenita-
 te V. eum audire desiderâssemus, nec
 quidquam ipse Georgius ad Nos re-
 ferre potuisset, quod Nobis hac re
 gratiùs, jucundiùsque fuisset. Unde
 ne præfatus Georgius vacuus litera-
 rum

(a) Nobilis Gallus fuerit, qui cum exteras Provincias lu-
 straret, etiam Ma. hiam adiit.

rum nostrarum ad Serenitatem V. rediret, præsentēs quamvis breves, plenas tamen pari affectu ad eandem Serenitatem V. scribendas duximus, quibus velimus Serenitatem V. perspicere non aliū Nos animum erga S. V. habere, nisi qualem erga Nos ejusdem intelleximus, nec unquam aliud optasse, quàm si in aliquo complacere Serenitati V. tanquam fidei nostræ Regi Christianissimo potuissemus, ut ex eo intelligeret Nos non minori benevolentia, & amore S. V. prosequi, quam erga Nos eandem habere perspeximus. Datum Budæ 2. die Decembris. (b).

XXXVII.

**MATTHIAS REX
CARDINALIUM SINGULIS
CREDENTIALIALES**

*Joanni Quinque-Ecclesiensi Episcopo, &
Joanni de Rozgon.*

Missimus ad S. D. N. hos Oratores nostros R. P. Joannem Quinque Ecclesiarum Episcopum, &

Magnificum Joannem de Rozgon
 Contiliarios nostros, & magnitudi-
 ni rerum ipsis commissarum facile ido-
 neos; quibus etiam mandavimus non-
 nulla R. P. V. de qua specialiter con-
 fidimus, referenda, rogantes eandem
 quatenus præfatis Oratoribus nostris
 fidem solitam adhibere, & eosdem,
 in quibus ad Vos refugium habuerint,
 benevolo favore amplecti velitis.
 1465.

XXXVIII.

MATTHIAS REX
AD DUCEM VENETIARUM.

Credentiales iisdem Oratoribus.

Mittimus ecce ad Summum Pon-
 tificem Oratores nostros Vi-
 ros inter Capita Consilii nostri pri-
 marios, & quos potissimum magni-
 tudini rerum tractandarum putavi-
 mus suffecturos. R. videlicet Domi-
 num Joannem Episcopum Quinque-
 Ecclesiensem, ac Magnificum Joan-
 nem de Rozgon: & quoniam in Se-
 natu vestro, ubi omne communis
 negotii fundamentum consistit, non
 minora occurrebant peragenda, man-
 davi-

davimus eisdem, ut etiam ad V. Fraternitatem diverterent; quam rogamus diligenter quatenus præfatis Oratoribus nostris plenè per Nos edoctis fidem integram adhibeat, & ulterius ipsos sapientissimo suo consilio dirigat, præsertim cùm inter alia ea peracturi accedant, quæ æquè ad utriusque Nostrum pertinent statum, & honorem. Datum, 1465.

XXXIX.

MATTHIAS REX
AD COLLEGIUM CARDINALIUM CREDENTIALES

Isdem Oratoribus.

Missimus ad S. D. N. tum ad ea, quæ novis Pontificibus Catholici Principes exhibere consueverunt, præstanda: tum etiam pro negotiis fidei hos Oratores nostros Joañem videlicet Episcopum Quinque-Ecclesiensem, & alterum Joannem de Rozgon, Viros inter Capita Consilii nostri primarios, & quos potissimum magnitudini rerum tractandarum putavimus pa-

res. Cùm autem res Christiana in sacri Collegii vestri quasi Cardinibus volvatur, commisimus eisdem, ut in omnibus R. P. Vestrarum consilio, & auxilio utantur. RR. igitur PP. VV. meritò plurimùm confidimus, causam nostram, & præfatos Oratores quàm studiosissimè comendamus rogantes, quatenus vestro interventu, & facile audiri, & benignè exaudiri, ac maturè ad Nos remitti mereantur. Annò 1465.

XL.

MATTHIAS REX AD DUCEM VENETUM.

Gratulatur Paulum II. natione Venetum ad Pontificatus apicem evectum, à quo sibi plurima pollicetur.

Illustrissime Princeps, Amice charissime! Literæ A. V. novissimè allatæ continebant Reverendissimum D. Cardinalem S. Marci (a) Hominem è Patritio Ordine Civitatis Vestræ

(a) Fuit is Petrus Barbus mercaturæ antea deditus illiteratus ipse, & aliorum literatorum osor. *Bellum Turcicum tantum promovit, quantum alii Principes Christiani cessarunt.* ut testatur Briccius.

Vestrae oriundum ad Summi Pontificatus apicem hisce diebus eventum. Quibus perlectis quanta lætitia perfusi fuerimus, haud facile sermo expresserit. Gratulamur omnium quidem Christianorum, gratulamur Vestro, gratulamur & Nostro nomine. Omnium quidem Christianorum, quod, prout de ejus Viri sapientia, & animi magnitudine edocti sumus, meritò speramus eum titubantem in tantis rerum fluctibus Petri Naviculam optimè, ac tutissimè gubernaturum: Vestro, non solum, quod ad insignem gloriam Urbis vestrae pertinere credimus, Civem suum esse in terris Christi Vicarium; verum etiam, quod circa defensionem fidei existimamus ipsum postulata, & consilia Patriæ plurimi facturum: Nostro, quod & Nos ampliorem jam fiduciam habemus favoris Apostolici, & efficacioris benevolentiae spem tenemus; nec putamus illum Nobis, & Regno nostro fore nisi benignissimum: tum suoapte ingenio, tum quod in ea Rep. natus est,

sed ne ad reformationem quidem sui
sufficit, faciet in hoc B. V. Cle-
mentia rem non modò Mihi gra-
tissimam, verùm etiam huic Re-
gno, & per consequens rebus fidei
perutilem, memoratæ verò Eccle-
siæ Zagrabiensi plurimùm necessari-
am. Altissimus S. V. &c. In Thol-
na in Festo Pauli Hèremitæ. 1465.
vel 66.

XXXIV.

MATTHIAS REX
AD PAPAM PAULUM II.

*Metropolitana Strigoniensi Ecclesie præsi-
ciendum præsentat Joannem Varadinen-
sem Episcopum.*

VAcavit his diebus Strigoniensis
Ecclesia morte Reverendissimi
Patris Domini Dionysii (a) Cardi-
nalis Archi-Episcopi ejusdem, ad
quam Nos habita superinde cum
Prælati, & Baronibus nostris de-
liberatione congrua Reverendum
Pa-

(a) Dionysius Insulam Strigoniensem ab Elisabetha Regina
Alberti Cæsaris, ac Regis Hungariæ Conjuge obtinuit 1439.
sub annum verò 1440. Cardinalis creatus, cujus commen-
datione non constat. Kalend. Febr. 1465. obiit in Ecclesia
maxima Strigoniensi tumulo illatus eidem 8. aureorum
millia legavit.

Patrem Joannem Episcopum Varadiensem (b) propter notiores ejus Viri, quàm uti in præsentiarum commemoratione indigeant, virtutes, & mèrita, ultro duximus nominandum. Pro quo etiam Castra, Oppida, Villas, & quælibet bona dictæ vacantis Ecclesiæ, tanquam Patronus, & Dominus Feudi mandavimus interim conservari. Quapropter S. V. humili supplicatione postulamus, quatenus præfatum Dominum Joannem Episcopum per Nos modò præmissò præsentatum de memorata Wárad transferre, ac ipsi Metropolitanæ Strigoniensi Ecclesiæ in Archi-Episcopum præficere gratiosè dignetur; factura in eo rem primùm quidem Divinæ clementiæ (ut verisimiliter credimus) acceptissimam, deinde

(b) Joannes iste Matthiæ Regis in pueritia instructor apud eundem plurimùm gratiâ valebat: sed quia conjurationis contra Regem initæ reus fuit, ob evocatum Casimirum ad solium Hungaricum, carceris sententiam subiit, & licet postea liberatus, mærore tamen consumptus non multo post vivere desiit. Vanitati Astronomicæ deditus futura aliis prædixit, etiam 4. secutorum post Matthiam Regum imagines exhibuit, casus tamen suos prævidere non potuit.

de etiam Nobis , & Regno nostro
universo pergratam, & utilem, di-
ctæ verò Ecclesiæ procul dubio lon-
gè ampliùs provisoriam , quàm Per-
sonæ. Altissimus &c. 1465.

XXXV.

MATTHIAS REX

AD PAPAM PAULUM II.

CREDENTIONALES,

*Quibus fidem facit Oratoribus suis , & ne-
gotium ab iis proponendum commendat.
Additur his Joann. Emo vel Emus Vene-
torum apud Matthiam Orator.*

Postquam S. V. vocationem læ-
tus cognovi, officii mei esse vi-
sum est in conspectum ejus Orato-
res meos mittere, cùm ad ea præstan-
da , quæ novis Pontificibus Chri-
stiani Principes exhibere & debent,
& solent ; tum etiam pro his , quæ
ad negotium fidei pertinere noscun-
tur. Id igitur muneris injunxi Viris
inter capita consilii mei primariis,
Joanni Episcopo Quinque-Ecclesia-
rum, & alteri Joanni de Rozgony,
quos quoniam magnitudini rerum
tra-

tractandarum idoneos existimavi, etiam de omnibus edoctos plena facultate instruxi. Quapropter S. V. humili devotione supplico, quatenus præfatis Oratoribus, & solitam fidem, & benignam audientiam præbere, ac tandem clementer exauditos quamprimum remittere dignetur. Præterea cum Magnificus Joannes Emo Miles Illustrissimi Domini Venetorum pridem apud Nos Orator omnibus, quæ hîc acta sunt, jam ferè biennio interfuit, & hominum, locorum, rerum, ac laborum nostrorum conditiones pro sua prudentia solidè perspexerit, optavimus & ipsum coram S. V. constitui, ut esset, à quo sinè affectionis suspitione de omnibus quàm amplissimè V. S. posset sciscitari. Quam &c. 1465.

XXXVI.

MATTHIAS REX

AD REGEM GALLIARUM.

*Laudat promptum in Turcos pro defensione
fidei animum, quem ex Georgio intellexit,*

xit, & gratiosam sui memoriam, mutua benevolentiae contestatione compensare studet.

Serenissimo Principi D. Ludovico DEI gratiâ Francorum Regi Christianissimo Matthias DEI gratiâ Rex Hungariæ &c. Salutem, & mutuae dilectionis affectum. Serenissime Princeps Frater Noster charissime. Cùm strenuus, atque egregius Georgius Eques (a) plurimas terras, & nonnullorum Principum Curias tandem ad Curiam Nostram devenisset, libenter eum vidimus, & in præsentiam nostram admisimus, qui inter alia verba sua retulit Nobis non parvum Serenitatis V. benevolentiae, atque amoris affectum erga Nos, & ad rem defensionis fidei contra Turcos. Quem quidē affectum non minùs libenter audivimus, quàm à Serenitate V. eum audire desiderâssemus, nec quidquam ipse Georgius ad Nos referre potuisset, quod Nobis hac re gratiùs, jucundiùsque fuisset. Unde ne præfatus Georgius vacuus litera-
tum

(a) Nobilis Gallus fuerit, qui cùm exteras Provincias illustraret, etiam Ma..hiam adiit.

rum nostrarum ad Serenitatem V. rediret, præsentēs quamvis breves, plenas tamen pari affectu ad eandem Serenitatem V. scribendas duximus, quibus velimus Serenitatem V. perspicere non aliū Nos animum erga S. V. habere, nisi qualem erga Nos ejusdem intelleximus, nec unquam aliud optasse, quàm si in aliquo complacere Serenitati V. tanquam fidei nostræ Regi Christianissimo potuissemus, ut ex eo intelligeret Nos non minori benevolentia, & amore S. V. prosequi, quam erga Nos eandem habere perspeximus. Datum Budæ 2. die Decembris. (b)

XXXVII.

**MATTHIAS REX
CARDINALIUM SINGULIS
CREDENTIONALES**

*Joanni Quinque-Ecclesiensi Episcopo, &
Joanni de Rozgon.*

Missimus ad S. D. N. hos Oratores nostros R. P. Joannem Quinque Ecclesiarum Episcopum, &

G 2

Magni-

Magnificum Joannem de Rozgon
 Consiliarios nostros, & magnitudi-
 ni rerum ipsis commissarum facile ido-
 neos; quibus etiam mandavimus non-
 nulla R. P. V. de qua specialiter con-
 fidimus, referenda, rogantes eandem
 quatenus præfatis Oratoribus nostris
 fidem solitam adhibere, & eosdem,
 in quibus ad Vos refugium habuerint,
 benevolo favore amplecti velitis.
 1465.

XXXVIII.

MATTHIAS REX ADDUCEM VENETIARUM.

Credentiales iisdem Oratoribus.

MIttimus ecce ad Summum Pon-
 tificem Oratores nostros Vi-
 ros inter Capita Consilii nostri pri-
 marios, & quos potissimum magni-
 tudini rerum tractandarum putavi-
 mus suffecturos. R. videlicet Domi-
 num Joannem Episcopum Quinque-
 Ecclesiensem, ac Magnificum Joan-
 nem de Rozgon: & quoniam in Se-
 natu vestro, ubi omne communis
 negotii fundamentum consistit, non
 minora occurrebant peragenda, man-
 davi-

davimus eisdem, ut etiam ad V. Fraternitatem diverterent; quam rogamus diligenter quatenus præfatis Oratoribus nostris plenè per Nos edoctis fidem integram adhibeat, & ulterius ipsos sapientissimo suo consilio dirigat, præsertim cùm inter alia ea peracturi accedant, quæ æquè ad utriusque Nostrum pertinent statum, & honorem. Datum, 1465.

XXXIX.

MATTHIAS REX
AD COLLEGIUM CARDINALIUM CREDENTIONALES

Iisdem Oratoribus.

Missimus ad S. D. N. tum ad ea, quæ novis Pontificibus Catholici Principes exhibere consueverunt, præstanda: tum etiam pro negotiis fidei hos Oratores nostros Joannem videlicet Episcopum Quinque-Ecclesiensem, & alterum Joannem de Rozgon, Viros inter Capita Consilii nostri primarios, & quos potissimum magnitudini rerum tractandarum putavimus pa-

res. Cùm autem res Christiana in sacri Collegii vestri quasi Cardinibus volvatur, commisimus eisdem, ut in omnibus R. P. Vestrarum consilio, & auxilio utantur. RR. igitur PP. VV. meritò plurimùm confidimus, causam nostram, & præfatos Oratores quàm studiosissimè comendamus rogantes, quatenus vestro interventu, & faciliè audiri, & benignè exaudiri, ac maturè ad Nos remitti mereantur. Annò 1465.

XL.

MATTHIAS REX. AD DUCEM VENETUM.

Gratulatur Paulum II. natione Venetum ad Pontificatus apicem evectum, à quo sibi plurima pollicetur.

Illustrissime Princeps, Amice charissime! Literæ A. V. novissimè allatæ continebant Reverendissimum D. Cardinalem S. Marci (a) Hominem è Patritio Ordine Civitatis Vestræ

(a) Fuit is Petrus Barbus mercaturæ antea deditus illiteratus ipse, & aliorum literatorum osor. *Bellum Turcicum tantum promovis, quantum alii Principes Christiani resistunt.* ut testatur Briccius.

Vestræ oriundum ad Summi Pontificatûs apicem hisce diebus eventum. Quibus perlectis quanta lætitia perfusi fuerimus, haud facile sermo expresserit. Gratulamur omnium quidem Christianorum, gratulamur Vestro, gratulamur & Nostro nomine. Omnium quidem Christianorum, quodd, prout de ejus Viri sapientia, & animi magnitudine edocti sumus, meritò speramus eum titubantem in tantis rerum fluctibus Petri Naviculam optimè, ac tutissimè gubernaturum: Vestro, non solum, quodd ad insignem gloriam Urbis vestræ pertinere credimus, Civem suum esse in terris Christi Vicarium; verum etiam, quodd circa defensionem fidei existimamus ipsum postulata, & consilia Patriæ plurimi facturum: Nostro, quodd & Nos ampliore jam fiduciam habemus favoris Apostolici, & efficacioris benevolentiae spem tenemus; nec putamus illum Nobis, & Regno nostro fore nisi benignissimum: tum suo pte ingenio, tum quodd in ea Rep. natus est,

cum qua Nobis firmissima, & honestissima amicitia perseverat pro communi videlicet patrocinio fidelium inita, & conflata. Optamus igitur, quod præsumimus, ut hæc illius Viri divinitus facta vocatio felix, fausta, fortunata, & salutaris sit generaliter quidem universæ Dei Ecclesiæ, specialiter tamen vestræ pariter, ac nostræ genti. Datum, 1465..

XLI.

MATTHIAS REX AD IMPERATOREM ROMANORUM.

Significat Ginzienses per privilegia sua à tributo non eximi: si quid injuriæ passos se arbitrantur, id judicio Baronum Regni definiendum esse.

Serenissimo Principi &c. Salutem, & filialem affectum. Serenissime Princeps, Pater noster Charissime. Ultra alias literas, quibus hesternæ die respondimus, alteras accepimus pro parte Civium, & in-
co-

colarum Oppidi Kőszeg (a) alio nomine Güns appellati; in quibus scribit S. V. allegare, & prætere Civēs ipsos sese ab omnibus oneribus omnium censuum, & contributionum, quæ pro tempore sive contra Turcos, sive pro quacunque alia causa imponerentur, per privilegia Regum Hungariæ Prædecessorum nostrorum exemptos fuisse. Et quod quidam ex Secretariis Nostris Paulus de Zeürles hujusmodi exemptionis Privilegia coram exhibita inspexisset, inspectisque eis ab executione præsentis contributionis generalis pro negotio Fidei contra Turcos decretæ destitisset. Super quo hortatur Nos S. V. ut ipsos Civēs in eorum libertatibus, & privilegiis illæsos conservaremus. Equidem Serenissime Princeps paratum, & bene dispositum habemus animum complacere S. V. & rectè agere cum subditis ejusdem in omni-

G 5

(a) Sopronium, & Güns oppignorata fuisse Friderico ab Elisabetha constat ex alibi dictis, verum Sopronio recepto mansit adhuc in potestate Austriacorum Güns. Cæterum Bonfinius Kis-Martón, Forichstein, & alia prope agrum Soproniensem castella juris Cæsarei fuisse asserit, ipsum tamen Sopronium iis non accenset.

mnibus, quæ vel jure benevolentiae debemus, vel ex gratia facere possumus. Et si esset in parte nostra jus dispensandi super contributione supradicta, jam dudum nec S. V. importunitatem permetteremus inferri, & ingeri, nec aliorum Nos importunitatem pateremur. Sed quia in toto Regno Hungariæ nec vidimus, nec videri facile posse credimus talia, & tam lata esse Privilegia quarumcunque Civitatum, vel Oppidorum, aut etiam Ecclesiarum, ut se eorum vigore, quò minus præsentem contributionem reddere, & facere tenerentur, tueri possent. Idcirco allegationi simplici Civium supradicti Oppidi stare non potuimus, nec præfatus Notarius noster se intellexisse fatetur tantam efficaciam, & latitudinem ipsorum Privilegiorum, ut se ad casum præsentem extendere viderentur. Refert autem se recessisse à prædicto Oppido, non quòd contributionem ipsam exigere non liceret, sed quia contradicebatur, ne exigeretur. Nihilominus si Ci-
ves

ves ipsi in hujusmodi allegatione firmi perseverare volunt, faciant, quod in re simili de jure Regni nostri faciendum est; compareant infra dies quindecim in præsentia nostra, ac Prælatorum, & Baronum Regni, qui ordinarii judices sunt, ibique privilegia eorum, ut moris est, exhibeant. Quod si comper- tum fuerit privilegia ipsa ejus vi- goris esse, ut ad præsentem casum se extendant, sinè dubio faciemus, & mandabimus eadem & confirma- ri, & manuteneri. Decimo octa- vo die Januarii 1465.

XLII.

MATTHIAS REX AD IMPERATOREM ROMA- NORUM.

*Diluit objecta contra Præfectum Soproni-
ensem, & hortatur Imperatorem, ut vi-
gore inita pacis à contributione commu-
ni exemptos esse velit subditos suos. Si
quid verò in pacta Præfectus deliquisset,
satisfactionem promittit.*

Serenissimo Principi Domino Fri-
derico DEI gratiâ Romanorum
Im-

Imperatori semper Augusto &c. Patri Nostro Charissimo. Matthias &c. Salutem, & filialem affectum! Serenissime Princeps Pater Noster Charissime! Prioribus literis S. V. respondisse putabamus rectè ad mensuram debiti, & expectationis de Nobis habitæ; ubi palam notum fecimus animum Nobis esse stabilem, qui non facilè deducitur, nec abhorret à quietis, & paciferis consiliis; cupiebamusque simile quid experiri etiam apud S. V. ut hinc inde ex pari concursu mutæ intentionis uberior fieret copia malignantium actus, ac pariter ausus comprimendi. Verùm posteaquam novas, & iteratas querelas contra Præfectum nostrum Soproniensem apud Nos Serenitas V. deposuit, scrupulus Nobis quidam injectus est, ne fortè S. V. dissimili erga Nos animo feratur, dum videlicet pro minimo ducit, & pene oblita est gravissimarum injuriarum, quæ post ista fœdera de terris, & Dominis S. V. Nobis, & Regno nostro illatæ sunt, suas verò querelas in altiore culpam, latiorémque pro-

tra-

trahit, quàm in se crimen habeat. Sed de his conqueri in aliud tempus differimus, ne referre culpam, & non purgare videamur. Respondebimus nunc ad ea, quæ ex parte S. V. obijciuntur.

Prima querela est contra Præfectum Soproniensem, quæ hanc summam continebat: quòd S. V. sæpe numero Nos hortata sit, ut ipsi Præfecto mandaremus, ne prætextu contributionis pecuniariæ Generali edicto, ac Decreto Regni nostri pro exercitu contra Turcos deducendo imperatæ homines, & subditos S. V., quos intra terminos ipsius Regni nostri tenet, indebitè molestat, aut impediat. Et quòd Præfectus ipse non modò ab illatione talis impedimenti non abstinuit, verùm etiam certarum villarum pecora diripuit. Altera autem objectio contra eundem erat; quòd ipse spretis pactis, & pacis conditionibus, quæ paulò superiori tempore inter Nos hinc inde firmatæ sunt, nuper S. V. literas, quas communiter diffidatorias vocant, miserit intendens illarum vigore nocumen-
ta

ta priora cumulare: & in fidem rei actæ, atque hujusmodi pronæ intentionis suæ transmissa est Nobis copia ipsarum literarum. Super quibus omnibus, quæ profusioribus verbis in literis S. V. continebantur, Nos S. V. hortatur, & requirit, ut & literas ipsas cassari faceremus, & antefatum Præfectum ad restitutionem eorum, quæ indebitè abstulit, cogere, atque à simili ausu prohibere non differremus. Ad quæ respondendo de hoc imprimis; & de novo certiore facimus S. V., quòd si quid nocumenti indebitè illatum est per quoscunque Officiales nostros subditis S. V. id de nostro consensu, aut jussu nequaquam processisse; quin imò post dictam pacem grave Nobis esse, ac etiam videri solet, dum aliqua molestia undecunque vel de jure, vel injuria S. V. infertur. Quod quidem & in casibus supra tactis si quid indebitè contra S. V. actum est, non sinè ægro animo prosequimur. Verumtamen quæ objecta sunt, eo modo possunt interpretationem accipere. Non enim satis intelligimus, quò

quo pacto licite imputari possit ipsi Præfecto Soproniensi, quod contra pacem initam, & ejus conditiones quidquam egerit in hoc, dum generale Decretum Regni, cui & S. V. ut debebat, consensit, debitæ executioni demandaret; nisi fortè debitum modum, vel officii sui metas excessiss. t. Equidem scitum est, quod subditi S. V., quos intra terminos Hungariæ habet, ex forma pactorum omnino obedire tenebantur illi generali decreto Regni, quod non ex aliqua privata causa, sed pro publico Fidei negotio editum est. (a) Illud quoque palam factum est, quod obedire negligentibus acres poenæ comminatæ fuerant. Cur igitur S. V. vel sibi ad injuriam trahit, vel officialem illam culpam commiseruisse putat, quod ipse pro debito suo partes officii sui executus est. Cæterum quoad partes alterius objectionis, ubi S. V. dicit se literas, quas diffi-

(a) In literis pacificationis Oppida Forchtstein, & Koblstorff intra limites Hungariæ contenta juris Cæsarei excepta quidem sunt ab ordinariis contributionibus; non item à generali tributo, vel *passagio* contra Turcas, ut ibidem expresse habetur.

diffidatorias appellat, accepisse: putamus planè, & hanc querelam altius productam fuisse, quàm demereatur. Cùm enim copiam literarum earundem ad Nos transmissam legifsemus, comperimus eas non diffidatorias fuisse, sed comminatorias; minasque ipsas solùm ad tempus ulque, quoad neglecta contributio solveretur, esse extentas. Si verò S. V. eas omnino pro diffidatoriis interpretari maluerit, cognoscat etiam, quis, & quæ pars causam dederit, ut in ea forma scriberentur. Nos illud facilè deprehendimus, quòd Præfectus Soproniensis ex parte Capitanei de Forchtstein gravissimæ oblocutionis injuria laceffitus non injustè moveri debuit ad suum honorem & conservandum, & defendendum: nec per hoc quidquam actum est contra foedera, & pacta pro communi parte inita. Inter hæc tamen omnia Nos partem mitiorem, tutioremque sequi volentes mandavimus juxta requisitionem S. V. ante dicto Præfecto Soproniensi, ut si in aliquo, aut in exigendis poenis supra

pra tactis, aut in literis, seu scriptis
 suis supra modum, ac debitum ex-
 cessit, omnimodè reformet, ablata
 indebitè restituat, literasque præta-
 ctas, sicut vanæ sunt, sic & irritas
 faciat. Nec quidquam attentet in
 corruptionem firmatæ pacis, quam
 Nobis semper & observare, & cor-
 roborare in animo est. Postremò in
 parte extrema literarum scribit S. V.
 quòd post plures delatas ad se quere-
 las à subditis suis contra supra di-
 ctum Præfectum Soproniensem, ii-
 dem subditi exorabant S. V. ut eis
 indulgere dignaretur, ut pares inju-
 rias Regno nostro, & nostris subdi-
 tis inferre possint, & quòd difficile
 jam esset S. V. ab hac intentione
 ipsos subditos suos cohibere. Ad
 hanc partem paucis respondebimus,
 quòd S. V. tam de jure paterno,
 quàm ex virtute initorum foederum
 omnimodè obligaretur ad hoc: ne
 subditis suis facere indulgeret quæsi-
 tam pluribus annis pacem corrumpere.
 Verùm Nos quiddam diversum
 hac in parte sentire videmur: non
 esse videlicet nunc opus S. V. hac

difficultate petitæ indulgentiæ laborare ; ostenderunt enim jam pridem subditi nonnulli S. V. per multas injurias Nobis illatas non esse novum , quòd ab eis S. V. pro hac indulgentia rogata sit , imò est jam facile exorata. Unde putamus majorem difficultatem futuram S. V., si revocare voluerit indulgentiam præstitam , quàm tolerare , ne de novo præstetur. Qua in re Nos quoque oramus Serenitatem V. & exoratum volumus , ut inter alias Imperialis Curiae sollicitudines dignetur curam præcipuam convertere , ut pax ipsa communis , quæ magno labore tractata , majori parata est , inviolata perseveret. Nos è contra omni semoto dubio huic rei ità studebimus , quòd nihil in voluntate nostra , & cura observandæ pacis deficiet , dum modò in possibilitate non deficiat. Die

16. Jan. 1465.



MATTHIAS REX

AD CARDINALEM

S. ANGELI.

Queritur de violentiis Imperatoris.

HÆc quæ modò scribimus, ipsi-
met scimus non esse ea, quæ
hoc tempore à nobis expectantur.
Sed certè si ad præsentem rem non
ità multùm pertinent, ad futuram
fortassis pertinebunt. Conqueri-
mur R. P. V. tanquam Patrono spe-
ciali, quòd nobis ingenti labore,
& impensa personaliter in factò Fi-
dei occupatis ne dum subsidia con-
ferunt vicini Principes, sed ma-
gìs inferunt impedimenta; hi præ-
fertim, à quibus minimè deceret,
& expectaremus. Nam his diebus
Serenissimus Rom. Imperator mul-
ta in confinibus hostilia per suos ho-
mines egit; Nuper siquidem non-
nulli ex suis, quibusdam nostrati-
um partim captis, partim contra
fidem publicam vulneratis Oppi-
dum

dum nostrum Soproniense aggressi,
 (a) Suburbium ejusdem, seu Burgum
 foedô incendiô deleverunt nulla ne-
 que nostra, neque nostrorum cul-
 pa laceffiti. Quantum enim nobis
 placeat, cum fidelibus vicinis, &
 præsertim cum præfato Imperatore
 armis contendere, satis evidens
 judicium vel tunc præbuimus, cum
 ad unam jussionem R. P. V. tunc
 apud nos Legationis officiô fun-
 gentem, (b) exercitum nostrum è
 finibus, & ferè ab oculis memorati
 Cæsaris æmuli tum nostri deduxi-
 mus. Si quid igitur ei contra, pro
 Regni Nostri defensione, & restau-
 randis damnis, ac injuriis illatis fu-
 erit necessariô tentatum, existima-
 re poterit, R. P. V. non nos, nô-
 strôsve esse in crimine, sed eos, à
 quibus causa, & initium rei pro-
 cessit, & qui nos nihil tale nec me-
 rentes, nec metuentes, verùm ma-
 joribus, & sanctioribus negotiis to-
 to

(a) In vindictam tributi à Præfeto Soproniensi exigiti hos
 Austriaci attentaverint.

(b) Joannes S. Angeli Cardinalis Legatus à latere missus ad
 Ladislaum post-humum annô 1452. & aliquot sequenti-
 bus in Hungaria commorabatur.

to animo intentos, non solum injuste, sed etiam impie laceſſiverunt.
1465.

XLIV.

MATTHIAS REX
AD IMPERATOREM
ROMANORUM.

*Queritur de vulnerato Capiteo, exusto
Sopronio: hortatur ad pacem, & quietem.*

Rescivimus non sine gravi molestia quemadmodum subditi, & familiares V. S. videlicet &c. &c. Civitatem nostram Soproniensem hostiliter accessissent: Ubi obvium in ipso itinere Capiteum Nostrum, quem prius S. V. in certis Legationibus suis ad Nos transmiserat, & Nos tunc cum relatione remittebamus, nihil tale suspicantem captis prius septem famulis ejus in Oppidum Soproniense fugere compulissent, inde fide data evocatum, sagittâ in brachio transfixissent: Suburbium denique, sive Burgum præfatæ Civitatis Nostræ Soproni-

ensis ignis incendiô penitus consumpsissent , nulla nostra, neque nostrorum culpa laceffiti. Equidem S. Princeps durum fuisset nobis & aliàs tam indigna perpeti: nunc verò durissimum est, cùm intermissa ubicunque in aliis partibus satis necessaria nostri defensione , in ipsis jam Patriæ finibus constituti (a) magno labore, & impensa in facto Fidei personaliter occupamur, à V. S. pro suo officio non tam impedimenta ad rem Christianam , quàm auxilia promerentes. Rogamus igitur eandem S. V. & hortamur, quatenus, si non aliis multis, & magnis respectibus , saltèm contemplatione temporum operam dare velit, ne ampliores Nobis, & Nostris injuriæ per vos, vestrosve inferantur, alioquin inviti dicimus, necesse Nobis erit ità Nostris, & Regni rebus quocunque modo consulere, ut memorata Civitas Nostra Sopronien-
fis,

(a) Expeditionem tunc in Frangepanes fortassis hoc anno suscepit Matthias, si Timoni credimus, sed cùm negotium fidei se gereſe significet, contra Turcas potius moviſſe credendus est: vel certè utraque expeditio eodem anno suscepta fuerit.

sis, & homines Nostri hujuscemodi damna, & læsiones gratis ne sustineant. Datum &c. 1465.

XLV.

MATTHIAS REX
AD IMPERATOREM ROMANORUM FRIDERICUM.

Respondet eidem, & refutat excusationes violentiarum, incendiorum, depredationum &c.

Accepimus literas V. Majestatis, in quibus eadem excusat se, & suos: accusat autem nostros de damnis, & injuriis illatis; sed excusationum, & accusationum rationes cuilibet rectius judicanti videri possunt non satis efficaces. Primum quidem Sigismundus (a) clarè testatur non suâ culpâ cœptum bellum. Qua in re paratus fuit stare & juris judicio, & arbitrio pacis. Repudiatae sunt oblationes ejus, & expugnatum Oppidum cum Arce, quod justî pignoris titulô possidebat. De-

H 4

inde

(a) Sigismundus hic Comes à S. Georgio dictus fuerit: vel certe Sigismundus Veisprach, qui annô 1466. per Bullam auream creatus Baro Hungariæ scribitur à Timone.

inde si quid V.S. aut vestrorum quiscunque cum Comite Sigismundo negotii habebat, cur alii subditi, & Cives nostri immerentes, ut puta Posonienses, & Sopronienses, ac cæteri finium illorum accolæ plectuntur? quæve de causa Oppidum nostrum incenditur? sed dicitur, quod Burgeneses incendio causam præbuerint? equidem nemo tam furiosus est, qui ipse domum suam cremet. Si autem vestri propter certas res depositas, ut asseritur, ignem injecerunt, depositum flammis repetere, quæ justitia est? At paucae, & viles domus conflagrârunt: gratia fortunæ, & nostrorum diligentiae, qui sollicitè incendiū extinxerunt. Illorum tamen, qui hujus rei Authores fuerunt, manifesta intentio fuit, scilicet ut non pauca, & vilia, sed ut universa deflagrarent. Et certè talia maleficia, non tam quantitate facti, quàm improbitate pensantur. Negat se Majestas vestra Nobis, & Regno nostro unquam nocuisse, aut nocere voluisse? cur igitur professum hostem nostrum, &

Re-

Regni nostri fovet, & promovet? imò cur potius subditos suos non coërcet? ne res nostras, imò omnium Christianorum intercipient; quemadmodum nuper fecit Sigismundus Eycynger. In qua re Serenitas V. se purgat dicens illum, & sibi publicè bellum indixisse, & propterea corrigi non posse. Nescimus, si hæc Inclyto Rom. Imperatori sufficiens sit allegatio. Nos certè & nunc id operam damus, ac ad nostrum Officium omnino pertinere ducimus, ne quisquam intra fines nostros, cuiquam etiam alieno, impunè sit injurius. Omnino autem id Nobis ingratissimum est, quòd cum maximè pro Fide Catholica laboramus, tum præcipuè à tergo lacessemur, & unde magis mereremur subsidia, patimur impedimenta; & adhuc Nobis imputatur, quòd pecuniam contra Turcos imperatam adversùs V. M. assignaverimus Comiti Sigismundo. Ad quem profecto vel nulla, vel minima pars hujusce collectæ pervenit. Nos quidem adhuc in eadem mente sumus,

videlicet ut & personam, & facultates pro tuenda Repub. Christiana exponamus, dummodo alii sic Nobiscum agant, ne quod pro ipsorum defensione libentius innumeremus, ad eorum offensionem necessitate impulsim convertamus. Datum &c. 1465.

XLVI.

MATTHIAS REX AD QUENDAM FIDEM. (a)

Cui committit devastationem bonorum Georgii Potendorfer Magnatis Austriaci in vindictam.

Quia Georgius Potendorfer unus ex Baronibus Austriæ diversas in dies Nobis, & Nostris infert injurias præsertim in eo, quod super Civibus Soproniensibus, & aliis nostris hominibus ipse in terris suis ab omnibus eorum rebus decimam exigit in desolationem bonorum nostrorum non modicam: hic etiam apud Nos inter alios Australes consti-

(a) Fuit is Andreas Paumkircher Comes Posoniensis, vel Grafnitzensis, quos, ut & alios quosdam Austriacos Matthias in suam ditionem, & protectionem receperat.

stitutus multa subinde contumaciter,
 & contra honorem nostrum locutus
 est, & loqui quotidie non cessat;
 propterea Nos prædictas ejus contu-
 melias, damna, & oblocutiones ul-
 teriùs, & simpliciter pertransire me-
 ritò nolentes, sed insolentiam ejus
 competenti vindicta frangere, & ad
 debitam Nobis humilitatem, & No-
 strorum pacem reducere intendentes,
 Fidelitati V. firmissimè comittimus,
 quatenus statim receptis præsentibus
 ulteriori mandato nostro superinde
 non expectato cum omni potentia
 vestra insurgere, & cum Bertoldo
 Elderbach (b) socio nostro hìc reas-
 sumptis etiam his, quibus superinde
 consimiliter scripsimus, ad bona, &
 dominia præfati Georgii Potendor-
 fer accedere, & ea deprædationibus,
 ac incendiis, & omni instrumento-
 rum genere taliter disponere debeat,
 ut ipse Nos, & Nostros ulteriùs pro-
 vocare, & impedire non audeat.
 Hæc agendo talem Nobis compla-
 cen-

(b) Bertoldus Elderbach de Monyorókerék factus subinde
 Vaivoda Transylvaniæ.

centiam facietis , ac si personaliter
juxta personam nostram quotidie hic
serviretis. Secus ergo non facturi
gratiæ nostræ sub obtentu. 1465.

XLVII.

**MATTHIAS REX
AD DUCEM VENETIARUM.**

*Indicat , se etiam ad pacem sollicitatum à
Turca , cujus fraudes , & perfidiam de-
tegit. Fæderis firmitatem promittit , &
Legatos se ad Pontificem misisse Emò e-
tiam adjunctò significat.*

Matthias DEI Gratiâ &c. Illu-
strissimo Principi Christopho-
ro Mauro eâdem gratiâ Duci Vene-
torum &c. Amico N. salutem , &
prosperos ad vota successus. Consti-
tutis in procinctu proficiscendi Ita-
liam versùs Oratoribus nostris adiit
Provinciam nostram Magnificus Jo-
annes Aymo (a) Orator Amicitiae V.
declaravitque Nobis , se post alias
complures novissimè accepisse literas
vestras , ex quibus de novo certior
factus

(a). Emò legendum videtur , hunc enim Oratorem Venetum
fuisse ex aliis Epistolis , & Historiis certò constat.

factus est, quòd Turcorum Imperator multifariam, multisque viis, & mediatoribus tentâset de componenda pace cum Dominio Vestro, & sedando bello adversus eum suscepto, (b) Quibus latè expositis retulit simul judicium vestrum, quo deprehensum est, quod hæc instantia Turci non animo ejus, sed dolis solitis, & astutiæ tribuenda sit, utpote qui nihil unquam minùs, quàm de pace rectè cum Christianis observanda cogitare solet. Et licèt responderimus coràm ipsi Oratori Vestro, quid super his curis, & machinationibus Turci. Nos quoque sentiamus, non abs re tamen volumus hæc pauca ad notitiam V. A. in scriptis perferri, ut cognoscat, quo pacto etiam Nos hujus astuti hostis doli, & fraudes circumfiliant: non ut de his acutiùs judicemus, sed ut judicio vestro nostrum quoq; conferamus. Equidem duo-

(b) Turca ut initum Venetorum cum Matthia fœdus rescinderet, nunc Venetos, nunc Pannonem cùm induciis, tum pace sollicitavit; sciebat enim nisi soluto duorum fœdere Potentatuum nihil in alterutrum bellò profecturum. Bonfin: dec. 4. lib. 1.

duobus his annis post sese elapsis,
 & præfertim postquam cum A. V. &
 Dominio vestro socialia fœdera ad
 hoc bellum gerendum inita sunt, per
 multos modos, & ex pluribus partibus
 non modò tentati, & requisiti de pa-
 ce ineundâ, sed pene infestati su-
 mus. Vajvoda majoris Valachiæ
 primus hac in re intercedere cupie-
 bat. Deinde per viam Boznæ, alii
 autem novissimè Despotus Rasciæ
 cum quibusdam de Servia partes suas
 profecuti sunt. Per occultas autem
 vias multi mediocres nuncii nonnul-
 los ex Baronibus nostris officia Tur-
 cis finitima tenentibus sæpe adeun-
 tes magnâ diligentîâ instabant, ut
 componendæ pacis apud Nos sua-
 fores essent. Nuper verò manifestius
 deprehendimus curam hanc pacis-
 componendæ adeò cordi fuisse huic
 hosti nostro, ut etiam delectos Orato-
 res suos nunquam à Nobis vocatos ad-
 oras prope Regni nostri miserit ven-
 turos ad Nos, si securitatem eîs di-
 gnati fuissetus permittere. Inter
 quæ crebræ ad Nos voces defereban-
 tur de conditionibus pacis tametsi
 non

non circumquaque pro voto utili-
bus; tolerabilibus tamen, & hone-
stis. At Nos, qui non sinè magnis
nostris incommodis, & Nostrorum
periculis malefuadas artes hujus ho-
stis percalluimus, ab omnibus his
tam suaforibus, quàm conditionibus
aures, & animum pariter avertimus;
non obliti, quid Nobis, & Patriæ,
quid A. V. quid communi fœderi de-
beamus: prout super his antefatus
Orator potuit sæpius A. V. reddere
certiorem. Astutus ipse hostis, &
perfidæ fidei durè ferens duas istas
sibi è vicino adversas potentias con-
tra se ad bellum unitas esse, tetendit
fallaciæ suæ artes, subducens vias,
& modos, ut provisiones cessent, ut
vires Christianorum minuantur, ut
hi duo suspecti sibi Pontentatus di-
vidantur, quatenus una parte divi-
forum oppressa alteram faciliùs ag-
grediatur. Cùm iterum prout à ve-
ridicis exploratoribus nostris intelle-
ximus ipse sub hoc tegumento ob-
latæ pacis commune bellum parat,
auget; coëmit, atque etiam ut o-
mnino recuperet Boznam multa ad
hoc

hoc, & magna molitur. Rectè igitur, & prudentissimè A. V. dijudicavit in hac exquisitioe pacis astutias hostiles, & artes doli plenissimas delitescere: aliò enim tendit astu, aliò arcum, mentémque dirigit, ut scilicet feriat, quoad poterit, deludátque incautos. Quantum itaque ad partem nostram attinet, Nos constanter perseveramus in proposito; debitum foederis omnibus aliis illabentibus cogitationibus anteferimus. Quod ut manifestius appareat, delegimus nuper Oratores nostros, (c) & jam expeditivimus ituros ad sanctissimum D. N. P. venturos autem prius ad præsentiam Domini Vestri; quos præcipua auctoritate, & plenissima facultate, & potestate pro conditione rerum gerendarum instruximus; hi propositum, intentionem, & animum nostrum efficaciter declarabunt. Cum quibus unà etiam supradictum Oratorem Vestrum de consilio, & deliberatione Prælatorum, & Baronum nostrorum ex bonis, &

ur-

(c) Joannem Quinque-Ecclesiensem Episcopum, & Joannem Rozgon Tavernicorum Magistrum.

urgentibus causis ire iussimus, ut apud Summum P. & etiam apud Illustrissimum Dominium Vestrum uti homo medius tam audita à Nobis, quàm visa apud Nos de conditione, & opportunitate rerum, de mente nostra, & de hostium conatu rectè, & ex ordine referat, & interpretetur. Quod quidem rebus omnibus non parùm conducere posse speramus. Datum Budæ 18. Die Mensis Februarii. 1465.

XLVIII.

ORATIO LEGATORUM
MATTHIÆ REGIS AD PONTIFICEM IN PUBLICA AUDIENTIA.

SI occupatam plurimis, & maximis negotiis Sanctitatem Tuam B. P. longiori & Nos sermone moraremur, plùs fortasse publicis commodis impediementi, quàm clementissimis auribus Tuis molestiæ ingereremus. Proinde causam adventûs nostri magnam illam quidem, & facundiæ capacissimam quàm succinctissimè proferemus. Cum Serenissimus Hungarorum Rex Mat-
★
thi

thias castris adversum Turcos æstate præterita jam motis inter ipsa Regni sui, & hostilis terræ confinia Pium Pontificem felicis memoriæ rebus humanis excessisse cognovisset, sanè pro eo, ac debuit, mœstus aliquamdiu, & animi dubius permanfit. Verebatur siquidem inter alia id potissimum, ne factum fidei ab illo Viro ingenti spiritu, & satis amplo conatu inchoatum tepesceret. Nesciebat, qua jam ulterius fiducia cœptam expeditionem prosequeretur eo, unde promissa expectabantur subsidia, qui belli sibi & suscipiendi gravissimus Author fuerat, & suscepti certissimus Adjutor fore sperabatur, extincto. Cùm interim longè jucundior fama insonuit Paulum II. Cognominis Petri Cathedram obtinuisse. Quo nuntio quasi vespertinum fletum matutina excipiente læticia discussere continuo spes metum, gaudia mœrorem, nec quisquam dubitavit speciali Spiritûs Sancti afflatu Ecclesiæ DEI de tali Pastore provisum, quem omnibus virtutum numeris præditum

tum olim summum Principem natura ipsa designâset, qui sapientiam, animi magnitudinem, & sanctum propositum factis magis præferret, quàm dictis. Sed hæc una, & communis erat cunctis gentibus exultandi ratio. At Regem nostrum cum universis pariter nostratibus etiam peculiaria quædam præterea exhilarabant. Sciebat quippe R. Tuam amplissima Venetiarum Urbe oriundam, & Patriæ, ut par est, amantissimam Cives suos, socios nostros, & eodem, quo Nos in discrimine sitos minimè deserturam. Meminerat benevolentiam quoque, quantis favoribus sacratissimæ recordationis Eugenius Papa IV. Prædecessor, & Propinquus Tuus Illustrum quondam Parentem suum Christiani tum populi in Turcos Ducem, ac totam gentem Pannonicam fuerit persecutus. (a)

I 2

am-

(a) Joannem Turcas debellantem Eugenius Iudabat, & stimulabat semper ad majora per Julianum Cardinalem. sed quia pacem cum Barbaro jurejurando firmatâ rumpere cõgitaſſet, & ſuâ ſine ſuaveſtâ Hungarorum clades, & Regis ipſius Uladiſlai ad Varnam interitus docuit fidem etiam infidelibus ſervandam eſſe.

ambigebat cognatam. Te erga Nos
& humanitatem, & liberalitatem
imitaturum, imò difficilior hodie
rerum conditio, & Tua singularis
benignitas B. P. qua ut omnes, ita
etiam Gentilem Tuum Pontificem
superasti, facile majora de Nepote
promittebant Filio, quàm præstitis-
set Avunculus Genitori. Hæc Re-
gem nostrum adhortabantur suo
erga S. T. & Sedem Apostolicam of-
ficio quàm primùm satisfacere.
Quod profectò & fecisset, nisi grä-
vi, & longinquo bello districtus ab-
fuisset. (b)

Ubi verò intractabile anni fidus,
& hyberna tempestas intermittere
coëgit militiam, nihil prius studu-
it, quàm honestissimo isto fidelium
Principum instituto perfungi. Pri-
mùm igitur B. T. dignitati tota men-
tis affectione gratulatur: commen-
dat se, & suos ad pedum oscula Bea-
torum: ac remotâ omnis conditio-
nis invidiâ Tibi tanquàm verò
Chri-

(b) Duobus annis prioribus Jaiczam Boznæ princeps forte-
litium & expugnavit, & defendit contra insulas Tar-
carum.

Christi Vicario tam suo, quàm Regni sui nomine puram, plenam, & Canonicam offert obedientiam è sinceritate animi, ac devotione, quam quondam Inclyti Progenitores sui R. Ecclesiæ, & ejus Pontificibus præstitisse dignoscuntur. Nam si veterum monumenta annalium evolvere otium Tibi esset P. B. invenires profectò nullos unquam Principes, nullos populos (pace aliorum dixerim) Apostolicæ Seditam obsequentes, tam deditos extitisse, quàm Ungaros, & Reges Ungarorum. Gentili adhuc errore Hunnorum natio tenebatur, cùm potentissimus ille Atila Venetam Provinciam ingressus, ac omnia Padum usque amnem ferrô, & igni populatus, obvium sibi Leonem Papam in tanta veneratione habuit, ut ejus monitis, & interventu omisso ad Urbem itinere confestim Italiâ excesserit. D. deinde Stephanus, qui primus nostros ad fidem Catholicam convertit circiter millesimum Dominicæ Incarnationis añum, cùm Imperatoris Henrici Gener, Soro-

riusque esset, maluit tamen Coronā Regiam à Romano petere Antistite, ac per hoc Regnum illud Sedi Apostolicæ devincire. Quem imitatus paulò post D. Ladislaus, cum illius temporis Pontifex pro recuperanda terra Sancta Crucem latè prædicasset, ipse pro Gothfrido (c) Hierosolymam Christianum exercitum duxisset, sed ejus mox propositum implevit Andreas, (d) qui superatis Saracenis, & adoratō Christi Sepulchrō non alia hostium præda, quàm Sanctorum Reliquiis onustus in Patriam revertit. Deficiente postmodum Regio femine ab Apostolica Sede Principem sibi Ungaria postulat, & accepit clarissimum Siciliæ Regem Carolum, ejus Filius, & Suc-

(c) Godefridus Bullionius sacra expeditionis Princeps Terram Sanctam à Barbaris vindicavit. Decreta illa fuit annò 1095. in Concilio Claromontano, quo eodem mortuus est S. Ladislaus. Oblatam huic Sancto Imperatoriam dignitatem referunt Scriptores nostri, verum, ut Turcius loquitur, non à Concilio; sed à Regibus Franciæ, & Angliæ missos fuisse Oratores, qui eum ad Imperium istud capeffendum invitarent.

(d) Andreas Rex inter reliqua loca Damiatam etiam expugnavit in hac expeditione. Exstant literæ Nobilitares Inclytæ Familiæ Palasthianæ ab hoc Rege collatæ, & his verbis subscriptæ: *Datum in monte Thabor, ubi Christus transfiguratus est.*

Successor Ludovicus Regnum Neapolitanum jure sanguinis ad se devolutum, & nihilominus armis post B. Petro Apostolo resignavit. Sigismundus porro Cæsar quanta in Constantiensi, ac deinde in Basileensi Concilio pro Martino, & Eugenio Pontificibus, & aliis pro Sacrosancta Ecclesia egerit, supersunt, qui experientiæ testimonium perhibere possunt. Ne singula percurrendo sim longior, semper Gens nostra, & Principes nostri hujus sacratissimæ Sedis auctoritatem longè plurimi fecerunt: & ad ejus nutum inter cætera pacem pariter, ac bellum temperârunt. Novissimè Illustris Gubernator Noster Joannes, cujus supra mentionem fecimus, cohortantibus, & assistentibus Legatis Apostolicis quàm sæpe cum Turco dimicavit, ac tandem magnò præliò victor inter ipsa trophæa sua triumphantem spiritum reddidit Creatori. (e) Parentis igitur sui, &

I 4

Præ-

(e) Mahometem cum ingenti clade repellit Belgrado 1456. Huniades, qui non multo post p[er]e vitâ functus est.

Prædecessorum suorum Regum sequens vestigia Serenissimus Rex Noster S. V. non eam tantum præstat obedientiam, quæ in cultu, & exhibenda reverentia, sed etiam quæ in parendo voluntati tuæ, & excipiendis mandatis tuis consistit. Et quia intelligit curam tuam Christianorum defensione, & Turcorum excidio intentam, omnes suas, & suorum fortunas, ac Regium insuper Caput ad hoc pollicetur; Te iubente, ac suffragante B. P. nihil non etiam arduissimum securè aggressurus. Suscipe ergo, & Paterno amore complectere unicum populo sibi subiecto devotissimum Filium Tuum Regem Nostrum Matthiam præsertim in iis, quæ pro grege Tibi commisso non minùs sublimi, quàm piò animò concepisti. Hæc est prima B. P. adventus nostri causa hodierno die breviter explicata. De iis, quæ multæ, & item magnæ restant parati sumus mox dicere loco, & tempore per T. B. assignandis.

Alc.

Alteram legationis nostræ partem hodierna die B. P. repetituri, & latius explicaturi advenimus. Ubi primum Serenissimus Rex noster de conditionibus inimici longâ experientiâ edoctus pro sua erga S. T. devotione admonet eandem: quòd si populum Christianum, cui Divina Vocatione præesse meruit, salvum esse vult, prout viribus, indiciis, & actibus præsefert, contra immanissimum Turcum provisiones cumprimis faciat opportunas. Solus quippe ille hostis Christianum opprimere nomen, & maximè potest propter vicinitatem, & vehementissimè affectat pro ambitione: nec quidquam aliud diebus, ac noctibus, etiam cùm otiosus videtur, cogitat, quemadmodum præterita ejus acta declarant, quàm ut huic desiderio suo faciat satîs. Qui cùm non solum præpotens sit in apparando, sed etiam assiduus in agendo: nemo ignorat, quid secuturum sit, nisi provideatur. Quis autem providebit melius, quàm Tu, cujus & natura est, ut velis, & officium, ut de-

beas, & facultas ut possis. Provi-
de igitur eo modo, quem Tua sum-
ma auctoritas, ac rerum magnitudo
requirit: & ea potissimum parte ho-
stem infestari procura, qua maximè
lædi potest. Non indiges, ut Nos
Tibi commemoremus terrane potiùs,
an mari aggrediendus sit? quantus-
ve copiarum numerus ad debellan-
dum existat necessarius? Haud Te
ista latent tam grandia, quem pro
sua Divina sapientia etiam minima
non fugiunt. Nostrium est, quæ
specialiter ad Nos pertinent declara-
re: duobus his præteritis annis In-
clytus Rex Noster magna auxilio-
rum spe ductus, demum à nemine ferè
adjutus propriis viribus non tam pro-
se, quàm pro omnibus bellum gessit:
inimici exercitus aliquoties fudit, ho-
stilè terram devastavit, Boznâ felici-
ter recepit, fortissimè servavit, ac mul-
ta alia Reip. Christianæ salutaria edi-
dit sui claritate longè notiora, quàm
ut à Nobis in præsentiarum debeant
enarrari. In his omnibus tam brevi
tempore plus laboris, & expensæ
sustinuit, quàm integrò quinquen-

niô ad privatam defensionem insum-
pisset. Nihilominus tamen memor
Paterni exempli, & sui debiti non
ignarus, omni conatu susceptum
prosequi negotium instituit, & tan-
tò quidem enixius, quantò abs Te
B. P. subsidia habuerit ampliora.
Quæ profectò si modò competentia
fuerint, non aliàs majorem fructum
parere poterunt. Rex quippe No-
ster proximis successibus sublimem
gerit animum, & Regnum hoc nunc
longè magis unitum, quàm antea.
Contrà Turcus est quidem ad vindi-
ctam sui, & ad propagandum Impe-
rium ardentissimus: sed certè ali-
quot jam non mediocribus plagis
attritum habet exercitum. Age er-
go B. P. oblatam Tibi bene gerendæ
rei occasionem amplectere, ac devo-
tum Filium Tuum Regem Ungariæ
in suo pio proposito adjuva: quod
quantò uberius feceris, tantò certior
victoria, & brevior erit impensa. Si
Nos negligentius ageremus, exhor-
tandi Tibi essemus, nunc priores
exhortamur. Si Nos omnino inva-
lidos cerneret, dubitare posses suf-
fra-

fragia Tua in vanum cessura: nunc, cum & ipsi aliquid possumus, certum est, quod auxilia Tua nostris viribus addita & gloriam S. T. sempiternam, & commisso Tibi Christiano populo salutem comparabunt.

XLIX.

ALTERA ORATIO AD EUN-
DEM PAPAM IN PRIVATA
AUDIENTIA.

Gratias agimus B. P. S. T. quam maximas animis nostris concipere possumus super eo, quod dignata est uno, & eodem die duplicem Nobis tam benignè largiri audientiam, & publicam videlicet, & privatam, quæ omnia non aliud Nobis innuunt, nisi votivam in omnibus, & celerem expeditionem. Nunc ergo alteram Legationis nostræ partem principalem, quæ est super facto fidei, breviter exponemus. Et quoniam præstamus hodie S. T. ex parte Serenissimi Regis Nostri obedientiam, ut eam re ipsa comprobemus, offerimus iterum, & ex integro ad mandata tua B. P. Regnum, facultates,

tates, personasque ejusdem Serenissimi Regis Nostri. Ipse quidem paratus est ad tuendos Christiani populi fines, & propulsandum communem inimicum, omniaque secundum voluntatem, jussionemque Tuam facienda: sed rogat S. T. consideret necessitates suas, consideret imminentis periculi magnitudinem, tantumque ei oneris imponat, quantum humeris sustinere potest: reliqua suo, cæterorumque subsidio suppleat: ut æquaris tandem nostrorum pariter, hostiumque viribus magis successus sperari, quam timeri discrimen possit. Duobus his præteritis annis Inclytus Rex N. magna auxiliorum spe ductus demum à nemine ferè adjutus propriis viribus non tam pro se, quàm pro omnibus bellum gessit: inimici exercitus aliquoties fudit, hostilem terram devastavit, Boznam feliciter recepit, fortissimè servavit, ac multa alia Reip. Christianæ salutaria reddidit sui claritate longè notiora, quàm ut à Nobis in præsentiarum debeant enarrari. In his omnibus tam brevi tempore
plus

plus laboris , & expensæ sustinuit ,
quàm integrò quinquenniò ad priva-
tam defensionem insumpsisset. Nunc
autem opulentissimus , & potentissi-
mus Turcus tantò magis se reficit ,
tantò magis vindictam parat. De-
nique nemo ignorat , quid secutu-
rum sit , nisi provideatur. Quis au-
tem providebit B. P. meliùs , quàm
Tu ? cujus & natura est , ut velis , &
officium , ut debeas , & facultas ut
possis. Neque enim inopem Te di-
cere fas est , qui tam multos quoti-
die ditas : qui cùm Coeli , & terræ
claves teneas , imperare omnibus po-
tes , ut conferatur. Provide igitur
tempestivè , quia periculum est in
mora. Turcus enim quantò magis
quiescere permittitur , tantò minùs
ipse quiescit. Non desideramus à
Te B. P. ut Sacrosanctum Caput
Tuum ventis , fluctibusque cõmittas ,
& præsentiâ tuâ Christianis auctorita-
tem augeas , animù minùs inimicis.
Ite autem jube ea parte , ac via , qua
maximè hostis tentat offendere , ibi-
que remedium magis adhibe : ubi
pestis amplius serpit , quod quantò
ube-

ubertius semel, bis, terque feceris, tantò certior victoria, & brevior erit impensa. Melius est, ut quod expensuri omnes essent paulatim ad defensionem suam, puta per annos decem, expendant largè per duos. aut tres ad offensionem inimici, excidiumque sempiternum. Posset fortassis ipse Rex N. & aliter sibi, Regnoque suo consulere, sed zelò fidei accensus, Tuàque benignitate fectus B. P. mavult ipse periclitari pro omnibus, quàm aliorum pericula spectare otiosus. Quòd si aliqua est Regio, unde Turcus magis cædi potest, quàm ex Ungaria, contentus est, ut eo conferantur subsidia. Si quis est Principum Christianorum, qui publicam defensionem suscipere velit, paratus est ipse illi præstare, quidquid abs Te petit, & optat. Si Regem N. invalidum cerneret, dubitare posses suffragia Tua in vanum cessura. Nunc cum & ipsi aliquid possumus, certum est, quod auxilia Tua nostris viribus addita & gloriam S. T. sempiternam, & commissio Tibi Christiano populo salutem comparabunt.

PRÆ.

PRÆLATI CUJUSDAM UN-
GARI^(a) AD CARDINALEM
QUENDAM.

R Everendissime Pater! Scio R. P.
V. pro sua in Dominum No-
strum Regem, & totam Nationem
Hungaricam Paterna benevolentia,
(b) semper desiderare prospera hinc
audire nova. Propterea significo,
quòd Regia Majestas tandem obti-
nuit id, quod obsidebat Castellum
(c) Bohmorum, qui ferè omnes erant
Hæretici, perièrunt eorum pugna-
cissimi, (d) & rei militaris peritissi-
mi, circiter duo millia, partim in
præliis cæsi, partim postea suspensi,
partim carceribus macerati. Cui ex-
peditioni & Persona Mea, & fami-
lia de more interfuit. Sed & antea
iidem

(a) Joannes Vitèxius fuerit, qui etiam jam Archi-Episcopus
Regem ferè sequebatur.

(b) Cardinalis S. Angeli videtur esse, qui peculiariter ab af-
fectu in Hungaros sæpe laudatur his Epistolis.

(c) Kostolan duobus milliaribus Tyrnaviâ dissitum Latro-
num receptaculum.

(d) Svehla lationum Princeps cum 250. sociis, & nefario
Sacerdote in furcam actus est; reliqui Budam secundo
omne deducti, & tursi, quæ manca appellatur, inclusi,
à Michaele Czobozio Arcis Præfecto sepeliri in Danubium
præcipientes acti perièrant.

iidem latrunculi de quinque Castellis fuerant ejecti, ità quod DEO dante postquam ego in hac Ecclesia sum, hæ Regni partes tutæ perstiterunt. Nunc sumus hìc in Congregatione Generali, (e) & tractamus nonnulla ad tranquillitatem, & defensionem Regni pertinentia, quæ R. P. V. citò cognoscat per Oratorem Regium mox venturum. Pax Domino Regi sæpe offertur à Turcis, sed hucusque operâ sanioris consilii res integra permansit. Non desit modò rebus fidei Summus Pontifex, poterunt agi multa utilia. Adversùs Regem Bohemiæ audimus quædam acta esse in Curia: sed rei ordinem adhuc ignoramus: cupimus certiùs edoceri, ut sciamus, qualiter in eo negotio Nos geramus. Ego & in hoc, & in aliis omnibus secundùm informationem, & consilium V. R. P. Me tenebo, cui imprimis & personam, & Ecclesiam meam commendo. R. P. V. DEUS fervet diu felicem. Datum 1465.

*

K

MAT.

(e) Conventum Szegedinensem innuit, in quo Oratore Romam destinati.

MATTHIAS REX AD MORAVOS QUOSDAM NOBILES. (a)

*Latrones Bohemos Hungariam infestantes
ab iis foveri queritur. Reddi præterea
iniquè detenta Budensium, & Pesthien-
sium bona postulat.*

INformati sumus, & jam dudum
pro certo scimus, quomodo
vos Castrum vestrum Zwethlo ho-
stibus nostris, & Regni nostri, qui
Fratres appellantur, tradidissetis sub
colore impignorationis: cùm tamen
ipsi Fratres propterea vobis nullam
unquam pecuniam dederint, nec
nunc dare possint; imò palàm est,
quod & nunc in eodem Castro Ca-
stellanus vester principaliter guber-
nat: in quo etiam captivi nostri præ-
ter omnem justitiam conservantur.
Unde miramur, quòd vos talia age-
re præsumperitis contra jus, & præ-
fertim

(a) Moravos hos nullubi nominatos reperio: suspicor ta-
men fuisse Henricum Lippa, Stephanum Eyczingerum,
& Matthæum Steinbergum, qui staternæ Societatis latro-
nes fuisse, & hospitio receperisse scribuntur à Bonfinio
Dec. 4. lib. 2.

ferim contra illas confœderationes,
& inscriptiones, quas Nos cum Re-
gno Bonemiæ habere scitis. Pro-
pterea hortamur, & requirimus vos,
quatenus ipsos Fratres Regni nostri,
& nostros hostes de præfato Castro,
vestro Zwethlo excludere, nec ul-
tra Nobis, & Subditis nostris damna
exinde inferre, seu inferri facere,
modum etiam tenere, ut captivi no-
stri exinde liberentur, quamprimum
debeat: alioquin Nos de remedio
cogitabimus opportuno. Bona in-
super Civium nostrorum Budensium,
& Pesthiensium per vos, seu in ter-
ris vestris arestata pacificè, & sinè
damno statim remittatis; nam si ali-
ter feceritis, commisimus Capita-
neo nostro de Szakolcza super vos
ea per modos requirero
congruentes. 1465.

FINIS.











